

॥ नमो तस्स भगवतो अरहतो सम्मासम्बुद्धस्स ॥

अभिधम्मपिटके

पञ्चपकरण-मूलटीका

धातुकथापकरण-मूलटीका

गन्थारम्भवणना

धातुकथापकरणं देसेन्तो भगवा यस्मिं समये देसेसि, तं समयं दस्सेतुं, विभङ्गानन्तरं देसितस्स पकरणस्स धातुकथाभावं दस्सेतुं वा “अट्टारसही”ति आदिमाह । तत्थ बलविधमनविसयातिक्कमनवसेन देवपुत्तमारस्स, अप्पवत्तिकरणवसेन किलेसाभिसङ्खारमारानं, समुदयप्पहानपरिज्जावसेन खन्धमारस्स, मच्चुमारस्स च बोधिमूले एव भञ्जितत्ता परूपनिस्सयरहितं निरतिसयं तं भञ्जनं उपादाय भगवा एव “मारभञ्जनो”ति थोमितो । तत्थ मारे अभञ्जेसि, मारभञ्जनं वा एतस्स, न परराजादिभञ्जनन्ति **मारभञ्जनो** । महाविककन्तो महावीरियोति **महावीरो** ।

खन्धादयो अरणन्ता धम्मा सभावट्ठेन धातुयो, अभिधम्मकथाधिट्ठानट्ठेन वाति कत्वा तेसं कथनतो इमस्स पकरणस्स धातुकथाति अधिवचनं । यदिपि अञ्जेसु च पकरणेसु ते सभावा कथिता, एत्थ पन तेसं सब्बेसं सङ्गहासङ्गहादीसु चुट्टससु नयेसु एकेकस्मिं कथितत्ता सातिसयं कथनन्ति इदमेव एवंनामकं । एकदेसकथनमेव हि अञ्जत्थ कतन्ति । खन्धायतनधातूहि वा खन्धादीनं अरणन्तानं सङ्गहासङ्गहादयो नया वुत्ताति तत्थ महाविसयानं धातूनं वसेन धातूहि कथा धातुकथाति एवं अस्स नामं वुत्तन्ति वेदितब्बं । द्विधा तिधा छधा अट्टारसधाति अनेकधा धातुभेदं पकासेसीति धातुभेदप्पकासनोति । तस्सत्थन्ति तस्सा धातुकथाय अत्थं । अ-कारे आ-कारस्स लोपो दट्ठब्बो । “यं धातुकथ”न्ति वा एत्थ पकरणन्ति वचनसेसो सत्तन्नं पकरणानं कमेन वण्णनाय पवत्तत्ताति तेन योजनं कत्वा तस्स पकरणस्स अत्थं तस्सत्थन्ति अ-कारलोपो वा । तन्ति तं दीपनं सुणाथ, तं वा अत्थं तंदीपनवचनसवनेन उपधारेथाति अत्थो । **समाहिताति** नानाकिच्चेहि अविक्खित्तचित्ता, अत्तनो चित्ते आहिताति वा अत्थो ।

गन्थारम्भवणना निट्ठिता ।

१. मातिकावण्णना

१. नयमातिकावण्णना

१. को पनेतस्स पकरणस्स परिच्छेदोति? न सो इध वत्तब्बो, **अट्टुसालिनि**यं (ध० स० अट्टु० निदानकथा) पकरणपरिच्छेदो वुत्तो एवाति दस्सेन्तो आह “**चुट्टसविधेन विभत्तन्ति वुत्त**”न्ति । खन्धादीनं देसना नीयति पवत्तीयति एतेहि, खन्धादयो एव वा नीयन्ति जायन्ति एतेहि पकारेहीति नया, नयानं मातिका उद्देसो, नया एव वा मातिकाति नयमातिका । एतेसं पदानं मूलभूतत्ताति “मूलमातिका”ति वत्तब्बानं सङ्गहासङ्गहादीनं चुट्टसन्नं पदानं

खन्धादिधम्मविभजनस्स इमस्स पकरणस्स मूलभूतत्ता निस्सयभूतत्ताति अत्थो।

२. अब्भन्तरमातिकावण्णना

२. “पञ्चखन्धा”तिआदीहि रूपक्खन्धादिपदानि दस्सितानि, पटिच्चसमुप्पादवचनेन च येसु द्वादससु अङ्गेषु पच्चेकं पटिच्चसमुप्पादसद्वो वत्तति, तदत्थानि द्वादस पदानि दस्सितानीति तेसं तथादस्सितानं सरूपेनेव दस्सितानं फस्सादीनञ्च पदानं वसेन आह “**पञ्चवीसाधिकेन पदसतेना**”ति। तत्थ कम्मपपत्तिकामभवादीनं इध विभत्तानं भावनभवनभावेन भवे विय सोकादीनं जरामरणस्स विय अनिट्ठा तन्निदानदुक्खभावेन च जरामरणे अन्तोगधताय पटिच्चसमुप्पादस्स द्वादसपदता दट्ठब्बा। एत्थ च पाळियं भिन्दित्वा अविस्सज्जितानम्पि सतिपट्टानादीनं भिन्दित्वा गहणं करोन्तो तेसं भिन्दित्वापि विस्सज्जितब्बतं दस्सेतीति वेदितब्बं।

नयमातिकादिका लक्खणमातिकन्ता मातिका पकरणन्तरासाधारणताय धातुकथाय मातिका नाम, तस्सा अब्भन्तरे वुत्तो विभजितब्बानं उद्देशो अब्भन्तरमातिका नामाति इममत्थं पकासेन्तो “**अयज्ही**”तिआदिमाह। तत्थ **एवं अवत्वाति** यथा “सब्बापि...पे०... मातिका”ति अयं धातुकथामातिकतो बहिद्वा वुत्ता, एवं अवत्वाति अत्थो। **धातुकथाय अब्भन्तरेयेवाति** च धातुकथामातिकाय अब्भन्तरेयेवाति अत्थो दट्ठब्बो। तदावेणिकमातिकाअब्भन्तरे हि ठपिता तस्सायेव अब्भन्तरे ठपिताति वुत्ता। अथ वा **एवं अवत्वाति** यथा “सब्बापि...पे०... मातिका”ति एतेन वचनेन धातुकथातो बहिभूता कुसलादिअरणन्ता मातिका पकरणन्तरगता वुत्ता, एवं अवत्वाति अत्थो। **धातुकथाय अब्भन्तरेयेवाति** च इमस्स पकरणस्स अब्भन्तरे एव सरूपतो दस्सेत्वा ठपितत्ताति अत्थो। सब्बस्स अभिधम्मस्स मातिकाय असङ्गहितत्ता विकिण्णभावेन **पकिण्णकता** वेदितब्बा।

३. नयमुखमातिकावण्णना

३. नयानं पवत्तिद्वारभूता सङ्गहासङ्गहवियोगीसहयोगीधम्मा नयमुखानीति तेसं उद्देशो **नयमुखमातिका**। चुदसपि हि सङ्गहासङ्गहसम्पयोगविष्ययोगानं वोमिस्सकतावसेन पवत्ताति येहि ते चत्तारोपि होन्ति, ते धम्मा चुदसन्नम्पि नयानं मुखानि होन्तीति। तत्थ सङ्गहितेनअसङ्गहितपदादीसु सच्चादीहिपि यथासम्भवं सङ्गहासङ्गहो यदिपि वुत्तो, सो पन सङ्गहाहकभूतेहि तेहि वुत्तो, न सङ्गहभूतेहि, सोपि “चक्खायतनेन ये धम्मा खन्धसङ्गहेन सङ्गहिता आयतनसङ्गहेन असङ्गहिता”तिआदिना पुच्छितब्बविस्सज्जितब्बधम्मद्वारे तत्थापि खन्धादीहेव सङ्गहेहि नियमेत्वा वुत्तो, तस्मा “**तीहि सङ्गहो, तीहि असङ्गहो**”ति वुत्तं। पुच्छितब्बविस्सज्जितब्बधम्मद्वारेपि पन पुच्छाविस्सज्जनेसु च रूपक्खन्धादीनं अरणन्तानं यथासम्भवं सम्पयोगविष्ययोगा चतूहेव खन्धेहि होन्तीति “**चतूहि सम्पयोगो, चतूहि विष्ययोगो**”ति वुत्तं।

ननु च विष्ययोगो रूपनिब्बानेहिपि होति, कस्मा “चतूहि विष्ययोगो”ति वुत्तन्ति? रूपनिब्बानेहि भवन्तस्सपि चतूहेव भावतो। न हि रूपं रूपेन निब्बानेन वा विष्ययुत्तं होति, निब्बानं वा रूपेन, चतूहेव पन खन्धेहि होतीति चतुन्नं खन्धानं रूपनिब्बानेहि विष्ययोगोपि विष्ययुज्जमानेहि चतूहि खन्धेहि नियमितो तेहि विना विष्ययोगाभावतो। सो चायं विष्ययोगो अनारम्मणस्स, अनारम्मणअनारम्मणमिस्सकेहि मिस्सकस्स च न होति, अनारम्मणस्स पन मिस्सकस्स च सारम्मणेन, सारम्मणस्स सारम्मणेन अनारम्मणेन मिस्सकेन च होतीति वेदितब्बो।

४. लक्खणमातिकावण्णना

४. सङ्गहोयेव सङ्गहनयो। सभागो। विसभागोति एतस्स “तीहि सङ्गहो, तीहि असङ्गहो”ति एतेन, “चतूहि सम्पयोगो, चतूहि विष्पयोगो”ति एतेनपि विसुं योजना कातब्बा। तेन सङ्गहो असङ्गहो च सभागो विसभागो च भावो, तथा सम्पयोगो विष्पयोगो चाति अयमत्थो विज्जायति। यस्स वा सङ्गहो च असङ्गहो च, सो धम्मो सभागो विसभागो च, तथा यस्स सम्पयोगो विष्पयोगो च, सोपि सभागो विसभागो चाति। तत्थ येन रूपक्खन्धो...पे०... मनोविज्जाणधातूति धम्मा गणनं गच्छन्ति, सो रुप्पनादिको समानभावो सङ्गहे सभागता, एकुप्पादादिको सम्पयोगे वेदितब्बो।

५. बाहिरमातिकावण्णना

५. एवं धातुकथाय मातिकतो बहि ठपितत्ताति “सब्बापि...पे०... मातिका”ति एतेन ठपनाकारेन बहि पिडितो ठपितत्ताति अत्थो। एतेन वा ठपनाकारेन कुसलादीनं अरणन्तानं इध अट्टपेत्वा धातुकथाय मातिकतो बहि पकरणन्तरमातिकाय इमस्स पकरणस्स मातिकाभावेन ठपितत्ता तथा पकासितत्ताति अत्थो।

सङ्गहो असङ्गहोतिआदीसु सङ्गहो एकविधोव, सो कस्मा “चतुब्बिधो”ति वुत्तोति? सङ्गहोति अत्थं अवत्वा अनिद्धारितत्थस्स सदस्सेव वुत्तत्ता। सङ्गहो असङ्गहोतिआदीसु सद्देसु सङ्गहसद्दो ताव अत्तनो अत्थवसेन चतुब्बिधोति अयज्हेत्थत्थो। अत्थोपि वा अनिद्धारितविसेसो सामज्जेन गहेतब्बतं पत्तो “सङ्गहो असङ्गहो”तिआदीसु “सङ्गहो”ति वुत्तोति न कोचि दोसो। निद्धारिते हि विसेसे तस्स एकविधता सिया, न ततो पुब्बेति। जातिसदस्स सापेक्खसदत्ता “जातिया सङ्गहो”ति वुत्ते “अत्तनो जातिया”ति विज्जायति सम्बन्धारहस्स अज्जस्स अवुत्तत्ताति जातिसङ्गहोति रूपकण्डे वुत्तो सजातिसङ्गहो वुत्तो होति।

एत्थ नयमातिकाय “सङ्गहो असङ्गहो, सम्पयोगो विष्पयोगो”ति इमे द्वे पुच्छितब्बविस्सज्जितब्बधम्मविसेसं अनिद्धारित्वा सामज्जेन धम्मानं पुच्छनविस्सज्जननयउद्देसा, अवसेसा निद्धारित्वा। “सङ्गहितेन असङ्गहित”न्ति हि “सङ्गहितेन असङ्गहितं असङ्गहित”न्ति वत्तब्बे एकस्स असङ्गहितसदस्स लोपो दट्ठब्बो। तेन सङ्गहितविसेसविसिद्धो यो असङ्गहितो धम्मविसेसो, तन्निस्सितो असङ्गहिततासङ्गातो पुच्छाविस्सज्जननयो उद्दिट्ठो होति, “सङ्गहितेना”ति च विसेसने करणवचनं दट्ठब्बं। एस नयो ततियादीसु दसमावसानेसु नयुद्देसेसु छट्ठवज्जेसु। तेसुपि हि वुत्तनयेन द्वीहि द्वीहि पदेहि पुच्छितब्बविस्सज्जितब्बधम्मविसेसनिद्धारणं कत्वा तत्थ तत्थ अन्तिमपदसदिसेन ततियपदेन पुच्छनविस्सज्जननया उद्दिट्ठाति। तत्थ चतुत्थपञ्चमेसु कत्तुअत्थे करणनिद्देसो, सत्तमादीसु च चतूसु सहयोगे दट्ठब्बो, न दुतियततियेसु विय समानाधिकरणे विसेसने। तत्थ हि सभावन्तरेन सभावन्तरस्स विसेसनं कतं, एतेसु धम्मन्तरेन धम्मन्तरस्साति। एकादसमादीसु पन चतूसु आदिपदेनेव धम्मविसेसनिद्धारणं कत्वा इतरेहि पुच्छनविस्सज्जननया उद्दिट्ठा। विसेसने एव चेत्य करणवचनं दट्ठब्बं। पुच्छाविस्सज्जनानज्हि निस्सयभूता धम्मा सङ्गहिततादिविसेसेन करणभूतेन सम्पयुत्तविष्पयुत्तादिभावं अत्तनो विसेसेन्तीति।

विकप्पतोति विविधकप्पनतो, विभागतोति अत्थो। सन्निट्ठानवसेनाति अधिमोक्खसम्पयोगवसेन। सन्निट्ठानवसेन वुत्ता च सब्बे च चित्तुप्पादा सन्निट्ठानवसेन वुत्तसब्बचित्तुप्पादा, तेसं साधारणवसेनाति एवमेत्थ अत्थो दट्ठब्बो। अधिमोक्खो हि सन्निट्ठानवसेन वुत्तानं चित्तुप्पादानं साधारणवसेन वुत्तो, इतरे सब्बेसन्ति। तत्थ साधारणा पसटा पाकटा चाति आदितो परिगगहेतब्बा, तस्मा तेसं सङ्गहादिपरिगगहत्यं उद्देसो कतो, असाधारणापि पन परिगगहेतब्बावाति तेसु महाविसयेन अज्जेसम्पि सङ्गहादिपरिगगहं दस्सेतुं अधिमोक्खो उद्दिट्ठो। “सन्निट्ठानवसेन वुत्ता”ति च धम्मसङ्गहवण्णनायं पटिच्चसमुप्पादविभङ्गे च वचनं सन्धाय वुत्तन्ति वेदितब्बं। सन्निट्ठानवसेन ये वुत्ता, तेसं सब्बेसं साधारणतोति पन अत्थे

सति साधारणासाधारणेषु वृत्तब्येसु यो असाधारणेषु महाविसयो अधिमोक्खो, तस्स वसेन वृत्तसब्बचित्तुप्पादसाधारणतो फस्सादयो सब्बसाधारणाति अधिमोक्खो च असाधारणेषु महाविसयोति कत्वा वृत्तो अज्जस्स तादिसस्स अभावाति अयमधिप्पायो दट्ठब्बो ।

जीवितिन्द्रियं पनेत्थ रूपमिस्सकत्ता न वृत्तन्ति वेदितब्बं, चित्तेकग्गता पन असमाधिसभावा सामज्जसद्देनेव सामज्जविसेससद्देहि च समाधिसभावा विसेससद्देवचनीयं अज्जं व्यापेतब्बं निवत्तेतब्बज्च नत्थीति अनज्जव्यापकनिवत्तकसामज्जविसेसदीपनतो तस्सेव धम्मस्स भेददीपकेहि वत्तब्बा, न सुखादिसभावा वेदना विय वृत्तलक्खणविपरीतेहि सामज्जविसेससद्देहेव, तस्मा “चित्तेकग्गता”ति अयं सामज्जसद्दो समाधिसभावे विसेससद्दनिरपेक्खो पवत्तमानो सयमेव विसेससद्दमापज्जित्वा असमाधिसभावमेव पकासेय्य, इतरो च समाधिसभावमेवाति द्विधा भिन्ना चित्तेकग्गता असाधारणा चेव अप्पविसया चाति इध उद्देसं न अरहति । अभिन्नापि वा फस्सादीनं विय पाकटत्ताभावतो अज्जधम्मनिस्सयेन वत्तब्बतो च सा जीवितज्च न अरहतीति न उद्दिट्ठाति ।

मातिकावण्णना निट्ठिता ।

२. निद्देसवण्णना

१. पठमनयो सङ्गहासङ्गहपदवण्णना

१. खन्धपदवण्णना

६. खन्धायतनधातुयोमहन्तरे अभिज्जेय्यधम्मभावेन वृत्ता, तेसं पन सभावतो अभिज्जातानं धम्मनं परिज्जेय्यतादिविसेसदस्सनत्थं सच्चानि, अधिपतियादिकचविसेसदस्सनत्थं इन्द्रियादीनि च वृत्तानीति सच्चादिविसेसो विय सङ्गहासङ्गहविसेसो च अभिज्जेय्यनिस्सितो वुच्चमानो सुविज्जेय्यो होतीति “तीहि सङ्गहो । तीहि असङ्गहो”ति नयमुखमातिका ठपिताति वेदितब्बा । एवज्च कत्वा “चतूही”ति वृत्ता सम्पयोगविप्पयोगा च अभिज्जेय्यनिस्सयेन खन्धादीहेव पुच्छित्वा विस्सज्जिताति । रूपक्खन्धो एकेन खन्धेनाति ये धम्मा “रूपक्खन्धो”ति वुच्चन्ति, तेसं पञ्चसु खन्धेषु रूपक्खन्धभावेन सभागता होतीति रूपक्खन्धभावसङ्घातेन, रूपक्खन्धवचनसङ्घातेन वा गणनेन सङ्गहं गणनं दस्सेति । तेनाह “यज्झि किज्जी”तिआदि । रूपक्खन्धोति हि सङ्गहितब्बधम्मो दस्सितो । येन सङ्गहेन सङ्गह्यति, तस्स सङ्गहस्स दस्सनं “एकेन खन्धेना”ति वचनं । पञ्चसु खन्धगणनेसु एकेन खन्धगणनेन गणितोति अयज्हेत्थ अत्थो । यस्मा च खन्धादिवचनेहि सङ्गहो वुच्चति, तस्मा उपरि “खन्धसङ्गहेन सङ्गहिता”तिआदिं वक्खतीति ।

असङ्गहनयनिद्देसेति इदं “सङ्गहो असङ्गहो”ति एतस्सेव नयस्स एकदेसनयभावेन वृत्तं, न नयन्तरतायाति दट्ठब्बं । रूपक्खन्धमूलकायेव चेत्थ दुक्तिकचतुक्का दस्सिताति एतेन वेदनाक्खन्धमूलका पुरिमेन योजियमाने विसेसो नत्थीति पच्छिमेहेव योजेत्वा तयो दुका द्वे तिका एको चतुक्को, सज्जाक्खन्धमूलका द्वे दुका एको तिको, सङ्खारक्खन्धमूलको एको दुकोति एते लब्भन्तीति दस्सेति । तेसं पन भेदतो पञ्चकपुच्छाविस्सज्जनानन्तरं पुच्छाविस्सज्जनं कातब्बं संखित्तन्ति दट्ठब्बं, वृत्तनयेन वा सक्का जातुन्ति पाळिं न आरोपितन्ति ।

आयतनपदादिवण्णना

४०. यस्मा च दुकतिकेसूति यदिपि एककेपि सदिसं विस्सज्जनं, एकके पन सदिसविस्सज्जनानं चक्खुन्द्रियसोतिन्द्रियसुखिन्द्रियादीनं दुकादीसु असदिसविस्सज्जनं दिट्ठं । न हेत्थ चक्खुसोतचक्खुसुखिन्द्रियदुकानं अज्जमज्जसदिसविस्सज्जनं, नापि दुकेहि तिकस्स, इध पन दुक्खसमुदयदुक्खमग्गदुकानं अज्जमज्जं तिकेन च सदिसं विस्सज्जनन्ति दुकतिकेस्वेव सदिसविस्सज्जनतं समुदयानन्तरं मग्गसच्चस्स वचने कारणं वदति ।

६. पटिच्चसमुप्पादवण्णना

६१. “पुच्छं अनारभित्वा अविज्जा एकेन खन्धेन, अविज्जापच्चया सङ्गारा एकेन खन्धेना”ति लिखितब्बेपि पमादवसेन “अविज्जा एकेन खन्धेना”ति इदं न लिखितन्ति दट्ठब्बं । सरूपेकसेसं वा कत्वा अविज्जावचनेन अविज्जाविस्सज्जनं दस्सितन्ति । **सब्बम्पि विपाकविज्जाणन्ति** एत्थ विपाकग्गहणेन विसेसनं न कातब्बं । कुसलादीनम्पि हि विज्जाणानं धातुकथायं सङ्गारपच्चयाविज्जाणादिपदेहि सङ्गहितता विप्पयुत्तेनसङ्गहितासङ्गहितपदनिद्देसे “विपाका धम्मा”ति इमस्स विस्सज्जनासदिसेन तेसं विस्सज्जनेन दस्सिता, इध च नामरूपस्स एकादसहायतनेहि सङ्गहवचनेन अकम्मजानम्पि सङ्गहितता विज्जायतीति ।

७१. जायमानपरिपच्चमानभिज्जमानानं जायमानादिभावमत्तत्ता जातिजरामरणानि परमत्थतो विनिब्भुज्जित्वा अनुपलब्धमानानि परमत्थानं सभावमत्तभूतानि, तानि रूपस्स निब्बत्तिपाकभेदभूतानि रूपनभावेन गय्हन्तीति रूपक्खन्धधम्मसभागानि, अरूपानं पन निब्बत्तिआदिभूतानि रूपकलापजातिआदीनि विय सहुप्पज्जमानचतुक्खन्धकलापनिब्बत्तिआदिभावतो एकेकभूतानि वेदियनसज्जाननविजाननेहि एकन्तपरमत्थकिच्चेहि अगय्हमानानि सङ्गताभिसङ्गरणेन अनेकन्तपरमत्थकिच्चेन गय्हन्तीति सङ्गारक्खन्धधम्मसभागानि, तथा दुविधानिपि तानि चक्खायतनादीहि एकन्तपरमत्थकिच्चेहि अगय्हमानानि निस्सत्तट्ठेन धम्मायतनधम्मधातुधम्मेहि सभागानि, तेन तेहि खन्धादीहि सङ्गय्हन्तीति “जाति द्वीहि खन्धेही”तिआदिमाह ।

पठमनयसङ्गहासङ्गहपदवण्णना निट्ठिता ।

२. दुतियनयो सङ्गहितेनअसङ्गहितपदवण्णना

१७१. सङ्गहितेनअसङ्गहितपदनिद्देसे यं तं उदेसे असङ्गहितताय पुच्छितब्बं विस्सज्जितब्बज्ज सङ्गहितताविसिट्ठं असङ्गहितं धम्मजातं निद्धारितं, तदेव ताव दस्सेन्तो “चक्खायतनेन ये धम्मा खन्धसङ्गहेन सङ्गहिता आयतनधातुसङ्गहेन असङ्गहिता”ति आह । सब्बत्थ खन्धादिसङ्गहसामज्जानं निच्चं विसेसापेक्खत्ता भेदनिस्सितत्ता च पुच्छाविस्सज्जनानं सविसेसाव खन्धादिगणना सुद्धा । तत्थ सङ्गहितेनअसङ्गहितवचनमत्तेन धम्मविसेसस्स निद्धारितत्ता तीसु सङ्गहेसु एकेन द्वीहि वा ये सङ्गहिता हुत्वा अज्जेहि असङ्गहिता, तेयेव धम्मा “खन्धसङ्गहेन सङ्गहिता आयतनधातुसङ्गहेन असङ्गहिता”ति एतकेनेव दस्सेतब्बा सियुं, तेसं पन एवंविधानं असम्भवा नयमातिकाय च अब्भन्तरबाहिरमातिकापेक्खत्ता उदेसेपि यं यं रूपक्खन्धादीसु अरणन्तेसु सङ्गाहकं, तं तं अपेक्खित्वा सङ्गहितेनअसङ्गहितं निद्धारितन्ति विज्जायतीति तेन तेन सङ्गाहकेन यथानिद्धारितं धम्मं नियमेत्वा दस्सेतुं “चक्खायतनेना”तिआदिमाह । यत्थ हि पुच्छितब्बविस्सज्जितब्बधम्मविसेसनिद्धारणं नत्थि, तस्मिं पठमनये छट्ठनये च पुच्छितब्बविस्सज्जितब्बभावेन, इतरेसु च यं यं पुच्छितब्बविस्सज्जितब्बं निद्धारितं, तस्स तस्स नियामकभावेन रूपक्खन्धादयो अरणन्ता उद्दिट्ठिता ।

तत्थ “चक्खायतनेन...पे०... फोडुब्बधातुया”ति कत्तुअत्थे करणनिद्देसो दट्टब्बो, “खन्धसङ्गहेन आयतनसङ्गहेन धातुसङ्गहेना”ति करणत्थे। एत्थ च येन येन सङ्गाहकेन खन्धादिसङ्गहेसु तेन तेन सङ्गहेतब्बासङ्गहेतब्बं अज्जं अत्थि, तं तदेव सङ्गाहकासङ्गाहकभावेन उद्धटं। रूपक्खन्धेन पन खन्धसङ्गहेन सङ्गहेतब्बो अज्जो धम्मो नत्थि, तथा वेदनाक्खन्धादीहि, न च सो एव तस्स सङ्गाहको असङ्गाहको वा होति। यज्ज “रूपक्खन्धो एकेन खन्धेन सङ्गहितो”ति वुत्तं, तज्ज न तस्सेव तेन सङ्गहितं सन्धाय वुत्तं, रूपक्खन्धभावेन पन रूपक्खन्धवचनेन वा गहितं सन्धाय वुत्तन्ति पकासितोयमत्थो।

यदि च सो एव तेन सङ्गहेय्य, सङ्गहितेनसम्पयुत्तविष्णयुत्तपदनिद्देसे — “वेदनाक्खन्धेन ये धम्मा खन्धसङ्गहेन सङ्गहिता आयतनसङ्गहेन सङ्गहिता धातुसङ्गहेन सङ्गहिता, ते धम्मा तीहि खन्धेहि एकेनायतनेन सत्तहि धातूहि सम्पयुत्ता”तिआदि वत्तब्बं सिया, न च वुत्तं, तस्मा यथा चित्तं चित्तेन सम्पयुत्तं विष्णयुत्तज्ज न होति, एवं रूपक्खन्धो रूपक्खन्धेन सङ्गहितो असङ्गहितो च न होति, तथा वेदनाक्खन्धादयो वेदनाक्खन्धादीहि। न हि सो एव तस्स सभागो विसभागो चाति। तेनेव न एकदेसा विय समुदायस्स, समुदायो एकदेसानं सङ्गाहको असङ्गाहको च। यथा रूपक्खन्धो चक्खायतनादीनं, धम्मायतनं वेदनाक्खन्धादीनं, सरणा धम्मा चतुन्नं खन्धानं। समुदायन्तो गधानज्जि एकदेसानं न विभागो अत्थि, येन ते समुदायस्स समुदायो च तेसं सभागो विसभागो च सियाति, तथा न समुदायो एकदेससभागविसभागानं सङ्गाहको असङ्गाहको च। यथा धम्मायतनं सुखुमरूपसभागस्स वेदनादिविसभागस्स च रूपक्खन्धेकदेसस्स खन्धसङ्गहेन, जीवितिन्द्रियं रूपारूपजीवितसभागविसभागस्स रूपक्खन्धेकदेसस्स सङ्खारक्खन्धेकदेसस्स च जीवितवज्जस्स खन्धसङ्गहेनेव। न हि एकदेससभागं समुदायसभागं, नापि एकदेसविसभागं समुदायविसभागन्ति, तस्मा सतिपि अत्ततो अत्तनि अन्तो गधतो अत्तेकदेससभागतो च अज्जस्स असङ्गाहकत्ते सङ्गाहकत्तमेव एतेसं नत्थि, येन सङ्गहितस्स असङ्गाहका सियुन्ति सङ्गाहकत्ताभावतो एव एवरूपानं अगगहणं वेदितब्बं।

यं पन “धम्मायतनं असङ्गत्तं खन्धतो ठपेत्वा चतूहि खन्धेहि सङ्गहित”न्ति (धातु० २५), “चक्खायतनज्ज सोतायतनज्ज एकेन खन्धेन सङ्गहित”न्ति (धातु० २६) च वुत्तं, न तेन एकदेसानं समुदायसङ्गाहकत्तं, समुदायस्स च एकदेससङ्गाहकत्तं दस्सेति, चतुक्खन्धगणनभेदेहि पन धम्मायतनस्स गणेतब्बागणेतब्बभावेन पज्जधा भिन्नतं, चक्खायतनादीनं एकक्खन्धगणनेन गणेतब्बताय एकविधतज्ज दस्सेति। सङ्गाहकासङ्गाहकनिरपेक्खानं गणेतब्बागणेतब्बानं तंतंगणनेहि गणनदस्सनमत्तमेव हि पठमनयो कम्मकरणमत्तसब्भावा, दुतियादयो पन सङ्गाहकासङ्गाहकेहि सङ्गहितासङ्गहितानं अगणनादिदस्सनानि कत्तुकरणकम्मत्तयसब्भावा। तथा पठमनये तथा तथा गणेतब्बागणेतब्बभावसङ्गातो तंतंखन्धादिभावाभावो सभागविसभागता, दुतियादीसु यथानिद्धारितधम्मदस्सने सङ्गाहकसङ्गहेतब्बानं समानक्खन्धादिभावो सभागता, तदभावो च विसभागता। पुच्छाविस्सज्जनेसु तंतंखन्धादिभावाभावो एवाति अयमेतेसं विसेसोति।

समुदयसच्चसुखिन्द्रियसदिसानि पन तेहि सङ्गहेतब्बमेव अत्थि, न सङ्गहितं असङ्गहेतब्बन्ति असङ्गाहकत्ताभावतो न उद्धटानि। दुक्खसच्चसदिसानि तेहि विसभागसमुदायभूतेहि अनेकक्खन्धेहि खन्धसङ्गहेन सङ्गहेतब्बं, इतरेहि असङ्गहेतब्बज्ज नत्थीति सङ्गाहकत्तासङ्गाहकत्ताभावतो। एवं सङ्गाहकत्ताभावतो असङ्गाहकत्ताभावतो उभयाभावतो च यथावुत्तसदिसानि अनुद्धरित्वा सङ्गाहकत्तासङ्गाहकत्ताभावतो चक्खायतनादीनेव उद्धटानीति वेदितब्बानि। तत्थ “चक्खायतनेन ये धम्मा खन्धसङ्गहेन सङ्गहिता”ति चक्खायतनवज्जा रूपधम्मा खन्धसङ्गहेन सङ्गहिताति वेदितब्बा, न रूपक्खन्धोति। न हि एकदेसो समुदायसङ्गाहकोति दस्सितमेतन्ति।

अट्टकथायं पन खन्धपदेनाति खन्धपदसङ्गहेनाति अत्थो, न सङ्गाहकेनाति । “केनचि सङ्गाहकेना”ति इदं पन आनेत्वा वत्तब्बं । तं पन रूपक्खन्धादीसु न युज्जतीति तं विस्सज्जनं रूपक्खन्धादीसु सङ्गाहकेसु न युज्जतीति अत्थो । रूपक्खन्धेन हि...पे... सङ्गहितोति एतेन नयेन चक्खायतनेन रूपक्खन्धोव सङ्गहितो, सो च अट्ठेकादसहि आयतनधातूहि असङ्गहितो नाम नत्थीति एवं चक्खायतनादीनिपि न गहेतब्बानीति आपज्जतीति चे? नापज्जति । न हि अज्जमत्तनिवारणं एवसद्दस्स अत्थो, अथ खो सङ्गाहकतो अज्जनिवारणं । सो चातिआदि च न निरपेक्खवचनं, अथ खो सङ्गाहकापेक्खन्ति । कथं? रूपक्खन्धेन हि रूपक्खन्धोव सङ्गहितोति यथा चक्खायतनेन चक्खायतनतो अज्जम्पि खन्धसङ्गहेन सङ्गहितं अत्थि, यं आयतनधातुसङ्गहेहि असङ्गहितं होति, न एवं रूपक्खन्धेन रूपक्खन्धतो अज्जं खन्धसङ्गहेन सङ्गहितं अत्थि, यं आयतनधातुसङ्गहेहि असङ्गहितं सिया, रूपक्खन्धेन पन रूपक्खन्धोव खन्धसङ्गहेन सङ्गहितोति अयज्हेत्थ अधिप्पायो युत्तो । सिया पनेतं “सो एव रूपक्खन्धो रूपक्खन्धेन आयतनधातुसङ्गहेहि असङ्गहितो होतू”ति, तं निवारेन्तो आह “सो च अट्ठेकादसहि आयतनधातूहि असङ्गहितो नाम नत्थी”ति । एत्थ च “रूपक्खन्धेना”ति आनेत्वा वत्तब्बं । तत्थ रूपक्खन्धो रूपक्खन्धस्स वा तदेकदेसानं वा चक्खादीनं आयतनधातुसङ्गहेहि सङ्गाहको असङ्गाहको च न होतीति इमिना परियायेन असङ्गहितताय अभावो वुत्तोति युज्जति, न रूपक्खन्धेन रूपक्खन्धस्स तदेकदेसानं वा अट्ठेकादसहि आयतनधातुसङ्गहेहि सङ्गहितताय । न हि सा सङ्गहितता अत्थि । यदि सिया, सङ्गहितेनसम्पयुत्तविप्पयुत्तपदनिदेसे रूपक्खन्धोपि उद्धरितब्बो सिया । तेन हि तीहिपि सङ्गहेहि रूपक्खन्धो तदेकदेसो वा सङ्गहिता सियुं, अत्थि च तेसं विप्पयुत्तताति ।

एवं असङ्गहितताय अभावतो एतानि, अज्जानि चाति एत्थापि चक्खायतनादीहि विय एतेहि अज्जेहि च सङ्गहितानं असङ्गहितताय अभावतो एतानि अज्जानि च यथा वा तथा वा एतानि विय अयुज्जमानविस्सज्जनत्ता एवरूपानि पदानि सङ्गाहकभावेन न गहितानीति अधिप्पायो ।

तत्थ यं वुत्तं “रूपक्खन्धेन हि रूपक्खन्धोव सङ्गहितो”ति, तं तेनेव तस्स सङ्गहितत्तासङ्गहितत्ताभावदस्सनेन निवारितं । यज्हेत्थ अग्गहणे कारणं वुत्तं, तज्ज सतिपि सङ्गहितत्ते असङ्गहितताय अभावतोति विज्जायमानं समुदयसच्चादीसु युज्जेय्य सति तेहि सङ्गहिते तदसङ्गहितत्ताभावतो । रूपक्खन्धादीहि पन सङ्गहितमेव नत्थि, कुतो तस्स असङ्गहितता भविस्सति, तस्मा सङ्गाहकत्ताभावो एवेत्थ अग्गहणे कारणन्ति युत्तं । सङ्गहितत्ताभावेन असङ्गहितत्तं यदिपि रूपक्खन्धादिना अत्तनो अत्तनि अन्तोगधस्स अत्तेकदेससभागस्स च नत्थि, अज्जस्स पन अत्थीति न दुक्खसच्चादीसु विय उभयाभावो चेत्थ अग्गहणे कारणं भवितुं युत्तोति । धम्मायतनजीवितिन्द्रियादीनञ्च खन्धचतुक्कदुकादिसङ्गाहकत्ते सति न तेसं सङ्गहितानं तेहि धम्मायतनजीवितिन्द्रियादीहि आयतनधातुसङ्गहेहि असङ्गहितता नत्थीति असङ्गहितताय अभावो अनेकन्तिको, तस्मा पुब्बे वुत्तनयेनेव अग्गहितानं अग्गहणे, गहितानञ्च गहणे कारणं वेदितब्बन्ति ।

अनिदस्सनं पुनदेव सप्पटिघन्ति एत्थ अनिदस्सनन्ति एतेन “सनिदस्सनसप्पटिघ”न्ति एत्थ वुत्तेन सप्पटिघसद्देन सिद्धिं योजेत्वा अनिदस्सनसप्पटिघा दस्सिता । पुनदेवाति एतेन तत्थेव अविसिद्धं सनिदस्सनपदं निवत्तेत्वा गणहन्तो सनिदस्सनदुक्कपदं दस्सेति । “चक्खायतनेन चक्खायतनमेवेकं सङ्गहित”न्ति इदं न सक्का वत्तुं । न हि “चक्खायतनेन चक्खायतनं आयतनसङ्गहेन सङ्गहित”न्ति च “असङ्गहित”न्ति च वत्तब्बन्ति दस्सितोयं नयोति । एवं सब्बत्थ तस्सेव समुदायेकदेसानञ्च सङ्गाहकसङ्गहितन्ति वचनेसु असङ्गाहकअसङ्गहितन्ति वचनेसु च तदवत्तब्बता योजेतब्बा । असङ्गाहकत्ताभावतो एव हि चक्खायतनादीनि चक्खायतनादीहि असङ्गहितानीति न वुच्चन्ति, न सङ्गाहकत्ताभावतोति ।

दुतियनयसङ्गहितेन असङ्गहितपदवण्णना निट्ठिता ।

३. ततियनयो असङ्गहितेनसङ्गहितपदवण्णना

१७९. असङ्गहितेनसङ्गहितपदनिद्वेसे रूपक्खन्धेन खन्धसङ्गहेन असङ्गहितेसु वेदनादीनं तिण्णं खन्धानं निब्बानस्स च सुखुमरूपेन सह आयतनधातुसभागत्ते सतिपि न सुखुमरूपमेव रूपक्खन्धोति रूपक्खन्धेन आयतनधातुसभागत्तं नत्थि, तस्मा न तेन तानि आयतनधातुसङ्गहेहि सङ्गहितानि । न केवलं सङ्गहितानेव, असङ्गहितानिपि तेन तानि तेहि सङ्गहेहि न होन्तेव तदेकदेसेन सुखुमरूपेन आयतनधातुसभागत्ता, सङ्गहिताभावो एव पन इधाधिप्पेतो, विज्जाणक्खन्धचक्खायतनादीहि पन असङ्गहिता न ते तेहि कथञ्चि सम्मिस्साति सब्बथा ते तेहि न सङ्गहिता । दुक्खसच्चादीहि च पञ्चक्खन्धसमुदायभूतेहि खन्धसङ्गहेन असङ्गहितं निब्बानं रूपक्खन्धेन विय आयतनधातुसङ्गहेहि सङ्गहितं तेहि न होति, तस्मा सङ्गाहकत्ताभावतो एव एवरूपानं असङ्गाहकभावेन अग्गहणं वेदितब्बं, सनिब्बानपञ्चक्खन्धसमुदायभूतानं पन अब्याकतधम्मादीनं असङ्गाहकत्ताभावतोव । न हि तं कञ्चि अत्थि, यस्स ते खन्धसङ्गहेन असङ्गाहका सियुं, न च अत्तनो एकदेसो अत्तेकदेससभागो च अत्तना असङ्गहितो होतीति अत्तना असङ्गहितसङ्गाहकत्ता पन वेदनाक्खन्धादीनं गहणं कतन्ति ।

यं पन अट्ठकथायं वुत्तं “ये धम्मायतनेन सङ्गहिता”ति, तं न सक्का वत्तुं । धम्मायतनेन हि न कोचि धम्मो केनचि सङ्गहेन सङ्गहितो अत्थि विसभागक्खन्धनिब्बानसमुदायत्ता, खन्धसङ्गहेन सयमेव अत्तनो सङ्गाहकं न होतीति आयतनधातुसङ्गहेहि च सङ्गाहकत्ताभावतोति दस्सितोयं नयोति एतस्स धम्मायतनगणनेन गणिताति अत्थो । यानि... पे०... गहितानीति एतेन विज्जाणसम्मिस्सं धम्मायतनेकदेसं दीपेन्तानि इद्धिपादादिपदानि, ओळारिकरूपसम्मिस्सं दीपेन्तानि रूपक्खन्धादिपदानि, सब्बेन सब्बं धम्मायतनं अदीपेन्तानि विज्जाणक्खन्धचक्खायतनादिपदानि, सकलधम्मायतनदीपकानि धम्मायतनादिपदानि च वज्जेत्वा धम्मायतनेकदेसं अज्जायतनेन असम्मिस्सं दीपेन्तानि गहितानीति दस्सेति ।

ततियनयसङ्गहितेनसङ्गहितपदवण्णना निट्ठिता ।

४. चतुत्थनयो सङ्गहितेनसङ्गहितपदवण्णना

१९१. सङ्गहितेनसङ्गहितपदनिद्वेसे यस्मा यथा दुतियततियनया तिण्णं सङ्गहानं सङ्गहणासङ्गहणप्पवत्तिविसेसेन “सङ्गहितेन असङ्गहितं, असङ्गहितेन सङ्गहितं”न्ति च उद्दिट्ठा, नेवं चतुत्थपञ्चमा । सङ्गहणप्पवत्तिया एव हि सङ्गहितेन सङ्गहितं उद्दिट्ठं, असङ्गहणप्पवत्तिया एव च असङ्गहितेन असङ्गहितन्ति, तस्मा सङ्गहणप्पवत्तिविसेसविरहे सङ्गहितधम्मासङ्गहितधम्मविसेसे निस्सिता एते द्वे नयाति एत्थ केनचि सङ्गहितेन धम्मविसेसेन पुन सङ्गहितो धम्मविसेसो सङ्गहितेन सङ्गहितो सङ्गहितताय पुच्छितब्बो विस्सज्जितब्बो च, तमेव ताव यथानिद्धारितं दस्सेन्तो “समुदयसच्चेन ये धम्मा खन्ध... पे०... सङ्गहिता, तेहि धम्मेहि ये धम्मा खन्ध... पे०... सङ्गहिता”ति आह । एत्थ च ये तीहिपि सङ्गहेहि न सङ्गाहका रूपक्खन्धविज्जाणक्खन्धधम्मायतनदुक्खसच्चादीनि विय, ये च द्वीहायतनधातुसङ्गहेहि असङ्गाहका चक्खायतनादीनि विय, ये च एकेन खन्धसङ्गहेनेव धातुसङ्गहेनेव च न सङ्गाहका वेदनादिक्खन्धनिरोधसच्चजीवितिन्द्रियादीनि विय चक्खुविज्जाणधातादयो विय च, ते धम्मा सङ्गाहकत्ताभावसम्भावा सङ्गाहकभावेन न उद्भट्टा, तीहिपि पन सङ्गहेहि ये सङ्गाहका, ते सङ्गाहकत्ताभावाभावतो इध उद्भट्टा । तेहि सङ्गहितापि हि

एकन्तेन अत्तनो सङ्गाहकस्स सङ्गाहका होन्ति, यस्स पुन सङ्गहो पुच्छितब्बो विस्सज्जितब्बो चाति ।

अट्ठकथायं पन सकलेन हि खन्धादिपदेनाति सकलवाचकेन रूपक्खन्धादिपदेनाति अत्थो । यं पनेतं वुत्तं “यं अत्तनो सङ्गाहकं सङ्गणित्वा पुन तेनेव सङ्गहं गच्छेय्या”ति, तं तेन खन्धादिपदेनाति एवं अयोजेत्वा तं अज्जं सङ्गहितं नाम नत्थीति एवं न सक्का वत्तुं । न हि येन यं सङ्गहितं, तेनेव तस्स सङ्गहो पुच्छितो विस्सज्जितो, न च तस्सेव, अथ खो तेन सङ्गहितस्साति । यथा वेदना सद्दो च खन्धो आयतनञ्च, न एवं सुखुमरूपं, तं पन खन्धायतनानं एकदेसोव, तस्मा “सुखुमरूपेकदेसं वा”ति अवत्वा “सुखुमरूपं वा”ति वुत्तं । सब्बत्थ च अज्जेन असम्मिस्सन्ति योजेतब्बं । यम्पि चेत्तं वुत्तं “तदेव येहि धम्मेहि खन्धादिवसेन सङ्गहितं, ते धम्मे सन्धाया”ति, तम्पि तथा न सक्का वत्तुं । न हि सङ्गहितेन सङ्गहितस्स सङ्गहितेन सङ्गहो एत्थ पुच्छितो विस्सज्जितो च, अथ खो सङ्गहोव, तस्मा एकेन खन्धेनाति एकेन खन्धगणनेनाति अयमेवेत्थ अत्थो, न सङ्गाहकेनाति । न हि एको खन्धो अत्तनो एकदेसस्स सङ्गाहकोति ।

चतुत्थनयसङ्गहितेनसङ्गहितपदवण्णना निड्डिता ।

५. पञ्चमनयो असङ्गहितेनअसङ्गहितपदवण्णना

१९३. असङ्गहितेनअसङ्गहितपदनिद्वेसेपि वुत्तनयेनेव यथानिद्धारितधम्मदस्सनं वेदितब्बं । एत्थ च ससुखुमरूपविज्जाणसहितधम्मसमुदाया ये ते दुक्खसच्चअनिदस्सनअप्पटिघअचेतसिकानुपादासदिसा सतिपि एकेन द्वीहि वा सङ्गहेहि केसज्जि असङ्गाहकत्ते तीहिपि असङ्गहेतब्बस्स अभावतो परिपुण्णसङ्गहासङ्गाहका न होन्ति, अब्बाकतधम्मसदिसा केनचि सङ्गहेन असङ्गहेतब्बभावतो असङ्गाहका एव न होन्ति, तेन ते असङ्गाहकभावेन न उद्धटा, इतरे पन तब्बिपरियायेन उद्धटाति ।

यं पन अट्ठकथायं “तादिसेन हि पदेन निब्बानं खन्धसङ्गहमत्तं न गच्छेय्या”ति वुत्तं, तं दुक्खसच्चं सन्धाय वुत्तं । अनिदस्सनअप्पटिघेसु पन असङ्गाहकेसु निब्बानं अन्तोगधं, न च तदेव तस्स असङ्गाहकन्ति । सदिसविस्सज्जनानं वसेन समोधानेत्वा कतेहि सङ्गिन्ति एवं कतेहि दुतियपञ्हादीहि सङ्गि पठमपञ्चनामरूपपञ्हादयो सब्बेपि चतुत्तिस होन्तीति अत्थो । यं पुच्छाय उद्धटं पदं, तदेवाति रूपक्खन्धादिविसेसकपदं वदति, न निद्धारिते पुच्छितब्बधम्मे । ते हि लक्खणतो दस्सिता, न पदेन सरूपतोति । तत्थ तदेवाति एव-सद्दो न तं कदाचि सङ्गहितेन असङ्गहितं न होतीति उद्धटस्सेव असङ्गहितेनअसङ्गहितभावे नियततं अज्जस्स च अनियततं दस्सेतीति वेदितब्बं । “तदेव येहि असङ्गहित”न्ति एत्थ हि “नियमतो”ति सक्का वचनसेसो योजेतुन्ति । अथ वा तदेवाति पुच्छाय उद्धटमेव एवंपकारमेव हुत्वा येहि असङ्गहितन्ति तस्स पुच्छाय उद्धटभावेन एवं असङ्गहितेनअसङ्गहितभावनियमनत्थो एव-सद्दो, न अज्जस्स असङ्गहितेनअसङ्गहिततानिवारणत्थोति दट्ठब्बो । पुच्छाय उद्धटज्हि अज्जसहितं असहितञ्च असङ्गहितेन असङ्गहितं होति । रूपक्खन्धादीनि हि अज्जसहितानि विज्जाणक्खन्धादीनि असहितानीति ।

अवसेसा सङ्गहिताति इदं अवसेसा असङ्गहिता न होन्तीति एवं दट्ठब्बं । तेहिपि विज्जाणधम्मेहि ते रूपधम्माव तीहि सङ्गहेहि असङ्गहिताति पुच्छाय उद्धटा तीहिपि सङ्गहेहि असङ्गाहका हुत्वा असङ्गहिताति अधिप्पायो । अनुद्धटा वेदनादयोपि हि असङ्गहिता एवाति । एत्थ च पठमे नये वेदनादयोपि विज्जाणेन असङ्गहिताति वुत्ता, दुतिये रूपधम्मावाति अयं विसेसो । वेदनादयो हि रूपविज्जाणेहेव खन्धादिसङ्गहेन असङ्गहिताति ओळारिकरूपेहि विज्जाणेन च तीहिपि सङ्गहेहि असङ्गहिताति अत्थो । रूपेकदेसो हि एत्थ रूपगहणेन गहितोति ।

१९६. चतुर्थपञ्चे चक्खायतनं वेदनादीहि चतूहीति एत्थ चक्खायतनन्ति एतेन पुच्छाय उद्धटं असङ्गाहकं दस्सेतीति दट्ठब्बं। चक्खायतनेन पन असङ्गाहितेन असङ्गाहितानि दस ओळारिकायतनानि न चक्खायतनमेवाति। “रूपञ्च धम्मायतन”न्तिआदिना येहि धम्मेहि तीहिपि सङ्गहेहि असङ्गाहितं तं विज्जाणमेव होति, असङ्गाहितेन तेन असङ्गाहितञ्च विज्जाणवज्जं सब्बं तेव धम्मे उदानेति। सदिसविस्सज्जना हि एकतो उदानेत्वा दस्सेतब्बा। तत्थ पठमेन रूपक्खन्धेन सदिसविस्सज्जनेसु एकतो उदानेत्वा दस्सितेसु अज्जे विसदिसविस्सज्जना नयदानेन दस्सिता होन्ति। तेनाह “रूपञ्च धम्मायतनन्ति...पे०... अज्जेनाकारेण सङ्घिपित्वा दस्सिता”ति। तत्थ द्वे भवाति असज्जेकवोकारभवा। द्वेति बाहिरुपादाधम्मे एव सन्धाय वुत्तं। येन असङ्गाहकेन असङ्गाहितेन असङ्गाहितं पुच्छितब्बं विस्सज्जितब्बञ्च परिच्छिज्जति, सो रूपक्खन्धादिको तस्स पुच्छाविस्सज्जनानञ्च निस्सयभावतो “विसयो”ति वुत्तो, यथादस्सितस्स पन उद्दानस्स नयदानमत्तत्ता “नयो”ति वुत्तं। “द्वेवीसनयो चा”तिपि पाठो, द्वेवीसपदिको एस नयो चाति अत्थो।

पञ्चमनयअसङ्गाहितेनअसङ्गाहितपदवण्णना निड्डिता।

६. छट्ठनयो सम्पयोगविष्ययोगपदवण्णना

२२८. सम्पयोगविष्ययोगपदे यं लब्धति, यञ्च न लब्धति, तं सब्बं पुच्छाय गहितन्ति इदं न रूपक्खन्धादीनि पदानि सन्धाय वुत्तं, अथ खो सम्पयोगपदं विष्ययोगपदञ्चाति वेदितब्बं। रूपक्खन्धादीसु हि यं धम्मायतनादिपदं न लब्धति, तं पुच्छायपि न गहितं। सम्पयोगपदं पन रूपक्खन्धादीसु अलब्धमानम्पि “रूपक्खन्धो कतिहि...पे०... सम्पयुत्तो”ति एवं पुच्छाय गहितं, वेदनाक्खन्धादीसु लब्धमानं, विष्ययोगपदं पन सब्बत्थ लब्धमानमेवाति। रूपधम्मानं पन रूपेण निब्बानेन वा, निब्बानस्स च रूपेण सङ्घि सम्पयोगो नाम नत्थीति एकुप्पादादिसभागताय अभावतो सम्पयोगं निवारन्तेन सा एव एकुप्पादादिता एतेसं विसभागताति तदभावतो विष्ययोगोपि निवारितो एव होतीति दट्ठब्बो। चतूसु हि खन्धेसु विज्जमाना एकुप्पादादिता तेसं अज्जमज्जं सभागता होति रूपनिब्बानेहि तेसं तेहि च रूपनिब्बानानं विसभागता च, न च रूपेकदेसस्स निब्बानस्स वा सा एकुप्पादादिता अत्थि, या रूपेकदेसेन रूपेकदेसनिब्बानानं निब्बानेन च रूपस्स विसभागता सिया। तेनेव “चतूहि विष्ययोगो”ति वुत्तन्ति।

सत्तसु विज्जाणधातूसु एकायपि अविष्ययुत्तेति यथा रूपभवो तीहि विज्जाणधातूहि, नेवविपाकनविपाकधम्मधम्मा पञ्चहि, अवितक्कअविचारा एकाय विष्ययुत्ते अनारम्मणमिस्सके धम्मे दीपेन्ति, एवं अदीपेत्वा एकायपि विष्ययुत्ते अहोन्ते सत्तहिपि सम्पयुत्ते सत्तपि वा ता दीपेन्तीति अधिप्पायो। अविष्ययुत्तेति हि ये विष्ययुत्ता न होन्ति, ते धम्मेति वुत्तं होति, न सम्पयुत्तेति। तेन यानि ताहि सम्पयुत्ते दीपेन्ति धम्मायतनादिपदानि, यानि च सम्पयुत्तविष्ययुत्तभावेहि नवत्तब्बं दीपेन्ति अचेतसिकादिपदानि, यानि च सम्पयुत्तनवत्तब्बानि दीपेन्ति दुक्खसच्चादिपदानि, तेसं सब्बेसं अनारम्मणमिस्सकधम्मदीपकानं अगगहणं वुत्तं होति। न हि अनारम्मणमिस्सकसब्बविज्जाणधातुतंसम्पयुत्ततदुभयसमुदायानं खन्धायतनधातूसु केनचि सम्पयोगो विष्ययोगो वा अत्थीति।

यदि एवं विष्ययुत्तेनविष्ययुत्तपदनिद्वेसे “कुसलेहि धम्मेहि ये धम्मा विष्ययुत्ता, तेहि धम्मेहि ये धम्मा विष्ययुत्ता”ति न वत्तब्बं। अकुसलाब्ध्याकता हि अनारम्मणमिस्सोभयधम्माति? न, यथावुत्तसमुदायानं खन्धादीहेव सम्पयोगविष्ययोगाभाववचनतो। खन्धादयो हि तदेकदेसा तदेकदेसज्जसमुदाया च, समुदायेकदेसानञ्च विभागाभावतो न सभागविसभागता अत्थि, तेन तेसं खन्धादीहि सम्पयोगविष्ययोगाभावो होति। कुसला पन धम्मा अकुसलाब्ध्याकतेहि

विभत्ता, ते च कुसलेहि, न तेसं समुदायेकदेसभावो तदेकदेसज्जसमुदायभावो वा, तस्मा खन्धादीनि अनामसित्वा विष्ययुत्ततामत्तेन यथानिद्धारितधम्मदस्सने कुसलेहि इतरेसं, इतरेहि च कुसलानं विष्ययोगो न न होति विसभागतासम्भावतोति तेसं अज्जमज्जविष्ययुत्तता वुत्ता । एस नयो सब्बेसु एवरूपेसु ।

उद्दाने पन अट्टारस ततो परेति इदं “सोळसा”ति वत्तब्बं, तेवीसन्ति इदज्ज “एकवीस”न्ति । सब्बत्थ च कालसन्तानभेदरहितारहितबहुधम्मसमोधानानं सङ्खारखन्धधम्मायतनधम्मधातूनं एकदेसा समुदयसच्चवेदनाखन्धादयो एकदेससम्मिस्सा च इद्धिपादादयो अनारम्मणेहि असम्मिस्सा रूपखन्धादयो च सारम्मणेहि असम्मिस्सा सम्पयोगीविष्ययोगीभावेन समानकालसन्तानेहि च एकदेसन्तरेहि विभत्ता एव गहिताति तेहि ते केहिचि एकदेसन्तरेहि विभत्तेहि यथायोगं सम्पयोगं विष्ययोगज्ज लभन्ति । अत्थि हि तेसं एकुप्पादादिता सभागता विसभागता चाति । तेन तत्थ तत्थ “एकेन खन्धेन एकेनायतनेन एकाय धातुया केहिचि सम्पयुत्त”न्ति च, “एकेनायतनेन एकाय धातुया केहिचि विष्ययुत्त”न्ति च वुत्तं । भिन्नकालसमुदाया एव पन वेदनासज्जाविज्जाणखन्धा वत्तमाना च एकेकधम्मा एव, तस्मा तेसं समानकालस्स विभजितब्बस्स अभावतो न सुखिन्द्रियादीनि वेदनाखन्धस्स विभागं करोन्ति, चक्खुविज्जाणधातादयो च विज्जाणखन्धस्स मनायतनस्स च । तेन “सुखिन्द्रियं एकेन खन्धेन केहिचि विष्ययुत्त”न्ति, “चक्खुविज्जाणधातु एकेन खन्धेन एकेनायतनेन केहिचि विष्ययुत्त”ति च एवमादि न वुत्तं, खन्धायतनविभागविरहितम्पि पन विज्जाणं धातुविभागेन विभत्तमेव वुत्तन्ति “चक्खुविज्जाणधातु... पे०... मनोविज्जाणधातु सोळसहि धातूहि विष्ययुत्ता”ति वुत्तं, एवमेवं इन्द्रियविभागेन विभत्तानं सुखिन्द्रियादीनं “सुखिन्द्रियेन ये धम्मा विष्ययुत्ता”ति आदीसु यथायोगं विष्ययोगो दट्ठब्बो, नाविभत्तस्स वेदनाखन्धस्साति ।

२३५. यथा तंसम्पयोगीभावं सन्धाय “समुदयसच्चं तीहि खन्धेहि सम्पयुत्त”न्ति वुत्तं, एवं तंविष्ययोगीभावं सन्धाय “तीहि खन्धेहि विष्ययुत्त”न्ति कस्मा न वुत्तन्ति चे? अविभागेहि तेहि विष्ययोगवचनस्स अयुत्तता । विभागे हि सति समुदयसच्चं सुखदुक्खदोमनस्सिन्द्रियेहि मनोविज्जाणधातुतो अज्जविज्जाणधातूहि विष्ययुत्तन्ति युत्तं वत्तुं विभागेनेव विसभागताय सङ्गहितत्ता, विभागरहितेहि पन वेदनाखन्धादीहि न युत्तं, तेहि विज्जमानेहि विज्जमानस्स समुदयस्स विसभागभावाभावतो । यज्झि अनुप्पन्ना धम्मा विय आमट्ठकालभेदं न होति सङ्खतं उद्धरितब्बं, तं पच्चुप्पन्नभावं निस्साय सम्पयोगीविष्ययोगीभावेन उद्धरीयति, तज्ज विभागरहितेहि खन्धादीहि सङ्खतेहि पच्चुप्पन्नभावमेव निस्साय अनामट्ठकालभेदे अत्थिताय एव निस्सितब्बत्ता । अविज्जमानस्स हि अविज्जमानेन, अविज्जमानस्स च विज्जमानेन, विज्जमानस्स च अविज्जमानेन सम्पयोगो नत्थि, विष्ययोगो पन अविज्जमानतादीपके भेदे गहिते तेनेव विसभागतापि गहिता एवाति होति । भेदे पन अगगहिते तेन तेन गहणेन विसभागताय अगगहितत्ता सति सभागत्ते विज्जमानताय एव धम्मनं सभागस्स परिच्छिन्दनतो विज्जमानता दस्सिताति एकुप्पादादिभावसङ्घाता सभागतापि गहिता एव होति । तस्सा च गहितत्ता सम्पयोगो लभति, न विष्ययोगो, तस्मा समुदयसच्चं वेदनाखन्धादीहि सम्पयुत्तत्तेन वुत्तं, न विष्ययुत्तत्तेनाति । एस नयो मगसच्चादीसुपीति ।

२६२. “दुतियज्झानविचारज्झि ठपेत्वा सेसा अवितक्कविचारमत्ता”ति अट्ठकथावचनं ये पधाना वितक्को विय कोट्टासन्तरचित्तुप्पादेसु अलीना, ते एव इध अवितक्कविचारमत्ताति अधिप्पेताति दस्सेति । तेनेव हि अनन्तरनये समुदयसच्चं समानगतिका न सवितक्कविचारेहीति ते न गहिता । दसमोसाननयेसु च तेहि विष्ययुत्तेहि विष्ययुत्तानं तेहि विष्ययुत्तानज्ज सोळसहि धातूहि विष्ययोगो अट्टारससङ्गहितो च वुत्तो । वितक्कसहितेसुपि पन तेसु गहितेसु सब्बेपि ते विचारेन सम्पयुत्ताति “एकेन खन्धेन केहिचि सम्पयुत्ता”ति सक्का वत्तुं । सो हि समुदायो विचारं वज्जेत्वा अज्जेन केनचि

सम्पयुक्तो न होति । न हि तदेकदेसस्स वितक्कस्स विचारतो अज्जेन सम्पयोगो समुदायस्स होति । यथा नानाचित्तुप्पादेसु उप्पज्जमानानं इद्धिपादानं समुदायस्स इद्धिपादस्स एकदेसानं तीहि खन्धेहि सम्पयोगो समुदायस्स न होति, एवमिधापि दट्ठब्बं । यथा पन तेसु एकोपि वेदनासज्जाक्खन्धेहि सङ्खारक्खन्धेकदेसेन च असम्पयुक्तो नाम नत्थीति समुदायस्स तेहि सम्पयुत्तता वुत्ता, एवमिधापि विचारेन असम्पयुत्तस्स अवितक्कविचारमत्तस्स कस्सचि अभावतो समुदायस्स तेन सम्पयुत्तता न न सक्का वत्तुं । न हि अवितक्कविचारमत्तानं दस्सनेनपहातब्बहेतुकादीनं विय सम्पयुत्तता न वत्तब्बा । यथा हि दस्सनेनपहातब्बहेतुकेसु केचि सङ्खारक्खन्धेकदेसेन मोहेन सम्पयुत्ता, केचि असम्पयुत्ताति न समुदायो तेन सम्पयुक्तो, नापि अज्जो कोचि धम्मो अत्थि, येन सो समुदायो सम्पयुक्तो सियाति “दस्सनेनपहातब्बहेतुका धम्मा सम्पयुत्ताति नत्थी”ति वुत्तं, एवं भावनायपहातब्बहेतुकसहेतुकादयोपि । न पनेवं येन अवितक्कविचारमत्तसमुदायो सम्पयुक्तो सिया, तं नत्थि अवितक्कविचारमत्तेसु कस्सचि विचारेन असम्पयुत्तस्स अभावा, तस्मा ते “सम्पयुत्ता”ति न न वत्तब्बाति । सब्बत्थ च एकधम्मोपि केहिचीति बहुवचननिद्देशो सङ्खाय अनियमितत्ता कतोति वेदितब्बो ।

छट्टनयसम्पयोगविष्ययोगपदवण्णना निट्ठिता ।

७. सत्तमनयो सम्पयुत्तेनविष्ययुत्तपदवण्णना

३०६. सम्पयुत्तेनविष्ययुत्तपदनिद्देशे रूपक्खन्धादयो तेहि सम्पयुत्ताभावतो न गहिता । समुदयसच्चादीनि सतिपि तेहि सम्पयुत्ते, सम्पयुत्तेहि च विष्ययुत्ते सम्पयुत्तेनविष्ययुत्तानं खन्धादीहि विष्ययोगाभावतो । न हि समुदयसच्चेन सम्पयुत्तेहि लोभसहगतचित्तुप्पादेहि विष्ययुत्तानं ततो अज्जधम्मनं खन्धादीसु केनचि विष्ययोगो अत्थि । ननु च ते एव चित्तुप्पादा चत्तारो खन्धा अट्ठदुतियाणि आयतनानि अट्ठदुतिया धातुयो च होन्तीति तेहि विष्ययोगो वत्तब्बोति? न, तदज्जधम्मनं खन्धादिभावतो । न हि ते एव धम्मा चत्तारो खन्धा, अथ खो ते च ततो अज्जे च, तथा अट्ठदुतियायतनधातुयोपि । न च तदज्जसमुदायेहि अज्जे विष्ययुत्ता होन्ति समुदायेकदेसानं एकदेसज्जसमुदायानज्ज विष्ययोगाभावतो । एस नयो मग्गसच्चसुखिन्द्रियादीसु । अवितक्कविचारमत्तेसुपि निरवसेसेसु अधिप्पेतेसु तेसं सवितक्कसविचारसमानगतिकत्ता अगगहणे कारणं न दिस्सति ।

अट्ठकथायं पन एवरूपानीति यथा रूपक्खन्धे विस्सज्जनं न युज्जति, एवं येसु अज्जेसुपि न युज्जति, तानि विस्सज्जनस्स अयोगेन “एवरूपानी”ति वुत्तानि, न सम्पयुत्ताभावेनाति दट्ठब्बं । यानि पन पदानि धम्मधातुया सम्पयुत्ते धम्मे दीपेन्तीति एतेन वेदनाक्खन्धादिपदानि दस्सेति, विज्जाणज्ज अज्जेन असम्मिस्सन्ति विज्जाणक्खन्धमनायतनादिपदानि । तत्थ अज्जेन असम्मिस्सन्ति असम्पयुत्तेन असम्मिस्सन्ति अत्थो । अदुक्खमसुखायवेदनायसम्पयुत्तपदानिपि हि सम्पयुत्तेहि सम्मिस्सविज्जाणदीपकानि इध गहितानीति । एतेन च लक्खणेन एवरूपानेव गहितानीति दस्सेति, न एवरूपानि गहितानेवाति समुदयसच्चादिइद्धिपादादिपदानं असङ्गहितत्ता । “अथ फस्ससत्तकं चित्तं सह युत्तपदेहि सत्ता”ति पुराणपाठो, अयं पन ऊनोति कत्वा “अथ फस्ससत्तकं, तिके तयो सत्त महन्तरे चा”ति पाठो कतो ।

३०९. पुच्छाय उद्धटपदेनेव सद्धिं विष्ययुत्तानं वसेनाति इदं पुच्छाय उद्धटपदेन सम्पयुत्तेहि विष्ययुत्ता तेन सद्धिं विष्ययुत्ता होन्तीति कत्वा वुत्तं । पाळिउद्धानगाथायं द्वे च मनेन युत्ता, वितक्कविचारणाति मनोधातुया एकन्तसम्पयुत्ता द्वे वितक्कविचाराति सवितक्कपदं सविचारपदज्ज दस्सेति ।

सत्तमनयसम्पयुत्तेनविष्पयुत्तपदवण्णना निड्डिता ।

८. अट्टमनयो विष्पयुत्तेनसम्पयुत्तपदवण्णना

३१७. विष्पयुत्तेनसम्पयुत्तपदनिद्वेसे रूपक्खन्धादीहि विष्पयुत्तेनसम्पयुत्तमेव यथानिद्वारितं नत्थीति “रूपक्खन्धेन ये धम्मा विष्पयुत्ता, तेहि धम्मोहि ये धम्मा सम्पयुत्ता”ति अवत्वा “रूपक्खन्धेन ये धम्मा विष्पयुत्ता, ते धम्मा कतिहि खन्धेहि...पे०... सम्पयुत्ताति नत्थी”ति वुत्तं । तेन रूपक्खन्धेन विष्पयुत्तानं केनचि खन्धादिना सम्पयोगाभावतो यथानिद्वारितं विष्पयुत्तेनसम्पयुत्तमेव नत्थि, कुतो तस्स पुन खन्धादीहि सम्पयुत्तताति दस्सेति ।

अट्टमनयविष्पयुत्तेनसम्पयुत्तपदवण्णना निड्डिता ।

९. नवमनयो सम्पयुत्तेनसम्पयुत्तपदवण्णना

३१९. सम्पयुत्तेनसम्पयुत्तपदवण्णनायं यंखन्धादिवसेनाति समासपदं इदं दट्ठब्बं, यस्स खन्धादिनो वसेनाति अत्थो । तस्सेवाति च तस्सेव खन्धादिनोति अत्थो । इदं वुत्तं होति — यं इध सम्पयुत्तं वुत्तं, तं रूपक्खन्धादीसु अरणन्तेसु येन वेदनाक्खन्धादिना सम्पयुत्तं, पुन तस्सेव वेदनाक्खन्धादिनो खन्धादीहि सम्पयोगं पुच्छित्वा विस्सज्जनं कतं । तज्झि अत्तना सम्पयुत्तेन सम्पयुत्तत्ता “सम्पयुत्तेन सम्पयुत्त”न्ति निद्वारितन्ति । रूपेन वाति एतेन निरोधसच्चअप्पच्चयअसङ्खतेहिपि अयोगो वुत्तो होतीति दट्ठब्बो, तथा रूपमिस्सकेहि वाति एतेन अनुपादिन्नअनुपादानियादीहि निब्बानमिस्सकेहिपि । वक्खति हि “निब्बानं पन सुखुमरूपगतिकमेवा”ति । सब्बारूपक्खन्धसङ्गाहकेहीति वत्तमानानमेव सम्पयोगो लब्धतीति वत्तमानेसु एकमि धम्मं अनपनेत्वा अविकलचतुक्खन्धसङ्गाहकेहि अरूपभवादीहीति अत्थो । अयं पनेत्थ सङ्खेपो — ये सम्पयोगं न लभन्ति रूपक्खन्धादयो, ते सब्बे न गहिता, इतरे च वेदनाक्खन्धादयो सब्बे गहिताति ।

नवमनयसम्पयुत्तेनसम्पयुत्तपदवण्णना निड्डिता ।

१०. दसमनयो विष्पयुत्तेनविष्पयुत्तपदवण्णना

३५३. विष्पयुत्तेनविष्पयुत्तपदनिद्वेसे अगगहितेसु धम्मायतनादिधम्मा अनारम्मणमिस्सकसब्बचित्तुप्पादगतधम्मभावतो तेहि विष्पयुत्तस्स अभावा न गहिता, दुक्खसच्चचतुमहाभवअब्बाकतादिधम्मा तेहि विष्पयुत्तेहि विष्पयुत्तानं खन्धादीहि विष्पयोगाभावतोति अयं विसेसो वेदितब्बोति ।

दसमनयविष्पयुत्तेनविष्पयुत्तपदवण्णना निड्डिता ।

११. एकादसमनयो सङ्गहितेनसम्पयुत्तविष्पयुत्तपदवण्णना

४०९. एकादसमनयवण्णनायं “ते च सेसेहि तीहि खन्धेहि एकेन मनायतनेन सत्तहि विज्जाणधातूही”ति एतेसं पदानं “सम्पयुत्ता नामा”ति एतेन सह सम्बन्धो । “केहिची”ति एतस्स पनत्थं दस्सेतुं “सङ्गारक्खन्धे धम्मायतनधम्मधातूसु च ठपेत्वा तण्ह”न्ति एतेन “ते चा”ति वुत्ते समुदयसच्चेन खन्धादिसङ्गहेन सङ्गहितधम्मे विसेसेत्वा तेसं एव विसेसितानं अत्तवज्जेहि सेसेहि सङ्गारक्खन्धे तण्हाय धम्मायतनधम्मधातूसु च तण्हाय वेदनासज्जाक्खन्धेहि सम्पयोगारहेहि सम्पयुत्ततं सन्धायाह “सेसेहि सम्पयुत्तत्ता केहिचि सम्पयुत्ता नामा”ति ।

एकादसमनयसङ्गहितेनसम्पयुत्तविष्युत्तपदवण्णना निट्ठिता ।

१२. द्वादसमनयो सम्पयुत्तेनसङ्गहितासङ्गहितपदवण्णना

४१७. द्वादसमनये च नवमनये विय सम्पयोगारहाव लब्भन्तीति आह “तेयेव उद्धटा”ति ।

द्वादसमनयसम्पयुत्तेनसङ्गहितासङ्गहितपदवण्णना निट्ठिता ।

१३. तेरसमनयो असङ्गहितेनसम्पयुत्तविष्युत्तपदवण्णना

४४८. तेरसमनयवण्णनायं येहि तीहिपि सङ्गहेहि असङ्गहितं विज्जाणमेव होति, ते पाळियं “रूपञ्च धम्मायतनं”न्तिआदिउद्दानगाथाय दस्सिता बावीस धम्मा “रूपक्खन्धेन सदिसपज्हा धम्मा”ति वुत्ता । येहि पन तीहिपि सङ्गहेहि असङ्गहितानि अरूपभवेन विय ओळारिकायतनानेव होन्ति, ते वुत्तावसेसा सब्बे इध उद्धटा “अरूपभवेन सदिसा”ति वुत्ता । सेसाति सेसा पञ्चमनये आगता वेदनाक्खन्धादयो सतिपि असङ्गाहकत्ते इध विस्सज्जनं न रुहन्तीति न उद्धटा । ये पन असङ्गाहका एव न होन्ति दुक्खसच्चादिधम्मा, तेसु वत्तब्बमेव नत्थि । यथा पन वेदनाक्खन्धादयो न रुहन्ति, तं दस्सेतुं “वेदनाक्खन्धेन ही”तिआदिमाह । तत्थ तेसञ्च सम्पयोगो नाम नत्थीति रूपारूपधम्मानं असम्पयोगेहि वोमिस्सताय सम्पयोगो नत्थीति अत्थो ।

यदि पन ते कदाचि असब्बविज्जाणधातुसम्पयुत्ता अरूपधम्मा रूपधम्मा च सियुं, न तेसं विष्ययोगो नत्थीति “विष्ययोगो च नत्थी”ति न वुत्तं, न वेदनाक्खन्धेन असङ्गहितानं विष्ययोगस्स अत्थितायाति वेदितब्बं । उभयाभावतो हि वेदनाक्खन्धादयो इध न रुहन्तीति । एवं पनेत्थ सिया “वेदनाक्खन्धेन हि खन्धादिवसेन अनारम्मणमिस्सका सत्तविज्जाणधातुधम्मा असङ्गहिता होन्ति, तेसञ्च सम्पयोगो विष्ययोगो च नत्थी”ति । अनारम्मणसहितानञ्चि सत्तविज्जाणधातूनं सत्तविज्जाणधातुसम्पयुत्तानं तदुभयधम्मानञ्च वेदनाक्खन्धादिविज्जाणक्खन्धादिचक्खायतनादीहि तीहिपि सङ्गहेहि असङ्गहितानं सम्पयोगविष्ययोगाभावो अरुहणे कारणं । जातिविष्ययोगभूमिकालसन्तानविष्ययोगतो चतुब्बिधो विष्ययोगो । तत्थ जातिविष्ययोगो “कुसला धम्मा, अकुसला धम्मा”तिआदि, भूमिविष्ययोगो “कामावचरा, रूपावचरा”तिआदि, कालविष्ययोगो “अतीता धम्मा, अनागता धम्मा”तिआदि, सन्तानविष्ययोगो “अज्झत्ता धम्मा, बहिद्धा धम्मा”तिआदि । एवं विष्ययोगो चतुधा वेदितब्बो ।

तेरसमनयसङ्गहितेनसम्पयुत्तविष्युत्तपदवण्णना निट्ठिता ।

१४. चुद्दसमनयो विष्युत्तेनसङ्गहितासङ्गहितपदवण्णना

४५६. चुद्दसमनये धम्मायतनादीनं अनारम्मणमिस्सकसब्बचित्तुप्पादगतधम्मभावतो विष्ययोगस्स अरुहणं दट्ठब्बं । जातिआदित्तयस्स चेत्य धम्मसभावमत्तत्ता न कथञ्चि सम्पयोगो विष्ययोगो च रुहति अज्झत्तबहिद्धधम्मानं सत्तधम्मसमोधानत्ता, अनिदस्सनअप्पटिघादीनं अनारम्मणमिस्सकसब्बचित्तुप्पादत्ता । दुक्खसच्चादिधम्माव इध तेहि विष्ययुत्तानं सङ्गहासङ्गहसम्भावा गहिताति ।

पाळिउद्दानगाथायं समुच्छेदे न लब्भन्तीति परियोसाने नये न लब्भन्तीति अत्थो । मोघपुच्छकेन चाति अलब्भमाना

च ते मोघपुच्छकेन हेतुना न लब्धन्ति तेसं पुच्छाय मोघत्ताति वुत्तं होति । अथ वा **मोघपुच्छको** अट्टमो नयो, तेन च सह ओसाननये एते धम्मा विप्पयोगस्सपि अभावा सब्बथापि न लब्धन्तीति अत्थो ।

चुद्धसमनयविप्पयुत्तेनसङ्गहितासङ्गहितपदवण्णना निट्ठिता ।

धातुकथापकरण-मूलटीका समत्ता ।

पुग्गलपञ्जत्तिपकरण-मूलटीका

१. मातिकावण्णना

१. धम्मसङ्गहे तिकदुकवसेन सङ्गहितानं धम्मानं विभङ्गे खन्धादिविभागं दस्सेत्वा तथासङ्गहितविभत्तानं धातुकथाय सङ्गहासङ्गहादिप्पभेदं वत्वा याय पञ्जत्तिया तेसं सभावतो उपादाय च पञ्जापनं होति, तं पभेदतो दस्सेतुं “**छ पञ्जत्तियो**”तिआदिना पुग्गलपञ्जत्ति आरब्धा । तत्थ ये धम्मे पुब्बापरियभावेन पवत्तमाने असभावसमूहवसेन उपादाय “पुग्गलो, इत्थी, पुरिसो, देवो, मनुस्सो”तिआदिका **पुग्गलपञ्जत्ति** होति, तेसं अञ्जेसञ्च बाहिररूपनिब्बानानं ससभावसमूहससभावभेदवसेन पञ्जापना सभावपञ्जत्तीति **खन्धपञ्जत्ति**आदिका पञ्चविधा वेदितब्बा । ताय धम्मसङ्गहादीसु विभत्ता **सभावपञ्जत्ति** सब्बापि सङ्गहिता होति । पुग्गलपञ्जत्ति पन **असभावपञ्जत्ति** । ताय च समयविमुत्तादिप्पभेदाय सत्तसन्तानगते परिञ्जेय्यादिसभावधम्मे उपादाय पवत्तितो पधानाय “विहारो मञ्चो”तिआदिका च सब्बा **असभावपञ्जत्ति** सङ्गहिता होति ।

एत्तावता च पञ्जत्ति नाम विज्जमानपञ्जत्ति अविज्जमानपञ्जत्ति च । ता एव हि वोमिस्सा इतरा चतस्सोति । तस्मा तासं दस्सनेन इमस्मिं पकरणे सब्बा पञ्जत्तियो दस्सिताति वेदितब्बा । खन्धादिपञ्जत्तीसु पन छसु अञ्जत्थ अदस्सितप्पभेदं इधेव च दस्सितप्पभेदं पुग्गलपञ्जत्ति उपादाय इमस्स पकरणस्स **पुग्गलपञ्जत्तीति** नामं वुत्तन्ति वेदितब्बं । **ये धम्मे इध पञ्जपेतुकामोति** पञ्जत्तिया वत्थुभावेन दस्सेतुकामोति अधिप्पायो । न हि एतस्मिं पकरणे पञ्जापनं करोति, वत्थूहि पन पञ्जत्तियो दस्सेतीति ।

खन्धाति पञ्जापनाति इदं खन्धाति रूपं पथवीतिआदिका सब्बापि सामञ्जस्यभेदपञ्जापना नाम होति, तं सन्धाय वुत्तन्ति दट्ठब्बं । **पञ्जापनाति** एतस्स पन **दस्सना ठपनाति** एते द्वे अत्था, तेसं **पकासना निक्खिपनाति** । तत्थ “रूपक्खन्धो...पे०... अज्जाताविन्द्रियं समयविमुत्तो”तिआदिना इदमेवंनामकं इदमेवंनामकन्ति तंतंकोट्टासिककरणं बोधनमेव निक्खिपना, न पञ्जपेतब्बानं मञ्चादीनं विय ठानसम्बन्धकरणं । यो पनायं “नामपञ्जत्ति हि दस्सेति च ठपेति चा”ति कत्तुनिद्वेसो कतो, सो भावभूताय करणभूताय वा नामपञ्जत्तिया तेसं तेसं धम्मानं दिट्ठताय ठपितताय च तंनिमित्ततं सन्धाय कतोति वेदितब्बो ।

विज्जमानपञ्जत्तीतिआदिना वचनेन पाळियं अनागततं सन्धाय “**पाळिमुत्तकेना**”तिआदिमाह । **कुसलाकुसलस्सेवाति** कुसलाकुसलस्स विय । **विज्जमानस्साति** एतस्स अत्थो सतोति, तस्स अत्थो **सम्भूतस्साति** । **विज्जमानस्स सतोति** वा विज्जमानभूतस्साति अत्थो । तमेवत्थं दस्सेन्तो आह “**सम्भूतस्सा**”ति । तेन अविज्जमानभावं पटिक्खिपति । **तथा अविज्जमानस्साति** यथा कुसलादीनि अकुसलादिसभावतो, फस्सादयो च वेदनादिसभावतो

विनिवत्तसभावानि विज्जन्ति, तथा अविज्जमानस्स ये धम्मो उपादाय “इत्थी, पुरिसो”ति उपलब्धिं होति, ते अपनेत्वा तेहि विनिवत्तस्स इत्थिआदिसभावस्स अभावतो असम्भूतस्साति अत्थो। यं पनेतस्स “तेनाकारेन अविज्जमानस्स अज्जेनाकारेन विज्जमानस्सा”ति अत्थं केचि वदन्ति, तत्थ यं वत्तब्बं, तं पज्जत्तिदुके वुत्तमेव। अविज्जमानेपि सभावे लोकनिरुत्तिं अनुगन्त्वा अनभिनिवेसेन चित्तेन “इत्थी, पुरिसो”ति गहणसम्भावा “लोकनिरुत्तिमत्तसिद्धस्सा”ति आह। साभिनिवेसेन पन चित्तेन गहमानं पञ्चमसच्चादिकं न सभावतो, नापि सङ्केतेन सिद्धन्ति “सब्बाकारेनपि अनुपलब्धनेय्य”न्ति वुत्तं। तासु इमस्मिं...पे०... लब्धन्तीति इमस्मिं पकरणे सरूपतो तिस्सन्नं आगततं सन्धाय वुत्तं।

यथावुत्तस्स पन अट्ठकथानयस्स अविरोधेन आचरियवादा योजेतब्बा, तस्मा पञ्जपेतब्बट्टेन चेसा पञ्जत्तीति एतस्स सभावतो अविज्जमानत्ता पञ्जपेतब्बमत्तट्टेन पञ्जत्तीति अत्थो। पञ्जपेतब्बमि हि ससभावं तज्जपरमत्थनामलाभतो न परतो लभितब्बं पञ्जत्तिनामं लभति, निसभावं पन सभावाभावतो न अत्तनो सभावेन नामं लभतीति। सत्तोतिआदिकेन नामेन पञ्जपितब्बमत्तट्टेन पञ्जत्तीति नामं लभति, निसभावा च सत्तादयो। न हि ससभावस्स रूपादीहि एकत्तेन अज्जत्तेन वा अनुपलब्धसभावता अत्थीति।

किरीटं मकुटं, तं अस्स अत्थीति किरीटी। एतस्मिञ्च आचरियवादे अनूनेन लक्खणेन भवितब्बन्ति सब्बसमोरोधो कातब्बो। दुतियं ततियन्ति एवंपकारा हि उपनिधापज्जत्ति उपनिक्खित्तकपज्जत्ति च सङ्घातब्बप्पधानत्ता छपि पज्जत्तियो भजतीति युत्तं वत्तुं, इतरा च यथायोगं तं तं पज्जत्तिन्ति। दुतियं ततियं द्वे तीणीतिआदि पन सङ्घा नाम काचि नत्थीति तासं उपादासन्ततिपज्जत्तीनं अविज्जमानपज्जत्तिभावं, इतरासञ्च उपनिधापज्जत्तीनं यथानिदस्सितानं अविज्जमानेनअविज्जमानपज्जत्तिभावं मज्जमानो आह “सेसा अविज्जमानपक्खञ्चेव अविज्जमानेनअविज्जमानपक्खञ्च भजन्ती”ति। दुतियं ततियं द्वे तीणीतिआदीनं उपनिधाउपनिक्खित्तकपज्जत्तीनं अविज्जमानेनअविज्जमानपज्जत्तिभावमेव मज्जति। यज्हि पठमादिकं अपेक्खित्वा यस्स चेकादिकस्स उपनिक्खित्वा पज्जापीयति, तञ्च सङ्घानं किञ्चि नत्थीति। तथा सन्ततिपज्जत्तिया च। न हि असीति आसीतिको च विज्जमानोति।

एकच्चा भूमिपज्जत्तीति कामावचरादिपज्जत्तिं सन्धायाह। कामावचरादी हि सभावधम्माति अधिष्पायो। कामोति पन ओकासे गहिते अविज्जमानेनविज्जमानपज्जत्ति एसा भवितुं अरहति, कम्मनिब्बत्तक्खन्धेसु गहितेसु विज्जमानेनविज्जमानपज्जत्ति। यथा पन वचनसङ्घाताय वचनसमुद्गापकचेतनासङ्घाताय वा किरियाय भाणकोति पुग्गलस्स पज्जत्ति विज्जमानेनअविज्जमानपज्जत्तिपक्खं भजति, एवं किसो थूलोति रूपायतनसङ्घातेन सण्ठानेन पुग्गलादीनं पज्जापना विज्जमानेनअविज्जमानपज्जत्ति भवितुं अरहति। सण्ठानन्ति वा रूपायतने अगहिते अविज्जमानेनअविज्जमानपज्जत्ति। रूपं फस्सोतिआदिका पन विज्जमानपज्जत्ति रूपनादिकिच्चवसेन किच्चपज्जत्तियं, पच्चत्तधम्मनामवसेन पच्चत्तपज्जत्तियं वा अवरोधेतब्बा। विज्जमानाविज्जमानपज्जत्तीसु च वुत्तासु तासं वोमिस्सतावसेन पवत्ता इतरापि वुत्तायेव होन्तीति अयमि आचरियवादो सब्बसङ्गाहकोति दट्ठब्बो।

२. “यावता पञ्चक्खन्धा”तिआदिकस्स अत्थं दस्सेन्तो “यत्तकेन पज्जापनेना”तिआदिमाह। तत्थ यावता पञ्चक्खन्धाति यावता रूपक्खन्धो...पे०... विज्जाणक्खन्धोति खन्धानं खन्धपज्जत्ति, एत्तावता खन्धानं खन्धपज्जत्ति, एवं पाळियोजनं कत्वा सङ्खेपप्पभेदवसेन अयं अत्थो वुत्तोति वेदितब्बो। “यावता पञ्चक्खन्धा”ति, “खन्धानं खन्धपज्जत्ती”ति हि इमस्स अत्थो “यत्तकेन पज्जापनेन सङ्खेपतो पञ्चक्खन्धाति वा”ति एतेन दस्सितो, “यावता रूपक्खन्धो”तिआदिकस्स पन “पभेदतो रूपक्खन्धो”तिआदिकेनाति। तत्थ रूपक्खन्धो...पे०... विज्जाणक्खन्धोति

पभेदनिदस्सनमत्तमेतं । तेन अवुत्तोपि सब्बो सङ्गहितो होतीति “तत्रापि रूपखन्धो कामावचरो”ति आदि वुत्तं । अयं वा एत्थ पाळिया अत्थयोजना — “यावता”ति इदं सब्बेहि पदेहि योजेत्वा यत्तका पञ्चखन्धा, तत्तका खन्धानं खन्धपञ्जति । यत्तको पञ्चन्नं खन्धानं तप्पभेदानञ्च रूपखन्धादीनं पभेदो, तत्तको खन्धानं खन्धपञ्जत्तिया पभेदोति पकरणन्तरे वुत्तेन वत्थुभेदेन खन्धपञ्जत्तिया पभेदं दस्सेति । एस नयो “यावता आयतनान”न्ति आदीसुपि ।

७. एकदेसेनेवाति उद्देसमत्तेनेवाति अत्थो ।

मातिकावण्णना निट्ठिता ।

२. निद्देसवण्णना

१. एककनिद्देसवण्णना

१. ज्ञानङ्गानेव विमोक्खोति इमिना अधिप्पायेनाह “विमोक्खसहजातेन नामकायेना”ति । येन हि सद्धिन्ति आदिना पठमं समङ्गिभावत्थं विवरति । फस्सेनपि फुट्टायेव नामाति एतेन “अपिचेसा”ति आदिना वुत्तं दुतियं सम्फस्सेन फुसनत्थं, इतरेहि इतरे कारणत्थे । समङ्गिभावफुसनकारणभावा हि फुसनाति वुत्ताति । पुनपि पठमत्थमेव दुब्बिज्जेय्यत्ता विवरन्तो “तत्रास्सा”ति आदिमाह । ठपेत्वा तानि अङ्गानि सेसा अतिरेकपण्णासधम्माति एत्थ वेदनासोमनस्सिन्द्रियानि सङ्गहितानीति आह “चत्तारो खन्धा होन्ती”ति । एवं सति वेदनासोमनस्सिन्द्रियेहि सुखस्स फुसितब्बत्ता तिण्णञ्च तेसं अनञ्जत्ता तेनेव तस्स फुसना आपज्जतीति? नापज्जति, वेदयिताधिपतियद्देहि उपनिज्झायनभावपटिलाभस्स वुत्तत्ता । अथ वा ठपेत्वा तानि अङ्गानीति अङ्गानं बहुत्ता बहुवचनं । तेसु पन पच्चेकम्पि योजना कातब्बा “वितक्कं ठपेत्वा”ति आदिना । तत्थ “सुखं ठपेत्वा”ति इमिस्सा योजनाय सेसा तयो खन्धा होन्ति, इतरासु चत्तारोति । सब्बयोजनासु च तयो अन्तो कत्वा “चत्तारो खन्धा होन्ती”ति वुत्तं ।

२. यो असमयविमोक्खेन एकच्चेहि आसवेहि विमुत्तो असमयविमोक्खूपनिस्सयलाभेन च सातिसयेन समयविमोक्खेन, सो एव समयविमुत्तो । सो हि तेन विमुत्तो ज्ञानलाभी सेक्खो रूपारूपभवतो अपुनरावट्टको कामरागादीहि तथाविमुत्तोव होतीति समयविमुत्तपञ्जत्तिं लद्धुं अरहति । पृथुज्जनो पन ज्ञानलाभी पुनरावट्टकधम्मो पुन कामरागादिसमुदाचारभावतो विमुत्तो नाम न होतीति समयविमुत्तपञ्जत्तिं नारहति, तेन सो “समयविमुत्तो”ति न वुत्तो । अरहतो पन अपरिक्खीणा आसवा नत्थि, यतो विमुच्चेय्य । दिट्ठधम्मसुखविहारमत्ता हि तस्स अट्ठ विमोक्खाति । तस्मा तस्स न अट्ठ विमोक्खा समयविमुत्तपञ्जत्तिभावस्स असमयविमुत्तपञ्जत्तिभावस्स वा कारणं । तदकारणभावमेव दस्सेतुं “न हेव खो...पे०... विहरती”ति वुत्तं, न सुक्खविपस्सकस्सेव असमयविमुत्तभावं दस्सेतुन्ति दट्ठब्बं । सब्बोपि हि अरहा असमयविमुत्तोति । बाहिरानन्ति लोकुत्तरतो बहिभूतानं, लोकियानन्ति अत्थो ।

३. अरूपखन्धनिब्बानमत्तवाचको अरूपसद्दो न होतीति दस्सनत्थं “रूपतो अञ्ज”न्ति आदि वुत्तं । चित्तमञ्जूसन्ति समाधिं । अभिज्जादीनज्झि धम्मानं पादकभावेन समाधि मञ्जूसासदिसो होति । अद्धानं फरितुन्ति दीघकालं व्यापेतुं, पवत्तेतुन्ति अत्थो । “सम्मज्जितब्ब”न्ति चिन्तेत्वा तत्थ आदरस्स अकतत्ता वत्तभेदोति वेदितब्बो । एवं वत्तभेदमत्तेन नट्ठा पन समापत्ति कामच्छन्दादीहि नट्ठा विय न किञ्चेन पच्चाहरितब्बा होति मन्दपारिपन्थकत्ता, तस्मा वत्तसमितकरणमत्तेनेव पच्चाहरितब्बत्ता “अप्पेन्तोव निसीदी”ति आह ।

४. अत्तनो अनुरूपेण पमादेन वीतिनामेन्तानमि समापत्तिं न कुप्पतीति परिहीनो नाम न होति, तस्मिं तस्मिं ब्यासङ्गे पटिसंहटमत्ते समापज्जितुं समत्थतायाति अधिप्पायो । “किस्स पन, भन्ते, खीणासवस्स भिक्खुनो लाभसक्कारसिलोको अन्तरायायाति? या हिस्स सा, आनन्द, अकुप्पा चेतोविमुत्ति, नाहं तस्सा लाभसक्कारसिलोकं अन्तरायाय वदामि । ये च ख्वस्स, आनन्द, अप्पमत्तस्स आतापिनो पहितत्तस्स विहरतो दिट्ठधम्मसुखविहारा अधिगता, तेसाहमस्स लाभसक्कारसिलोकं अन्तरायाय वदामी”ति सुत्ते (सं० नि० २.१७९) पन समयेन समयं आपज्जेनेन परिहरितब्बानं समापत्तिसुखविहारानं तस्मिं तस्मिं ब्यासङ्गकाले अनिप्फत्तितो लाभसक्कारसिलोको अन्तरायाति वुत्तोति अधिप्पायेनस्स तेन अविरोधो वेदितब्बो ।

५. धम्मानं...पे०... पीति एत्थ “धम्मोही”ति वत्तब्बं । इध हि ताहि समापत्तीहि परिहायेय्याति धम्मोहि पुग्गलस्स परिहानमि अपरिहानमि वुत्तं । तत्थ च पुग्गलस्स पमादमागम्म ता समापत्तियो कुप्पेय्युन्ति धम्मानं कुप्पनं अकुप्पनञ्च वुत्तं, पुग्गलस्स पन परिहानधम्मानमेव विनासोति वचननानत्तमत्तेन वचनत्थनानत्तमत्तेन वा परियायन्तरता वुत्ताति दट्ठब्बा ।

७-८. चेतना समापत्तिचेतना तदायूहना च । अनुरक्खणा समापत्तिउपकारानुपकारपरिग्गाहिका पज्जासहिता सति । ताहि चेतियमानानुरक्खियमानसमापत्तीनं भब्बा चेतनाभब्बा अनुरक्खणाभब्बा ।

१०. पुथुज्जनगोत्तन्ति पुथुज्जनसिक्खं, पुथुज्जनगता तिस्सो सिक्खा अतिक्कन्ताति अत्थो । ता हि संयोजनत्तयानुपच्छेदेन “पुथुज्जनसिक्खा”ति वुच्चन्तीति ।

११. अरहत्तमग्गट्ठो च वट्ठभयतो पज्जुब्बेगेन उब्बिज्जन्तो उद्धम्भागियसंयोजनेहि उपरतोति भयूपरतो नामाति आह “सत्त सेक्खा भयूपरता”ति ।

१२. भवङ्गपज्जाविरहिता “विपाकावरणेन समन्नागता”ति इमिना गहिताति तिहेतुकपटिसन्धिका केचि “दुप्पज्जा”ति इमिना गय्हन्तीति दस्सेन्तो आह “अप्पटिलद्धमग्गफलूपनिस्सया”ति । पज्जाय हि विना न तदुपनिस्सयो अत्थीति ।

१४. यत्थ नियतानियतवोमिस्सा पवत्ति अत्थि, तत्थेव नियतधम्मा होन्तीति उत्तरकुरूसु तदभावा नियतो नाम नत्थीति दस्सेन्तो “या पन उत्तरकुरूकान”न्तिआदिमाह ।

१६. तेरससु सीसेसु पलिबोधसीसादीनि पवत्तसीसञ्च परियादियितब्बानि, अधिमोक्खसीसादीनि परियादकानि, परियादकफलं गोचरसीसं । तज्झि विसयज्जत्तफलविमोक्खोति । परियादकस्स मग्गस्स फलस्स च आरम्भणं सङ्खारसीसं सङ्खारविवेकभूतो निरोधोति परियादियितब्बानं परियादकफलारम्भणानं सह विय संसिद्धिदस्सनेन समसीसिभावं दस्सेतुं पटिसम्भिदायं (पटि० म० १.८७) तेरस सीसानि वुत्तानि । इध पन “अपुब्बं अचरिमं आसवपरियादानञ्च होति जीवितपरियादानञ्चा”ति वचनतो तेसु किलेसपवत्तसीसानमेव वसेन योजनं करोन्तो “तत्थ किलेससीस”न्तिआदिमाह । तत्थ पवत्तसीसमि वट्ठतो वुट्ठहन्तो मग्गो चुत्तितो उद्धं अप्पवत्तिकरणवसेन यदिपि परियादियति, याव पन चुत्ति, ताव पवत्तिसम्भावतो “पवत्तसीसं जीवितिन्द्रियं चुत्तिचित्तं परियादियती”ति आह । किलेसपरियादानेन पन अत्तनो अनन्तरं विय निप्फादेतब्बा पच्चवेक्खणवारा च किलेसपरियादानस्सेव वाराति वत्तब्बतं अरहन्ति । “विमुत्तस्मिं विमुत्तमिति जाणं होती”ति (म० नि० १.७८; सं० नि० ३.१२, १४) वचनतो हि पच्चवेक्खणपरिसमापनेन किलेसपरियादानं समापितं नाम

होति । तं पन परिसमापनं यदि चुतिचित्तेन होति, तेनेव जीवितपरिसमापनञ्च होतीति इमाय वारचुतिसमताय किलेसपरियादानजीवितपरियादानानं अपुब्बाचरिमता होतीति आह “**वारसमताया**”ति । **भवङ्गं ओतरित्वा परिनिब्बायतीति** एत्थ परिनिब्बानचित्तमेव भवङ्गोत्तरणभावेन वुत्तन्ति दट्ठब्बं ।

१७. महापयोगोति महाकिरियो विपत्तिकरणमहामेघुट्टानाकारविनासो । **तिट्ठेय्याति** विनासो नप्पवत्तेय्याति अत्थो ।

१८. अरणीयत्ताति पयिरुपासितब्बत्ता ।

२०. याय कतकिच्चता होति, ताय अग्गविज्जाय अधिगताय तेविज्जताभावो निप्परियायता, सा च आगमनवसेन सिद्धा सातिसया तेविज्जताति आह “**आगमनीयमेव धुर**”न्ति ।

२२. तत्थ चाति निमित्तत्थे भुम्मं, सब्बञ्जुतञ्जाणप्पत्तिया आधारभावे वा । तत्थेव हि सब्बञ्जुतं पत्तो नाम होतीति ।

२३. अननुस्सुतेसु धम्मसूति च अननुस्सुतेसु सच्चेसूति अत्थो ।

२४. “रूपी रूपानि पस्सती”ति आदिके (म० नि० २.२४८; ३.३१२; पटि० म० १.२०९; ध० स० २४८) निरोधसमापत्तिअन्ते अट्ठ विमोक्खे वत्त्वा “यतो खो, आनन्द, भिक्खु इमे अट्ठ विमोक्खे कायेन फुसित्वा विहरति, पज्जाय चस्स दिस्वा आसवा परिकखीणा होन्ति । अयं वुच्चति, आनन्द, भिक्खु उभतोभागविमुत्तो”ति यदिपि महानिदानसुत्ते वुत्तं, तं पन उभतोभागविमुत्तसेट्ठवसेन वुत्तन्ति इध कीटागिरिसुत्तवसेन सब्बउभतोभागविमुत्तसङ्गहत्थं “**अट्ठ समापत्तियो सहजातनामकायेन पटिलभित्वा विहरती**”ति आह । कीटागिरिसुत्ते हि “इध, भिक्खवे, एकच्चो पुगगलो ये ते सन्ता विमोक्खा अतिक्कम्म रूपे आरुप्पा, ते कायेन फुसित्वा विहरति, पज्जाय चस्स दिस्वा आसवा परिकखीणा होन्ति । अयं वुच्चति, भिक्खवे, पुगगलो उभतोभागविमुत्तो”ति (म० नि० २.१८२) अरूपसमापत्तिवसेन चत्तारो उभतोभागविमुत्ता वुत्ता, उभतोभागविमुत्तसेट्ठो च वुत्तलक्खणोपपत्तितोति । कायसक्खिम्हिपि एसेव नयो ।

पज्जाय चस्स दिस्वा आसवा परिकखीणा होन्तीति न आसवा पज्जाय पस्सन्ति, दस्सनकारणा पन परिकखीणा दिस्वा परिकखीणाति वुत्ता । दस्सनायत्तपरिकखयत्ता एव हि दस्सनं पुरिमकिरिया होतीति । **नामनिस्सितको एसोति** एसो उभतोभागविमुत्तो रूपतो मुच्चित्त्वा नामं निस्साय ठितो पुन ततो मुच्चनतो “नामनिस्सितको”ति वत्त्वा तस्स च साधकं सुत्तं वत्त्वा “कायद्वयतो सुविमुत्तत्ता उभतोभागविमुत्तो”ति आहाति अत्थो । सुत्ते हि आकिञ्चज्जायतनलाभिणो उपसीवब्राह्मणस्स भगवता नामकाया विमुत्तोति उभतोभागविमुत्तोति मुनि अक्खातोति ।

पठमत्थेरवादे द्वीहि भागेहि विमुत्तो उभतोभागविमुत्तो, **दुतियत्थेरवादे** उभतो भागतो विमुत्तोति उभतोभागविमुत्तोति, **ततियत्थेरवादे** द्वीहि भागेहि द्वे वारे विमुत्तोति अयमेतेसं विसेसो । तत्थ **विमुत्तोति** किलेसेहि विमुत्तो, किलेसविकखम्भनसमुच्छेदनेहि वा कायद्वयतो विमुत्तोति अत्थो दट्ठब्बो । **अरूपावचरं पन नामकायतो च विमुत्तन्ति** नीवरणसङ्घातनामकायतो विमुत्तन्ति वुत्तं होति । तज्जि नीवरणदूरीभावेन नामकायतो रूपतण्हाविकखम्भनेन रूपकायतो च विमुत्तत्ता एकदेसेन उभतोभागविमुत्तं नाम होतीति अरहत्तमगगस्स पादकभूतं उभतोभागविमुत्तनामलाभस्स कारणं भवितुं युत्तन्ति अधिप्पायो ।

२५. एतेसु हि एकोपि अट्ठविमोक्खलाभी न होतीति उभतोभागविमुत्तभावस्स कारणभूतं रूपकायतो विमुत्तं

एकम्पि विमोक्खं अनधिगतोति अधिप्पायो। अरूपावचरेसु हि एकम्पि अधिगतो उभतोभागविमुत्तभावकारणपटिलाभतो अट्ठविमोक्खेकदेसेन तेन तंनामदाने समत्थेन “अट्ठविमोक्खलाभी” त्वेव वुच्चति। तेनाह “अरूपावचरज्झानेसु पना”तिआदि।

२६. फुट्टन्तं सच्छिकरोतीति फुट्टानं अन्तो फुट्टन्तो, फुट्टानं अरूपावचरज्झानानं अनन्तरो कालोति अधिप्पायो। अच्चन्तसंयोगे चेत्य उपयोगवचनं दट्ठब्बं। फुट्टानन्तरकालमेव सच्छिकरोति सच्छिकातब्बोपायेनाति वुत्तं होति। “एकमन्तं निसीदी”तिआदीसु (दी० नि० १.१६५) विय भावनपुंसकं वा एतं। यो हि अरूपज्झानेन रूपकायतो नामकायेकदेसतो च विक्खम्भनविमोक्खेन विमुत्तो, तेन निरोधसङ्घातो विमोक्खो आलोचितो पकासितो विय होति, न पन कायेन सच्छिकतो। निरोधं पन आरम्भणं कत्वा एकच्चेसु आसवेसु खेपितेसु तेन सो सच्छिकतो होति, तस्मा सो सच्छिकातब्बं निरोधं यथाआलोचितं नामकायेन सच्छिकरोतीति **कायसक्खी**ति वुच्चति, न तु विमुत्तोति एकच्चानं आसवानं अपरिक्खीणत्ता।

२७. दिट्ठत्ता पत्तोति एतेन चतुसच्चदस्सनसङ्घाताय दिट्ठिया निरोधस्स पत्ततं दीपेति। “दिट्ठन्तं पत्तो”ति वा पाठो, दस्सनसङ्घातस्स सोतापत्तिमग्गजाणस्स अनन्तरं पत्तोति वुत्तं होति। पठमफलतो पट्टाय हि याव अग्गमग्गा दिट्ठिपत्तोति।

२८. इमं पन नयं “नो”ति पटिक्खपित्वाति एत्थ दिट्ठिपत्तसद्भावविमुत्तभावप्पत्तानं पज्जानानत्तं वुत्तं, न पन येन विसेसेन सो विसेसो पत्तो, सो वुत्तोति इमं दोसं दिस्वा पटिक्खेपो कतोति दट्ठब्बो। **आगमडुकथासूति** च वचनेन आगमनीयनानत्तसन्निट्ठानमेव थिरं करोतीति वेदितब्बं। **सद्वहन्तो विमुत्तोति** एतेन सब्बथा अविमुत्तस्सपि सद्दामत्तेन विमुत्तभावं दस्सेति। **सद्भावविमुत्तोति** वा सद्भाय अधिमुत्तोति अत्थो।

२९. पज्जं वाहेतीति पज्जं सातिसयं पवत्तेतीति अत्थो। **पज्जा इमं पुग्गलं वहतीति** निब्बानाभिमुखं गमेतीति अत्थो।

३१. एवं मग्गक्खणेपीति अयं अपि-सद्वो कस्मा वुत्तो, ननु अरियेन अट्ठङ्गिकेन मग्गेन समन्नागतो मग्गक्खणे एव होतीति तदा एव सोतापन्नो नामाति आपन्नन्ति? नापन्नं। मग्गेन हि अत्तना सदिसस्स अट्ठङ्गिकस्स वा सत्तङ्गिकस्स वा फलस्स सोतोति नामं दिन्नन्ति तेनपि समन्नागतस्स सोतापन्नभावतो, सोतेन वा मग्गेन पवत्तेतुं अपरिहीनेन फलट्ठोपि समन्नागतो एव नाम, न च तेन पठममग्गक्खणे विय सोतो समापज्जियमानो, तस्मा समापन्नसोतत्ता पठमफलतो पट्टाय “सोतापन्नो”ति वत्तुं युत्तो। वुत्तज्झि “ये केचि, भिक्खवे, मयि अवेच्चप्पसन्ना, सब्बे ते सोतापन्ना। तेसं सोतापन्नानं पज्चन्नं इध निट्ठा, पज्चन्नं इध विहाय निट्ठा”ति (अ० नि० १०.६४)। तत्थ दुतियफलट्ठादीनं विसुं नामं अत्थीति पठमफलट्ठो एव इतरेहि विसेसियमानो “सोतापन्नो”ति वत्तुं युत्तोति सो एव इधाधिप्पेतो। **पटिलद्धमग्गेन बुज्झतीति** एतेन पटिलद्धमग्गस्स चतुसच्चपच्चवेक्खणादीनं उपनिस्सयभावं दस्सेति। सम्बोधि परं अयनं निस्सयो एतस्साति हि **सम्बोधिपरायणोति**। दुतियेनत्थेन सम्बोधि परं अयनं गति एतस्साति **सम्बोधिपरायणो**।

३२. केवलेन कुलसद्देन महाकुलमेव वुच्चतीति आह “महाभोगकुलेसुयेव निब्बत्ततीति अत्थो”ति।

३३. खन्धबीजं नाम पटिसन्धिविज्जाणं। **इहट्ठकनिज्झानिकवसेनेव इमस्मिं ठाने कथिताति** सज्झानको अज्झत्तसंयोजनसमुच्छेदे अकतेपि अनागामिसभागो अनावत्तिधम्मो इध गणनूपगो न होति, हेट्ठा उपरि च संसरणको कामभवगतो हीनज्झानको इध गणनूपगोति अधिप्पायो।

३४. यं वत्तब्बन्ति “द्वीहि कारणेहि तनुभावो वेदितब्बो”तिआदि यं वत्तब्बं सियाति अत्थो ।

३६. उपपन्नं वा समनन्तराति उपपन्नं वा एतेन पुग्गलेन होति, अथ समनन्तरा अरियमग्गं सज्जनेति । अप्पत्तं वा वेमज्झं आयुप्पमाणन्ति आयुप्पमाणं तस्स पुग्गलस्स वेमज्झं अप्पत्तं होति, एत्थन्तरे अरियमग्गं सज्जनेतीति अयमेत्थ पाळिअत्थो । अट्ठकथायं पन “अप्पत्त्वा पब्बतं नदी”ति विय आयुप्पमाणं वेमज्झं अप्पत्तं वा हुत्वाति परसद्वयोगे परतो भूतो हुत्वा सदो वचनसेसभूतो पयुत्तोति वेदितब्बो ।

३७. उपहच्चाति एतस्स उपगन्त्वाति अत्थो, तेन वेमज्झातिक्कमो कालकिरियोपगमनञ्च सङ्गहितं होति । तेन वुत्तं “अतिक्कमित्त्वा वेमज्झं”न्तिआदि ।

४०. उद्धंवाहिभावेनाति उद्धं वहतीति उद्धंवाही, तण्हासोतं वट्टसोतं वा, तस्स भावो, तेन उद्धंवाहिभावेनाति वुत्तं होति । अविहेसु उद्धंसोतो यदिपि तत्थ परिनिब्बायी न होति, यत्थ वा तत्थ वा गन्त्वा परिनिब्बायतु, परिनिब्बायिनो पन तस्स असङ्खारपरिनिब्बायिता ससङ्खारपरिनिब्बायिता च अत्थीति तत्थ दस अनागामिनो वुत्ता, एवं अतप्पादीसुपि ।

अनुपहच्चतलाति अप्पत्ततला । असङ्खारससङ्खारपरिनिब्बायीनं लहुसालहुसगतिका एव परिचविपुलतिणकट्टझापकपप्पटिकासदिसता वेदितब्बा, न उप्पज्जित्वाव निब्बायनकादीहि अधिमत्तता विय समुद्धं पत्त्वा निब्बायनकतो अनधिमत्तता विय च अन्तरा उपहच्चपरिनिब्बायीहि उद्धंसोततो च अधिमत्तानधिमत्तता । ते एव हि असङ्खारससङ्खारपरिनिब्बायिनोति । ततो महन्तरेति वचनं तिणकट्टझापनसमत्थपप्पटिकादस्सनत्थं, न अधिमत्त नाधिमत्तदस्सनत्थन्ति ।

नो चस्स नो च मे सियाति अविज्जासङ्खारादिकं हेतुपञ्चकं नो च अस्स, विज्जाणादिकं इदं फलपञ्चकं वत्तमानं नो च मे सियाति अत्थो । तेन अतीतभवसंसिद्धितो दुक्खसमुदयतो इमस्स दुक्खस्स पवत्तिदस्सनतो पच्चयसमुदयट्ठेन खन्धानं उदयदस्सनपटिपत्ति वुत्ता होति । न भविस्सति, न मे भविस्सतीति यदि एतरहि हेतुपञ्चकं न भविस्सति, अनागते फलपञ्चकं न मे भविस्सतीति अत्थो । एतेन पच्चयनिरोधट्ठेन वयदस्सनपटिपत्ति वुत्ता होति, एतरहि अनागते च अत्तत्तनियनिवारणवसेन सुज्जतापटिपत्ति वा चतूहिपि वुत्ता । यदत्थीति यं अत्थि । भूतन्ति ससभावं निब्बत्तं वा यथादिट्ठुदयब्बयं यथादिट्ठुसुज्जतं वा खन्धपञ्चकं परिकप्पितइत्थिपुरिससत्तादिभावरहितं नामरूपमत्तन्ति अत्थो । विवट्टानुपस्सनाय विवट्टमानसो तं भूतं पजहामीति उपेक्खं पटिलभति, सङ्खारुपेक्खाजाणेन उपेक्खको होतीति वुत्तं होति ।

भवे न रज्जति, सम्भवे न रज्जतीति अविसिट्ठे विसिट्ठे च भवे न रज्जतीति केचि वदन्ति । पच्चुप्पन्नो पन भवो भवो, अनागतो जातिया गहणेन गहितो सम्भवोति वेदितब्बो । अथ वा भवोति भूतमेव वुच्चति, सम्भवो तदाहारो, तस्मिं द्वये न रज्जतीति सेक्खपटिपत्तिं दस्सेति । भूते हि ससम्भवे च विरागो सेक्खपटिपत्ति । यथाह “भूतमिदन्ति, भन्ते, यथाभूतं सम्मप्पज्जाय पस्सति, भूतमिदन्ति यथाभूतं सम्मप्पज्जाय दिस्वा भूतस्स निब्बिदाय विरागाय निरोधाय पटिपन्नो होति । तदाहारसम्भवन्ति यथाभूतं...पे०... दिस्वा तदाहारसम्भवस्स निब्बिदाय...पे०... पटिपन्नो होति । तदाहारनिरोधाय यं भूतं, तं निरोधधम्मन्ति यथाभूतं...पे०... दिस्वा निरोधधम्मस्स निब्बिदाय विरागाय निरोधाय पटिपन्नो होति । एवं खो, भन्ते, सेक्खो होती”ति (सं० नि० २.३१) । अथुत्तरीति अथ एवं अरज्जमानो उत्तरि सन्तं पदं निब्बानं अनुक्कमेन मग्गपज्जाय सम्मा पस्सति, तञ्च ख्वस्स पदं न सब्बेन सब्बं सच्छिकतं चतुत्थमग्गेनेव सच्छिकातब्बस्स तस्स तेन असच्छिकतत्ता ।

एककनिद्देसवण्णना निट्ठिता ।

२. दुकनिद्देसवण्णना

६३. कस्सचि किलेसस्स अविक्खम्भितत्ता कस्सचि कथञ्चि अविमुत्तो कामभवो अज्झत्तग्गहणस्स विसेसपच्चयोति अज्झत्तं नाम । तत्थ बन्धनं अज्झत्तसंयोजनं, तेन सम्पयुत्तो अज्झत्तसंयोजनो ।

८३. कारणेन विना पवत्तहितचित्तो अकारणवच्छलो । अनागतम्पि पयोजनं अपेक्खमानो पुरिमग्गहितं तं कतं उपादाय कतञ्जू एव नाम होति, न पुब्बकारीति आह “करिस्सति मे”ति आदि । तमोजोतिपरायणो पुज्जफलं अनुपजीवन्तो एव पुज्जानि करोतीति “पुब्बकारी”ति वुत्तो । “इणं देमी”ति सज्जं करोतीति एवंसज्जं अकरोन्तोपि करोन्तो विय होतीति अत्थो ।

८६. अच्छमंसं लभित्वा सूकरमंसन्ति न कुक्कुच्चायतीति अच्छमंसन्ति जानन्तोपि सूकरमंसन्ति न कुक्कुच्चायति, मदित्वा वीतिक्कमतीति वुत्तं होति ।

१०. तित्तोति निड्ढितकिच्चताय निरुस्सुक्को ।

दुकनिद्देसवण्णना निड्ढिता ।

३. तिकनिद्देसवण्णना

११. सेससंवरभेदेनाति मनोसंवरभेदेन, सतिसंवरादिभेदेन वा । अकुसलसीलसमन्नागमेनाति “कतमे च थपति अकुसला सीला? अकुसलं कायकम्मं अकुसलं वचीकम्मं पापको आजीवो”ति वुत्तेहि समन्नागमेन । तस्स हि...पे०... एवं सासङ्कसमाचारो होतीति एवं सासङ्को समाचारो होतीति अत्थो ।

१४. समानविसयानं पुग्गलानं विसेसदस्सनवसेन “कायसक्खी”ति आदिकं वुत्तं ।

१०७. समाधि वा आदीति लोकुत्तरधम्मा हि परमत्थतो सासनन्ति तदत्थो पादकसमाधि तस्स आदि वुत्तो, तदासन्नत्ता विपस्सना, तस्स मूलेकदेसत्ता मग्गो ।

१०८. उच्छङ्गो विय उच्छङ्गपज्जो पुग्गलो दट्ठब्बोति उच्छङ्गसदिसपज्जताय एव पज्जा विय पुग्गलोपि उच्छङ्गो विय होति, तस्मिं धम्मानं अचिरट्ठानतोति अधिप्पायेन वुत्तं । वक्खति हि “उच्छङ्गसदिसपज्जोतिअत्थो”ति ।

१०९. यथा च उच्छङ्गसदिसा पज्जा, एवं निक्कुज्जकुम्भसदिसा पज्जा एवाति दट्ठब्बो, तत्थ धम्मानं अनवट्ठानतो ।

११३. चिरट्ठानतो थिरट्ठानतो च पासाणलेखसदिसा परापराधनिब्बत्ता कोधलेखा यस्स सो पासाणलेखूपमसमन्नागतो पासाणलेखूपमोति वुत्तो, एवं इतरेपि ।

११८. सुतादिवत्थुरहितो तुच्छमानो नळो वियाति “नळो”ति वुच्चति, सो उग्गतो नळो एतस्साति उन्नळो ।

१२२. “सीलकथा च नो भविस्सती”ति एत्थ वुत्तं सीलकथाभवनं पठमारम्भोपि दुस्सीलेन सह न होतीति दस्सेन्तो

आह नेव सीलकथा होती”ति ।

१२३. तत्थ तत्थाति तस्मिं तस्मिं अनुग्गहेतब्बे पज्जाय सोधेतब्बे च वड्ढेतब्बे च अधिकसीलं निस्साय उप्पन्नपज्जाय अनुग्गण्हाति नामाति अत्थो ।

१२४. गूथकूपो विय दुस्सील्यन्ति एतेन दुस्सील्यस्स गूथसदिसत्तमेव दस्सेति ।

१३०. नो च सम्मा पज्जपेतुं सक्कोन्तीति येभुय्येन न सक्कोन्तीति इममत्थं सन्धाय वुत्तं, उप्पन्ने तथागते तस्मिं अनादरियं कत्वा समापत्तिं उप्पादेतुं वायमन्तस्स असमत्थभावं वा । तित्थिया वा पूरणादयो अधिप्पेता ।

तिकनिद्देसवण्णना निड्डिता ।

४. चतुक्कनिद्देसवण्णना

१३३. परेन कतं दुस्सील्यं आणत्तिया अत्तना च पयोगेन कतन्ति आणत्तिया पापस्स दायादो “ततो उपडुस्स दायादो”ति वुत्तो ।

१४५. अयन्ति “तेसु पठमो”तिआदिकं नयं वदति ।

१४८. देसनाय धम्मानं जाणस्स आपाथभावसम्पादनं जाणुग्घाटनं । सह उदाहटवेलायाति उदाहटवेलाय सद्धिं तस्मिं काले अनतिक्कन्ते एवाति अत्थो ।

१५२. तन्ति अनन्तरवचनं वदति । “कतमो लोको”ति वुत्ते “पञ्चुपादानक्खन्था”ति महन्तं अत्थं सङ्गहित्वा ठितवचनं अत्थयुत्तं । लुज्जतीति लोकोति कारणयुत्तं ।

१५६. सहितासहितस्साति सहितासहितेति अत्थो, सहितासहितस्स परिच्छिन्दनेति वा । द्वेयेवाति दतियचतुत्थायेव । देसकसावकसम्पत्तिया बोधेतुं समत्थताय सभावधम्मकथिका, सच्चधम्मकथिकाति अत्थो ।

१५७. कुसलधम्मेहि चित्तस्स वासनाभावना वासधुरं । अयं पापपुग्गलोति चतुत्थो वुत्तो, न पठमो । पठमो हि अविसंवादेतुकामो वेरञ्जब्राह्मणसदिसो अधिप्पेतोति ।

१५९. पुग्गलेपि अरियानं अभिक्कमनादिसदिसताति पुग्गले अभिक्कमनादीनं अरियानं अभिक्कमनादिसदिसताति अत्थो, अरियानं अभिक्कमनादिना पुग्गलस्स सदिसताति वा सदिसाभिक्कमनादिताति अत्थो ।

१६६. दुस्सीलं “दुस्सीलो”ति वदन्तो भूतं भासति नाम । पाणातिपातेन दुस्सीलं अदिन्नादानेन दुस्सीलोति अवत्वा पाणातिपातेनेवाति वदन्तो तच्छं भासति नाम । यमिदं “कालेना”ति वुत्तं, तत्र तस्मिं वचने, यो “कालेन भणती”ति वुत्तो, सो कीदिसोति दस्सनत्थं “कालञ्जू होती”तिआदि वुत्तन्ति दस्सेन्तो “यमिदं कालेनाति वुत्तं, तत्र यो पुग्गलो”तिआदिमाह ।

१६८. आगमनविपत्ति नाम कम्मं, पुब्बुप्पन्नपच्चयविपत्ति सुक्कसोणितं । पवत्ते, पवत्तस्स वा पच्चया पवत्तपच्चया, आहारादयो । जोतेतीति जोति, आलोको । कुलसम्पत्तियादीहि जोतमानो च जोति वियाति जोति ।

१७३. पहीनावसिट्ठकिलेसपच्चवेक्खणापि येहि किलेसेहि विमुत्तो अविमुत्तो च, तेसं दस्सनवसेन विमुत्तिदस्सनमेव होतीति आह “विमुत्तिजाणदस्सनं एकूनवीसतिविधं पच्चवेक्खणजाण”न्ति ।

१७४. यानि कानिचि तन्तावुतानन्ति तन्तावुतानं वत्थानं यानि कानिचि वत्थानीति वुत्तं होति । सायं ततियं अस्साति सायततियो । अनुयुञ्जनं अनुयोगो । तं अनुयुत्तोति उपयोगवचनं दट्ठब्बं, भावनपुंसकं वा ।

१७८. तत्थ सिक्खनभावेनाति सिक्खाय साजीवे च सिक्खनभावेन । सिक्खं परिपूरेन्तोति सीलसंवरं परिपूरेन्तो । साजीवञ्च अवीतिक्कमन्तोति “नामकायो पदकायो निरुत्तिकायो व्यञ्जनकायो”ति वुत्तं सिक्खापदं भगवतो वचनं अवीतिक्कमन्तो हुत्वाति अत्थो । इदमेव च द्वयं “सिक्खन”न्ति वुत्तं । तत्थ साजीवानतिक्कमो सिक्खापारिपूरिया पच्चयो । ततो हि याव मग्गा संवरपारिपूरी होतीति । विनासनभावतोति हिंसनभावतो । हलिद्विरागो विय न थिरकथो होतीति एत्थ कथाय अट्ठितभावेन हलिद्विरागसदिसता वेदितब्बा, न पुग्गलस्स ।

१७९. दारुमासकोति ये वोहारं गच्छन्तीति इति-सद्देन एवंपकारे दस्सेति । अञ्जं दस्सेत्वा अञ्जस्स परिवत्तनन्ति दसग्घनकं वत्थयुगं दस्सेत्वा तस्स अजानन्तस्स पञ्चघनकस्स दानं ।

१८१. अविकिण्णसुखन्ति रूपादीसु सुभादिपरिकप्पनवसेन अविसटसुखं ।

१८७. खन्धधम्मेषु अनिच्चादिवसेन पवत्ता विपस्सना मग्गफललाभेन पटिलब्धा नाम होति तदलाभेन अनवट्ठानतोति मग्गफललाभी एव “अधिपञ्जाधम्मविपस्सनालाभी”ति वुत्तो, मग्गफलजाणमेव च अधिकपञ्जाभावतो चतुसच्चधम्मे सब्बधम्मस्स वरे निब्बाने एव वा विसिट्ठदस्सनभावतो च अधिपञ्जाधम्मविपस्सनाति दट्ठब्बा ।

१८९. सुतेन अनुपपन्नोति यथासुतेन वा अत्थेन वा न समन्नागतोति अत्थो ।

चतुक्कनिद्देसवण्णना निट्ठिता ।

५. पञ्चकनिद्देसवण्णना

१९१. पठमपञ्चके उद्देसेनेव पुग्गलविभागो विज्जायतीति यथा तेषु पटिपज्जितब्बं, ताव पटिपत्तिया ते विभजन्तो “तत्र ख्याय”न्ति आदिमाह । आरम्भसद्दोति आरम्भकिरियावाचको सद्दोति अत्थो । फलुप्पत्तिया मग्गकिच्चं निट्ठितं होतीति “मग्गकिच्चवसेन फलमेव वुत्त”न्ति आह । आयाचनसाधूति न पसंसनादिसाधूति अत्थो ।

१९२. आदितो धेय्यं ठपेतब्बं आधेय्यं, दस्सनसवनपटिवचनदानवसेन मुखेन विय पवत्तं गहणं मुखन्ति दट्ठब्बं । तं मुखं आधेय्यं, गहणत्थं पकतिमुखमेव वा आधेय्यं यस्स सो आधेय्यमुखो, अविचारेत्वा आदिकथाय एव ठपितगहणोति वुत्तं होति ।

१९४. रजग्गस्मिन्ति रजग्गभावे ।

१९९. गवा खीरं अगमक्खायतीति न एवं सम्बन्धो, उप्पत्तितो पन पञ्च गोरसे दस्सेत्वा तेसु सप्पिमण्डस्स अगमभावदस्सनत्थं “गवा खीर”न्तिआदि वुत्तं। तेनाह “गावितो खीरं नाम होती”तिआदि।

पञ्चकनिद्देसवण्णना निट्ठिता।

६. छक्कनिद्देसवण्णना

२०२. छक्के एकन्ततो पाकटा सम्मासम्बुद्धादयो ते यथावुत्तगुणा पुग्गलाति दस्सेन्तो “सम्मासम्बुद्धो तेन दट्ठब्बो”तिआदिमाह। तत्थ तेनाति सामं सच्चाभिसमयो तत्थ च सब्बज्जुतप्पत्तिबलेसु च वसिभावप्पत्तीति एतेन सब्बेन समुदितेन। “सब्बज्जुतज्जाणेना”ति पन वुत्ते सब्बमिदं सङ्गहितं होति सामं सच्चाभिसमयेन बलेसु च वसिभावप्पत्तिया च विना सब्बज्जुतज्जाणस्स अभावा, तस्मा अट्ठकथायं “सब्बज्जुतज्जाणेना”ति एत्तकमेव वुत्तं। तत्थ अनाचरियकेन अत्तना उप्पादितेनाति वचनेन सब्बज्जुतज्जाणस्स साचरियकत्तं परतो उप्पत्तिञ्च पटिसेधेति, न साचरियकं परेहि उप्पादितञ्च सब्बज्जुतज्जाणं। न हि तं तादिसं निवारेतब्बं अत्थीति।

छक्कनिद्देसवण्णना निट्ठिता।

७. सत्तकनिद्देसवण्णना

२०३. सद्धा नाम साधुलद्धिकाति उम्मुज्जतीति एतेन कुसलेसु धम्मेसु अन्तो गधा, बोधिपक्खियधम्मेसु वा अधिमोक्खभूता सद्धा साधूति उम्मुज्जमानं कुसलं दस्सेति, एवं हिरीयादीसु च। कुसलेसु धम्मेसूति एत्थ भुम्मनिद्देसो तदन्तो गधताय तदुपकारताय वा वेदितब्बो। एत्थ च उम्मुज्जति साहु सद्धा कुसलेसु धम्मेसूतिआदिना सद्धादीनं उम्मुज्जनपज्जाय सद्धादीनं उप्पत्तिं दस्सेति। तेनेव “तस्स सा सद्धा नेव तिट्ठती”तिआदि वुत्तं। “साहु सद्धा कुसलेसु धम्मेसू”ति वा उम्मुज्जनस्स उपकारकं आनिसंसदस्सनं वत्वा “उम्मुज्जती”ति एतेन सद्धासङ्घातमेव उम्मुज्जनं दस्सितन्ति वेदितब्बं। चट्ठवारेति रजकानं खारपरिसावने। एककम्मनिब्बत्ता पटिसन्धिभवङ्गचुतिसन्तति एको चित्तवारोति चुतितो अनन्तरो यथागहितो दुतियो होतीति आह “दुतियचित्तवारेना”ति। उम्मुज्जित्वा ठितादयो चत्तारो ताय ताय जातिया अरहत्तं असच्छिकरोन्ता अनेके पुग्गला वेदितब्बा, सच्छिकरोन्तो पन एकोपि पुब्बभागे ततियपुग्गलादिभावं आपज्जित्वा अन्ते सत्तमपुग्गलो होतीति।

सत्तकनिद्देसवण्णना निट्ठिता।

१०. दसकनिद्देसवण्णना

२०९. पञ्चन्नं इध निट्ठा, पञ्चन्नं इध विहाय निट्ठाति एत्थ ये सोतापन्नादयो रूपारूपभवे उपपज्जित्वा परिनिब्बायिस्सन्ति, ते इध विहाय निट्ठापक्खं भजमानापि अज्झत्तसंयोजनानं असमुच्छिन्नत्ता पुथुज्जनसाधारणे च ठाने उपपत्तिया न गहिता। असाधारणद्वानुप्पत्तिवसेन पन अन्तरापरिनिब्बायीआदयो एव “इध विहाय निट्ठा”ति वुत्ताति वेदितब्बाति।

दसकनिद्देसवण्णना निट्ठिता।

पुगगलपञ्जत्तिपकरण-मूलटीका समत्ता ।

कथावत्थुपकरण-मूलटीका

गन्थारम्भकथावण्णना

कथानं वत्थुभावतोति कथासमुदायस्स पकरणस्स अत्तनो एकदेसानं ओकासभावं वदति । समुदाये हि एकदेसा अन्तो गधाति । येन पकारेण सङ्खेपेण अदेसयि, तं दस्सेन्तो “मातिकाठपनेनेव ठपितस्सा”ति आह ।

निदानकथावण्णना

अनुपादिसेसाय निब्बानधातुया परिनिब्बायीति परिनिब्बानमेव परिनिब्बानस्स परिनिब्बानन्तरतो विसेसनत्थं करणभावेन वुत्ता । याय वा निब्बानधातुया अधिगताय पच्छिमचित्तं अप्पटिसन्धिकं जातं, सा तस्स अप्पटिसन्धिवूपसमस्स करणभावेन वुत्ताति । दुब्बलपक्खन्ति न काळासोकं विय बलवन्तं, अथ खो एकमण्डलिकन्ति वदन्ति । धम्मवादीअधम्मवादीविसेसजननसमत्थाय पन पञ्जाय अभावतो दुब्बलता वुत्ता । तेसंयेवाति बाहुलियानमेव, बहुस्सुतिकातिपि नामं । भिन्नकाति मूलसङ्गीतितो मूलनिकायतो वा भिन्ना, लद्धिया सुत्तन्तेहि लिङ्गाकप्पेहि च विसदिसभावं गताति अत्थो ।

मूलसङ्गहन्ति पञ्चसतिकसङ्गीतिं । अञ्जत्र सङ्गहितातिआदीसु दीघादीसु अञ्जत्र सङ्गहिततो सुत्तन्तरासितो तं तं सुत्तं निक्कट्ठित्वा अञ्जत्र अकरिंसूति वुत्तं होति । सङ्गहिततो वा अञ्जत्र असङ्गहितं सुत्तं अञ्जत्र कत्थचि अकरिंसु, अञ्जं वा अकरिंसूति अत्थो । अत्थं धम्मञ्चाति पाळिया अत्थं पाळिञ्च । विनये निकायेसु च पञ्चसूति विनये च अवसेसपञ्चनिकायेसु च ।

“द्वेपानन्द, वेदना वुत्ता मया परियायेना”तिआदि (म० नि० २.८९) परियायदेसितं । उपेक्खावेदना हि सन्तस्मिं पणीते सुखे वुत्ता भगवताति अयज्हेत्थ परियायो । “तिस्सो इमा, भिक्खवे, वेदना सुखा दुक्खा उपेक्खा वेदना”तिआदि (सं० नि० ४.२४९-२५१) निप्परियायदेसितं । वेदनासभावो हि तिविधोति अयमेत्थ निप्परियायता । “सुखापि वेदना अनिच्चा सङ्घता”तिआदि (दी० नि० २.१२३) नीतत्थं । “यं किञ्चि वेदयितं, सब्बं तं दुक्ख”न्तिआदि (सं० नि० २.३२) नेय्यत्थं । “तीहि, भिक्खवे, ठानेहि जम्बुदीपका मनुस्सा उत्तरकुरुके च मनुस्से अधिगगणहन्ति देवे च तावतिसे”तिआदिकं (अ० नि० ९.२१) अञ्जं सन्धाय भणितं गहेत्वा अञ्जं अत्थं ठपयिंसु । “नत्थि देवेसु ब्रह्मचरियवासो”तिआदिकं (कथा० २७०) सुत्तञ्च अञ्जं सन्धाय भणितं अत्थञ्च अञ्जं ठपयिंसूति एवमेत्थ अत्थो दट्ठब्बो । “अत्थेकच्चो पुगगलो अत्तहिताय पटिपन्नो”तिआदि (पु० प० मातिका ४.२४) व्यञ्जनच्छायाय सण्हसुखुमं सुञ्जतादिअत्थं बहुं विनासयुं ।

विनयगम्भीरन्ति विनये गम्भीरञ्च एकदेसं छट्ठेत्वाति अत्थो । किलेसविनयेन वा गम्भीरं एकदेसं सुत्तं छट्ठेत्वाति अत्थो । पतिरूपन्ति अत्तनो अधिप्पायानुरूपं सुत्तं, सुत्तपतिरूपकं वा असुत्तं । एकच्चे अट्ठकथाकण्डमेव विस्सज्जिंसु, एकच्चे सकलं अभिधम्मपिटकन्ति आह “अत्थुद्धारं अभिधम्मं छप्पकरण”न्ति । कथावत्थुस्स सविवादत्तेपि अविवादानि छप्पकरणानि पठितब्बानि सियुं, तानि नप्पवत्तन्तीति हि दस्सनत्थं “छप्पकरण”न्ति वुत्तन्ति । ततियसङ्गीतितो वा पुब्बे पवत्तमानानं वसेन “छप्पकरण”न्ति वुत्तं । अञ्जानीति अञ्जानि अभिधम्मपकरणादीनि । नामन्ति यं

बुद्धादिपटिसंयुतं न होति मज्जुसिरीतिआदिकं, तं निकायनामं । लिङ्गन्ति निवासनपारुपनादिविसेसकतं सण्ठानविसेसं । सिक्कादिकं **परिक्खारं** । **आकप्पो** ठानादीसु अङ्गट्टपनविसेसो दट्ठब्बो । **करणन्ति** चीवरसिब्बनादिकिच्चविसेसो ।

सङ्कन्तिकस्सपिकेन निकायेन वादेन वा भिन्ना **सङ्कन्तिकाति** अत्थो । **सङ्कन्तिकानं** भेदा **सुत्तवादी अनुपुब्बेन भिज्जथ** भिज्जिसूति अत्थो । **भिन्नवादेनाति** भिन्ना वादा एतस्मिन्ति भिन्नवादो, तेन अभिन्नेन थेरवादेन सह अट्टारस होन्तीति वुत्तं होति । **भिन्नवादेनाति** वा भिन्नाय लद्धिया अट्टारस होन्ति, ते सब्बेपि सहाति अत्थो । **थेरवादानमुत्तमोति** एत्थ **थेर-**इति अविभक्तिको निद्वेसो । थेरानं अयन्ति थेरो । को सो? वादो । थेरो वादानमुत्तमोति अयमेत्थ अत्थो ।

उप्पन्ने वादे सन्धाय “**परप्पवादमथन**”न्ति आह । आयतिं उप्पज्जनकवादानं पटिसेधनलक्खणभावतो “**आयतिलक्खण**”न्ति वुत्तं ।

निदानकथावण्णना निट्ठिता ।

महावग्गो

१. पुग्गलकथा

१. सुद्धसच्चिकट्टो

१. अनुलोमपच्चनीकवण्णना

१. मायाय अमणिआदयो मणिआदिआकारेन दिस्समाना “माया”ति वुत्ता । अभूतेन मणिउदकादिआकारेन गह्ममाना मायामरीचिआदयो अभूतज्जेय्याकारत्ता असच्चिकट्टा । यो तथा न होति, सो सच्चिकट्टोति दस्सेन्तो आह “**माया...पे०... भूतत्थो**”ति । अनुस्सवादिवसेन गह्ममानो तथापि होति अज्जथापीति तादिसो जेय्यो न परमत्थो, अत्तपच्चक्खो पन परमत्थोति दस्सेन्तो आह “**अनुस्सवा...पे०... उत्तमत्थो**”ति ।

छलवादस्साति अत्थीति वचनसामज्जेन अत्थीति वुत्तेहि रूपादीहि सामज्जवचनस्साति अधिप्पायो । “सो सच्चि... पे०... लद्धिं गहेत्वा आमन्ताति पटिजानाती”ति वचनतो पन “छलवादस्सा”ति न सक्का वत्तुं । न हि लद्धिं छलन्ति । **ओकासं अददमानोति** पतिट्ठं पच्छिन्दन्तो । यदि सच्चिकट्टेन उपलब्धति, रूपादयो विय उपलब्धेय्य, तथा अनुपलब्धनीयतो न तव वादो तिट्ठतीति निवत्तेन्तोति अधिप्पायो । **तं सन्धायाति** “यो सच्चिकट्टो”ति एत्थ वुत्तो यो सच्चिकट्टो, सो सप्पच्चयादिभावेन दीपितो “रूपज्ज उपलब्धती”तिआदीसु आगतो धम्मप्पभेदोति दस्सेति ।

“**तेन सच्चिकट्टुपरमत्थेना**”ति वत्त्वा “**तेनाकारेना**”ति वदतो अयमधिप्पायो — सच्चिकट्टुपरमत्थाकारेन उपलब्धमानं सच्चिकट्टुपरमत्थेन उपलब्धमानं नाम होतीति । अज्जथा ततोति तस्स तेनाकारेनाति वत्तब्बं सिया । को पनेतिस्सा पुरिमपुच्छाय च विसेसोति? पुरिमपुच्छाय सत्तपज्जासविधो धम्मप्पभेदो यथा भूतेन सभावत्थेन उपलब्धति, एवं पुग्गलो उपलब्धतीति वुत्तं । इध पन भूतसभावत्थेन उपलब्धमानो सो धम्मप्पभेदो येन रूपनादिसप्पच्चयादिआकारेन उपलब्धति, किं तेनाकारेन पुग्गलोपि उपलब्धतीति एस विसेसो । यथा पन रूपं विय भूतसभावत्थेन उपलब्धमाना वेदना न

रुप्यनाकारेण उपलब्धति, एवं धम्मपभेदो विय भूतसभावत्थेन उपलब्धमानो पुगलो न रुप्यनादिसप्पच्चयादिआकारेण उपलब्धतीति सक्का परवादिना वत्तुन्ति अचोदनीयं एतं सिया। अवजाननञ्च तस्स युत्तन्ति निग्गहो च न कातब्बो। धम्मपभेदतो पन अञ्जस्स सच्चिकट्टस्स असिद्धत्ता धम्मपभेदाकारेण चोदेति। अवजाननेन निग्गहं दस्सेति। अनुजाननावजाननपक्खा सामञ्जविसेसेहि पटिञ्जापटिक्खेपपक्खा अनुलोमपटिलोमपक्खा पठमदुतियनयाति अयमेतेसं विसेसो वेदितब्बो।

“तेन वत रे वत्तब्बे”ति वदन्तो वत्तब्बस्स अवचने दोसं पापेतीति इमिना अधिप्पायेन “निग्गहस्स पापितत्ता”ति वुत्तन्ति दट्ठब्बं। “एवमेतं निग्गहस्स च अनुलोमपटिलोमतो चतुन्नं पापनारोपनञ्च वुत्तत्ता उपलब्धतीतिआदिकं अनुलोमपञ्चकं नामा”ति वुत्तं, अनुलोमपटिलोमतो पन द्वीहि ठपनाहि सह सत्तकेन भवितब्बं, तंवज्जने वा कारणं वत्तब्बं। यं पन वक्खति “ठपना नाम परवादीपक्खस्स ठपनतो ‘अयं तव दोसो’ति दस्सेतुं ठपनमत्तमेव होति, न निग्गहस्स वा पटिकम्मस्स वा पाकटभावकरण”न्ति (कथा० अट्ठ० २)। तेनाधिप्पायेन इधापि ठपनाद्वयं वज्जेति। यथा पन तत्थ पटिकम्मपञ्चकभावं अवत्वा पटिकम्मचतुक्कभावं वक्खति, एवमिधापि निग्गहचतुक्कभावो वत्तब्बो सिया। सुद्धिकनिग्गहस्स पन निग्गहप्पधानत्ता उद्देसभावेन वुत्तो निग्गहोव विसुं वुत्तोति दट्ठब्बो। ये पन “अयथाभूतनिग्गहत्ता तत्थ पटिकम्मं विसुं न वुत्त”न्ति वदन्ति, तेसं दुतिये वादमुखे निग्गहचतुक्कभावो पटिकम्मपञ्चकभावो च आपज्जति।

२. अत्तना अधिप्पेतं सच्चिकट्टमेवाति सम्मुतिसच्चं सन्धायाति अधिप्पायो। वक्खति हि “सुद्धसम्मुतिसच्चं वा परमत्थमिस्सकं वा सम्मुतिसच्चं सन्धाय ‘यो सच्चिकट्टो’ति पुन अनुयोगो परवादस्सा”ति (कथा० अट्ठ० ६)। तत्थ यदि परवादिना अत्तना अधिप्पेतसच्चिकट्टो सम्मुतिसच्चं, सम्मुतिसच्चाकारेण पुगलो उपलब्धतीति वदन्तेन समानलद्धिको नप्पटिसेधितब्बो, कथा एवायं नारभितब्बा। अथ सकवादिना अत्तना च अधिप्पेतसच्चिकट्टयेव सन्धाय परवादी “यो सच्चिकट्टो”तिआदिमाहाति अयमत्थो। सकवादिना सम्मुतिसच्चंयेव सच्चिकट्टोति अधिप्पेतन्ति आपज्जति। यदि उभयं अधिप्पेतं, पुन “सम्मुतिसच्चपरमत्थसच्चानि वा एकतो कत्वापि एवमाहा”ति न वत्तब्बं सियाति। यदि च द्वेपि सच्चानि सच्चिकट्टपरमत्था, सच्चिकट्टेकदेसेन उपलद्धिं इच्छन्तेन “पुगलो उपलब्धति सच्चिकट्टपरमत्थेना”तिआदि अनुयोगो न कातब्बो, न च सच्चिकट्टेकदेसेन अनुयोगो युत्तो। न हि वेदयिताकारेण उपलब्धमाना वेदना रुप्यनाकारेण उपलब्धतीति अनुयुज्जितत्वा, न च परवादी रुप्यनादिसभावं पुगलं इच्छति, अथ खो सच्चिकट्टपरमत्थमेवाति। परमत्थसच्चतो अञ्जस्मिं सच्चिकट्टे विज्जमाने नास्स परमत्थसच्चता अनुयुज्जितत्वा। असच्चिकट्टे सच्चिकट्टवोहारं आरोपेत्वा तं सन्धाय पुच्छतीति वदन्तानं वोहरितसच्चिकट्टस्स अत्तना अधिप्पेतसच्चिकट्टता न युत्ता। वोहरितपरमत्थसच्चिकट्टानञ्च द्विन्नं सच्चिकट्टभावे वुत्तनयोव दोसो। सम्मुतिसच्चाकारेण उपलब्धमानञ्च भूतसभावत्थेन उपलब्धेय्य वा न वा। यदि भूतसभावत्थेन उपलब्धति, पुगलोपि उपलब्धति सच्चिकट्टपरमत्थेनाति अनुजानन्तो नानुयुज्जितत्वा। अथ न भूतसभावत्थेन, तंविनिमुत्तो सम्मुतिसच्चस्स सच्चिकट्टपरमत्थाकारो न वत्तब्बो असिद्धत्ता। वक्खति च “यथा रूपादयो पच्चत्तलक्खणसामञ्जलक्खणवसेन अत्थि, न एवं पुगलो”ति। तस्मा मग्गितब्बो एत्थ अधिप्पायो।

द्विन्नं सच्चानन्ति एत्थ सच्चद्वयाकारेण अनुपलब्धनीयतो अनुज्जेय्यमेतं सिया, न वा किञ्चि वत्तब्बं। यथा हि एकदेसेन परमत्थाकारेण अनुपलब्धनीयता अनुजाननस्स न कारणं, एवं एकदेसेन सम्मुतियाकारेण उपलब्धनीयता पटिक्खेपस्स चाति मग्गितत्वा एत्थापि अधिप्पायो। नुपलब्धतीति वचनसामञ्जमत्तन्ति नुपलब्धतीति इदमेव वचनं अनुज्जातं पटिक्खित्तञ्चाति एतं छलवादं निस्सायाति अधिप्पायो। यथा उपलब्धतीति एतस्सेव अनुजाननपटिक्खेपेहि अहं निग्गहेतब्बो, एवं नुपलब्धतीति एतस्सेव अनुजाननपटिक्खेपेहि त्वन्ति एवं सम्भवन्तस्स सामञ्जेन असम्भवन्तस्स कप्पनं

पनेत्थ छलवादो भवितुं अरहति । तेन नुपलब्धतीति वचनसामञ्जसत्वं छलवादस्स कारणत्ता “छलवादो”ति वुत्तन्ति दट्ठब्बं । वचनसामञ्जसत्तञ्च छलवादञ्च निस्सायाति वा अत्थो । ठपना निग्गहप्पटिकम्मानं पाकटभावकरणं न होतीति इदं विचारेतब्बं । न हि पक्खट्टुपनेन विना पुरिमं अनुजानित्वा पच्छिमस्स अवजाननं, पच्छिमं वा अवजानन्तस्स पुरिमानुजाननं मिच्छाति सक्का आरोपेतुन्ति ।

३. तवाति, पटिजानन्तन्ति च पच्चत्ते सामिउपयोगवचनानीति अधिप्पायेन “त्वंयेव पटिजानन्तो”ति आह ।

४-५. चतूहि पापनारोपनाहि निग्गहस्स उपनीतत्ताति “दुन्निग्गहिता च होम, हञ्ची”तिआदिना तथा मम कतो निग्गहो, मया तव कतो निग्गहो विय मिच्छाति एवं तेन अनुलोमपच्चके चतूहि पापनारोपनाहि कतस्स निग्गहस्स तेन नियामेन दुक्कटभावस्स अत्तना कतनिग्गहेन सह उपनीतत्ता अनिग्गहभावस्स वा उपगमितत्ताति अत्थो दट्ठब्बो । एवमेव तेन हि यं निग्गणहसि हञ्चि...पे०... इदं ते मिच्छाति एतस्स अनिग्गहभावनिगमनस्सेव निग्गमनचतुक्कता वेदितब्बा ।

अनुलोमपच्चनीकवण्णना निड्ढिता ।

२. पच्चनीकानुलोमवण्णना

७-१०. “अत्तनो लद्धिं निस्साय पटिज्जा परवादस्सा”ति वत्वा पुन “परमत्थवसेन पुग्गलस्स अभावतो पटिक्खेपो परवादस्सा”ति वुत्तं । तत्रायं पटिक्खेपो अत्तनो लद्धिया यदि कतो, परमत्थतो अज्जेन सच्चिकट्टुपरमत्थेन पुग्गलो उपलब्धतीति अयमस्स लद्धीति आपज्जति । तथा च सति नायं सम्मुतिसच्चवसेन उपलद्धिं इच्छन्तेन निग्गहेतब्बो । अथ अत्तनो लद्धिं निग्गूहिवा परस्स लद्धिवसेन पटिक्खपति, पुरिमपटिज्जाय अविरोधितत्ता न निग्गहेतब्बो । न हि अत्तनो च परस्स च लद्धिं वदन्तस्स दोसो आपज्जतीति । अत्तनो पन लद्धिया पटिजानित्वा परलद्धिया पटिक्खपन्तेन अत्तनो लद्धिं छट्टेवा परलद्धिं गहिता होतीति निग्गहेतब्बोति अयमेत्थ अधिप्पायो सिया ।

पच्चनीकानुलोमवण्णना निड्ढिता ।

सुद्धसच्चिकट्टुवण्णना निड्ढिता ।

२. ओकाससच्चिकट्टो

१. अनुलोमपच्चनीकवण्णना

११. सब्बत्थाति सब्बस्मिं सरीरेति अयमत्थोति दस्सेन्तो आह “सरीरं सन्धाया”ति । तत्थाति तस्मिं संखित्तपाठे । यस्मा सरीरं सन्धाय “सब्बत्थ न उपलब्धती”ति वुत्ते सरीरतो बहि उपलब्धतीति आपज्जति, तस्मा पच्चनीके पटिक्खेपो सकवादस्साति एतेन न केनचि सभावेन पुग्गलो उपलब्धतीति अयमत्थो वुत्तो होति । न हि केनचि सभावेन उपलब्धमानस्स सरीरतदज्जाविमुत्तो उपलद्धिओकासो अत्थीति ।

३. कालसच्चिकट्टो

१. अनुलोमपच्चनीकवण्णना

१२. पुरिमपच्छिमजातिकालञ्चाति मज्झिमजातिकाले उपलब्धमानस्स तस्सेव पुरिमपच्छिमजातिकालेसु उपलब्धिं सन्धायाति अधिष्पायो। सेसं पठमनये वुत्तसदिसमेवाति इमेसु तीसु पठमे “सब्बत्था”ति एतस्मिं नये वुत्तसदिसमेव, किं तं? पाठस्स संखित्ताति अत्थो। इधापि हि यस्मा “सब्बदा न उपलब्धती”ति वुत्ते एकदा उपलब्धतीति आपज्जति, तस्मा पच्चनीके पटिकखेपो सकवादस्साति योजेतब्बन्ति।

४. अवयवसच्चिकट्टो

१. अनुलोमपच्चनीकवण्णना

१३. ततियनये च यस्मा “सब्बेसु न उपलब्धती”ति वुत्ते एकस्मिं उपलब्धतीति आपज्जति, तस्मा पच्चनीके पटिकखेपो सकवादस्साति योजेतब्बं। तेनाह “तादिसमेवा”ति।

ओकासादिसच्चिकट्टो

२. पच्चनीकानुलोमवण्णना

१४. तत्थ अनुलोमपञ्चकस्सातिआदिमिह अनुलोमपञ्चकन्ति निग्गहपञ्चकं, पच्चनीकन्ति च पटिकम्मं वुत्तन्ति दट्ठब्बं। तत्थ अनुलोमपञ्चकस्स “सब्बत्थ पुग्गलो नुपलब्धती”तिआदिकस्स अत्थो “सब्बत्थ पुग्गलो नुपलब्धती”तिआदिपाळिं संखिपित्वा आगते सरूपेन अवुत्ते “यस्मा सरीरं सन्धाया”तिआदिना (कथा० अट्ठ० ११) वुत्तनयेन वेदितब्बो, पच्चनीकस्स च “सब्बत्थ पुग्गलो उपलब्धती”तिआदिकस्स पटिकम्मकरणवसेन वुत्तस्स अत्थो पटिकम्मादिपाळिं संखिपित्वा आदिमत्तदस्सनेन आगते “पुग्गलो उपलब्धती”तिआदिमिह अनुलोमे “सब्बत्थाति सरीरं सन्धाय अनुयोगो सकवादस्सा”तिआदिना (कथा० अट्ठ० ११) वुत्तनयेन वेदितब्बोति एवमत्थो दट्ठब्बो। अथ वा तत्थाति यं आरब्धं, तस्मिन्ति एवं अत्थं अग्गहेत्वा तत्थ तेसु तीसु मुखेसूति अत्थो गहेतब्बो। अनुलोमपञ्चकमूलका चेत्थ सब्बानुलोमपच्चनीकपञ्चकपाळि अनुलोमपञ्चकस्स पाळीति वुत्ता, तथा पच्चनीकानुलोमपञ्चकपाळि च पच्चनीकस्स पाळीति। तं संखिपित्वा पटिकम्मवसेन आगते सरूपेन अवुत्ते “पुग्गलो नुपलब्धती”तिआदिके पच्चनीके “उपलब्धती”तिआदिके अनुलोमे च अत्थो हेट्ठा सुद्धिकसच्चिकट्टे वुत्तनयेनेव वेदितब्बोति वुत्तं होति।

सच्चिकट्टवण्णना निड्ढिता।

५. सुद्धिकसंसन्दनवण्णना

१७-२७. रूपादीहि सद्धिं सच्चिकट्टसंसन्दनन्ति सच्चिकट्टस्स पुग्गलस्स रूपादीहि सद्धिं संसन्दनं, सच्चिकट्टे वा रूपादीहि सद्धिं पुग्गलस्स संसन्दनन्ति अधिष्पायो। पुग्गलो रूपञ्चाति च-कारस्स समुच्चयत्थत्ता यथा रूपन्ति एवं निदस्सनवसेन वुत्तो अत्थो विचारेतब्बो। रूपादीहि अज्जो अनज्जो च पुग्गलो न वत्तब्बोति लद्धि समयो। “अज्जं जीवं अज्जं सरीरन्ति अब्बाकतमेतं भगवता”तिआदिकं (सं० नि० ४.४१६) सुत्तं। अनुज्जायमाने तदुभयविरोधो आपज्जतीति इममत्थं सन्धायाह “समयसुत्तविरोधं दिस्वा”ति।

धम्मतोति पाळितो। “पटिकम्मचतुक्कादीनि संखित्तानि। परवादी...पे०... दस्सितानी”ति वदन्तेहि पुग्गलो

नपलब्धति...पे०... आजानाहि पटिकम्मन्ति एत्थ आजानाहि निग्गहन्ति पाठो दिट्ठो भविस्सति । अज्जत्तं पटिजानापनत्थन्ति यथा मया अज्जत्तं वत्तब्बं, तथा च तथापि तं वत्तब्बन्ति अज्जत्तपटिज्जाय चोदनत्थन्ति अत्थो । सम्मुतिपरमत्थानं एकत्तनानत्तपज्जहस्स ठपनीयत्ताति अब्बाकतत्ताति अत्थो । यदि ठपनीयत्ता पटिक्खिपितब्बं, परेनपि ठपनीयत्ता लद्धिमेव निस्साय पटिक्खेपो कतोति सोपि न निग्गहेतब्बो सिया । परो पन पुग्गलोति कज्जि सभावं गहेत्वा तस्स ठपनीयत्तं इच्छति, सति च सभावे ठपनीयता न युत्ताति निग्गहेतब्बो । सम्मुति पन कोचि सभावो नत्थि । तेनेवस्स एकत्तनानत्तपज्जहस्स ठपनीयत्तं वदन्तो न निग्गहेतब्बोति सकवादिना पटिक्खेपो कतोति अयमेत्थ अधिप्पायो युत्तो ।

सुद्धिकसंसन्दनवण्णना निट्ठिता ।

६. ओपम्मसंसन्दनवण्णना

२८-३६. उपलद्धिसामज्जेन अज्जत्तपुच्छा चाति इदञ्च द्विन्नं समानता नो अज्जत्तस्स कारणं युत्तं, अथ खो विसुं अत्तनो सभावेन सच्चिकट्ठपरमत्थेन उपलब्धनीयताति विचारेतब्बं । “एकवीसाधिकानी”ति पुरिमपाठो, वीसाधिकानीति पन पठितब्बं ।

३७-४५. “अत्थि पुग्गलो”ति सुत्तं अनुजानापेन्तेन उपलद्धि अनुजानिता होतीति मज्जमानो आह “उपलद्धिसामज्जं आरोपेत्वा”ति । वीसाधिकानि नव पटिकम्मपञ्चकसतानि दस्सितानीति एतेन सुद्धिकसंसन्दनेपि “आजानाहि पटिकम्म”मिच्चेव पाठोति विज्जायति । यच्च वादमुखेसु सुद्धिकसच्चिकट्ठे “पटिकम्मचतुक्क”न्ति वुत्तं, तम्पि “पटिकम्मपञ्चक”न्ति ।

ओपम्मसंसन्दनवण्णना निट्ठिता ।

७. चतुक्कनयसंसन्दनवण्णना

४६-५२. एकधम्मतोपि अज्जत्तं अनिच्छन्तो रूपादि एकेकधम्मवसेन नानुयुज्जितब्बो । समुदायतो हि अयं अज्जत्तं अनिच्छन्तो एकदेसतो अनज्जत्तं पटिक्खिपन्तो न निग्गहारहो सियाति एतं वचनोकासं निवत्तेतुं “अयञ्च अनुयोगो”ति आदिमाह । सकलन्ति सत्तपज्जासविधो धम्मप्पभेदो पुग्गलोति वा परमत्थसच्चं पुग्गलोति वा एवं सकलं सन्धायाति अत्थो । एवं सकलं परमत्थं चिन्तेत्वा तन्तिवसेन अनुयोगलक्खणस्स ठपितत्ता सकलपरमत्थतो च अज्जस्स सच्चिकट्ठस्स अभावा सच्चिकट्ठेन पुग्गलेन ततो अज्जेन न भवितब्बन्ति “रूपं पुग्गलो”ति इमं पज्जं पटिक्खिपन्तस्स निग्गहारोपनं युत्तन्ति अत्थो ।

सभागविनिब्भोगतोति रूपतो अज्जसभागत्ताति वुत्तं होति । सब्बधम्माति रूपवज्जे सब्बधम्मे वदति । “रूपस्मिं पुग्गलो”ति एत्थ निस्सयविनासे विनासापत्तिभयेन पटिक्खिपतीति अधिप्पायेनाह “उच्छेददिट्ठिभयेन चेवा”ति । तीसु पन समयविरोधेन पटिक्खेपो अधिप्पेतो । न हि सो सक्कायदिट्ठिं इच्छति, अपिच सस्सतदिट्ठिभयेन पटिक्खिपतीति युत्तं वत्तुं । सक्कायदिट्ठिसु हि पज्जेव उच्छेददिट्ठियो, सेसासस्सतदिट्ठियोति । अज्जत्र रूपाति एत्थ च रूपवा पुग्गलोति अयमत्थो सङ्गहितोति वेदितब्बो ।

चतुक्कनयसंसन्दनवण्णना निट्ठिता ।

निद्धिता च संसन्दनकथावण्णना ।

८. लक्खणयुत्तिवण्णना

५४. पच्चनीकानुलोमेति इदं यं वक्खति “छलवसेन पन वत्तब्बं ‘आजानाहि पटिकम्म’न्तिआदी”ति (कथा० अट्ठ० ५४), तेन पन न समेति । पच्चनीकानुलोमे हि पच्चनीके “आजानाहि निग्गह”न्ति वत्तब्बं, न पन “पटिकम्म”न्ति ।

लक्खणयुत्तिवण्णना निद्धिता ।

९. वचनसोधनवण्णना

५५-५९. पुग्गलो उपलब्धतीति पदद्वयस्स अत्थतो एकत्तेति एत्थ तदेव एकत्तं परेन सम्पटिच्छित्तं असम्पटिच्छित्तन्ति विचारेतब्बमेतं । पुग्गलस्स हि अविभजितब्बत्तं, उपलब्धतीति एतस्स विभजितब्बत्तं वदन्तो विभजितब्बाविभजितब्बत्थानं उपलब्धतिपुग्गल-सद्धानं कथं अत्थतो एकत्तं सम्पटिच्छेय्याति? यथा च विभजितब्बाविभजितब्बत्थानं उपलब्धति-रूप-सद्धानं तं विभागं वदतो रूपं किञ्चि उपलब्धति, किञ्चि न उपलब्धतीति अयं पसङ्गो नापज्जति, एवं एतस्सपि यथावुत्तविभागं वदतो यथाआपादितेन पसङ्गेन न भवितब्बन्ति मग्गितब्बो एत्थ अधिप्पायो ।

६०. “सुज्जतो लोकं अवेक्खस्सू”ति (सु० नि० ११२५) एतेन अत्थतो पुग्गलो नत्थीति वुत्तं होतीति आह “नत्थीतिपि वुत्त”न्ति ।

वचनसोधनवण्णना निद्धिता ।

१०. पज्जत्तानुयोगवण्णना

६१-६६. रूपकायाविरहं सन्धाय “रूपकायसम्भावतो”ति आह । “रूपिनो वा अरूपिनो वा”ति (इतिवु० ९०) सुत्ते आगतपज्जत्तिं सन्धाय “तथारूपाय च पज्जत्तिया अत्थिताया”ति । वीतरागसम्भावतोति कामीभावस्स अनेकन्तिकत्ता कामधातुया आयत्तत्ताभावतो च “कामी”ति न वत्तब्बोति पटिक्खिपतीति अधिप्पायो ।

६७. कायानुपस्सनायाति कारणवचनमेतं, कायानुपस्सनाय कारणभूताय एवंलद्धिकत्ताति अत्थो । आहच्च भासितन्ति “अज्जं जीवं अज्जं सरीरन्ति अब्बाकतमेतं मया”ति (म० नि० २.१२८) आहच्च भासितं ।

पज्जत्तानुयोगवण्णना निद्धिता ।

११. गतिअनुयोगवण्णना

६९-७२. “दस्सेन्तो ‘तेन हि पुग्गलो सन्धावती’तिआदिमाहा”ति वुत्तं, “दस्सेन्तो ‘न वत्तब्बं पुग्गलो सन्धावती’तिआदिमाहा”ति पन भवितब्बं, दस्सेत्वाति वा वत्तब्बं ।

११. येन रूपसङ्घातेन सरीरेन सङ्घि गच्छतीति एत्थ “रूपेण सङ्घि गच्छती”ति वदन्तेन “रूपं पुग्गलो”ति अननुज्जातत्ता येनाकारेण तं जीवं तं सरीरन्ति इदं आपज्जति, सो वत्तब्बो । असज्जूपपत्तिं सन्धायाति निरयूपगस्स पुग्गलस्स असज्जूपगस्स अरूपपगस्स च अन्तराभवं न इच्छतीति चुतितो अनन्तरं उपपत्तिं सन्धायाति अत्थो दट्ठब्बो । ये पण चुतिकाले उपपत्तिकाले च असज्जूपपत्तिकाले च असज्जसत्तेसु सज्जा अत्थीति गहेत्वा असज्जूपगस्स च अन्तराभवं इच्छेय्युं, तेसं अन्तराभवभावतो “असज्जूपपत्तिं अवेदना”ति न सक्का वत्तुन्ति ।

१२. अवेदनोतिआदीसु तदज्जन्ति सज्जभवतो अज्जं असज्जानेवसज्जानासज्जायतनुपपत्तिं । नेवसज्जानासज्जायतनेपि हि न वत्तब्बं सज्जा अत्थीति इच्छन्ति ।

१३. यस्मा रूपादिधम्मे विना पुग्गलो नत्थीति इन्धनुपादानो अग्निं विय इन्धनेन रूपादिउपादानो पुग्गलो रूपादिना विना नत्थीति लद्धिवसेन वदति ।

गतिअनुयोगवण्णना निड्ढिता ।

१२. उपादापज्जत्तानुयोगवण्णना

१७. नीलं रूपं उपादाय नीलोतिआदीसूति “नीलं रूपं उपादाय नीलकस्स पुग्गलस्स पज्जत्ती”ति एत्थ यो पुट्ठो नीलं उपादाय नीलोति, तदादीसूति अत्थो ।

१८. छेकट्ठं सन्धायाति छेकट्ठं सन्धाय वुत्तं, न कुसलपज्जत्तिं । “कुसलं वेदनं उपादाया”ति मज्जमानो पटिजानातीति अत्थो दट्ठब्बो ।

११२. इदानीं ...पे०... दस्सेतुं “यथा रुक्ख”न्तिआदिमाहाति पुब्बपक्खं दस्सेत्वा उत्तरमाहाति वुत्तं होति ।

११५. “यस्स रूपं सो रूपवा”ति उत्तरपक्खे वुत्तं वचनं उद्धरित्वा “यस्मा”तिआदिमाह ।

११६. चित्तानुपस्सनावसेनाति चित्तानुपस्सनावसेन परिदीपितस्स सरागादिचित्तयोगस्स वसेनाति अधिप्पायो ।

११८. येनाति चक्खुन्ति “येना”ति वुत्तं करणं चक्खुन्ति अत्थो । चक्खुमेव रूपं पस्सतीति विज्जाणनिस्सयभावूपगमनमेव चक्खुस्स दस्सनं नाम होतीति सन्धाय वदति ।

उपादापज्जत्तानुयोगवण्णना निड्ढिता ।

१३. पुरिसकारानुयोगवण्णना

१२३. करणमत्तन्ति कम्मानं निष्फादकप्पयोजकभावेन पवत्ता खन्धा ।

१२४. पुरिमकम्मेन विना पुग्गलस्स जाति, जातस्स च विज्जट्ठानादीसु सम्मा मिच्छा वा पवत्ति नत्थीति सन्धाय “पुरिमकम्ममेव तस्सा”तिआदिमाह ।

१२५. कम्मवट्टस्साति एत्थ कम्मकारकस्स यो कारको, तेनपि अज्जं कम्मं कातब्बं, तस्स कारकेनपि अज्जन्ति एवं कम्मवट्टस्स अनुपच्छेदं वदन्ति । पुग्गलस्स कारको कम्मस्स कारको आपज्जतीति विचारेतब्बमेतं । मातापितृहि जनिततादिना तस्स कारकं इच्छन्तस्स कम्मकारकानं कारकपरम्परा आपज्जतीति इदञ्च विचारेतब्बं ।

१७०. सुत्तविरोधभयेनाति “सो करोति सो पटिसंवेदयतीति खो, ब्राह्मण, अयमेको अन्तो”तिआदीहि (सं० नि० २.४६) विरोधभया ।

१७१. “इध नन्दति पेच्च नन्दती”ति (ध० प० १८) वचनतो कम्मकरणकाले विपाकपटिसंवेदनकाले च सोयेवाति पटिजानातीति अधिप्पायो । **सयंकतं सुखदुक्खन्ति** च पुटो “किं नु खो, भो गोतम, सयंकतं सुखं दुक्खन्ति? मा हेवं कस्सपा”तिआदिसुत्तविरोधा (सं० नि० २.१८) पटिक्खपति ।

१७६. लद्धिमत्तमेवेतन्ति सोयेवेको नेव सो होति न अज्जोति इदं पन नत्थेव, तस्मा एवंवादिनो असयंकारन्तिआदि आपज्जतीति अधिप्पायो । **अपिचाति**आदिना इदं दस्सेति — न परस्स इच्छावसेनेव “सो करोती”तिआदि अनुयोगो वुत्तो, अथ खो “सो करोती”तिआदीसु एकं अनिच्छन्तस्स इतरं, तञ्च अनिच्छन्तस्स अज्जं आपन्नन्ति एवं कारकवेदकिच्छाय ठत्वा “सो करोती”तिआदीसु तं तं अनिच्छाय आपन्नवसेनापीति । अथ वा न केवलं “सो करोती”तिआदीनं सब्बेसं आपन्नत्ता, अथ खो एकेकस्सेव च आपन्नत्ता अयं अनुयोगो कतोति दस्सेति । **पुरिमनयेनेवाति** एतेन “इध नन्दती”तिआदि सब्बं पटिजाननादिकारणं एकतो योजेतब्बन्ति दस्सेति ।

पुरिसकारानुयोगवण्णना निट्ठिता ।

कल्याणवग्गो निट्ठितो ।

१४. अभिज्जानुयोगवण्णना

१९३. अभिज्जानुयोगादिवसेन अरहत्तसाधनाति एत्थ “ननु अत्थि कोचि इद्धिं विकुब्बती”ति अभिज्जाअनुयोगो च “हज्जि अत्थि कोचि इद्धिं विकुब्बती”ति ठपना च “तेन वत रे”तिआदि पापना च आदिसद्वसङ्गहितो अत्थोव दट्ठब्बो । आसवक्खयजाणं पनेत्थ अभिज्जा वुत्ताति तदभिज्जावतो अरहतो साधनं “**अरहत्तसाधना**”ति आह । अरहतो हि साधना तब्भावस्स च साधना होतियेवाति ।

अभिज्जानुयोगवण्णना निट्ठिता ।

१५-१८. जातकानुयोगादिवण्णना

२०९. तथारूपस्साति ततियकोटिभूतस्स सच्चिकट्टस्स अभावाति अधिप्पायो । एवं पन पटिक्खपन्तो असच्चिकट्टं ततियकोटिभूतं पुग्गलं वदेय्याति तादिसं पुग्गलं इच्छन्तो हि सुत्तेन निग्गहेतब्बो सिया । कस्मा? **तथारूपस्स सच्चिकट्टस्स अभावतोति**, तथारूपस्स कस्सचि सभावस्स अभावतो पटिक्खेपारहत्ता अत्तनो लद्धिं निगूहित्वा पटिक्खेपो परवादस्साति अयमत्थो दट्ठब्बो ।

जातकानुयोगादिवण्णना निड्ढिता ।

१९. पटिवेधानुयोगादिवण्णना

२१८. परिग्गहितवेदनोति वचनेन अपरिग्गहितवेदनस्स “सुखितोस्मि, दुक्खितोस्मी”ति जाननं पजाननं नाम न होतीति दस्सेति योगावचरस्स सुखुमानम्पि वेदनानं परिच्छेदनसमत्थतज्ज ।

२२८. लक्खणवचनन्ति रूपब्भन्तरगमनं सहरूपभावो, बहिद्भा निक्खमनं विनारूपभावोति अधिप्पायो ।

२३७. इमा खोति ओळारिको अत्तपटिलाभो मनोमयो अत्तपटिलाभो अरूपो अत्तपटिलाभोति इमा लोकस्स समज्जा, याहि तथागतो वोहरति अपरामसं, यो सच्चो मोघो वा सिया, तस्मिं अनुपलब्भमानेपि अत्तनि तदनुपलब्भतोयेव परामासं अत्तदिट्ठिं अनुप्पादेन्तो लोके अत्तपटिलाभोति पवत्तवोहारवसेनेव वोहरतीति अयमेत्थ अत्थो । एत्थ च पच्चत्तसामज्जलक्खणवसेन पुग्गलस्स अत्थितं पटिक्खिपित्वा लोकवोहारेन अत्थितं वदन्तेन पुग्गलोति कोचि सभावो नत्थीति वुत्तं होति । सति हि तस्मिं अत्तनो सभावेनेव अत्थिता वत्तब्बा सिया, न लोकवोहारेनाति । इमिना पन यथा समेति, यथा च परामासो न होति, एवं इतो पुरिमा च अत्थवण्णना योजेतब्बा ।

लोकसम्मुतिकारणन्ति यस्मा लोकसम्मुतिवसेन पवत्तं, तस्मा सच्चन्ति वुत्तं होति । तथलक्खणन्ति तथकारणं । यस्मा धम्मानं तथताय पवत्तं, तस्मा सच्चन्ति दस्सेति ।

पटिवेधानुयोगादिवण्णना निड्ढिता ।

पुग्गलकथावण्णना निड्ढिता ।

२. परिहानिकथा

१. वादयुत्तिपरिहानिकथावण्णना

२३९. “द्वेमे, भिक्खवे, धम्मा सेक्खस्स भिक्खुनो परिहानाय संवत्तन्ती”ति (अ० नि० २.१८५) इदं सुत्तं अरहतो परिहानिलद्धिया न निस्सयो, अथ खो अनागामिआदीनं परिहानिलद्धिया, तस्मा अरहतोपि परिहानिं इच्छन्तीति एत्थ पि-सद्देन अनागामिस्सपि सकदागामिस्सपीति योजेतब्बं ।

“ततियस्मिम्पि मुदिन्द्रियाव अधिप्पेता । तेसज्हि सब्बेसम्पि परिहानि न होतीति तस्स लद्धी”ति पुरिमपाठो, मुदिन्द्रियेस्वेव पन अधिप्पेतेसु परिक्खेपो न कातब्बो सिया, कतो च, तस्मा “ततियस्मिम्पि तिक्खिन्द्रियाव अधिप्पेता । तेसज्हि सब्बेसम्पि परिहानि न होतीति तस्स लद्धी”ति पठन्ति ।

अयोनिस्सो अत्थं गहेत्वाति सोतापन्नोयेव नियतोति वुत्तोति सोयेव न परिहायति, न इतरेति अत्थं गहेत्वा । “उपरिमग्गत्थाया”ति वुत्तं अत्थं अग्गहेत्वा नियतोति सोतापत्तिफला न परिहायतीति एतमत्थं गण्हीति पन वदन्ति ।

वादयुत्तिपरिहानिकथावण्णना निड्ढिता ।

२. अरियपुग्गलसंसन्दनपरिहानिवण्णना

२४१. यं पनेत्थातिआदिमिह दस्सनमग्गफले ठितस्स अनन्तरं अरहत्तप्पत्तिं, ततो परिहायित्वा तत्थ च ठानं इच्छन्तो पुन वायामेन तदनन्तरं अरहत्तप्पत्तिं न इच्छतीति विचारेतब्बमेतं ।

२६२. अवसिप्पत्तो ज्ञानलाभीति सेक्खो वुत्तोति दट्ठब्बो । पुथुज्जनो पन वसिप्पत्तो अवसिप्पत्तो च समयविमुत्तअसमयविमुत्ततन्तिया अग्गहितो, भजापियमानो पन समापत्तिविकखम्भितानं किलेसानं वसेन समयविमुत्तभावं भजेय्याति वुत्तोति ।

अरियपुग्गलसंसन्दनपरिहानिवण्णना निट्ठिता ।

३. सुत्तसाधनपरिहानिवण्णना

२६५. उत्तमहीनभेदो “तत्र यायं पटिपदा सुखा खिप्पाभिज्जा, सा उभयेनेव पणीता अक्खायती”तिआदिसुत्तवसेन (दी० नि० ३.१५२) वुत्तो । “दिट्ठं सुतं मुत”न्ति एत्थ विय मुतसद्वो पत्तब्बं वदतीति आह “फुसनारह”न्ति ।

२६७. अप्पत्तपरिहानाय चेव संवत्तन्ति यथाकतसन्निट्ठानस्स समयविमुत्तस्साति अधिप्पायो ।

सुत्तसाधनपरिहानिवण्णना निट्ठिता ।

परिहानिकथावण्णना निट्ठिता ।

३. ब्रह्मचरियकथा

१. सुद्धब्रह्मचरियकथावण्णना

२६९. “परनिमित्तवसवत्तिदेवे उपादाय तदुपरी”ति वुत्तं, “तीहि, भिक्खवे, ठानेही”ति (अ० नि० ९.२१) पन सुत्तस्स वचनेन हेट्ठापि मग्गभावनम्मि न इच्छन्तीति विज्जायति ।

२७०. “गिहीनज्जेव एकच्चानज्ज देवानं मग्गपटिलाभं सन्धाय पटिक्खेपो तस्सेवा”ति वुत्तं, “यत्थ नत्थी”ति पन ओकासवसेन पुट्ठो पुग्गलवसेन तस्स पटिक्खेपो न युत्तो । यदि च तस्सायं अधिप्पायो, सकवादिना समानाधिप्पायत्ता न निग्गहेतब्बो ।

२७१. एकन्तरिकपज्हाति परवादीसकवादीनं अज्जमज्जं पज्हन्तरिका पज्हा ।

सुद्धब्रह्मचरियकथावण्णना निट्ठिता ।

२. संसन्दनब्रह्मचरियकथावण्णना

२७३. रूपावचरमग्गेन हि सो इधविहायनिट्ठो नाम जातोति इदं “इध भावितमग्गो हि अनागामी इधविहायनिट्ठो

नाम होती”ति आदिकेन लद्धिकित्तनेन कथं समेतीति विचारेतब्बं । पुब्बे पन अनागामी एव अनागामीति वुत्तो, इध झानानागामिसोतापन्नादिकोति अधिप्पायो । इध अरहत्तमगं भावेत्वा इधेव फलं सच्छिकरोन्तं “इधपरिनिब्बायी”ति वदति, इध पन मगं भावेत्वा तत्थ फलं सच्छिकरोन्तं “तत्थपरिनिब्बायी अरहा”ति ।

संसन्दनब्रह्मचरियकथावण्णना निट्ठिता ।

ब्रह्मचरियकथावण्णना निट्ठिता ।

४. ओधिसोकथावण्णना

२७४. ओधिसो ओधिसोति एतस्स अत्थं दस्सेन्तो “एकदेसेन एकदेसेना”ति आह ।

ओधिसोकथावण्णना निट्ठिता ।

४. जहतिकथावण्णना

१. नसुत्ताहरणकथावण्णना

२८०. किच्चसब्भावन्ति तीहि पहातब्बस्स पहीनतं । तं पन किच्चं यदि तेनेव मग्गेन सिज्झतीति लद्धि, पुथुज्जनकाले एव कामरागव्यापादा पहीनाति लद्धीति एतं न समेति, तस्मा पुथुज्जनकाले पहीनानम्पि दस्सनमग्गे उप्पन्ने पुन कदाचि अनुप्पत्तितो तिण्णं मग्गानं किच्चं सम्भवतीति अधिप्पायो ।

नसुत्ताहरणकथावण्णना निट्ठिता ।

जहतिकथावण्णना निट्ठिता ।

५. सब्बमत्थीतिकथा

१. वादयुत्तिवण्णना

२८२. सब्बस्मिं सरीरे सब्बन्ति सिरसि पादा पच्छतो चक्खूनीति एवं सब्बं सब्बत्थ अत्थीति अत्थो । सब्बस्मिं कालेति बालकाले युवता, वुड्ढकाले बालता, एवं सब्बस्मिं काले सब्बं । सब्बेनाकारेनाति नीलाकारेण पीतं, पीताकारेण लोहितन्ति एवं । सब्बेसु धम्मेसूति चक्खुस्मिं सोतं, सोतस्मिं धानन्ति एवं । अयुत्तन्ति योगरहितं वदति, तं पन एकसभावं । कथं पन एकसभावस्स योगरहितताति तं दस्सेन्तो “नानासभावानज्ही”ति आदिमाह । द्विन्नज्हि नानासभावानं अङ्गुलीनं मेण्डकानं वा अज्जमज्जयोगो होति, न एकस्सेव सतो, तस्मा यो नानासभावेसु होति योगो, तेन रहितं एकसभावं अयोगन्ति वुत्तं । इदं पुच्छतीति परवादीदिट्ठिया मिच्छादिट्ठिभावं गहेत्वा उप्पन्नाय अत्तनो दिट्ठिया सम्मादिट्ठिभावो अत्थीति वुत्तं होति ।

वादयुत्तिवण्णना निट्ठिता ।

२. कालसंसन्दनवण्णना

२८५. अतीतानागतं पहाय पच्चुप्पन्नरूपमेव अप्पियं अविभजितब्बं करित्वाति पच्चुप्पन्नसद्देन रूपसद्देन चाति उभोहिपि पच्चुप्पन्नरूपमेव वत्तब्बं कत्वाति वुत्तं होति । पञ्जत्तिया अविगतत्ताति एतेन इदं विज्जायति “न रूपपञ्जत्तिं विय वत्थपञ्जत्तिं सभावपरिच्छिन्ने पवत्ता विज्जमानपञ्जत्तिं, अथ खो पुब्बापरियवसेन पवत्तमानं रूपसमूहं उपादाय पवत्ता अविज्जमानपञ्जत्तिं, तस्मा वत्थभावस्स ओदातभावविगमे विगमावत्तब्बता युत्ता, न पन रूपभावस्स पच्चुप्पन्नभावविगमे”ति ।

कालसंसन्दनवण्णना निड्डिता ।

वचनसोधनवण्णना

२८६. अनागतं वा पच्चुप्पन्नं वा हुत्वा होतीति वुत्तन्ति एत्थ अनागतं अनागतं हुत्वा पुन पच्चुप्पन्नं होन्तं हुत्वा होतीति, तथा पच्चुप्पन्नं पच्चुप्पन्नं होन्तं पुब्बे अनागतं हुत्वा पच्चुप्पन्नं होतीति हुत्वा होतीति वुत्तन्ति दट्ठब्बं । किं ते तम्पि हुत्वा होतीति तब्भावाविगमतो हुत्वाहोतिभावानुपरमं अनुपच्छेदं पुच्छतीति अधिप्पायो युत्तो । हुत्वा भूतस्स पुन हुत्वा अभावतोति अनागतं हुत्वा पच्चुप्पन्नभूतस्स पुन अनागतं हुत्वा पच्चुप्पन्नाभावतो ।

यस्मा तन्ति तं हुत्वा भूतं पच्चुप्पन्नं यस्मा अनागतं हुत्वा पच्चुप्पन्नं होन्तं “हुत्वा होती”ति सङ्ख्यं गतं, तस्मा दुतियम्पि “हुत्वा होती”ति वचनं अरहतीति पटिजानातीति अधिप्पायो । एवं पन धम्मे हुत्वाहोतिभावानुपरमं वदन्तस्स अधम्मे ससविसाणे नहुत्वान होतिभावानुपरमो आपज्जतीति अधिप्पायेन “अथ न”न्तिआदिमाह ।

पटिक्खित्तनयेनाति कालनानत्तेन । पटिज्जातनयेनाति अत्थानानत्तेन । अत्थानानत्तं इच्छन्तोपि पन अनागतस्स पच्चुप्पन्ने वुत्तं होतिभावं, पच्चुप्पन्नस्स च अनागते वुत्तं हुत्वाभावं कथं पटिजानातीति विचारेतब्बं । अत्थानानत्तमेव हि तेन अनुज्जायति, न अनागते पच्चुप्पन्नभावो, पच्चुप्पन्ने वा अनागतभावोति । पुरिमं पटिक्खित्तपज्झं परिवत्तित्वाति अनुज्जातपज्झस्स हुत्वा होति हुत्वा होतीति दोसो वुत्तोति अवुत्तदोसं अतिक्कम्म पटिक्खित्तपज्झं पुन गहेत्वा तेन चोदेतीति अत्थो । एत्थ च अत्थानानत्तेन हुत्वाहोतीति अनुजानन्तस्स दोसो कालनानत्तायेव अनागतं पच्चुप्पन्नन्ति पटिक्खेपेन कथं होतीति? तस्सेव अनुजाननपटिक्खेपतोति अधिप्पायो ।

एकेकन्ति अनागतम्पि न हुत्वा न होति पच्चुप्पन्नम्पीति तदुभयं गहेत्वा “एकेकं न हुत्वा न होति न हुत्वा न होती”ति वुत्तं, न एकेकमेव न हुत्वा न होति न हुत्वा न होतीति । एस नयो पुरिमस्मिं “एकेकं हुत्वा होति हुत्वा होती”ति वचनेपि । अनागतस्स हि “हुत्वा होती”ति नामं पच्चुप्पन्नस्स चाति द्वेपि नामानि सङ्गहेत्वा “हुत्वा होति हुत्वा होती”ति चोदितं, तथा “न हुत्वा न होति न हुत्वा न होती”ति चाति अधिप्पायो । सब्बतो अन्धकारेण परियोनद्धो वियाति एतेन अपरियोनद्धेन पटिजानितब्बं सियाति दस्सेति । एत्थ च पुरिमनये हुत्वा भूतस्स पुन हुत्वाहोतिभावो चोदितो, दुतियनये अनागतादीसु एकेकस्स हुत्वाहोतिनामताति अयं विसेसो ।

वचनसोधनवण्णना निड्डिता ।

अतीतजाणादिकथावण्णना

२९०. पुन पुट्टो...पे०... अत्थिताय पटिजानातीति एत्थ पच्चुप्पन्नं जाणं तेनाति एतेन अनुवत्तमानापेक्खनवचनेन कथं वुच्चतीति विचारेतब्बं ।

अतीतजाणादिकथावण्णना निट्ठिता ।

अरहन्तादिकथावण्णना

२९१. युत्तिविरोधो अरहतो सरागादिभावे पुथुज्जनेन अनानत्तं ब्रह्मचरियवासस्स अफलताति एवमादिको दट्ठब्बो ।

अरहन्तादिकथावण्णना निट्ठिता ।

पदसोधनकथावण्णना

२९५. तेन कारणेनाति अतीतअत्थिसद्धानं एकत्थत्ता अत्थिसद्वत्थस्स च न्वातीतभावतो “अतीतं न्वातीतं, न्वातीतञ्च अतीतं होती”ति वुत्तं होती । एत्थ पन अतीतादीनं अत्थितं वदन्तस्स परवादिस्सेवायं दोसो यथा आपज्जति, न पन “निब्बानं अत्थी”ति वदन्तस्स सकवादिस्स, तथा पटिपादेतब्बं ।

पदसोधनकथावण्णना निट्ठिता ।

सब्बमत्थीतिकथावण्णना निट्ठिता ।

७. एकच्चंअत्थीतिकथा

१. अतीतादिकेकच्चकथावण्णना

२९९. तिण्णं रासीनन्ति अविपक्कविपाकविपक्कविपाकअविपाकानं । वोहारवसेन अविपक्कविपाकानं अत्थितं वदन्तो कथं चोदेतब्बोति विचारेति “कम्मपचयं चित्तविप्पयुत्तं सङ्खारं इच्छन्ती”ति ।

एकच्चंअत्थीतिकथावण्णना निट्ठिता ।

८. सतिपट्टानकथावण्णना

३०१. लोकुत्तरभावं पुच्छनत्थायाति लोकियलोकुत्तराय सम्मासतिया सतिपट्टानत्ता, लोकुत्तराययेव वा परमत्थसतिपट्टानत्ता तस्सा वसेन लोकुत्तरभावं पुच्छनत्थायाति अत्थो । पभेदपुच्छावसेनाति लोकियलोकुत्तरसतिपट्टानसमुदायभूतस्स सतिपट्टानस्स पभेदानं पुच्छावसेन ।

सतिपट्टानकथावण्णना निट्ठिता ।

९. हेवत्थिकथावण्णना

३०४. अयोनिः सो पतिट्ठापितत्ताति अवत्तब्बुत्तरेण उपेक्खितब्बेण पतिट्ठापितत्ताति अत्थो दट्ठब्बो ।

हेवत्थिकथावण्णना निट्ठिता ।

महावग्गवण्णना निट्ठिता ।

२. दुतियवग्गो

१. परूपहारवण्णना

३०७. अधिमानिकानं सुक्कविस्सट्ठिदस्सनं विचारेतब्बं । ते हि समाधिविपस्सनाहि विक्खम्भितरागाव,
बाहिरकानम्पि च कामेसु वीतरागानं सुक्कविस्सट्ठिया अभावो वुत्तोति । अधिमानिकपुब्बा पन अधिप्पेता सियुं ।

३०८. वचसायत्थेति निच्छयत्थे, “किं कारणा”ति पन कारणस्स पुच्छितत्ता ब्रह्मचरियकथायं विय कारणत्थेति
युत्तं ।

परूपहारवण्णना निट्ठिता ।

५. वचीभेदकथावण्णना

३२६. वचीभेदकथायं लोकुत्तरं पठमज्झानं समापन्नोति पठममग्गं सन्धाय वदति, यस्मा सो दुक्खन्ति विपस्सति,
तस्मा दुक्खमिच्चेव वाचं भासति, न समुदयोति आदीनीति अधिप्पायो ।

३२८. येन तं सद्दं सुणातीति इदं वचीसमुट्ठापनक्खणे एव एतं सद्दं सुणातीति इच्छिते आरोपिते वा युज्जति ।

३३२. लोकुत्तरमग्गक्खणे वचीभेदं इच्छतो परस्स अभिभूसुत्ताहरणे अधिप्पायो वत्तब्बो ।

वचीभेदकथावण्णना निट्ठिता ।

७. चित्तट्ठितिकथावण्णना

३३५. चित्तट्ठितिकथायं चुल्लासीति...पे०... आदिवचनवसेनाति आरुप्पेयेव एवं यावतायुकट्ठानं वुत्तं, न
अज्जत्थाति कत्वा पटिक्खपतीति अधिप्पायो । एतेन पन “न त्वेव तेपि तिट्ठन्ति, द्वीहि चित्तसमोहिता”ति (महानि० १०
थोकं विसदिसं) दुतियापि अट्ठकथा पस्सितब्बा । पुरिमाय च वस्ससतादिट्ठानानुज्जाय अविरोधो विभावेतब्बो । मुहुत्तं
मुहुत्तन्ति पज्जो सकवादिना पुच्छितो विय वुत्तो, परवादिना पन पुच्छितोति दट्ठब्बो ।

चित्तट्ठितिकथावण्णना निट्ठिता ।

९. अनुपुब्बाभिसमयकथावण्णना

३३९. अनुपुब्बाभिसमयकथायं अथवातिआदिना इदं दस्सेति — चतुन्नं जाणानं एकमग्गभावतो न एकमग्गस्स बहुभावापत्ति, अनुपुब्बेन च सोतापत्तिमग्गं भावेतीति उपपन्नन्ति पटिजानातीति ।

३४४. तदाति दस्सने परिनिद्धिते ।

३४५. अट्ठहि जाणेहीति एत्थ पटिसम्भिदाजाणेहि सह अट्ठसु गहितेसु निरुत्तिपटिभानपटिसम्भिदाहि सोतापत्तिफलसच्छिकिरिया कथं होतीति विचारेतब्बं ।

अनुपुब्बाभिसमयकथावण्णना निद्धिता ।

१०. वोहारकथावण्णना

३४७. वोहारकथायं उदाहु सोतादीनिपीति एकन्तलोकियेसु विसयविसयीसु विसयस्सेव लोकुत्तरभावो, न विसयीनन्ति नत्थेत्य कारणं । यथा च विसयीनं लोकुत्तरभावो असिद्धो, तथा विसयस्स सदायतनस्स । तत्थ यथा असिद्धलोकुत्तरभावस्स तस्स लोकुत्तरता, एवं सोतादीनं आपन्नाति किन्ति तानिपि लोकुत्तरानीति अत्थो दट्ठब्बो ।

यदि लोकुत्तरे पटिहज्जेय्य, लोकुत्तरो सियाति अत्थो न गहेतब्बो । न हि लोकुत्तरे पटिहज्जतीति परिकप्पितेपि सदस्स लोकुत्तरभावो अत्थीति अधिप्पायो । “लोकियेन जाणेना”ति उद्धटं, “विज्जाणेना”ति पन पाळि, तज्च विज्जाणं सोतसम्बन्धेन सोतविज्जाणन्ति विज्जायतीति । अनेकन्तताति लोकियेन जाणेन जानितब्बतो लोकियोति एतस्स हेतुस्स लोकिये लोकुत्तरे च सम्भवतो अनेकन्तभावो सियाति अधिप्पायो ।

वोहारकथावण्णना निद्धिता ।

११. निरोधकथावण्णना

३५३. द्वे दुक्खसच्चाणि न इच्छतीति येसं द्विन्नं द्वीहि निरोधेहि भवितब्बं, तानि द्वे दुक्खसच्चाणि न इच्छतीति वुत्तं होति । ये पटिसङ्खाय लोकुत्तरेन जाणेन अनिरुद्धातिआदिना पटिसङ्खाय विना निरुद्धा असमुदाचरणसङ्खारा अप्पटिसङ्खानिरुद्धाति दस्सेति, न उप्पज्जित्वा भङ्गाति । तेन अप्पटिसङ्खानिरोधो च असमुदाचरणनिरोधोति दस्सितं होति ।

निरोधकथावण्णना निद्धिता ।

दुतियवग्गवण्णना निद्धिता ।

३. ततियवग्गो

१. बलकथावण्णना

३५४. इन्द्रियपरोपरियत्तं असाधारणन्ति यथा निद्वेसतो वित्थारतो सब्बं सब्बाकारं ठानाट्टानादिं अजानन्तापि “अट्टानमेतं अनवकासो, यं दिट्ठिसम्पन्नो पुगलो कज्जि सङ्खारं निच्चतो उपगच्छेय्या”तिआदिना (अ० नि० १.२६८)

ठानाट्टानानि उद्देसतो सङ्ख्येपतो सावका जानन्ति, न एवं “आसयं जानाति अनुसयं जानाती”ति आदिना (पटि० म० १.११३) उद्देसमत्तेनपि इन्द्रियपरोपरियत्तं जानन्तीति “असाधारण”न्ति आह । थेरेन पन सद्धादीनं इन्द्रियानं तिक्खमुदुभावजाननमत्तं सन्धाय “सत्तानं इन्द्रियपरोपरियत्तं यथाभूतं पजानामी”ति (पटि० म० २.४४) वुत्तं, न यथावुत्तं इन्द्रियपरोपरियत्तजाणं तथागतबलन्ति अयमेत्थ अधिप्पायो दट्ठब्बो । “उद्देसतो ठानाट्टानादिमत्तजाननवसेन पटिजानाती”ति वुत्तं, एवं पन पटिजानन्तेन “तथागतबलं सावकसाधारण”न्ति इदम्पि एवमेव पटिज्जातं सियाति कथमयं चोदेतब्बो सिया ।

३५६. सेसेसु पटिक्खेपो सकवादिसस ठानाट्टानजाणादीनं साधारणासाधारणत्ता तत्थ साधारणपक्खं सन्धायाति अधिप्पायो ।

बलकथावण्णना निट्ठिता ।

२. अरियन्तिकथावण्णना

३५७. सङ्खारे सन्धाय पटिजानन्तस्स द्विन्नं फस्सानं समोधानं कथं आपज्जति यथावुत्तनयेनाति विचारेतब्बं । परिकप्पनवसेन आरोपेत्वा ठपेतब्बताय सत्तो “पणिधी”ति वुत्तो । सो पन एकस्मिम्पि आरोपेत्वा न ठपेतब्बोति एकस्मिम्पि आरोपेत्वा ठपेतब्बेन तेन रहितता वुत्ता ।

अरियन्तिकथावण्णना निट्ठिता ।

४. विमुच्चमानकथावण्णना

३६६. झानेन विक्खम्भनविमुत्तिया विमुत्तं चित्तं मग्गक्खणे समुच्छेदविमुत्तिया विमुच्चमानं नाम होतीति एतिस्सा लद्धिया को दोसोति विचारेतब्बं । यदि विष्पकतनिद्देसे दोसो, तत्रापि तेन विमुच्चमानताय “विमुत्तं विमुच्चमान”न्ति वुत्तं । सति च दोसे उप्पादक्खणे विमुत्तं, वयक्खणे विमुच्चमानन्ति विमुत्तविमुच्चमानवचनस्स न चोदेतब्बं सिया, अथ खो विमुच्चमानवचनमेवाति । एकदेसेन, एकदेसे वा विमुच्चमानस्स च विमुत्तकिरियाय एकदेसो विसेसनं होतीति “भावनपुंसक”न्ति वुत्तं । कटादयोति कटपटादयो । एकेनेव चित्तेनाति एकेनेव फलचित्तेनाति अधिप्पायो ।

विमुच्चमानकथावण्णना निट्ठिता ।

५. अट्टमककथावण्णना

३६८. अनुलोमगोत्रभुक्खणेपि असमुदाचरन्ता मग्गक्खणेपि पहीना एव नाम भवेय्युन्ति लद्धि उप्पन्नाति अधिप्पायेन अनुलोमगोत्रभुग्गहणं करोति ।

अट्टमककथावण्णना निट्ठिता ।

६. अट्टमकस्स इन्द्रियकथावण्णना

३७१. इन्द्रियानि पटिलभति अप्पटिलद्धिन्द्रियत्ता अनिन्द्रियभूतानि सद्भादीनि निय्यानिकानि भावेन्तो इन्द्रियानि पटिलभति, न पन इन्द्रियानि भावेन्तोति अधिप्पायो ।

अट्टमकस्स इन्द्रियकथावण्णना निट्ठिता ।

७. दिब्बचक्खुकथावण्णना

३७३. उपत्थद्धन्ति यथा विसयानुभावगोचरेहि विसिद्धं होति, तथा पच्चयभूतेन कतबलाधानन्ति अत्थो । **तंमत्तमेवाति** पुरिमं मंसचक्खुमत्तमेव धम्मपत्थद्धं न होतीति अत्थो । **अनापाथगतन्ति** मंसचक्खुना गहेतब्बट्ठानं आपाथं नागतं । एत्थ च विसयस्स दीपकं आनुभावगोचरानमेव असदिसत्तं वदन्तो यादिसो मंसचक्खुस्स विसयोति विसयगगहणं न विसयविसेसदस्सनत्थं, अथ खो यादिसे विसये आनुभावगोचरविसेसा होन्ति, तादिसस्स रूपविसयस्स दस्सनत्थन्ति दीपेति, सदिसस्स वा विसयस्स आनुभावगोचरविसेसोव विसेसं ।

न च मंसचक्खुमेव दिब्बचक्खूति इच्छतीति धम्मपत्थद्धकाले पुरिमं मंसचक्खुमेवाति न इच्छतीति अधिप्पायो । **मंसचक्खुस्स उप्पादो मग्गोति** मंसचक्खुपच्चयतादस्सनत्थमेव वुत्तं, न तेन अनुपादिन्नतासाधनत्थं । **रूपावचरिकानन्ति** रूपावचरज्झानपच्चयेन उप्पन्नानि महाभूतानि रूपावचरिकानीति सो इच्छतीति अधिप्पायो । एस नयो **“अरूपावचरिकान”**न्ति एत्थापि । **अरूपावचरक्खणे रूपावचरचित्तस्स अभावा पटिक्खिपतीति** तस्मिंयेव खणे रूपावचरं हुत्वा अरूपावचरं न जातन्ति पटिक्खिपतीति अधिप्पायो ।

३७४. किञ्चापि दिब्बचक्खुनो धम्मपत्थद्धस्स पञ्चाचक्खुभावं न इच्छति, येन तीणि चक्खूनि धम्मपत्थम्भेन चक्खुन्तरभावं वदतो भवेय्युन्ति अधिप्पायो ।

दिब्बचक्खुकथावण्णना निट्ठिता ।

९. यथाकम्मूपगतजाणकथावण्णना

३७७. दिब्बेन चक्खुना यथाकम्मूपगे सत्ते पजानातीति यथाकम्मूपगतजाणस्स उपनिस्सये दिब्बचक्खुम्हि करणनिद्देसो कतो, न यथाकम्मूपगतजाननकिच्चके । तंकिच्चकेयेव पन परो करणनिद्देसं मज्जतीति आह **“अयोनिसो गहेत्वा”**ति । **यथाकम्मूपगतजाणमेव दिब्बचक्खुन्ति लब्धीति** इमिना वचनेन दिब्बचक्खुमेव यथाकम्मूपगतजाणन्ति एवं भवितब्बं । **एव-सद्दो च अट्ठाने ठितो दिब्बचक्खुसदस्स परतो योजेतब्बो** । यथाकम्मूपगतजाणस्स हि सो दिब्बचक्खुतो अत्थन्तरभावं निवारेलि । न हि दिब्बचक्खुस्स यथाकम्मूपगतजाणतोति ।

यथाकम्मूपगतजाणकथावण्णना निट्ठिता ।

१०. संवरकथावण्णना

३७९. चातुमहाराजिकानं संवरासंवरसम्भावो आटानाटियसुत्तेन पकासितोति **“तावतिंसे देवे उपादाया”**ति आह । एवं सति सुगतिकथायं **“तावतिंसे सङ्गहितानं पुब्बदेवानं सुरापानं, सक्कदेवानं सुरापाननिवारणं सुय्यति, तं तेसं सुरापानं**

असंवरो न होती”ति वक्तव्यं होति ।

संवरकथावण्णना निद्धिता ।

ततियवग्गवण्णना निद्धिता ।

४. चतुत्थवग्गो

१. गिहिस्स अरहातिकथावण्णना

३८७. गिहिसंयोजनसम्पयुत्ततायाति एतेन गिहिछन्दरागसम्पयुत्तताय एव “गिही”ति वुच्चति, न ब्यञ्जनमत्तेनाति इममत्थं दस्सेति ।

गिहिस्स अरहातिकथावण्णना निद्धिता ।

२. उपपत्तिकथावण्णना

३८८. अयोनिसोति ओपपातिको होति, तत्थ तस्सायेवूपपत्तिया परिनिब्बायीति अत्थं गहेत्वाति अधिप्पायो ।

उपपत्तिकथावण्णना निद्धिता ।

४. समन्नागतकथावण्णना

३९३. समन्नागतकथायं पत्तिं सन्धाय पटिजानन्तो चतूहि खन्धेहि विय समन्नागमं न वदतीति तस्स चतूहि फस्सादीहि समन्नागमप्पसङ्गो यथा होति, तं वक्तव्यं ।

समन्नागतकथावण्णना निद्धिता ।

५. उपेक्खासमन्नागतकथावण्णना

३९७. इमिनाव नयेनाति “तत्थ द्वे समन्नागमा”तिआदि सब्बं योजेतब्बं । तत्थ पत्तिधम्मो नाम रूपावचरादीसु अञ्जतरभूमिं पठमज्झानादिवसेन पापुणन्तस्स पठमज्झानादीनं पटिलाभो । निरुद्धेसुपि पठमज्झानादीसु अनिरुज्झनतो चित्तविप्पयुत्तो सङ्खारो, येन सुपन्तो सज्झायादिपसुतो च तेहि समन्नागतोति वुच्चतीति वदन्ति ।

उपेक्खासमन्नागतकथावण्णना निद्धिता ।

६. बोधियाबुद्धोत्तिकथावण्णना

३९८. तस्माति यथावुत्तस्स जाणद्वयस्स बोधिभावतो । तं अगगहेत्वा पत्तिधम्मवसेन नत्थिताय बोधिया समन्नागतो बुद्धोति येसं लद्धि, ते सन्धाय पुच्छा च अनुयोगो च सकवादिस्साति योजना दट्ठब्बा ।

बोधियाबुद्धोतिकथावण्णना निट्ठिता ।

७. लक्खणकथावण्णना

४०२. बोधिसत्तमेव सन्धाय वुत्तन्ति लक्खणसमन्नागतो अविमोक्षो बोधिसत्तमेव गहेत्वा इदं सुत्तं वुत्तं, न बोधिसत्ततो अज्जो लक्खणसमन्नागतो नत्थीति । नापि सब्बेसं लक्खणसमन्नागतानं बोधिसत्तता, तस्मा असाधकन्ति अधिप्पायो ।

लक्खणकथावण्णना निट्ठिता ।

८. नियामोक्कन्तिकथावण्णना

४०३. ठपेत्वा पारमीपूरणन्ति पारमीपूरणेनेव ते “बोधिया नियता नरा”ति वुच्चन्तीति दस्सेति । केवलज्झि नन्तिआदिना च न नियामकस्स नाम कस्सचि उप्पन्नत्ता ब्याकरोन्तीति दस्सेति ।

नियामोक्कन्तिकथावण्णना निट्ठिता ।

१०. सब्बसंयोजनप्पहानकथावण्णना

४१३. निप्परियायेनेवाति अवसिट्ठस्स पहातब्बस्स अभावा “सब्बसंयोजनप्पहान”न्ति इमं परियायं अगहेत्वा अरहत्तमग्गेन पजहनतो एवाति गण्हातीति वुत्तं होति । अप्पहीनस्स अभावाति अवसिट्ठस्स पहातब्बस्स अभावा पटिजानातीति वदन्ति, तथा “अनवसेसप्पहान”न्ति एत्थापि । एवं सति तेन अत्तनो लद्धिं छुट्ठेत्वा सकवादस्स लद्धिया पटिज्जातन्ति आपज्जति ।

सब्बसंयोजनप्पहानकथावण्णना निट्ठिता ।

चतुत्थवग्गवण्णना निट्ठिता ।

५. पञ्चमवग्गो

१. विमुत्तिकथावण्णना

४१८. फलजाणं न होतीति “विमुत्तानी”ति वा तदङ्गविमुत्तियादिभावतो मग्गेन पहीनानं पुन अनुप्पत्तितो च “अविमुत्तानी”ति वा न वत्तब्बानीति अधिप्पायो । गोत्रभुजाणञ्चेत्थ विपस्सनाग्गहणेन गहितन्ति दट्ठब्बं ।

विमुत्तिकथावण्णना निट्ठिता ।

२. असेखजाणकथावण्णना

४२१. न पनेतं असेखन्ति एतेन असेखविसयत्ता असेखमेव जाणन्ति परस्स लद्धिं, न पन असेखस्साति इममत्थं

दस्सेति ।

असेखजाणकथावण्णना निट्ठिता ।

३. विपरीतकथावण्णना

४२४. न पथवीयेवाति लक्खणपथवीयेव, ससम्भारपथवीयेव वा न होतीति अत्थो । अनिच्चे निच्चन्तिआदिविपरियेसो पन विपरीतजाणं नामाति अज्जाणेपि जाणवोहारं आरोपेत्वा वदतीति दट्ठब्बं ।

विपरीतकथावण्णना निट्ठिता ।

४. नियामकथावण्णना

४२८-४३१. जाणं अत्थि, यं सच्चानुलोमं मग्गजाणानुगतिकं पस्सन्तो भगवा “भब्बो”ति जानातीति लद्धि । पठमपज्जमेव चतुत्थं कत्वाति एत्थ “नियतस्स अनियामगमनाया”ति विपरीतानुयोगतो पभुति गणेत्वा “चतुत्थ”न्ति आह ।

नियामकथावण्णना निट्ठिता ।

५. पटिसम्भिदाकथावण्णना

४३२-४३३. यंकिञ्चि अरियानं जाणं, सब्बं लोकुत्तरमेवाति गणहन्तेनपि सब्बं जाणं पटिसम्भिदाति न सक्का वत्तुं । अनरियानमपि हि जाणं जाणमेवाति । तस्स वा जाणतं न इच्छतीति वत्तब्बं । पथवीकसिणसम्मृत्तियं समापत्तिजाणं सन्धायाति अनरियस्स एतं जाणं सन्धायाति अधिप्पायो सिया ।

पटिसम्भिदाकथावण्णना निट्ठिता ।

६. सम्मृतिजाणकथावण्णना

४३४-४३५. सच्चन्ति वचनसामज्जेन उभयस्सपि सच्चसामज्जत्तं गहेत्वा वदतीति दस्सेन्तो “तत्था”तिआदिमाह ।

सम्मृतिजाणकथावण्णना निट्ठिता ।

७. चित्तारम्मणकथावण्णना

४३६-४३८. फस्सस्स फुसनलक्खणं मनसिकरोतीति एतेन पुरिमा वत्तब्बपटिज्जा अनुपदधम्ममनसिकारतो अज्जं समुदायमनसिकारं सन्धाय कताति दस्सेति ।

चित्तारम्मणकथावण्णना निट्ठिता ।

८. अनागतजाणकथावण्णना

४३९-४४०. सब्बस्मिम्पीति “पाटलिपुत्तस्स खो”तिआदिना अनागते जाणन्ति वुत्तन्ति अनागतभावसामञ्जेन अनन्तरानागतेपि जाणं इच्छन्तीति वुत्तं होति ।

अनागतजाणकथावण्णना निट्ठिता ।

९. पटुप्पन्नजाणकथावण्णना

४४१-४४२. वचनं निस्सायाति अत्थतो आपन्नं वचनं, अनुजाननवचनं वा निस्साय । सन्ततिं सन्धायाति भङ्गानुपस्सनानं भङ्गतो अनुपस्सनासन्ततिं सन्धायाति अधिप्पायो ।

पटुप्पन्नजाणकथावण्णना निट्ठिता ।

१०. फलजाणकथावण्णना

४४३-४४४. बुद्धानं वियाति यथा बुद्धा सब्बप्पकारफलपरोपरियत्तजाननवसेन अत्तनो एव च बलेन फलं जानन्ति, एवन्ति वुत्तं होति ।

फलजाणकथावण्णना निट्ठिता ।

पञ्चमवग्गवण्णना निट्ठिता ।

महापण्णासको समत्तो ।

६. छट्ठवग्गो

१. नियामकथावण्णना

४४५-४४७. अनियतो नाम न होतीति यथा मिच्छत्तनियतस्स भवन्तरे अनियतं नाम होति, एवं एतस्स कदाचिपि अनियतता न होतीति यो नियामो, सो असङ्खत्तोति अधिप्पायो ।

नियामकथावण्णना निट्ठिता ।

२. पटिच्चसमुप्पादकथावण्णना

४५१. कारणट्ठेन ठितताति कारणभावोयेव । एतेन च धम्मनं कारणभावो धम्मट्ठितताति एतमत्थं दस्सेति । तथा “धम्मनियामता”ति एत्थापि ।

पटिच्चसमुप्पादकथावण्णना निट्ठिता ।

३. सच्चकथावण्णना

४५२-४५४. वत्थुसच्चन्ति जातियादि कामतण्हादि सम्मादिट्ठिआदि च । बाधनपभवनिव्यानि कलक्खणेहि लक्खणसच्चं बाधनादि ।

सच्चकथावण्णना निट्ठिता ।

५. निरोधसमापत्तिकथावण्णना

४५७-४५९. करियमाना करीयतीति अरूपक्खन्धानं पवत्तमानानं समथविपस्सनानुक्कमेन अप्पवत्ति साधीयतीति अत्थो । सङ्खत्तासङ्खत्तलक्खणानं पन अभावेनाति वदन्तो सभावधम्मतं पटिसेधेति । वोदानञ्च वुट्ठानपरियायोव । असङ्खत्तभावे कारणं न होति सभावधम्मत्तासाधकत्ताति अधिप्पायो ।

निरोधसमापत्तिकथावण्णना निट्ठिता ।

छट्ठवग्गवण्णना निट्ठिता ।

७. सत्तमवग्गो

१. सङ्गहितकथावण्णना

४७१-४७२. सङ्गहिताति सम्बन्धा ।

सङ्गहितकथावण्णना निट्ठिता ।

२. सम्पयुत्तकथावण्णना

४७३-४७४. नानत्तववत्थानं नत्थीति वदन्तो “तिलम्हि तेलं अनुपविट्ठु”न्ति वचनमेव न युज्जतीति “न हेव”न्ति पटिक्खित्तन्ति दस्सेति ।

सम्पयुत्तकथावण्णना निट्ठिता ।

३. चेतसिककथावण्णना

४७५-४७७. फस्सादीनं एकुप्पादतादिविरहिता सहजातता नत्थीति आह “सम्पयुत्तसहजाततं सन्धाया”ति ।

चेतसिककथावण्णना निट्ठिता ।

४. दानकथावण्णना

४७८. देय्यधम्मवसेन चोदेतुन्ति यदि चेतसिकोव धम्मो दानं, “दिय्यतीति दान”न्ति इमिनापि अत्थेन

चेतसिकस्सेव दानभावो आपज्जतीति चोदेतुन्ति अत्थो ।

४७९. अनिट्ठफलन्तिआदि अचेतसिकस्स धम्मस्स दानभावदीपनत्थं वुत्तन्ति फलदानभावदीपनत्थं न वुत्तन्ति अत्थो दट्ठब्बो । अनिट्ठफलन्तिआदिना अचेतसिकस्स धम्मस्स फलदानं वुत्तं विय होति, न दानभावो, तन्निवारणत्थञ्चेतमाहाति । एवञ्च कत्वा अनन्तरमेवाह “न हि अचेतसिको अन्नादिधम्मो आयतिं विपाकं देती”ति । इट्ठफलभावनियमनत्थन्ति देय्यधम्मो विय केनचि परिआयेन अनिट्ठफलता दानस्स नत्थि, एकन्तं पन इट्ठफलमेवाति नियमनत्थन्ति अत्थो ।

इतरेनाति “देय्यतीति दान”न्ति इमिना परिआयेन । न पन एकेनत्थेनाति “देय्यधम्मोव दान”न्ति इमं सकवादीवादं निवत्तेतुं “सद्धा हिरिय”न्तिआदिकं सुत्तसाधनं परवादीवादे युज्जति, “इधेकच्चो अन्नं देती”तिआदिकञ्च, “चेतसिकोव धम्मो दान”न्ति इमं निवत्तेतुं “चेतसिको धम्मो दान”न्ति इमं पन साधेतुं “सद्धा हिरिय”न्तिआदिकं सकवादीवादे युज्जति, “इधेकच्चो अन्नं देती”तिआदिकं वा “देय्यधम्मो दान”न्ति साधेतुन्ति एवं निवत्तनसाधनत्थनानत्तं सन्धाय “न पन एकेनत्थेना”ति वुत्तन्ति दट्ठब्बं । तत्थ यथा परवादीवादे च सुत्तसाधनत्थं “न वत्तब्बं चेतसिको धम्मो दान”न्ति पुच्छायं चेतसिकोवाति अत्थो दट्ठब्बो, तथा “न वत्तब्बं देय्यधम्मो दान”न्ति पुच्छाय च देय्यधम्मोवाति । देय्यधम्मो इट्ठफलोति इट्ठफलाभावमत्तमेव पटिक्खित्तन्ति एत्थ “इट्ठफलभावमत्तमेव पटिक्खित्त”न्ति पाठेन भवितव्वन्ति । “इट्ठफलाभावमत्तमेव दिस्वा पटिक्खित्त”न्ति वा वत्तब्बं । सङ्करभावमोचनत्थन्ति चेतसिकस्स दातव्वट्ठेन देय्यधम्मस्स च इट्ठफलट्ठेन दानभावमोचनत्थन्ति वुत्तं होति ।

दानकथावण्णना निट्ठिता ।

५. परिभोगमयपुज्जकथावण्णना

४८३. परिभोगमयं नाम चित्तविप्पयुत्तं पुज्जं अत्थीति लद्धि । तज्झि ते सन्धाय परिभोगमयं पुज्जं पवड्ढतीति वदन्तीति अधिप्पायो ।

४८५. तस्सापि वसेनाति तस्सापि लद्धिया वसेन । पञ्चविज्जाणानं विय एतेसम्पि समोधानं सियाति पटिजानातीति वदन्ति । पञ्चविज्जाणफस्सादीनमेव पन समोधानं सन्धाय पटिजानातीति अधिप्पायो ।

४८६. अपरिभुत्तेपीति इमिना “पटिग्गाहको पटिग्गहेत्वा न परिभुज्जति छट्ठेती”तिआदिकं दस्सेति । अपरिभुत्ते देय्यधम्मो पुज्जभावतो परिभोगमयं पुज्जं पवड्ढतीति अयं वादो हीयति । तस्मिञ्च हीने सकवादीवादो बलवा । चागचेतनाय एव हि पुज्जभावो एवं सिद्धो होतीति अधिप्पायो । अपरिभुत्तेपि देय्यधम्मो पुज्जभावे चागचेतनाय एव पुज्जभावोति आह “सकवादीवादो बलवा”ति ।

परिभोगमयपुज्जकथावण्णना निट्ठिता ।

६. इतोदिन्नकथावण्णना

४८८-४९१. तेनेव यापेन्तीति तेनेव चीवरादिना यापेन्ति, तेनेव वा चीवरादिदानेन यापेन्ति, सयंकतेन कम्मुना

विनापीति अधिष्ठायो। इमिना कारणेनाति यदि यं इतो चीवरादि दिन्नं, न तेन यापेय्यं, कथं अनुमोदेय्यं...पे०...
सोमनस्सं पटिलभेय्युन्ति लद्धिं पतिट्ठपेन्तस्सपीति वुत्तं होति।

इतोदिन्नकथावण्णना निट्ठिता।

७. पथवीकम्मविपाकोतिकथावण्णना

४९२. फस्सो सुखवेदनीयादिभेदो होतीति फस्सेन सब्बम्पि कम्मविपाकं दस्सेत्वा पुन अत्तवज्जेहि सम्पयोगदस्सनत्थं “सो च सज्जादयो चा”तिआदि वुत्तं। अत्थि च नेसन्ति सावज्जने चक्खुविज्जाणादिसहजातधम्मे सन्धाय वुत्तं। यो तत्थ इट्ठविपाको, तस्स पत्थनाति इट्ठविपाके एव पत्थनं कत्वा कम्मं करोन्तीति कम्मूपनिस्सयभूतमेव पत्थनं दस्सेति, पच्चुप्पन्नवेदनापच्चयं वा तण्हं उपादानादिनिब्बत्तनवसेन दुक्खस्स पभावितं। मूलतण्हाति पच्चुप्पन्नविपाकवट्ठनिब्बत्तककम्मस्स उपनिस्सयभूतं पुरिमतण्हं, कम्मसहायं वा विपाकस्स उपनिस्सयभूतं।

४९३. सकसमयवसेन च चोदनाय पयुज्जमानतं दस्सेतुं “तेसञ्च लद्धिया”तिआदिमाह।

४९४. पटिलाभवसेनाति कम्मे सति पथवियादीनं पटिलाभो होतीति कम्मं तंसंवत्तनिकं नाम होतीति दस्सेति।

पथवीकम्मविपाकोतिकथावण्णना निट्ठिता।

८. जरामरणविपाकोतिकथावण्णना

४९५. सम्पयोगलक्खणाभावाति “एकारम्मणा”ति इमस्स सम्पयोगलक्खणस्स अभावाति अधिष्ठायो।

४९६. परियायो नत्थीति सकवादिना अत्तना वत्तब्बताय परियायो नत्थीति अब्याकतानं जरामरणस्स विपाकनिवारणत्थं अब्याकतवसेन पुच्छा न कताति दस्सेति।

४९७. अपरिसुद्धवण्णता जरायेवाति केचि, तं अकुसलकम्मं कम्मसमुट्ठानस्सातिआदिना रूपस्सेव दुब्बण्णतादस्सनेन सममेवाति।

जरामरणविपाकोतिकथावण्णना निट्ठिता।

९. अरियधम्मविपाककथावण्णना

५००. वट्ठन्ति कम्मादिवट्ठं।

अरियधम्मविपाककथावण्णना निट्ठिता।

१०. विपाकोविपाकधम्मधम्मोतिकथावण्णना

५०१. तप्पच्चयापीति यस्स विपाकस्स विपाको अज्जमज्जपच्चयो होति तप्पच्चयापि अज्जमज्जपच्चयभूततोपीति

अधिष्णायो । सो हीति आदिना पुरिमपटिज्जाय इमस्स चोदनस्स कारणभावं दस्सेति । अञ्जमञ्जपच्चयादीसु पच्चयट्ठेनाति आदि-सद्देन सहजातादिपच्चये सङ्गहिहत्वा तेसु तेन तेन पच्चयभावेनाति दस्सेति ।

विपाकोविपाकधम्मधम्मोतिकथावण्णना निट्ठिता ।

सत्तमवग्गवण्णना निट्ठिता ।

८. अट्टमवग्गो

१. छगतिकथावण्णना

५०३-५०४. वण्णोति वण्णनिभा सण्ठानञ्च वुच्चतीति आह “सदिसरूपसण्ठाना”ति ।

छगतिकथावण्णना निट्ठिता ।

२. अन्तराभवकथावण्णना

५०५. अतिदूरस्स अन्तरितस्स पत्तब्बस्स देसस्स दस्सनतो दिब्बचक्खुको विय । आकासेन पथवन्तरट्ठानानि भिन्दित्वा गमनतो इद्धिमा विय । न सहधम्मेनाति यदि सो भवानं अन्तरा न सिया, न नाम अन्तराभवोति पटिकखेपे करणं नत्थीति अधिष्णायो ।

५०६. तत्थ जातिजरामरणानि चेव चुतिपटिसन्धिपरम्परञ्च अनिच्छन्तोति एतेन चुतिअनन्तरं अन्तराभवं खन्धाति, वत्तमाना जातीति, मातुकुच्छिमेव पविट्ठा अन्तरधायमाना मरणन्ति न इच्छति ।

५०७. यथा कामभवादीसु तत्थ तत्थेव पुनप्पुनं चवित्वा उपपत्तिवसेन चुतिपटिसन्धिपरम्परा होति, एवं तं तत्थ न इच्छतीति दस्सेति ।

अन्तराभवकथावण्णना निट्ठिता ।

३. कामगुणकथावण्णना

५१०. कामभवस्स कमनट्ठेन कामभवभावो सब्बेपि कामावचरा खन्धादयो कामभवोति इमिना अधिष्णायेन दट्ठब्बो । उपादिन्नखन्धानमेव पन कामभवभावो धातुकथायं दस्सितो, न कमनट्ठेन कामभवभावो । “पञ्चिमे, भिक्खवे, कामगुणा”ति वचनमत्तं निस्सायाति पञ्चेव कामकोट्टासा “कामो”ति वुत्ताति कामधातूतिवचनं न अञ्जस्स नामन्ति इमिना अधिष्णायेनेवं वचनमत्तं निस्सायाति अत्थो ।

कामगुणकथावण्णना निट्ठिता ।

५. रूपधातुकथावण्णना

५१५-५१६. रूपधातुकथायं रूपधातूति वचनतो रूपीधम्महेव रूपधातुया भवितव्वन्ति लद्धि दट्ठब्बा । सुत्तेसु “तयोमे भवा”तिआदिना (दी० नि० ३.३०५) परिच्छिन्नभूमियोव भूमिपरिच्छेदो, “हेट्ठतो अवीचिनिरयं परियन्तं करित्वा”तिआदिकम्मपरिच्छिन्दनम्पि (विभ० १८२) वदन्ति ।

रूपधातुकथावण्णना निट्ठिता ।

६. अरूपधातुकथावण्णना

५१७-५१८. इमिनावुपायेनाति यथा हि पुरिमकथायं रूपिनो धम्मा अविसेसेन “रूपधातू”ति वुत्ता, एवमिधापि अरूपिनो धम्मा अविसेसेन “अरूपधातू”ति वुत्ताति तत्थ वुत्तनयो इधापि समानोति अधिप्पायो ।

अरूपधातुकथावण्णना निट्ठिता ।

७. रूपधातुयाआयतनकथावण्णना

५१९. घाननिमित्तानिपीति इदं घानादिनिमित्तानिपीति वत्तव्वं । निमित्तन्ति घानादीनं ओकासभावेन उपलविखतं तथाविधसण्ठानं रूपसमुदायमाह ।

रूपधातुयाआयतनकथावण्णना निट्ठिता ।

८. अरूपेरूपकथावण्णना

५२४-५२६. सुखुमरूपं अत्थि, यतो निस्सरणं तं आरुप्पन्ति अधिप्पायो ।

अरूपेरूपकथावण्णना निट्ठिता ।

९. रूपंकम्मन्तिकथावण्णना

५२७-५३७. पक्कप्यमानाति आयूहमाना, सम्पयुत्तेसु अधिकं ब्यापारं कुरुमानाति अत्थो । पुरिमवारेति “यंकिञ्चि अकुसलेन चित्तेन समुद्धितं रूपं, सब्बं तं अकुसल”न्ति इमं पज्जं वदति ।

रूपंकम्मन्तिकथावण्णना निट्ठिता ।

१०. जीवितिन्द्रियकथावण्णना

५४०. अरूपजीवितिन्द्रियन्तिपज्जे “अत्थि अरूपीनं धम्मानं आयू”तिआदिकं पज्जं अन्तं गहेत्वा वदति । अरूपधम्मानं चित्तविष्णयुत्तं जीवितिन्द्रियसन्तानं नाम अत्थीति इच्छतीति एत्थ रूपारूपधम्मानं तं इच्छन्तो अरूपधम्मानं इच्छतीति वत्तुं युत्तोति “अरूपधम्मान”न्ति वुत्तन्ति दट्ठव्वं ।

५४१. सत्तसन्ताने रूपिनो वा धम्मा होन्तूतिआदिनापि तमेव जीवितिन्द्रियसन्तानं वदतीति वेदितव्वं ।

५४२. पुब्बापरभागं सन्धायाति समापत्तिया आसन्नभावतो तदापि समापन्नोयेवाति अधिप्पायो।

५४४-५४५. द्वे जीवितिन्द्रियानीति “पुच्छा सकवादस्स, पटिज्जा इतरस्सा”ति पुरिमपाठो। “पुच्छा परवादस्स, पटिज्जा सकवादस्सा”ति पच्छिमपाठो, सो युत्तो।

जीवितिन्द्रियकथावण्णना निट्ठिता।

११. कम्महेतुकथावण्णना

५४६. सेसन्ति पाणातिपातादिकम्मस्स हेतूति इतो पुरिमं सोतापन्नादिअनुयोगं वदति। हन्द हीति परवादस्सेवेतं सम्पटिच्छनवचनन्ति सम्पटिच्छापेतुन्ति न सकका वत्तुं, “कतमस्स कम्मस्स हेतू”ति पन सकवादी तं सम्पटिच्छापेतुं वदतीति युज्जेय्य, सम्पटिच्छापेतुन्ति पन पक्खं पटिजानापेतुन्ति अत्थं अगगहेत्वा परवादी अत्तनो लद्धिं सकवादिं गाहापेतुन्ति अत्थो दट्ठब्बो।

कम्महेतुकथावण्णना निट्ठिता।

अट्ठमवग्गवण्णना निट्ठिता।

९. नवमवग्गो

१. आनिसंसदस्सावीकथावण्णना

५४७. विभागदस्सनत्थन्ति विसभागदस्सनत्थन्ति वुत्तं होति। नानाचित्तवसेन पटिजानन्तस्स अधिप्पायमद्दनं कथं युत्तन्ति विचारेतब्बं। आरम्मणवसेन हि दस्सनद्वयं सह वदन्तस्स तदभावदस्सनत्थं इदं आरद्धन्ति युत्तन्ति। अनुस्सववसेनातिआदिना न केवलं अनिच्चादिआरम्मणमेव जाणं विपस्सना, अथ खो “अनुप्पादो खेम”न्तिआदिकं निब्बाने आनिसंसदस्सनज्जाति दीपेति।

आनिसंसदस्सावीकथावण्णना निट्ठिता।

२. अमतारम्मणकथावण्णना

५४९. सुत्तभयेनाति “पारिमं तीरं खेमं अप्पटिभयन्ति खो, भिक्खवे, निब्बानस्सेतं अधिवचन”न्ति (सं० नि० ४.२३८) असंयोजनयादिभावं सन्धाय खेमादिभावो वुत्तोति एवमादिना सुत्तभयेनाति दट्ठब्बं।

अमतारम्मणकथावण्णना निट्ठिता।

३. रूपंसारम्मणन्तिकथावण्णना

५५२-५५३. आरम्मणत्थस्स विभागदस्सनत्थन्ति पच्चयट्ठो ओलुब्भट्ठोति एवं विभागे विज्जमाने पच्चयो लुब्भानं विसेसाभावं कप्पेत्वा अकप्पेत्वा वा सप्पच्चयत्ता ओलुब्भारम्मणेनपि सारम्मणमेवाति न गहेतब्बन्ति दस्सनत्थन्ति वुत्तं

होति ।

रूपंसारम्मणन्तिकथावण्णना निट्ठिता ।

४. अनुसयाअनारम्मणातिकथावण्णना

५५४-५५६. अप्पहीनत्ताव अत्थीति वुच्चति, न पन विज्जमानत्ताति अधिप्पायो ।

अनुसयाअनारम्मणातिकथावण्णना निट्ठिता ।

५. जाणंअनारम्मणन्तिकथावण्णना

५५७-८. तस्स जाणस्साति मग्गजाणस्साति वदन्ति ।

जाणंअनारम्मणन्तिकथावण्णना निट्ठिता ।

७. वितक्कानुपतितकथावण्णना

५६२. अविसेसेनेवाति आरम्मणसम्पयोगेहि द्वीहिपीति अत्थो ।

वितक्कानुपतितकथावण्णना निट्ठिता ।

८. वितक्कविप्फारसद्वकथावण्णना

५६३. सब्बसोति सवितक्कचित्तेसु सब्बत्थ सब्बदा वाति इममत्थं दस्सेन्तो आह “अन्तमसो मनोधातुपवत्तिकालेपी”ति । वितक्कविप्फारमत्तन्ति वितक्कस्स पवत्तिमत्तन्ति अधिप्पायो ।

वितक्कविप्फारसद्वकथावण्णना निट्ठिता ।

९. नयथाचित्तस्सवाचातिकथावण्णना

५६५. अनापत्तीति विसंवादनाधिप्पायस्स अभावा मुसावादो न होतीति वुत्तं ।

नयथाचित्तस्सवाचातिकथावण्णना निट्ठिता ।

११. अतीतानागतसमन्नागतकथावण्णना

५६८-५७०. तासूति तासु पज्जत्तीसु । समन्नागमपज्जत्तिया समन्नागतोति वुच्चति, पटिलाभपज्जत्तिया लाभीति वुच्चति । समन्नागतोति वुच्चति अयं समन्नागमपज्जत्ति नाम । लाभीति वुच्चति अयं पटिलाभपज्जत्ति नामाति वा अधिप्पायो योजेतब्बो ।

अतीतानागतसमन्नागतकथावण्णना निट्ठिता ।

नवमवग्गवण्णना निट्ठिता ।

१०. दसमवग्गो

१. निरोधकथावण्णना

५७१-२. भवङ्गचित्तस्स भङ्गक्खणेन सहेवातिआदिं वदन्तेन किरियखन्धानं भङ्गक्खणेन सह उपपत्तेसिया खन्धा उप्पज्जन्तीति च वत्तब्बं, तथा उपपत्तेसियानं भङ्गक्खणेन सह उपपत्तेसिया, किरियानं भङ्गक्खणेन सह किरियाति । चक्खुविज्जाणादीनं किरियाचतुक्खन्धग्गहणेन गहणं । जाणन्ति मग्गजाणं युत्तं ।

निरोधकथावण्णना निट्ठिता ।

३. पञ्चविज्जाणसमङ्गिस्समग्गकथावण्णना

५७६. तं लक्खणन्ति “छ विज्जाणा”ति अवत्वा “पञ्चविज्जाणा उप्पन्नवत्थुका”तिआदिना वुत्तं लक्खणं । “छ विज्जाणा”ति अवचनं पनेत्थ “नो च वत रे वत्तब्बे”तिआदिवचनस्स कारणन्ति अधिप्पेतं ।

५७७. लोकियोति विपस्सनामग्गमाह । यं तत्थ अनिमित्तन्ति चक्खुविज्जाणसमङ्गिक्खणे यं अनिमित्तं गण्हन्तो न निमित्तग्गाहीति वुत्तो, तदेव सुज्जतन्ति अधिप्पायो ।

पञ्चविज्जाणसमङ्गिस्समग्गकथावण्णना निट्ठिता ।

५. पञ्चविज्जाणासाभोगातिकथावण्णना

५८४-५८६. कुसलाकुसलवसेन नमीति कुसलाकुसलभावेन नमित्वा पवत्तीति वुत्तं होति । सा पन आरम्मणप्पकारग्गहणं येन अलोभादीहि लोभादीहि च सम्पयोगो होतीति दट्ठब्बो “सुखमिति चेतसो अभागो”तिआदीसु विय ।

पञ्चविज्जाणासाभोगातिकथावण्णना निट्ठिता ।

६. द्वीहिसीलेहीतिकथावण्णना

५८७-५८९. खणभङ्गनिरोधं, न अप्पवत्तिनिरोधं, सीलवीतिक्कमनिरोधं वा । वीतिक्कमं वियाति यथा वीतिक्कमे कते दुस्सीलो, एवं निरुद्धेपीति एवं वीतिक्कमेन निन्नानं सल्लक्खेन्तोति अत्थो ।

द्वीहिसीलेहीतिकथावण्णना निट्ठिता ।

७. सीलंअचेतसिकन्तिकथावण्णना

५९०-५९४. येन सो सीलवायेव नाम होतीति येन चित्तविष्णुत्तेन ठितेन उपचयेन अकुसलाब्धाकतचित्तसमङ्गी सीलवायेव नाम होतीति अधिष्पायो। सेसमेत्थ “दानं अचेतसिक”न्ति कथायं वुत्तनयेनेव वेदितव्वन्ति वुत्तं, सा पन कथा मग्गितव्वा।

सीलंअचेतसिकन्तिकथावण्णना निट्ठिता।

९. समादानहेतुकथावण्णना

५९८-६००. समादानहेतुकथायं १०० पुरिमकथासदिसमेवाति परिभोगकथेकदेससदिसता दट्ठव्वा।

समादानहेतुकथावण्णना निट्ठिता।

११. अविज्जत्तिदुस्सील्यन्तिकथावण्णना

६०३-६०४. आणत्तिया च पाणातिपातादीसु अङ्गपारिपूरन्ति एकस्मिं दिवसे आणत्तस्स अपरस्मिं दिवसे पाणातिपातं करोन्तस्स तदा सा आणत्ति विज्जत्तिं विनायेव अङ्गं होतीति अविज्जत्ति दुस्सील्यन्ति अधिष्पायो।

अविज्जत्तिदुस्सील्यन्तिकथावण्णना निट्ठिता।

दसमवग्गवण्णना निट्ठिता।

दुतियो पण्णासको समत्तो।

११. एकादसमवग्गो

४. जाणकथावण्णना

६१४-६१५. जाणकथायं सेय्यथापि महासङ्घिकानन्ति पुब्बे जाणंअनारम्मणन्तिकथायं (कथा० ५५७ आदयो) वुत्तेहि अन्धकेहि अज्जे इध महासङ्घिका भवेय्युं। यदि अज्जाणे विगतेतिआदिना रागविगमो विय वीतरागपज्जत्तिया अज्जाणविगमो जाणीपज्जत्तिया कारणन्ति दस्सेति। न हि जाणं अस्स अत्थीति जाणी, अथ खो अज्जाणीपटिपक्खतो जाणीति। यस्मा जाणपटिलाभेनाति एत्थ च जाणपटिलाभेन अज्जाणस्स विगतत्ता सो जाणीति वत्तव्वतं आपज्जतीति अत्थो दट्ठव्बो।

जाणकथावण्णना निट्ठिता।

६. इदंदुक्खन्तिकथावण्णना

६१८-६२०. इतरो पन सकसमयेति परवादी अत्तनो समयेति अत्थो।

इदंदुक्खन्तिकथावण्णना निट्ठिता।

७. इद्धिबलकथावण्णना

६२१-६२४. कम्मस्स विपाकवसेन वाति निरयंव सन्धाय वुत्तं । तत्थ हि अब्बुदादिपरिच्छेदो तादिसस्स कम्मविपाकस्स वसेन वुत्तो । वस्सगणनाय वाति मनुस्से चातुमहाराजिकादिदेवे च सन्धाय । तेसज्झि असङ्ख्येयम्पि कालं विपाकदानसमत्थं कम्मं वस्सगणनाय परिच्छिज्जतीति ।

इद्धिबलकथावण्णना निट्ठिता ।

८. समाधिकथावण्णना

६२५-६२६. समाधानट्टेनाति समं ठपनट्टेन समाधि नाम चेतसिकन्तरं अत्थीति अग्गहेत्वाति अत्थो । छलेनाति एकचित्तक्खणिकत्ते चक्खुविज्जाणस्स च झानचित्तस्स च न कोचि विसेसोति एतेन सामञ्जसत्तेनाति अधिप्पायो ।

समाधिकथावण्णना निट्ठिता ।

९. धम्मट्ठितताकथावण्णना

६२७. अनन्तरपच्चयतज्जेवाति अविज्जा सङ्खारानं अनन्तरपच्चयो अविज्जाय या ठितता ततो होति, ताय ठितताय अनन्तरपच्चयभावसङ्खाता ठितता होतीति अधिप्पायो । अनन्तरपच्चयग्गहणज्जेत्थ अज्जमज्जपच्चयभावरहितस्स एकस्स पच्चयस्स दस्सनत्थन्ति दट्ठब्बं । तेन हि सब्बो तादिसो पच्चयो दस्सितो होतीति । अज्जमज्जपच्चयतज्जाति अविज्जा सङ्खारानं पच्चयो, सङ्खारा च अविज्जाय । तत्थ अविज्जाय सङ्खारानं पच्चयभावसङ्खाताय ठितताय सङ्खारानं अविज्जाय पच्चयभावसङ्खाता ठितता होति, तस्सा च इतराति अधिप्पायो ।

धम्मट्ठितताकथावण्णना निट्ठिता ।

१०. अनिच्चताकथावण्णना

६२८. रूपादयो विय परिनिष्फन्नाति रूपादीहि सह उप्पज्जित्वा निरुज्जनतो परिनिष्फन्नाति अत्थो । अनिच्चताविभागानुयुज्जनवसेनाति तीसु दण्डेसु दण्डवोहारो विय तीसु लक्खणेसु अनिच्चतावोहारो होतीति तस्सा विभागानुयुज्जनवसेनाति वदन्ति ।

अनिच्चताकथावण्णना निट्ठिता ।

एकादसमवगवण्णना निट्ठिता ।

१२. द्वादसमवगो

१. संवरोकम्मन्तिकथावण्णना

६३०-६३२. विपाकद्वारन्ति भवङ्गमनं वदति । कम्मद्वारन्ति कुसलाकुसलमनं ।

संवरोकम्मन्तिकथावण्णना निट्ठिता ।

२. कम्मकथावण्णना

६३३-६३५. अब्ब्याकतं सन्धाय पटिक्खेपोति सकसमयलक्खणेन पटिक्खेपो कतोति वदन्ति । अविपाकचेतनाय सरूपेन दस्सिताय सविपाकापि दस्सितायेव नाम होतीति मज्झमानो आह “सविपाकाविपाकचेतनं सरूपेन दस्सेतु”न्ति ।

कम्मकथावण्णना निट्ठिता ।

३. सद्दोविपाकोतिकथावण्णना

६३६-६३७. कम्मसमुद्धाना अरूपधम्मावातिआदिना कम्मसमुद्धानेसु चक्खादीसुपि विपाकवोहारो नत्थि, को पन वादो अकम्मसमुद्धाने सद्देति दस्सेति ।

सद्दोविपाकोतिकथावण्णना निट्ठिता ।

४. सळायतनकथावण्णना

६३८-६४०. तस्मा विपाकोति अविसेसेन सळायतनं विपाकोति येसं लब्धीति वुत्तं होति ।

सळायतनकथावण्णना निट्ठिता ।

५. सत्तक्खत्तुपरमकथावण्णना

६४१-६४५. सत्तक्खत्तुपरमतानियतोति सत्तक्खत्तुपरमताय नियतो । इमं विभागन्ति इमं विसेसं । त्वं पनस्स नियामं इच्छसीति अविनिपातधम्मताफलप्पत्तीहि अज्झस्मिं सत्तक्खत्तुपरमभावे च नियामं इच्छसीति अत्थो ।

आनन्तरियाभावन्ति येन सो धम्माभिसमयेन भब्बो नाम होति, तस्स आनन्तरियकम्मस्स अभावन्ति अत्थो, पुग्गलस्स वा आनन्तरियभावस्स अभावन्ति । किं पन सो अन्तराधम्मं अभिसमिस्सतीति? केचि वदन्ति “सत्तक्खत्तुपरमो सत्तमं भवं नातिक्कमति, ओरतो पन नत्थि पटिसेधो”ति । अपरे “यो भगवता जाणबलेन ब्याकतो, तस्स अन्तरा अभिसमयो नाम नत्थि, तथापि भवनियामस्स कस्सचि अभावा भब्बोति वुच्चति । यथा कुसला अभिज्जाचेतना कदाचि विपाकं अददमानापि सति कारणे दातुं भब्बताय विपाकधम्मधम्मा नाम, तथा इन्द्रियानं मुदुताय सत्तक्खत्तुपरमो, न नियामसब्भावा नापि भगवता ब्याकतत्ता, न च इन्द्रियमुदुता अभब्बताकरो धम्मोति न सो अभब्बो नाम । अभब्बताकरधम्माभावतो चेत्थ अभब्बता पटिसेधिता, न पन अन्तरा अभिसमेतुं भब्बता वुत्ता । यदि च सत्तक्खत्तुपरमो अन्तरा अभिसमेय्य, कोलंकोलो सिया”ति । विसेसं पन अक्त्वा भब्बसभावताय भब्बोति वत्तुं युत्तं । न भवनियामकं किज्जीति एत्थ पस्सित्वाति वचनसेसो, ब्याकरोतीति वा सम्बन्धो ।

सत्तक्खत्तुपरमकथावण्णना निट्ठिता ।

द्वादसमवगवण्णना निट्ठिता ।

१३. तेरसमवगो

१. कप्पट्टकथावण्णना

६५४-६५७. कप्पट्टकथायं हेट्ठाति इद्धिबलकथायं ।

कप्पट्टकथावण्णना निट्ठिता ।

३. अनन्तरापयुत्तकथावण्णना

६६०-६६२. अनन्तरापयुत्तकथायं आनन्तरियं पयुत्तं एतेनाति अनन्तरापयुत्तोति आनन्तरिये अनन्तरासद्वं आरोपेत्वा अट्टकथायं अत्थो वुत्तोति दट्ठब्बो । “अनन्तरपयुत्तो”तिपि पाळि दिस्सति ।

अनन्तरापयुत्तकथावण्णना निट्ठिता ।

४. नियतस्सनियामकथावण्णना

६६३-६६४. सेसा तेभूमकधम्मा अनियता नामाति एत्थ अप्पत्तनियामानं धम्मे सन्धाय “तेभूमकधम्मा”ति आह । एतेव हि सन्धाय “तेहि समन्नागतोपि अनियतोयेवा”ति वुत्तन्ति । इति इमं वोहारमत्तं गहेत्वा “नियतो बोधिसत्तो पच्छिमभविको भब्बो धम्मं अभिसमेतुं ओक्कमितु”न्ति अधिष्ठायेन “नियामं ओक्कमती”ति येसं लद्धीति अत्थयोजना । एवं पन वोहारमत्तसम्भावो “नियतो”ति वचनस्स, धम्मं अभिसमेतुं भब्बता च “नियामं ओक्कमती”ति वचनस्स कारणभावेन वुत्ता होति, भब्बतायेव पन उभयस्सपि कारणन्ति युत्तं । अज्जेनाति यदि नियतो नियामं ओक्कमेय्य, मिच्छत्तनियतो सम्मत्तनियामं, सम्मत्तनियतो वा मिच्छत्तनियामं ओक्कमेय्य, न च तं अत्थीति दस्सनत्थन्ति अत्थो ।

नियतस्सनियामकथावण्णना निट्ठिता ।

८. असातरागकथावण्णना

६७४. असातरागकथायं “अहो वत मे एतदेव भवेय्या”ति रज्जनाति इमिना एवं पवत्तमानोयेव लोभो इध “रागो”ति अधिप्पेतो, न अज्जथाति दस्सेति ।

६७५. सुत्ते पनाति एतस्स “अधिष्ठायो”ति एतेन सम्बन्धो ।

असातरागकथावण्णना निट्ठिता ।

९. धम्मतण्हाअव्याकतातिकथावण्णना

६७६-६८०. यस्मा धम्मतण्हाति वुत्ता, तस्मा अव्याकताति कुसलेसु धम्मेसु लोकुत्तरेसु वा सब्बेसु तण्हा

“धम्मतण्हा”ति गहेत्वा यस्मा सा तण्हा, तस्मा कुसला न होति, यस्मा पन धम्मे पवत्ता, तस्मा अकुसला न होतीति अब्याकताति लब्धीति दस्सेति । तीहि कोट्टासेहि छपि तण्हा संखिपित्वा दस्सिता, तस्मा धम्मतण्हापि कामतण्हादिभावतो न अब्याकताति अधिप्पायो ।

धम्मतण्हाअब्याकतातिकथावण्णना निट्ठिता ।

तेरसमवग्गवण्णना निट्ठिता ।

१४. चुट्टसमवग्गो

१. कुसलाकुसलपटिसन्दहनकथावण्णना

६८६-६९०. तन्ति कुसलं अकुसलज्याति विसुं सम्बन्धो दट्ठब्बो । तं उभयन्ति वा वचनसेसो । पटिसन्दहतीति घटेति, अनन्तरं उप्पादेतीति वुत्तं होति ।

कुसलाकुसलपटिसन्दहनकथावण्णना निट्ठिता ।

२. सळायतनुप्पत्तिकथावण्णना

६९१-६९२. केचि वादिनो “अङ्कुरे साखाविटपादिसम्पन्नानं रुक्खादीनं बीजमत्तं आविभावं गच्छती”ति वदन्तीति तेसं वादं निदस्सनं करोन्तो आह “सम्पन्नसाखाविटपान”न्तिआदि ।

सळायतनुप्पत्तिकथावण्णना निट्ठिता ।

३. अनन्तरपच्चयकथावण्णना

६९३-६९७. चक्खुञ्च पटिच्च रूपे च उप्पज्जति सोतविज्जाणन्ति एत्थ “लद्धिवसेन पटिजानाती”ति अनन्तरुप्पत्तिं सल्लक्खेन्तोपि न सो चक्खुम्हि रूपारम्भणं सोतविज्जाणं इच्छति, अथ खो सोतम्हियेव सद्धारम्मणन्ति अनन्तरूपलद्धिवसेन आपन्नत्ता “पटिजानाती”ति युत्तं वत्तुं ।

अनन्तरपच्चयकथावण्णना निट्ठिता ।

४. अरियरूपकथावण्णना

६९८-६९९. सम्मावाचादि रूपं मग्गो चाति इच्छन्तो “अरियरूप”न्तिपि वदति ।

अरियरूपकथावण्णना निट्ठिता ।

५. अज्जोअनुसयोतिकथावण्णना

७००-७०१. “सरागोतिआदि पन तस्मिं समये रागस्स अप्पहीनत्ता सरागोति वत्तब्बत”न्ति पुरिमपाठो,
 “सानुसयोतिआदि पन तस्मिं समये अनुसयस्स अप्पहीनत्ता सानुसयोति वत्तब्बत”न्ति पच्छिमपाठो, सो युत्तो । सो
 हि न अनुसयपरियुद्धानानं अज्जत्तं, तस्मा तं असाधकन्ति एतेन समेतीति ।

अज्जोअनुसयोतिकथावण्णना निट्ठिता ।

६. परियुद्धानंचित्तविप्पयुत्तन्तिकथावण्णना

७०२. यस्मा अनिच्चादितो मनसिकरोतोपि रागादयो उप्पज्जन्ति, न च ते विपस्सनाय सम्पयुत्ता, तस्मा
 परियुद्धानं चित्तविप्पयुत्तन्ति लद्धीति अधिप्पायो ।

परियुद्धानंचित्तविप्पयुत्तन्तिकथावण्णना निट्ठिता ।

७. परियापन्नकथावण्णना

७०३-७०५. तिविधायाति किलेसवत्थुओकासवसेन, कामरागकामवितक्ककामावचरधम्मवसेन वा तिविधाय ।
 किलेसकामवसेनाति किलेसकामभूतकामधातुभावेनाति वुत्तं होति । अधिप्पायं असल्लक्खेन्तोति रूपधातुसहगतवसेन
 अनुसेतीति, रूपधातुधम्मेसु अज्जतरभावेन रूपधातुपरियापन्नोति च पुच्छितभावं असल्लक्खेन्तोति अत्थो ।

परियापन्नकथावण्णना निट्ठिता ।

८. अब्याकतकथावण्णना

७०६-७०८. दिट्ठिगतं “सस्सतो लोकोति खो, वच्छ, अब्याकतमेत”न्ति सस्सतादिभावेन अकथितत्ता
 “अब्याकत”न्ति वुत्तन्ति सम्बन्धो । एत्थ पन न दिट्ठिगतं “अब्याकत”न्ति वुत्तं, अथ खो “ठपनीयो एसो पज्जो”ति दस्सितं,
 तस्मा सब्बथापि दिट्ठिगतं “अब्याकत”न्ति न वत्तब्बन्ति युत्तं ।

अब्याकतकथावण्णना निट्ठिता ।

९. अपरियापन्नकथावण्णना

७०९-७१०. तस्माति यस्मा दिट्ठिरागानं समाने विक्खम्भनभावेपि “वीतरागो”ति वुच्चति, न पन
 “विगतदिट्ठिको”ति, तस्मा दिट्ठि लोकियपरियापन्ना न होतीति अत्थं वदन्ति । रूपदिट्ठिया अभावा पन
 कामधातुपरियापन्नाय दिट्ठिया भवितब्बं । यदि च परियापन्ना सिया, तथा च सति कामरागो विय ज्ञानलाभिनो दिट्ठिपि
 विगच्छेय्याति “विगतदिट्ठिको”ति वत्तब्बो सिया, न च वुच्चति, तस्मा अपरियापन्ना दिट्ठि । न हि सा तस्स अविगता दिट्ठि
 कामरागो विय कामदिट्ठि येन कामधातुया परियापन्ना सियाति वदतीति वेदितब्बं ।

अपरियापन्नकथावण्णना निट्ठिता ।

चुद्धसमवगवण्णना निट्ठिता ।

१५. पन्नरसमवग्गो

१. पच्चयताकथावण्णना

७११-७१७. तस्मा पच्चयता ववत्थिताति हेतुपच्चयभूतस्स धम्मस्स आरम्मणपच्चयभावादिना विय अधिपतिपच्चयतादिना च न भवितब्बन्ति हेतुपच्चयभावोयेवेतस्स ववत्थितो होतीति अत्थो ।

पच्चयताकथावण्णना निट्ठिता ।

२. अज्जमज्जपच्चयकथावण्णना

७१८-७१९. अपुज्जाभिसङ्खारोव गहितो “ननु अविज्जा सङ्खारेण सहजाता”ति वुत्तताति अधिप्पायो । सहजातअज्जमज्जअत्थिअविगतसम्पयुत्तवसेनाति एत्थ निस्सयो कमभेदेन अत्थिग्गहणेन गहितो होतीति न वुत्तो, कम्माहारा असाधारणतायाति वेदितब्बा । वक्खति हि “तीणि उपादानानि अविज्जाय सङ्खारा विय तण्हाय पच्चया होन्ती”ति (कथा० अट्ठ० ७१८-७१९), तस्मा उपादानेहि समाना एवेत्थ सङ्खारानं पच्चयता दस्सिताति ।

अज्जमज्जपच्चयकथावण्णना निट्ठिता ।

९. ततियसज्जावेदयितकथावण्णना

७३२. ततियसज्जावेदयितकथायं सेससत्ते सन्धायाति निरोधसमापन्नतो अज्जे येसं निरोधसमापत्तिया भवितब्बं, ते पच्चवोकारसत्ते सन्धायाति अधिप्पायो, असज्जसत्तानम्पि च सज्जुप्पादा चुतिं इच्छन्तीति सेससब्बसत्ते सन्धायाति वा । सरीरपकतिन्ति तथारूपो अयं कायो, यथारूपे काये पाणिसम्फस्सापि कमन्तीतिआदिकं ।

७३३-७३४. सुत्तविरोधो सियाति इदं परवादिं सम्पटिच्छापेत्वा वत्तब्बं ।

ततियसज्जावेदयितकथावण्णना निट्ठिता ।

१०. असज्जसत्तुपिकाकथावण्णना

७३५. सज्जाविरागवसेन पवत्तभावना असज्जसमापत्तिपीति लद्धिकित्तने सज्जाविरागवसेन पवत्तभावनं चतुत्थज्झानसमापत्तिं “असज्जसमापत्ती”ति अग्गहेत्वा सापि असज्जिता सज्जावेदयितनिरोधसमापत्तियेव नामाति परस्स लद्धीति दस्सेति । यस्मा असज्जसमापत्तिं समापन्नस्स अलोभादयो अत्थीति एत्थ सकसमयसिद्धा चतुत्थज्झानसमापत्तिं “असज्जसमापत्ती”ति वुत्ता ।

७३६. सज्जाविरागवसेन समापन्नत्ता असज्जिता, न सज्जाय अभावतोति चतुत्थज्झानसमापत्तिमेव सन्धाय वदति ।

असञ्जसत्तुपिकाकथावण्णना निट्ठिता ।

११. कम्मूपचयकथावण्णना

७३८-७३९. कम्मेन सहजातोति पञ्हेसु “कम्मूपचयं सन्धाय पटिक्खिपति, चित्तविप्पयुत्तं सन्धाय पटिजानाती”ति कत्थचि पाठो, “चित्तसम्पयुत्तं सन्धाय पटिक्खिपति, चित्तविप्पयुत्तं सन्धाय पटिजानाती”ति अञ्जत्थ । उभयम्पि विचारेतब्बं ।

७४१. तस्माति तिण्णम्पि एकक्खणे सब्भावतो तिण्णं फस्सानञ्च समोधाना च एकत्तं पुच्छतीति अधिप्पायो दट्ठब्बो ।

कम्मूपचयकथावण्णना निट्ठिता ।

पन्नरसमवग्गवण्णना निट्ठिता ।

ततियो पण्णासको समत्तो ।

१६. सोळसमवग्गो

३. सुखानुप्पदानकथावण्णना

७४७-७४८. सुखानुप्पदानकथायं यं एवरूपन्ति यं नेवत्तनो, न परेसं, न तस्स, एवरूपं नाम अनुप्पदिन्नं भवितुं न अरहति अञ्जस्स असक्कुणेय्यत्ताति लद्धिमत्तेन पटिजानाति, न युत्तियाति अधिप्पायो ।

सुखानुप्पदानकथावण्णना निट्ठिता ।

४. अधिगय्हमनसिकारकथावण्णना

७४९-७५३. तंचित्ततायाति तदेव आरम्मणभूतं चित्तं एतस्साति तंचित्तो, तस्स भावो तंचित्तता, ताय तंचित्तताय । तं वा आलम्बकं आलम्बितब्बञ्च चित्तं तंचित्तं, तस्स भावो तस्सेव आलम्बकआलम्बितब्बता तंचित्तता, ताय चोदेतुन्ति अत्थो ।

अधिगय्हमनसिकारकथावण्णना निट्ठिता ।

९. रूपंरूपावचरारूपावचरन्तिकथावण्णना

७६८-७७०. रूपंरूपावचरारूपावचरन्तिकथायं हेट्ठाति चुद्धसमवग्गे आगतपरियापन्नकथायं (कथा० अट्ठ० ७०३-७०५) । “समापत्तेसिय”न्तिआदि वुत्तनयमेव । यञ्चेत्थ “अत्थि रूपं अरूपावचर”न्ति अरूपावचरकम्मस्स कतत्ता रूपं वुत्तं, तत्थ च यं वत्तब्बं, तं अट्ठमवग्गे अरूपेरूपकथायं (कथा० अट्ठ० ५२४-५२६) वुत्तनयमेवाति ।

रूपंरूपावचरारूपावचरन्तिकथावण्णना निड्डिता ।

सोळसमवग्गवण्णना निड्डिता ।

१७. सत्तरसमवग्गो

१. अत्थिअरहतोपुञ्जूपचयकथावण्णना

७७६-७७९. चित्तं अनादियित्वाति “किरियचित्तेन दानादिपवत्तिसम्भावतो”ति वुत्तं किरियचित्तं अब्बाकत्तं अनादियित्वाति अत्थो ।

अत्थिअरहतोपुञ्जूपचयकथावण्णना निड्डिता ।

२. नत्थिअरहतोअकालमच्चूतिकथावण्णना

७८०. अयोनिस्सो गहेत्वाति अलद्धविपाकवारानम्मि कम्मानं ब्यन्तीभावं न वदामीति अत्थं गहेत्वाति अधिप्पायो । केचि पन “कम्मानं विपाकं अप्पटिसंविदित्वा पुग्गलस्स ब्यन्तीभावं न वदामीति एवं अयोनिस्सो अत्थं गहेत्वा”ति वदन्ति ।

७८१. ताव न कमतीति लद्धिया पटिक्खिपतीति ताव न कमति, ततो परं कमतीति लद्धिया पटिक्खिपतीति अधिप्पायो । एत्थ किर “सति जीविते जीवितावसेसे जीविता वोरोपेती”ति वचनतो अत्तनो धम्मताय मरन्तं कोट्टेन्तस्स वा सीसं वा छिन्दन्तस्स नत्थि पाणातिपातोति आचरिया वदन्ति । पाणो पाणसज्जिता वधकचित्तउपक्कममरणेसु विज्जमानेसुपि न तेन उपक्कमेन मतोति नत्थि पाणातिपातोति अधिप्पायो । एवं पन मरन्तेन तेन एकचित्तवारम्मि धम्मतामरणतो ओरतो न मतोति दुब्बिज्जेय्यमेतं ।

नत्थिअरहतोअकालमच्चूतिकथावण्णना निड्डिता ।

३. सब्बमिदं कम्मतोतिकथावण्णना

७८४. बीजतो अङ्कुरस्सेवाति यथा अङ्कुरस्स अबीजतो निब्बत्ति नत्थि, तथा पच्चुप्पन्नपवत्तस्सपि अकम्मतो कम्मविपाकतो निब्बत्ति नत्थि, तं सन्धाय पटिक्खिपतीति अधिप्पायो । देय्यधम्मवसेन दानफलं पुच्छतीति देय्यधम्मवसेन याय चेतनाय तं देति, तस्स दानस्स फलं पुच्छति, न देय्यधम्मस्साति वुत्तं होति ।

सब्बमिदं कम्मतोतिकथावण्णना निड्डिता ।

४. इन्द्रियबद्धकथावण्णना

७८८. विनापि अनिच्चत्तेनाति “याव दुक्खा निरया”ति आदीसु (म० नि० ३.२५०) विय दुक्खारम्मणत्तेनपि दुक्खं वत्तब्बन्ति अधिप्पायो ।

इन्द्रियबद्धकथावण्णना निड्डिता ।

७. नवत्तब्बंसङ्खोदक्खिणं विसोधेतीतिकथावण्णना

७९३-७९४. नवत्तब्बंसङ्खोदक्खिणं विसोधेतीतिकथायं न च तानि दक्खिणं विसोधेतुं सक्कोन्तीति यथा पुग्गलो सीलपरिसोधनादीनि कत्वा निरोधमपि समापज्जित्वा विसोधेतुं सक्कोति, न एवं मग्गफलानीति अधिप्पायो, अप्पटिग्गहणतोति वा ।

नवत्तब्बंसङ्खोदक्खिणं विसोधेतीतिकथावण्णना निट्ठिता ।

११. दक्खिणाविसुद्धिकथावण्णना

८००-८०१. दक्खिणाविसुद्धिकथायं विसुद्धेय्याति एतस्स अत्थं दस्सेन्तो “महप्फला भवेय्या”ति आह । दायकस्सेव चित्तविसुद्धि विपाकदायिका होतीति पटिग्गाहकनिरपेक्खा पटिग्गाहकेन पच्चयभूतेन विना दायकेनेव महाविपाकचेतनत्तं आपादिका, पटिग्गाहकनिरपेक्खा विपाकदायिका होतीति अधिप्पायो । अज्जो अज्जस्स कारकोति यदि दायकस्स दानचेतना नाम पटिग्गाहकेन कता भवेय्य, युत्तरूपं सियाति कस्मा वुत्तं, ननु लद्धिकित्तने “दायकेन दानं दिन्नं, पटिग्गाहकेन विपाको निब्बत्तितोति अज्जो अज्जस्स कारको भवेय्या”ति वुत्तन्ति? सच्चमेतं, पटिग्गाहकेन विपाकनिब्बत्तनमपि पन दानचेतनानिब्बत्तनेन यदि भवेय्य, एवं सति अज्जो अज्जस्स कारकोति युत्तरूपं सियाति अधिप्पायो ।

दक्खिणाविसुद्धिकथावण्णना निट्ठिता ।

सत्तरसमवग्गवण्णना निट्ठिता ।

१८. अट्टारसमवग्गो

१. मनुस्सलोककथावण्णना

८०२-८०३. अयोनिंसोति “तुसितपुरं सन्धाया”ति आदिकं गहणं सन्धायाह ।

मनुस्सलोककथावण्णना निट्ठिता ।

२. धम्मदेसनाकथावण्णना

८०४-८०६. तस्स च देसनं सम्पटिच्छित्वा सयमेव च आयस्मता आनन्दत्थेरेन देसितोति वदति ।

धम्मदेसनाकथावण्णना निट्ठिता ।

६. ज्ञानसङ्कान्तिकथावण्णना

८१३-८१६. ज्ञानसङ्कान्तिकथायं उप्पटिपाटियाति पठमज्झानतो वुट्ठाय वितक्कविचारा आदीनवतो मनसिकातब्बा, ततो दुतियज्झानेन भवितव्वन्ति एवं यो उपचारानं ज्ञानानञ्च अनुक्कमो, तेन विनाति अत्थो ।

ज्ञानसङ्क्रान्तिकथावण्णना निट्ठिता ।

७. ज्ञानन्तरिककथावण्णना

८१७-८१९. ज्ञानन्तरिका नाम एसाति पठमज्झानादीसु अज्जतरभावाभावतो न ज्ञानं, अथ खो दक्खिणपुब्बादिदिसन्तरिका विय ज्ञानन्तरिका नाम एसाति । कतरा? योयं अवितक्कविचारमतो समाधीति योजेतब्बं ।

ज्ञानन्तरिककथावण्णना निट्ठिता ।

९. चक्खुनारूपंपस्सतीतिकथावण्णना

८२६-८२७. पटिजाननं सन्धायाति “चक्खुना रूपं दिस्वा निमित्तगाही होती”तिआदिना (ध० स० १३५२) नयेन वुत्तं मनोविज्जाणपटिजाननं किर सन्धायाति अधिप्पायो, तस्मा “एवं सन्ते रूपं मनोविज्जाणं आपज्जतीति मनोविज्जाणपटिजाननं पन रूपदस्सनं कथं होती”ति विचारेतब्बं ।

चक्खुनारूपंपस्सतीतिकथावण्णना निट्ठिता ।

अट्टारसमवग्गवण्णना निट्ठिता ।

१९. एकूनवीसतिमवग्गो

१. किलेसपजहनकथावण्णना

८२८-८३१. अनुप्पन्नायेव नुप्पज्जन्तीति पहीना नाम होन्ति, तस्मा नत्थि किलेसपजहनाति पटिक्खपति । ते पन नेव उप्पज्जित्वा विगता, नापि भविस्सन्ति, न च उप्पन्नाति अतीते किलेसे पजहतीतिआदि न वत्तब्बन्ति दस्सेति ।

किलेसपजहनकथावण्णना निट्ठिता ।

२. सुज्जतकथावण्णना

८३२. अनत्तलक्खणं ताव एकच्चन्ति अरूपक्खन्धानं अनत्तलक्खणं वदति । एकेन परियायेनाति अनत्तलक्खणस्स जरामरणभावपरियायेनाति वदन्ति । रूपक्खन्धादीनज्झि मा जीरतु मा मरतूति अलब्भनेय्यो अवसवत्तनाकारो अनत्तता, सा अत्थतो जरामरणमेव, तज्ज “जरामरणं द्वीहि खन्धेहि सङ्गहितं”न्ति (धातु० ७१) वुत्तत्ता अरूपक्खन्धानं जरामरणं सङ्खारक्खन्धपरियापन्नन्ति अयमेतेसं अधिप्पायो ।

सुज्जतकथावण्णना निट्ठिता ।

३. सामज्जफलकथावण्णना

८३५-८३६. फलुप्पत्ति चाति पत्तिधम्मं वदति ।

सामञ्जफलकथावण्णना निट्ठिता ।

५. तथताकथावण्णना

८४१-८४३. रूपादिसभावतासङ्घाताति एत्थ रूपादीनं सभावताति रूपादिसभावताति एवमत्थो दट्ठब्बो । भावं हेस तथताति वदति, न भावयोगन्ति ।

तथताकथावण्णना निट्ठिता ।

६. कुसलकथावण्णना

८४४-८४६. अनवज्जभावमत्तेनेव निब्बानं कुसलन्ति यंकिञ्चि कुसलं, सब्बं तं अनवज्जभावमत्तेनेव, तस्मा निब्बानं कुसलन्ति वुत्तं होति ।

कुसलकथावण्णना निट्ठिता ।

७. अच्चन्तनियामकथावण्णना

८४७. “सकिं निमुग्गो निमुग्गोव होती”ति सुत्तं निस्सायाति ताय जातिया लोकुत्तरसद्भादीनं अनुप्पत्तिं सन्धाय कतं अवधारणं संसारखाणुकभावं सन्धाय कतन्ति मज्जमानो पुथुज्जनस्सायं अच्चन्तनियामता, यायं नियतमिच्छादिट्ठीति “अत्थि पुथुज्जनस्स अच्चन्तनियामता”ति वदति । विचिकिच्छुप्पत्तिं नियामन्तरुप्पत्तिं च अच्चन्तनियामनिवत्तका विचारेत्वा गहेतब्बा ।

अच्चन्तनियामकथावण्णना निट्ठिता ।

८. इन्द्रियकथावण्णना

८५३-८५६. लोकियानम्पीति लोकुत्तरानं विय लोकियानम्पि सद्भादीनयेव सद्धिन्द्रियादिभावदस्सनेन लोकियसद्धिन्द्रियादिभावं साधेतुं सद्भादीनयेव सद्धिन्द्रियादिभावदस्सनत्थं वुत्तन्ति अत्थो दट्ठब्बो ।

इन्द्रियकथावण्णना निट्ठिता ।

एकूनवीसतिमवग्गवण्णना निट्ठिता ।

२०. वीसतिमवग्गो

२. जाणकथावण्णना

८६३-८६५. जाणकथायं दुक्खं परिजानातीति लोकुत्तरमग्गजाणमेव दीपेतीति “दुक्खं परिजानाती”ति वदन्तो इदं तव वचनं लोकुत्तरमग्गजाणमेव दीपेति, न तस्सेव जाणभावं । कस्मा? यस्मा न लोकुत्तरमेव जाणं, तस्मा न इदं

साधकन्ति वृत्तं होति ।

जाणकथावण्णना निट्ठिता ।

३. निरयपालकथावण्णना

८६७-८६८. पणुन्नन्ति पणुदितं, अनवसेसखित्तन्ति अत्थो ।

निरयपालकथावण्णना निट्ठिता ।

४. तिरच्छानकथावण्णना

८६९-८७१. तस्स अत्थिताय पटिज्जाति तस्स हत्थिनागस्स च दिब्बयानस्स च अत्थितायाति विसुं योजेतब्बं ।

तिरच्छानकथावण्णना निट्ठिता ।

६. जाणकथावण्णना

८७६-८७७. जाणकथायं सचे तं द्वादसवत्थुकन्ति एत्थ च “लोकुत्तर”न्ति वचनसेसो, तं वा लोकुत्तरजाणं सचे द्वादसवत्थुकन्ति अत्थो । परिज्जेय्यन्ति पुब्बभागो, परिज्जातन्ति अपरभागो, सच्चजाणं पन मग्गक्खणेपि परिजाननादिकिच्चसाधनवसेन होतीति आह “सद्धिं पुब्बभागपरभागेही”ति ।

जाणकथावण्णना निट्ठिता ।

वीसतिमवग्गवण्णना निट्ठिता ।

चतुत्थो पण्णासको समत्तो ।

२१. एकवीसतिमवग्गो

१. सासनकथावण्णना

८७८. तीसुपि पुच्छासु चोदनत्थं वुत्तन्ति तीसुपि पुच्छासु “सासन”न्ति आदिवचनं वुत्तन्ति समुदाया एकदेसानं अधिकरणभावेन वुत्ताति दट्ठब्बा ।

सासनकथावण्णना निट्ठिता ।

४. इद्धिकथावण्णना

८८३-८८४. इद्धिकथायं अत्थि अधिप्पायइद्धीति अधिप्पायवसेन इज्झनतो अधिप्पायोति एवंनामिका इद्धि अत्थीति अत्थो ।

इन्द्रिकथावण्णना निड्ढिता ।

७. धम्मकथावण्णना

८८७-८८८. धम्मकथायं रूपद्वुतो अज्जस्स रूपस्स अभावाति यो रूपस्स नियामो वुच्चेय्य, सो रूपद्वो नाम कोचि रूपतो अज्जो नत्थीति रूपद्वुतो अज्जं रूपज्ज न होति, तस्मा रूपं रूपमेव, न वेदनादिसभावन्ति अधिप्पायेन “रूपं रूपद्वेन नियत”न्ति वत्तब्बं, न अज्जथा रूपद्वेन नियामेनाति अधिप्पायो । तत्थ रूपतो अज्जस्स रूपद्वुस्स अभावे दस्सिते रूपद्वुतो अज्जस्स रूपस्स अभावो दस्सितोयेव नाम होतीति तमेव रूपतो अज्जस्स रूपद्वुस्स अभावं दस्सेन्तो “रूपसभावो ही”ति आदिमाह । एस वोहारोति रूपस्स सभावो रूपसभावो, रूपस्स अत्थो रूपद्वोति एवं अज्जत्तं गहेत्वा विय पवत्तो रूपसभाववोहारो रूपद्वुवोहारो वा वेदनादीहि नानत्तमेव सो सभावोति नानत्तसज्जापनत्थं होतीति अत्थो । तस्माति रूपस्स रूपद्वेन अनज्जत्ता । “रूपं रूपमेव, न वेदनादिसभाव”न्ति अवत्वा “रूपं रूपद्वेन नियत”न्ति वदतो तज्ज वचनं वुत्तप्पकारेण सदोसं, अथ कस्मा “रूपज्जि रूपद्वेन नियतन्ति रूपं रूपमेव, न वेदनादिसभावन्ति अधिप्पायेन वत्तब्ब”न्ति वदन्तो “रूपं रूपद्वेन नियत”न्ति पटिजानातीति अत्थो दट्ठब्बो । ननु चेत्तं अत्तनाव वुत्तं, न परेनाति पटिजानातीति न वत्तब्बन्ति? न, अत्तानम्मि परं विय वचनतो । वत्तब्बन्ति वा सकवादिना वत्तब्बन्ति वुत्तं होति । यदि च तेन वत्तब्बं पटिजानाति च सो एतमत्थन्ति, अथ कस्मा पटिजानाति सकवादीति अयमेत्थ अत्थो । अत्थन्तरवसेनाति तत्थ वुत्तमेव कारणं निगूहित्वा परेन चोदितन्ति तमेव कारणं दस्सेत्वा चोदनं निवत्तेति । इतो अज्जत्थाति रूपादिसभावमत्तं मुञ्चित्वा तेन परिकप्पितं नियतं नत्थीति तस्स परिकप्पितस्स निवत्तनत्थं पुन तेनेव नयेन चोदेतुं “मिच्छत्तनियत”न्ति आदिमाहाति अत्थो ।

धम्मकथावण्णना निड्ढिता ।

एकवीसतिमवग्गवण्णना निड्ढिता ।

२२. बावीसतिमवग्गो

२. कुसलचित्तकथावण्णना

८९४-८९५. कुसलचित्तकथायं जवनकखणेति परिनिब्बानचित्ततो पुरिमजवनकखणे ।

कुसलचित्तकथावण्णना निड्ढिता ।

३. आनेज्जकथावण्णना

८९६. भवङ्गचित्तेति भवङ्गपरियोसानत्ता चुतिचित्तं “भवङ्गचित्त”न्ति आह ।

आनेज्जकथावण्णना निड्ढिता ।

५-७. तिस्सोपिकथावण्णना

८९८-९००. सत्तवस्सिकं गब्भं दिस्वा “गब्भेयेव अरहत्तप्पत्तिहेतुभूतो इन्द्रियपरिपाको अत्थी”ति “अरहत्तप्पत्तिपि अत्थी”ति मज्जति, आकाससुपिनं दिस्वा “आकासगमनादिअभिज्जा विय धम्माभिसमयो अरहत्तप्पत्ति च अत्थी”ति मज्जतीति अधिप्पायो ।

तिस्सोपिकथावण्णना निट्ठिता ।

९. आसेवनपच्चयकथावण्णना

९०३-९०५. न कोचि आसेवनपच्चयं आसेवति नामाति यथा बीजं चतुमधुरभावं न गण्हाति, एवं भावनासङ्घातं आसेवनपच्चयं गण्हन्तो आसेवन्तो नाम कोचि नत्थीति अत्थो ।

आसेवनपच्चयकथावण्णना निट्ठिता ।

१०. खणिककथावण्णना

९०६-९०७. पथवियादिरूपेसु केसज्जि उप्पादो केसज्जि निरोधोति एवं पतिट्ठानं रूपसन्ततिया होति । न हि रूपानं अनन्तरादिपच्चया सन्ति, येहि अरूपसन्ततिया विय रूपसन्ततिया पवत्ति सियाति चित्ते “चित्ते महापथवी सण्ठाती”तिआदि चोदितं ।

खणिककथावण्णना निट्ठिता ।

बावीसतिमवग्गवण्णना निट्ठिता ।

२३. तेवीसतिमवग्गो

१. एकाधिप्पायकथावण्णना

९०८. करुणाधिप्पायेन एकाधिप्पायोति रागाधिप्पायतो अज्जाधिप्पायोवाति वुत्तं होति । एको अधिप्पायोति एत्थ एकतोभावे एकसद्दो दट्ठब्बो । समानत्थे हि सति रागाधिप्पायेपि एकाधिप्पायेनाति एकाधिप्पायता अत्थीति ।

एकाधिप्पायकथावण्णना निट्ठिता ।

३-७. इस्सरियकामकारिकाकथावण्णना

९१०-९१४. इस्सरियेन यथाधिप्पेतस्स करणं इस्सरियकामकारिका । गच्छेय्याति गब्भसेय्योक्कमनं गच्छेय्य । इस्सरियकामकारिकाहेतु नाम दुक्करकारिका मिच्छादिट्ठिया करीयतीति एत्थ दुक्करकारिका नाम इस्सरियकामकारिकाहेतु करियमाना मिच्छादिट्ठिया करीयतीति अत्थो दट्ठब्बो, इस्सरियकामकारिकाहेतु नाम विना मिच्छादिट्ठिया करियमाना नत्थीति वा ।

इस्सरियकामकारिकाकथावण्णना निट्ठिता ।

८. पतिरूपकथावण्णना

९१५-९१६. मेत्तादयो सन्धाय “मेत्तादयो विय न रागो रागपतिरूपको कोचि अत्थीति रागमेव गण्हाति, एवं दोसेपी”ति वदन्ति ।

पतिरूपकथावण्णना निद्धिता ।

९. अपरिनिष्फन्नकथावण्णना

९१७-९१८. न अनिच्चादिभावन्ति एत्थ अनिच्चादिको भावो एतस्साति अनिच्चादिभावन्ति रूपं वुत्तं । “न केवलज्झि पठमसच्चमेव दुक्ख”न्ति वदन्तेन “दुक्खज्जेव परिनिष्फन्न”न्ति दुक्खसच्चं सन्धाय पुच्छा कताति दस्सितं होति । एवं सति तेन “चक्खायतनं अपरिनिष्फन्न”न्तिआदि न वत्तब्बं सिया । न हि चक्खायतनादीनि अनुपादिन्नानि लोकुत्तरानि वा । तन्ति “दुक्खज्जेव परिनिष्फन्नं, न पन रूप”न्ति एतं रूपस्स च दुक्खत्ता नो वत रे वत्तब्बेति अत्थो ।

अपरिनिष्फन्नकथावण्णना निद्धिता ।

तेवीसतिमवगगवण्णना निद्धिता ।

कथावत्थुपकरण-मूलटीका समत्ता ।

॥ नमो तस्स भगवतो अरहतो सम्मासम्बुद्धस्स ॥

यमकपकरण-मूलटीका

गन्थारम्भवण्णना

कथावत्थुपकरणेन सङ्खेपेनेव देसितेन धम्मेसु विपरीतगहणं निवारेत्वा तेस्वेव धम्मेसु धम्मसङ्गहादीसु पकासितेसु धम्मपुगगलोकासादिनिस्सयानं सन्निट्ठानसंसयानं वसेन नानप्पकारकओसल्लत्थं यमकपकरणं आरब्धं, तं समयदेसदेसकवसेनेव दस्सेत्वा संवण्णनाक्कमज्जस्स अनुप्पत्तं “आगतो भारो अवस्सं वहितब्बो”ति संवण्णनमस्स पटिजानन्तो आह “सङ्खेपेनेवा”तिआदि ।

तत्थ यमस्स विसयातीतोति जातिया सति मरणं होतीति जाति, पञ्च वा उपादानक्खन्धा यमस्स विसयो, तं समुदयप्पहानेन अतीतोति अत्थो । यमस्स वा रज्जो विसयं मरणं, तस्स आणापवत्तिट्ठानं देसं वा अतीतो । “छच्चाभिठानानि अभब्ब कातु”न्ति (खु० पा० ६.११; सु० नि० २३४) वुत्तानं छन्नं अभब्बट्ठानानं देसकोति छट्ठानदेसको । अयमा एकेका हुत्वा आवत्ता नीला अमला च तनुरुहा अस्साति अयमावत्तनीलामलतनुरुहो ।

गन्थारम्भवण्णना निद्धिता ।

१. मूलयमकं

उद्देशवारवण्णना

१. यमकानं वसेन देसितत्ताति इमिना दससु एकेकस्स यमकसमूहस्स तंसमूहस्स च सकलस्स पकरणस्स यमकानं वसेन लद्धवोहारतं दस्सेति ।

कुसलाकुसलमूलसङ्घातानं द्विन्नं अत्थानं वसेन अत्थयमकन्ति एतेन “ये केचि कुसला धम्मा, सब्बे ते कुसलमूला”ति एतस्सेव यमकभावो आपज्जतीति चे? नापज्जति जातुं इच्छितानं दुतियपठमपुच्छासु वुत्तानं कुसलकुसलमूलविसेसानं, कुसलमूलकुसलविसेसेहि वा जातुं इच्छितानं पठमदुतियपुच्छासु सन्निधानपदसङ्गहितानं कुसलकुसलमूलानं वसेन अत्थयमकभावस्स वुत्तत्ता । जातुं इच्छितानज्हि विसेसानं विसेसवन्तापेक्खानं, तंविसेसवतं वा धम्मानञ्च विसेसापेक्खानं एत्थ पधानभावोति एकेकाय पुच्छाय एकेको एव अत्थो सङ्गहितो होतीति । अत्थसद्दो चेत्थ न धम्मवाचको हेतुफलादिवाचको वा, अथ खो पाळिअत्थवाचको । तेनेवाह “तेसज्जेव अत्थानं”न्तिआदि ।

तीणिपि पदानि एकतो कत्वाति इदं नामपदस्स कुसलादीनं सङ्गाहकत्तमत्तमेव सन्धाय वुत्तं, न निरवसेससङ्गाहकत्तं । सब्बकुसलादिसङ्गणहनत्थमेव च नामपदस्स वुत्तत्ता “कुसलत्तिकमातिकाय चतूसु पदेसू”ति वुत्तं ।

उद्देशवारवण्णना निद्धिता ।

निद्देशवारवण्णना

५२. अज्जमज्जयमके ये केचि कुसलाति अपुच्छित्वाति एत्थ यथा दुतिययमके “ये केचि कुसलमूला”ति अपुच्छित्वा “ये केचि कुसला”ति पुच्छा कता, एवमिधापि “ये केचि कुसला”ति पुच्छा कातब्बा सिया पुरिमयमकविसिद्धं अपुब्बं गहेत्वा पच्छिमयमकस्स अप्पवत्तत्ताति अधिप्पायो । “पटिलोमपुच्छानुरूपभावतो”ति केचि । पुरिमपुच्छाय पन अत्थवसेन कताय तदनुरूपाय पच्छिमपुच्छाय भवितब्बं अनुलोमे विगतसंसयस्स पटिलोमे संसयुप्पत्तितो । तेन न च पच्छिमपुच्छानुरूपाय पुरिमपुच्छाय भवितब्बन्ति पुरिमोवेत्थ अधिप्पायो युत्तो । इमिनापि व्यञ्जनेन तस्सेवत्थस्स सम्भवतोति इदमेवं न सक्का वत्तुं । न हि कुसलव्यञ्जनत्थो एव कुसलमूलेन एकमूलव्यञ्जनत्थो, तेनेव विस्सज्जनम्पि असमानं होति । कुसलव्यञ्जनेन हि पुच्छाय कताय “अवसेसा”ति इमस्मिं ठाने “अवसेसा कुसला धम्मा”ति वत्तब्बं होति, इतरथा अवसेसा कुसलमूलसहजाता धम्माति, न च तानि वचनानि समानत्थानि कुसलकुसलाव्याकतदीपनतोति । अयं पनेत्थ अधिप्पायो सिया — “ये केचि कुसला”ति इमिनापि व्यञ्जनेन “ये केचि कुसलमूलेन एकमूला”ति वुत्तव्यञ्जनत्थस्सेव सम्भवतो दुतिययमके विय अपुच्छित्वा “ये केचि कुसलमूलेन एकमूला”ति पुच्छा कता । न हि कुसलमूलेहि विय कुसलमूलेन एकमूलेहि अज्जे कुसला सन्ति, कुसलेहि पन अज्जेपि ते सन्तीति ।

पटिलोमपुच्छावण्णनायं “कुसलमूलेन एकमूला”ति हि पुच्छाय कताय “मूलानि यानि एकतो उप्पज्जन्ती”ति हेट्ठा वुत्तनयेनेव विस्सज्जनं कातब्बं भवेय्याति वुत्तं, तम्पि तथा न सक्का वत्तुं । “ये वा पन कुसलमूलेन अज्जमज्जमूला, सब्बे ते धम्मा कुसलमूलेन एकमूला”ति च पुच्छिते “आमन्ता” इच्चेव विस्सज्जनेन भवितब्बं । न हि कुसलमूलेन अज्जमज्जमूलेसु किञ्चि एकमूलं न होति, येन अनुलोमपुच्छाय विय विभागो कातब्बो भवेय्य । यत्थ तीणि कुसलमूलानि उप्पज्जन्ति, तत्थ तानि अज्जमज्जमूलानि एकमूलानि च द्विन्नं द्विन्नं एकेकेन अज्जमज्जेकमूलत्ता । यत्थ पन द्वे उप्पज्जन्ति, तत्थ तानि अज्जमज्जमूलानेव, न एकमूलानीति एतस्स गहणस्स निवारणत्थं “मूलानि यानि एकतो

उप्पज्जन्ती’ति आदिना विस्सज्जनं कातब्बन्ति चे? न, “आमन्ता’ति इमिनाव विस्सज्जनेन तंगहणनिवारणतो अनुलोमपुच्छाविस्सज्जनेन च एकतो उप्पज्जमानानं द्विन्नं तिण्णञ्च मूलानं अज्जमज्जेकमूलभावस्स निच्छित्तता । अज्जमज्जमूलानञ्हि समानमूलता एव एकमूलवचनेन पुच्छीयति, न अज्जमज्जसमानमूलता, अत्थि च द्विन्नं मूलानं समानमूलता । तेसु हि एकेकं इतरेन मूलेन तंमूलेहि अज्जेहि समानमूलन्ति ।

अज्जमज्जमूलत्ते पन निच्छित्ते एकमूलत्तसंस्याभावतो “सब्बे ते धम्मा कुसलमूलेन एकमूला”ति पुच्छा न कताति दट्ठब्बा । “अज्जमज्जस्स मूला एतेसन्तिपि अज्जमज्जमूला, समानत्थेन एकं मूलं एतेसन्ति एकमूला”ति उभयम्पि वचनं मूलयुत्तमेव वदति, तेनेव च उभयत्थापि “कुसलमूलेना”ति वुत्तं । तत्थ मूलयोगसामज्जे एकमूलत्ते निच्छित्ते तब्बिसेसो अज्जमज्जमूलभावो न निच्छितो होतीति अनुलोमपुच्छा पवत्ता, मूलयोगविसेसे पन अज्जमज्जमूलत्ते निच्छित्ते न विना एकमूलत्तेन अज्जमज्जमूलत्तं अत्थीति मूलयोगसामज्जं एकमूलत्तं निच्छितमेव होति, तस्मा “एकमूला”ति पुच्छं अकत्वा यथा कुसलमूलवचनं एकमूलवचनञ्च कुसलभावदीपकं न होतीति कुसलभावे संसयसम्भावा पठमदुतिययमकेसु “सब्बे ते धम्मा कुसला”ति पटिलोमपुच्छा कता, एवं अज्जमज्जमूलवचनं कुसलभावदीपकं न होतीति कुसलभावे संसयसम्भावा कुसलाधिकारस्स च अनुवत्तमानत्ता “सब्बे ते धम्मा कुसला”ति पटिलोमपुच्छा कताति ।

५३-६१. मूलनये वुत्ते एव अत्थे कुसलमूलभावेन मूलस्स विसेसनेन समानेन मूलेन अज्जमज्जस्स च मूलेन मूलयोगदीपनेन चाति इमिना परियायन्तरेन पकासेतुं मूलमूलनयो वुत्तो । अज्जपदत्थसमासन्तेन क-कारेण तीसुपि यमकेसु मूलयोगमेव दीपेतुं मूलकनयो वुत्तो । मूलमूलकनयवचनपरियायो वुत्तप्पकारोव ।

७४-८५. अब्बोहारिकं कत्वाति न एकमूलभावं लभमानेहि एकतो लब्भमानत्ता सहेतुकवोहाररहितं कत्वा । न वा सहेतुकदुके विय एत्थ हेतुपच्चययोगायोगवसेन अब्बोहारिकं कतं, अथ खो सहेतुकवोहारमेव लभति, न अहेतुकवोहारन्ति अब्बोहारिकं कतं । एकतो लब्भमानकवसेनाति अहेतुकचित्तुप्पादनिब्बानेहि हेतुपच्चयरहितेहि सह लब्भमानकरूपवसेनाति अत्थो ।

८६-९७. यस्सं पाळियं “अहेतुकं नाममूलेन न एकमूलं, सहेतुकं नाममूलेन एकमूल”न्ति (यम० १.मूलयमक.८७) पाठो आगतो, तत्थ “ये केचि नामा धम्मा”ति नामानं निद्वारितत्ता “अहेतुकं सहेतुक”न्ति च वुत्ते “नाम”न्ति च इदं विज्जायमानमेवाति न वुत्तन्ति वेदितब्बं । यत्थ पन “अहेतुकं नामं, सहेतुकं नाम”न्ति (यम० १.मूलयमक.८७) च पाठो, तत्थ सुपाकटभावत्थं “नाम”न्ति वुत्तन्ति ।

निद्देसवारवण्णना निड्ढिता ।

मूलयमकवण्णना निड्ढिता ।

२. खन्धयमकं

१. पण्णत्तिवारो

उद्देसवारवण्णना

२-३. खन्धयमके छसु कालभेदेसु पुगलओकासपुगलोकासवसेन खन्धानं उप्पादनरोधा तेसं परिज्जा च वत्तब्बा । ते पन खन्धा “रूपक्खन्धो”तिआदीहि पञ्चहि पदेहि वुच्चन्ति, तेसं दस अवयवपदानि । तत्थ यो रूपादिअवयवपदाभिहितो धम्मो, किं सो एव समुदायपदस्स अत्थो । यो च समुदायपदेन वुत्तो, सो एव अवयवपदस्साति एतस्मिं संसयट्ठाने रूपादिअवयवपदेहि वुत्तो एकदेसो सकलो वा समुदायपदानं अत्थो, समुदायपदेहि पन वुत्तो एकन्तेन रूपादिअवयवपदानं अत्थोति इममत्थं दस्सेतुं “रूपं रूपक्खन्धो, रूपक्खन्धो रूप”न्तिआदिना **पदसोधनवारो** वुत्तो ।

पुन “रूपक्खन्धो”तिआदीनं समासपदानं उत्तरपदत्थप्पधानत्ता पधानभूतस्स खन्धपदस्स वेदनादिउपपदत्थस्स च सम्भवतो यथा “रूपक्खन्धो”ति एतस्मिं पदे रूपावयवपदेन वुत्तस्स रूपक्खन्धभावो होति रूपसद्वस्स खन्धसद्वस्स च समानाधिकरणभावतोति, एवं तत्थ पधानभूतेन खन्धावयवपदेन वुत्तस्स वेदनाक्खन्धादिभावो होति खन्धपदेन वेदनादिपदानं समानाधिकरणत्ताति एतस्मिं संसयट्ठाने खन्धावयवपदेन वुत्तो धम्मो कोचि केनचि समुदायपदेन वुच्चति, न सब्बो सब्बेनाति इममत्थं दस्सेतुं “रूपं रूपक्खन्धो, खन्धा वेदनाक्खन्धो”तिआदिना **पदसोधनमूलचक्कवारो** वुत्तो । एवञ्च दस्सेन्तेन रूपादिसद्वस्स विसेसनभावो, खन्धसद्वस्स विसेसितब्बभावो, विसेसनविसेसितब्बानं समानाधिकरणभावो च दस्सितो होति ।

तेनेत्थ संसयो होति — किं खन्धतो अज्जम्पि रूपं अत्थि, यतो विनिवत्तं रूपं खन्धविसेसनं होति, सब्बेव खन्धा किं खन्धविसेसनभूतेन रूपेन विसेसितब्बाति, किं पन तं खन्धविसेसनभूतं रूपन्ति? भूतुपादायरूपं तस्सेव गहितत्ता । निद्देसे “खन्धा रूपक्खन्धो”ति पदं उद्धरित्वा विस्सज्जनं कतन्ति । एवं एतस्मिं संसयट्ठाने न खन्धतो अज्जं रूपं अत्थि, तेनेव चेतने रूपसद्वेन वुच्चमानं सुद्धेन खन्धसद्वेन वुच्चते, न च सब्बे खन्धा खन्धविसेसनभूतेन रूपेन विसेसितब्बा, तेनेव ते विभजितब्बा, एस नयो वेदनाक्खन्धादीसुपीति इममत्थं दस्सेतुं “रूपं खन्धो, खन्धा रूप”न्तिआदिना **सुद्धखन्धवारो** वुत्तो ।

ततो “रूपं खन्धो”ति एतस्मिं अनुज्जायमाने “न केवलं अयं खन्धसद्वो रूपविसेसनोव, अथ खो वेदनादिविसेसनो चा”ति रूपस्स खन्धभावनिच्छयानन्तरं खन्धानं रूपविसेसनयोगे च संसयो होति । तत्थ न सब्बे खन्धा वेदनादिविसेसनयुत्ता, अथ खो केचि केनचि विसेसनेन युज्जन्तीति दस्सेतुं **सुद्धखन्धमूलचक्कवारो** वुत्तोति । एवं येसं उप्पादादयो वत्तब्बा, तेसं खन्धानं पण्णत्तिसोधनवसेन तन्निच्छयत्थं **पण्णत्तिवारो** वुत्तोति वेदितब्बो ।

चत्तारि चत्तारि चक्कानि बन्धित्वाति एत्थ चक्कावयवभावतो चक्कानीति यमकानि वुत्तानि एकेकखन्धमूलानि चत्तारि चत्तारि यमकानि बन्धित्वाति । इमिना हि एत्थ अत्थेन भवितव्वन्ति । चत्तारि चत्तारि यमकानि यथा एकेकखन्धमूलकानि होन्ति, एवं बन्धित्वाति वा अत्थो दट्ठब्बो । तत्थ “रूपं रूपक्खन्धो”ति एवमादिकं मूलपदं नाभिं कत्वा “खन्धा”ति इदं नेमिं, “वेदनाक्खन्धो”तिआदीनि अरे कत्वा चक्कभावो वुत्तोति वेदितब्बो, न मण्डलभावेन सम्बज्जनतो । वेदनाक्खन्धमूलकादीसुपि हि हेट्ठिमं सोधेत्ताव पाठो गतो, न मण्डलसम्बन्धेनाति । **तेनेव च कारणेनाति** सुद्धखन्धलाभमत्तमेव गहेत्वा खन्धविसेसने रूपादिमिं सुद्धरूपादिमत्तताय अट्ठत्वा खन्धविसेसनभावसङ्घातं रूपादिअत्थं दस्सेतुं खन्धसद्वेन सह योजेत्वा “खन्धा रूपक्खन्धो”तिआदिना नयेन पदं उद्धरित्वा अत्थस्स विभत्तत्ताति अत्थो ।

उद्देसवारवण्णना निट्ठिता ।

निद्देसवारवण्णना

२६. पियरूपं सातरूपंति “चक्खुं लोके पियरूपं...पे०... रूपा लोके...पे०... चक्खुविज्जाणं...पे०... चक्खुसम्फस्सो... पे०... चक्खुसम्फस्सजा वेदना...पे०... रूपसज्जा...पे०... रूपसज्जेतना...पे०... रूपतण्हा...पे०... रूपवितक्को...पे०... रूपविचारो”ति (दी० नि० २.४००; म० नि० १.१३३; विभ० २०३) एवं वुत्तं तण्हावत्थुभूतं तेभूमकं वेदितब्बं, तस्मा यं पञ्चक्खन्धसमुदायभूतं पियरूपसातरूपं, तं एकदेसेन रूपक्खन्धो होतीति आह “पियरूपं सातरूपं रूपं न रूपक्खन्धो”ति । पियसभावताय वा रूपक्खन्धो पियरूपे पविसति, न रूपनसभावेनाति “पियरूपं सातरूपं रूपं न रूपक्खन्धो”ति वुत्तं । **सज्जायमके ताव दिट्ठिसज्जा**ति “विसेसो”ति वचनसेसो । तत्थ दिट्ठि एव सज्जा दिट्ठिसज्जा । “सयं समादाय वतानि जन्तु, उच्चावचं गच्छति सज्जसत्तो”ति (सु० नि० ७९८), “सज्जाविरत्तस्स न सन्ति गन्था”ति (सु० नि० ८५३) च एवमादीसु हि दिट्ठि च “सज्जा”ति वुत्ताति ।

२८. “न खन्धा न वेदनाक्खन्धोति? आमन्ता”ति एवं खन्धसदृप्पवत्तिया अभावे वेदनाक्खन्धसदृप्पवत्तिया च अभावोति पण्णत्तिसोधनमत्तमेव करोतीति दट्ठब्बं, न अज्जधम्मसम्भावो एवेत्थ पमाणं । एवञ्च कत्वा “नायतना न सोतायतनन्ति? आमन्ता”तिआदिं वक्खतीति ।

३९. रूपतो अज्जे वेदनादयोति एत्थ लोकुत्तरा वेदनादयो दट्ठब्बा । ते हि पियरूपा च सातरूपा च न होन्ति तण्हाय अनारम्भणत्ताति रूपतो अज्जे होन्तीति । **रूपञ्च खन्धे च ठपेत्वा अवसेसाति** इदम्पि एतेहि सद्धिं न-सद्धानं अप्पवत्तिमत्तमेव सन्धाय वुत्तन्ति दट्ठब्बं । एवञ्च कत्वा “चक्खुञ्च आयतने च ठपेत्वा अवसेसा न चेव चक्खु न च आयतना”तिआदिं (यम० १.आयतनयमक.१५) वक्खति । न हि तत्थ अवसेसगहणेन गय्हमानं कञ्चि अत्थि । यदि सिया, धम्मायतनं सिया । वक्खति हि “धम्मो आयतनन्ति? आमन्ता”ति (यम० १.आयतनयमक.१६) । तण्हावत्थु च न तं सिया । यदि सिया, पियरूपसातरूपभावतो रूपं सिया “रूपं खन्धोति? आमन्ता”ति (यम० १.खन्धयमक.४०) वचनतो खन्धो चाति । अट्ठकथायं पन अविज्जमानेपि विज्जमानं उपादाय इत्थिपुरिसादिगहणसम्भावं सन्धाय **अवसेसाति** एत्थ पज्जत्तिया गहणं कतन्ति वेदितब्बं ।

निद्देसवारवण्णना निड्ढिता ।

२. पवत्तिवारवण्णना

५०-२०५. पवत्तिवारे वेदनाक्खन्धादिमूलकानि पच्छिमेनेव सह योजेत्वा तीणि द्वे एकञ्च यमकानि वुत्तानि, न पुरिमेन । कस्मा? अमिस्सककालभेदेसु वारेसु अत्थविसेसाभावतो । पुरिमस्स हि पच्छिमेन योजितयमकमेव पच्छिमस्स पुरिमेन योजनाय पुच्छानं उप्पटिपाटिया वुच्चेय्य, अत्थे पन न कोचि विसेसोति । पुच्छाविस्सज्जनेसुपि विसेसो नत्थि, तेन तथा योजना न कताति । कालभेदा पनेत्थ छ एव वुत्ता । अतीतेन पच्चुप्पन्नो, अनागतेन पच्चुप्पन्नो, अनागतेनातीतोति एते पन तयो यथादस्सिता मिस्सककालभेदा एव तयो, न विसुं विज्जन्तीति न गहिता । तत्थ तत्थ हि पटिलोमपुच्छाहि अतीतेन पच्चुप्पन्नादयो कालभेदा दस्सिता, तेनेव च नयेन “यस्स रूपक्खन्धो उप्पज्जित्थ, तस्स वेदनाक्खन्धो उप्पज्जती”तिआदि सक्का योजेतुं । तेनेव हि मिस्सककालभेदेसु च न पच्छिमपच्छिमस्स खन्धस्स पुरिमपुरिमेन योजनं कत्वा यमकानि वुत्तानि, अमिस्सककालभेदेसु गहितनियामेन सुखगहणत्थम्पि पच्छिमपच्छिमेनेव योजेत्वा वुत्तानीति ।

इमिनायेव च लक्खणेनातिआदिना येन कारणेन “पुरेपज्जो”ति च “पच्छापज्जो”ति च नामं वुत्तं, तं दस्सेति । यस्स हि सरूपदस्सनेन विस्सज्जनं होति, सो परिपूरेत्वा विस्सज्जेतब्बत्थसङ्गहनतो परिपुण्णपज्जो नाम । तंविस्सज्जनस्स पन

पुरिमकोट्टासेन सदिसत्थताय पुरेपज्जो, पच्छिमकोट्टाससदिसत्थताय “पच्छापज्जो”ति च नामं वुत्तं । सदिसत्थता च सन्निट्ठानसंसयपदविसेसं अविचारेत्वा एकेन पदेन सङ्गहितस्स खन्धस्स उप्पादनिरोधलाभसामञ्जमत्तेन पुरेपज्जे दट्ठब्बा । सन्निट्ठानपदसङ्गहितस्स वा खन्धस्स अनुज्जातवसेन पुरेपज्जो वुत्तोति युत्तं ।

सन्निट्ठानत्थस्सेव पटिक्खपनं पटिक्खेपो, संसयत्थनिवारणं पटिसेधोति अयं पटिक्खेपपटिसेधानं विसेसो ।
पाळिपदमेव हुत्वाति पुच्छापाळिया “नुप्पज्जती”ति यं पदं वुत्तं, न-कारविरहितं तदेव पदं हुत्वाति अत्थो । तत्थ उप्पत्तिनिरोधपटिसेधस्स पटिसेधनत्थं पाळिगतिया विस्सज्जनं उप्पत्तिनिरोधानमेव पटिसेधनत्थं पटिसेधेन विस्सज्जनं कतन्ति वेदितब्बं ।

चतुन्नं पज्जानं पञ्चन्नञ्च विस्सज्जनानं सत्तवीसतिया ठानेसु पक्खेपो तदेकदेसपक्खेपवसेन वुत्तोति वेदितब्बो । परिपुण्णपज्जो एव हि सरूपदस्सनेन च विस्सज्जनं सत्तवीसतिया ठानेसु पक्खिपितब्बन्ति ।

किं नु सक्का इतो परन्ति इतो पाळिववत्थानदस्सनादितो अज्जो किं नु सक्का कातुन्ति अज्जस्स सक्कुण्येय्यस्स अभावं दस्सेति ।

“सुद्धावासानं तेसं तत्थ रूपक्खन्धो च नुप्पज्जित्थ वेदनाक्खन्धो च नुप्पज्जित्था”ति एतेन सुद्धावासभूमीसु एकभूमियम्पि दुतिया उपपत्ति नत्थीति आपितं होति । पटिसन्धितो पभुति हि याव चुति, ताव पवत्तकम्मजसन्तानं एकत्तेन गहेत्वा तस्स उप्पादनिरोधवसेन अयं देसना पवत्ता । तस्मिज्हि अब्बोच्छिन्ने कुसलादीनञ्च पवत्ति होति, वोच्छिन्ने च अप्पवत्तीति तेनेव च उप्पादनिरोधा दस्सिता, तस्मा तस्स एकसत्तस्स पटिसन्धिउप्पादतो याव चुतिनिरोधो, ताव अतीतता नत्थि, न च ततो पुब्बे तत्थ पटिसन्धिवसेन कम्मजसन्तानं उप्पन्नपुब्बन्ति खन्धद्वयम्पि “नुप्पज्जित्था”ति वुत्तं । कस्मा पन एताय पाळिया सकलेपि सुद्धावासे दुतिया पटिसन्धि नत्थीति न विज्जायतीति? उद्धंसोतपाळिसब्भावा । द्वेपि हि पाळियो संसन्देतब्बाति ।

“असज्जसत्तानं तेसं तत्थ रूपक्खन्धो उप्पज्जिस्सती”ति एत्थ “यस्स यत्थ रूपक्खन्धो उप्पज्जिस्सती”ति एतेन सन्निट्ठानेन विसेसिता असज्जसत्तापि सन्तीति ते एव गहेत्वा “असज्जसत्तान”न्ति वुत्तं । तेन ये सन्निट्ठानेन वज्जिता, ते ततो पञ्चवोकारं गन्त्वा परिनिब्बायिस्सन्ति, न तेसं पुन असज्जे उपपत्तिप्पसङ्गो अत्थीति ते सन्धायाह —
“पच्छिमभविकानं तेसं तत्थ रूपक्खन्धो च नुप्पज्जिस्सति वेदनाक्खन्धो च नुप्पज्जिस्सती”ति (यम० १.खन्धयमक.६५) ।
एत्थ किं पञ्चवोकारादिभावो विय पच्छिमभवोपि कोचि अत्थि, यत्थ तेसमनुप्पत्ति भविस्सतीति? नत्थि पञ्चवोकारादिभवेस्वेव यत्थ वा तत्थ वा ठितानं पच्छिमभविकानं “यस्स यत्थ रूपक्खन्धो नुप्पज्जिस्सती”ति एतेन सन्निट्ठानेन सङ्गहितत्ता । तेसं तत्थ इतरानुप्पत्तिभावञ्च अनुजानन्तो “वेदनाक्खन्धो च नुप्पज्जिस्सती”ति आहाति ।

“सुद्धावासे परिनिब्बन्तान”न्ति इदं सप्पटिसन्धिकानं अप्पटिसन्धिकानञ्च सुद्धावासानं तंतंभूमियं खन्धपरिनिब्बानवसेन वुत्तन्ति वेदितब्बं । सब्बेसज्जि तेसं तत्थ वेदनाक्खन्धो नुप्पज्जित्थाति । यथा पन “निरुज्झिस्सती”ति वचनं पच्चुप्पन्नेपि उप्पादक्खणसमङ्गिहि पवत्तति, न एवं “उप्पज्जित्था”ति वचनं पच्चुप्पन्ने पवत्तति, अथ खो उप्पज्जित्वा विगते अतीते एव, तस्मा “परिनिब्बन्तानं नुप्पज्जित्था”ति वुत्तं उप्पन्नसन्तानस्स अविगतत्ता । अनन्ता लोकधातुयोति ओकासस्स अपरिच्छिन्नत्ता ओकासवसेन वुच्चमानानं उप्पादनिरोधानम्पि परिच्छेदाभावतो संकिण्णता होतीति “यत्थ वेदनाक्खन्धो उप्पज्जति, तत्थ सज्जाक्खन्धो निरुज्झतीति? आमन्ता”ति वुत्तं ।

पवत्तिवारवण्णना निट्ठिता ।

३. परिज्जावारवण्णना

२०६-२०८. पुग्गलोकासवारो लब्भमानोपीति कस्मा वुत्तं, ननु ओकासवारस्स अलाभे तस्सपि अलाभेन भवितव्वन्ति? न, तत्थ पुग्गलस्सेव परिज्जावचनतो । पुग्गलोकासवारेपि हि ओकासे पुग्गलस्सेव परिज्जा वुच्चति, न ओकासस्स । ओकासवारोपि च यदि वुच्चेय्य, “यत्थ रूपक्खन्धं परिजानाती”ति ओकासे पुग्गलस्सेव परिजाननवसेन वुच्चेय्य, तस्मा पुग्गलोकासवारस्सेव लब्भमानता वुत्ता, न ओकासवारस्साति । तेनाह — “आमन्ता...पे... सिया”ति ।

तेनेवाति पवत्ते चित्तक्खणवसेन तिण्णं अद्धानं लाभतो एव, अज्जथा चुतिपटिसन्धिक्खणे रूपक्खन्धपरिजाननस्स अभावा “यो रूपक्खन्धं परिजानाति, सो वेदनाक्खन्धं परिजानाती”ति एत्थ “नत्थी”ति विस्सज्जनेन भवितव्वं सिया, “आमन्ता”ति च कतन्ति । सन्निट्ठानसंसयपदसङ्गहितानं परिज्जानं पवत्ते चित्तक्खणे एव लाभं दस्सेन्तो “लोकुत्तरमग्गक्खणस्मिज्ही”तिआदिमाह । न परिजानातीति पज्जे पुथुज्जनं सन्धाय आमन्ताति वुत्तन्ति इदं पुथुज्जनस्स सब्बथा परिज्जाकिच्चस्स अभावतो वुत्तं । “अरहा रूपक्खन्धं न परिजानाति नो च वेदनाक्खन्धं न परिजानित्थ, अग्गमग्गसमङ्गिञ्च अरहन्तञ्च ठपेत्वा अवसेसा पुग्गला रूपक्खन्धञ्च न परिजानन्ति वेदनाक्खन्धञ्च न परिजानित्था”ति पन वचनेन “अग्गमग्गसमङ्गि ठपेत्वा अज्जो कोचि परिजानाती”ति वत्तव्वो नत्थीति दस्सितं होति, तेन तदवसेसपुग्गले सन्धाय “आमन्ता”ति वुत्तन्ति विज्जायतीति ।

परिज्जावारवण्णना निट्ठिता ।

खन्धयमकवण्णना निट्ठिता ।

३. आयतनयमकं

१. पण्णत्तिवारो

उद्देसवारवण्णना

१-९. आयतनयमकादीसु च पण्णत्तिवारे पदसोधनवारादीनं वचने कारणं खन्धयमके वुत्तनयेनेव वेदितव्वं । “एकादस एकादस कत्वा तेत्तिससत्तं यमकानी”तिआदिना केसुचि पोत्थकेसु गणना लिखिता, सा तथा न होति । “द्वत्तिससत्तं”न्तिआदिना अज्जत्थ लिखिता ।

उद्देसवारवण्णना निट्ठिता ।

निद्देसवारवण्णना

१०-१७. वायनट्ठेनाति पसारणट्ठेन, पाकटभावट्ठेन वा । “कायो धम्मो”ति च वुच्चमानं सब्बं ससभावं आयतनमेवाति “कायो आयतन”न्ति, “धम्मो आयतन”न्ति च एत्थ “आमन्ता”ति वुत्तं । कायवचनेन पन धम्मवचनेन च अवुच्चमानं कज्जि ससभावं नत्थीति “न कायो नायतनं, न धम्मो नायतन”न्ति एत्थ “आमन्ता”इच्चेव वुत्तं ।

निद्वेसवारवण्णना निद्विता ।

२. पवत्तिवारो

१. उप्पादवारवण्णना

१८-२१. पवत्तिवारो चक्खायतनमूलकानि एकादसाति पटिसन्धिचुतिवसेन उपादिन्नपवत्तस्स उप्पादनरोधवचने एतस्मिं अलब्भमानविस्सज्जनम्पि सद्वायतनेन सद्धिं यमकं पुच्छामत्तलाभेन सङ्गणित्वा वदतीति दट्ठब्बं । छसट्ठि यमकानीति एत्थ चक्खुसोतघानजिह्वाकायरूपायतनमूलकेसु एकेकं सद्वायतनमूलकानि पञ्चाति एकादस यमकानि विस्सज्जनवसेन हापेतब्बानि । वक्खति हि “सद्वायतनस्स पटिसन्धिक्खणे अनुप्पत्तितो तेन सद्धिं यमकस्स विस्सज्जनमेव नत्थी”ति (यम० अट्ठ० आयतनयमक १८-२१) ।

दुतियं किञ्चापि पठमेन सदिसविस्सज्जनन्तिआदि पुगलवारमेव सन्धाय वुत्तन्ति दट्ठब्बं । ओकासवारे पन असदिसविस्सज्जनत्ता वुत्तं, न तं सब्बत्थ सदिसविस्सज्जनन्ति आपेतुं पुगलवारेपि विस्सज्जितन्ति । गन्धरसफोटुब्बायतनेहि सद्धिं तीणि यमकानि सदिसविस्सज्जनानीति रूपावचरसत्ते सन्धाय “सचक्खुकानं अगन्धकानं”न्तिआदिना विस्सज्जितब्बत्ता वुत्तं । तेसज्हि विरत्तकामकम्मनिब्बत्तस्स पटिसन्धिबीजस्स एवंसभावत्ता घानादीनि गन्धादयो च न सन्तीति । घानायतनयमकेन सदिसविस्सज्जनत्ताति चक्खायतनमूलकेसु घानायतनयमकेन सद्धिं सदिसविस्सज्जनत्ताति अत्थो । ननु तत्थ “सचक्खुकानं अधानकानं उपपज्जन्तानं”न्तिआदिना विस्सज्जनं पवत्तं, इध पन घानायतनमूलकेसु “यस्स घानायतनं उप्पज्जति, तस्स जिह्वायतनं उप्पज्जतीति? आमन्ता”ति विस्सज्जनेन भवितब्बन्ति नत्थि सदिसविस्सज्जनत्ताति? सच्चं, यथा पन तत्थ घानायतनयमकेन जिह्वाकायायतनयमकानि सदिसविस्सज्जनानि, एवमिधापि जिह्वाकआयायतनयमकानि सदिसविस्सज्जनानि, तस्मा तत्थ तत्थेव सदिसविस्सज्जनता पाळियं अनारुहताय कारणन्ति । निदस्सनभावेन पन गहितं चक्खायतनमूलकानं सदिसविस्सज्जनकानं सदिसविस्सज्जनं निदस्सनभावेनेव कारणन्ति दस्सेन्तो “घानायतनयमकेन सदिसविस्सज्जनत्ता”ति आह । सदिसविस्सज्जनता चेत्थ घानायतनमूलकेसु येभ्य्यताय दट्ठब्बा । तेसु हि जिह्वाकायायतनयमकेसु तिण्णं पुच्छानं “आमन्ता”ति विस्सज्जनेन भवितब्बं, पच्छिमपुच्छाय “सकायकानं अधानकानं उपपज्जन्तानं”न्तिआदिनाति ।

अथ वा यथा वेदनाक्खन्धादिमूलकानं सज्जाक्खन्धादियमकानं अमिस्सककालभेदेसु तीसु “आमन्ता”ति पटिवचनविस्सज्जनेन यथावुत्तवचनस्स विस्सज्जनभावानुजाननं कत्तब्बन्ति अपुब्बस्स वत्तब्बस्स अभावा विस्सज्जनं न कत्तं, एवमिधापि घानायतनमूलकं जिह्वायतनयमकं अपुब्बस्स वत्तब्बस्स अभावा पाळिं अनारुहन्ति पाकटोयमत्थो । कायायतनयमकं पन दुतियपुच्छाय वसेन विस्सज्जितब्बं सिया, सा च चक्खायतनमूलकेसु घानायतनयमकेन सदिसविस्सज्जना, तस्मा यस्सा पुच्छाय विस्सज्जना कातब्बा, तस्सा घानायतनयमकेन सदिसविस्सज्जनत्ता तंसेसानि पाळिं अनारुहानीति एवमेत्थ अत्थो दट्ठब्बो । तथाति इदं पाळिअनारुहतासामज्जेनेव वुत्तं, न कारणसामज्जेन । घानजिह्वाकायायतनानं पन अगब्भसेय्यकेसु पवत्तमानानं गब्भसेय्यकेसु च आयतनपारिपूरिकाले सहचारिताय अविसेसत्ता च अप्पविसेसत्ता च एकस्मिं घानायतनयमके विस्सज्जिते इतरानि द्वे, घानायतनमूलकेसु च विस्सज्जितेसु इतरद्वयमूलकानि न विस्सज्जीयन्तीति वेदितब्बानि । रूपायतनमनायतनेहि सद्धिन्ति “यस्स रूपायतनं उप्पज्जति, तस्स मनायतनं उप्पज्जती”ति एतिस्सा पुच्छाय वुत्तेहि रूपायतनमनायतनेहि सद्धिन्ति अधिप्पायो । रूपायतनमूलकेसु हि

मनायतनयमके आदिपुच्छाय गन्धरसफोटुब्बयमकेसु आदिपुच्छानं सदिसविस्सज्जनता यमकानं अविस्सज्जने कारणभावेन वुत्ता। दुतियपुच्छानहि पटिवचनविस्सज्जनेन भवितव्वन्ति पुब्बे वुत्तनयेन विस्सज्जनं न कातव्वं, आदिपुच्छानञ्च न कातव्वन्ति।

हेट्टिमेहि सदिसविस्सज्जनत्ताति एत्थ गन्धायतनमूलकानं रसफोटुब्बयमकानं रसायतनमूलकस्स च फोटुब्बयमकस्स पटिवचनविस्सज्जनेनेव भवितव्वन्ति पुब्बे वुत्तनयेनेव विस्सज्जनं न कातव्वन्ति येसं कातव्वं, तेसं गन्धरसफोटुब्बमूलकानं मनायतनधम्मायतनयमकानं चक्खादिपञ्चायतनमूलकेहि मनायतनधम्मायतनयमकेहि सदिसविस्सज्जनत्ताति अत्थो। चक्खायतनादिमूलकानि सहायतनयमकानि सहायतनमूलकानि सब्बानि अविस्सज्जनेनेव अलम्भमानविस्सज्जनतादस्सनेन विस्सज्जितानि नाम होन्तीति आह **“छसट्टि यमकानि विस्सज्जितानि नाम होन्ती”**ति।

जच्चन्धम्मि जच्चबधिरम्पीति एत्थ च जच्चबधिरग्गहणेन जच्चन्धबधिरो गहितोति वेदितव्वो। **सघानकानं सचक्खुकानन्ति परिपुण्णायतनमेव ओपपातिकं सन्धाय वुत्तन्ति** एत्थ एव-सदं वुत्तन्ति-एतस्स परतो योजेत्वा यथा “सघानकानं अचक्खुकानं”न्ति इदं अपरिपुण्णायतनं सन्धाय वुत्तं, न एवं “सघानकानं सचक्खुकानं”न्ति एतं। एतं पन परिपुण्णायतनं सन्धाय वुत्तमेवाति अत्थो दट्टव्वो। तेन जच्चबधिरम्पि सन्धाय वुत्तता न वारिता होतीति।

२२-२५४. यत्थ चक्खायतनन्ति रूपीब्रह्मलोकं पुच्छतीति नियमतो तत्थ चक्खुसोतानं सहुप्पत्तिमत्तं पस्सन्तो वदति, ओकासवारे पन तस्मिं पुग्गलस्स अनामदुत्ता यत्थ कामधातुयं रूपधातुयञ्च चक्खायतनं उप्पज्जति, तत्थ सोतायतनम्पि एकन्तेन उप्पज्जतीति **“आमन्ता”**ति (यम० १.आयतनयमक.२२) वुत्तं।

“यस्स वा पन रूपायतनं उप्पज्जिस्सति, तस्स चक्खायतनं उप्पज्जिस्सतीति? आमन्ता”ति कस्मा पटिज्जातं, ननु यो गब्भसेय्यकभावं गन्त्वा परिनिब्बायिस्सति, तस्स रूपायतनं पटिसन्धियं उप्पज्जिस्सति, न पन चक्खायतनन्ति? यस्स रूपायतनं उप्पज्जिस्सति, तस्स तदवत्थस्स पुग्गलस्स रूपायतनुप्पादतो उद्धं चक्खायतनसन्तानुप्पादस्स पवत्तियम्पि भविस्सन्तस्स पटिज्जातव्वत्ता। अथ कस्मा “यस्स वा पन रूपायतनं नुप्पज्जिस्सति, तस्स चक्खायतनं नुप्पज्जिस्सतीति? आमन्ता”ति पटिज्जातं, ननु गब्भसेय्यकस्स पच्छिमभविकस्स उपपज्जन्तस्स एकादसमसत्ताहा ओरतो ठितस्स रूपायतनं नुप्पज्जिस्सति नो च चक्खायतनं नुप्पज्जिस्सतीति? तस्मिं भवे भविस्सन्तस्स उप्पादस्स अनागतभावेन अवचनतो। भवन्तरे हि तस्स तस्स आयतनसन्तानस्स यो आदिउप्पादो पटिसन्धियं पवत्ते च भविस्सति, सो अनागतुप्पादो तब्भावेन वुच्चति अद्वापच्चुप्पन्नानन्तो गधत्ता। न पन यो तस्मिंयेव भवे पवत्ते भविस्सति, सो अनागतुप्पादभावेन वुच्चति अद्वापच्चुप्पन्नानन्तो गधत्ता। अद्वावसेन हेत्थ कम्मजपवत्तस्स पच्चुप्पन्नादिकालभेदो अधिप्पेतो। एवञ्च कत्वा **इन्द्रिययमके** (यम० ३.इन्द्रिययमक.३६८) “यस्स इत्थिन्द्रियं उप्पज्जति, तस्स पुरिसिन्द्रियं उप्पज्जिस्सतीति? पच्छिमभविकानं इत्थीनं उपपज्जन्तीनं, या च इत्थियो रूपावचरं अरूपावचरं उपपज्जित्वा परिनिब्बायिस्सन्ति, या च इत्थियो एतेनेव भावेन कतिचि भवे दस्सेत्वा परिनिब्बायिस्सन्ति, तासं उपपज्जन्तीनं तासं इत्थिन्द्रियं उप्पज्जति, नो च तासं पुरिसिन्द्रियं उप्पज्जिस्सती”ति वुत्तं। न हि तासं सब्बासं तस्मिं भवे पवत्ते पुरिसिन्द्रियं न उप्पज्जिस्सति लिङ्गपरिवत्तनसम्भावा, भवन्तरे पन आदिउप्पादस्स अभावं सन्धाय “नो च तासं पुरिसिन्द्रियं उप्पज्जिस्सती”ति वुत्तं। भवन्तरे हि आदिउप्पादस्स अनागतत्तं अधिप्पेतन्ति। एवञ्च कत्वा **“कतिचि भवे दस्सेत्वा”**ति भवग्गहणं कतन्ति।

“आयतनानं पटिलाभो जाती”ति (दी० नि० २.३८८; विभ० २३५) वचनतो तंतं आयतननिब्वत्तककम्मेन

गहितपटिसन्धिकस्स अवस्संभावीआयतनस्स याव आयतनपारिपूरि, ताव उप्पज्जतीति पन अत्थे गह्ममाने पुच्छाद्वयविस्सज्जनं सूपपन्नं होति । एवञ्च सति “यस्स वा पन सोतायतनं नुप्पज्जिस्सति, तस्स चक्खायतनं नुप्पज्जतीति? पच्छिमभविकानं पञ्चवोकारं उपपज्जन्तानं, ये च अरूपं उपपज्जित्वा परिनिब्बायिस्सन्ति, तेसं उपपज्जन्तानं तेसं सोतायतनं नुप्पज्जिस्सति, नो च तेसं चक्खायतनं नुप्पज्जती”ति एवमादीसु (यम०

१.आयतनयमक.९५) गब्भसेय्यकापि पच्छिमभविकादयो उपपज्जन्ता गहिता होन्ति । एवञ्च कत्वा **इन्द्रिययमके** (यम० ३.इन्द्रिययमक.१८६) “यस्स वा पन सोमनस्सिन्द्रियं उप्पज्जति, तस्स चक्खुन्द्रियं उप्पज्जतीति? आमन्ता”ति इदम्पि उपपन्नं होति । सोमनस्सिन्द्रियुप्पादकस्स कम्मस्स एकन्तेन चक्खुन्द्रियुप्पादनतो गब्भेपि याव चक्खुन्द्रियुप्पत्ति, ताव उप्पज्जमानताय तस्सा अभिनन्दितब्बत्ता ।

यं पन “यस्स वा पन यत्थ रूपायतनं उप्पज्जित्थ, तस्स तत्थ घानायतनं उप्पज्जतीति? कामावचरा चवन्तानं, अधानकानं कामावचरं उपपज्जन्तानं, रूपावचरानं तेसं तत्थ रूपायतनं उप्पज्जित्थ, नो च तेसं तत्थ घानायतनं उप्पज्जती”ति एत्थ “अधानकानं कामावचरं उपपज्जन्तानं”न्ति (यम० १.आयतनयमक.७६) वुत्तं, तं ये एकादसमसत्ताहा ओरतो कालं करिस्सन्ति, तेसं घानायतनानिब्बत्तककम्मेन गहितपटिसन्धिकानं वसेन वुत्तन्ति वेदितब्बं । “यस्स यत्थ घानायतनं न निरुज्झति, तस्स तत्थ रूपायतनं न निरुज्झिस्सतीति? कामावचरं उपपज्जन्तानं, अधानकानं कामावचरा चवन्तानं, रूपावचरानं तेसं तत्थ घानायतनं न निरुज्झति, नो च तेसं तत्थ रूपायतनं न निरुज्झिस्सती”ति हि एत्थ “अधानकानं कामावचरा चवन्तानं”न्ति (यम० १.आयतनयमक.१८१) वचनं अनुप्पन्नेयेव घानायतने गब्भसेय्यकानं चुति अत्थीति दीपेति । न हि कामावचरे गब्भसेय्यकतो अज्जो अधानको अत्थि **धम्महृदयविभङ्गे** (विभ० ९७८ आदयो) “कामधातुया उपपत्तिक्खणे कस्सचि अट्टायतनानि पातुभवन्ती”ति अवुत्तत्ताति । अथ कस्मा ओपपातिके एव सन्धाय इध, इन्द्रिययमके च यथादस्सितासु पुच्छासु “आमन्ता”ति वुत्तन्ति न विज्जायतीति? यमके सन्निट्टानेन गहितत्थस्स एकदेसे संसयत्थसम्भवेन पटिवचनस्स अकरणतो । भिन्दितब्बे हि न पटिवचनविस्सज्जनं होति । यदि सिया, परिपुण्णविस्सज्जनमेव न सियाति । अथ कस्मा “यस्स वा पन सोमनस्सिन्द्रियं उप्पज्जति, तस्स चक्खुन्द्रियं उप्पज्जतीति? आमन्ता”ति (यम० ३.इन्द्रिययमक.१८६) इमिना “गब्भसेय्यकानं सोमनस्सपटिसन्धि नत्थी”ति न विज्जायतीति? “कामधातुया उपपत्तिक्खणे कस्स दसिन्द्रियानि पातुभवन्ति? गब्भसेय्यकानं सत्तानं सहेतुकानं जाणसम्पयुत्तानं उपपत्तिक्खणे दसिन्द्रियानि पातुभवन्ति कायिन्द्रियं मनिन्द्रियं इत्थिन्द्रियं वा पुरिसिन्द्रियं वा जीवितिन्द्रियं सोमनस्सिन्द्रियं वा उपेक्खिन्द्रियं वा सद्धिन्द्रियं”न्तिआदिवचनतो (विभ० १०१२) ।

निरोधवारे अनागतकालभेदे यथा तस्सेव चित्तस्स निरोधो अनागतभावेन तस्स उपपत्तिक्खणे वुत्तो, एवं तस्सेव कम्मजसन्तानस्स निरोधो अनागतभावेन तस्स उप्पादे वत्तब्बोति सब्बत्थ उपपज्जन्तानं एव सो तथा वुत्तो, न उप्पन्नानं । उप्पन्नानं पन अज्जस्स अनागतस्स सन्तानस्स निरोधो अनागतभावेन वत्तब्बो, न तस्सेव । तस्स हि उप्पादानन्तरं निरोधो आरद्धो नाम होतीति । तस्मा अरहतं पवत्ते सोतस्स चक्खुस्स च भेदे सतिपि अनागतकालामसनवसेनेव “यस्स चक्खायतनं निरुज्झिस्सति, तस्स सोतायतनं निरुज्झिस्सतीति? आमन्ता । यस्स वा पन सोतायतनं निरुज्झिस्सति, तस्स चक्खायतनं निरुज्झिस्सतीति? आमन्ता”ति विस्सज्जनद्वयं उपपन्नमेव होतीति । यस्मा च उपपत्तिअनन्तरं निरोधो आरद्धो नाम होति, तंनिट्टानभावतो पन चुतिया निरोधवचनं, तस्मा पवत्ते निरुद्धेपि सन्तानेकदेसे अनिरुद्धं उपादाय अनिट्ठितनिरोधोति चुतियाव तस्स निरोधोति वुच्चति । वक्खति हि “यस्स वा पन सोमनस्सिन्द्रियं निरुज्झति, तस्स चक्खुन्द्रियं निरुज्झतीति? आमन्ता”ति, तेनेत्थापि चुतिनिरोधे एव च अधिप्पेते यज्च पवत्ते निरुज्झिस्सति, तज्च निट्टानवसेन चुतिया एव निरुज्झिस्सतीति वुत्तन्ति “आमन्ता”ति युत्तं पटिवचनं । “सचक्खुकानं”न्तिआदीसु च

“पटिलद्धचक्खुकान”न्ति आदिना अत्थो विज्जायतीति ।

“यस्स चक्खायतनं न निरुज्झति, तस्स सोतायतनं न निरुज्झिस्सतीति? सब्बेसं उपपज्जन्तानं, अचक्खुकानं चवन्तानं तेसं चक्खायतनं न निरुज्झति, नो च तेसं सोतायतनं न निरुज्झिस्सती”ति एत्थ आरुप्पे पच्छिमभविके ठपेत्वा सब्बे उपपज्जन्ता, अचक्खुका चवन्ता च गहिताति दट्ठब्बा । ते हि दुतियकोट्टासेन सङ्गहन्तीति तदपेक्खत्ता सावसेसमिदं सब्बवचनं अचक्खुकवचनञ्चाति । “आरुप्पे पच्छिमभविकान”न्ति एत्थ च अरूपतो पञ्चवोकारं अगच्छन्ता अनञ्जूपपत्तिकापि “अरूपे पच्छिमभविका”इच्चेव सङ्गहन्तीति वेदितब्बा । एस नयो अज्जेसुपि एवरूपेसूति ।

पवत्तिवारवण्णना निट्ठिता ।

आयतनयमकवण्णना निट्ठिता ।

४. धातुयमकं

१-१९. लब्धमानानन्ति इदं पवत्तिवारे सद्वधातुसम्बन्धानं यमकानं चक्खुविज्जाणधातादिसम्बन्धानञ्च चुत्तिपटिसन्धिवसेन अलब्धमानतं सन्धाय वुत्तं ।

धातुयमकवण्णना निट्ठिता ।

५. सच्चयमकं

१. पण्णत्तिवारो

निद्वेसवारवण्णना

१०-२६. “दुक्खं दुक्खसच्चन्ति? आमन्ता”ति एत्थ किञ्चापि दुक्खदुक्खं सङ्खारदुक्खं विपरिणामदुक्खन्ति तीसुपि दुक्खसद्दो पवत्तति, “जातिपि दुक्खा”ति आदिना (महाव० १४; विभ० १९०) जातिआदीसु च, सो पन दुक्खदुक्खतो अज्जत्थ पवत्तमानो अज्जनिरपेक्खो नप्पवत्तति । सुद्धज्जेत्थ दुक्खपदं अज्जनिरपेक्खं गहेत्वा पण्णत्तिसोधनं करोति, तेन निप्परियायतो दुक्खसभावत्ता एव यं दुक्खदुक्खं, तस्मिं दुक्खदुक्खे एस दुक्खसद्दो, तज्ज एकन्तेन दुक्खसच्चमेवाति “आमन्ता”ति वुत्तं । सुद्धसच्चवारे सच्चविभङ्गे वुत्तेसु समुदयेसु कोचि फलधम्मेषु नत्थि, न च फलधम्मेषु कोचि निरोधोति वुच्चमानो अत्थि, मग्गसद्दो च फलफलङ्गेषु मग्गफलत्ता पवत्तति, न मग्गकिच्चसम्भावा । परिनिट्ठितनिय्यानकिच्चानि हि तानि । निय्यानवाचको चेत्थ मग्गसद्दो, न निय्यानफलवाचको, तस्मा समुदयो सच्चं, निरोधो सच्चं, मग्गो सच्चन्ति एतेसुपि “आमन्ता”इच्चेव विस्सज्जनं कतं ।

अथ वा पदसोधनेन पदेसु सोधितेसु सच्चविसेसनभूता एव दुक्खादिसद्दा इध गहिताति विज्जायन्ति । तेसं पन एकन्तेन सच्चविसेसनभावं, सच्चानञ्च तब्बिसेसनयोगविसेसं दीपेतुं सुद्धसच्चवारो वुत्तोति सच्चविसेसनानं दुक्खादीनं एकन्तसच्चत्ता “दुक्खं सच्चं... पे०... मग्गो सच्चन्ति? आमन्ता”ति वुत्तन्ति । यथा चेत्थ, एवं खन्धयमकादीसुपि सुद्धखन्धादिवारेसु खन्धादिविसेसनभूतानमेव रूपादीनं गहणं युत्तं । अट्ठकथायं (यम० अट्ठ० खन्धयमक ३८) पन “यस्मा पियरूपसातरूपसङ्घातं वा रूपं होतु भूतुपादारूपं वा, सब्बं पञ्चसु खन्धेषु सङ्गहं गच्छतेव, तस्मा आमन्ताति

पटिजानाती”ति वचनेन रूपदिचक्खादिदुक्खादिगहणेहि सुद्धखन्धादिवारेसुपि खन्धादिविसेसनतो अज्जेपि गहिताति अयमत्थो दीपितो होति, तेन तदनुरूपतावसेन इतरो अत्थो वुत्तो ।

निद्देसवारवण्णना निट्ठिता ।

२. पवत्तिवारवण्णना

२७-१६४. अन्तमसो सुद्धावासानम्पीति इदं तेसं अरियत्ता दुक्खसच्चवेन उपपज्जने आसङ्का सियाति कत्वा वुत्तं । तण्हाविप्पयुत्तचित्तस्साति इदं पञ्चवोकारवसेनेव गहेतब्बन्ति वुत्तं । यस्स दुक्खसच्चं उप्पज्जतीति एतेन पन सन्निट्ठानेन सब्बे उपपज्जन्ता पवत्तियं चतुवोकारे मग्गफलतो अज्जचित्तानं उप्पादक्खणसमङ्गिनो पञ्चवोकारे च सब्बचित्तानं उप्पादक्खणसमङ्गिनो सङ्गहिताति तेस्वेव सन्निट्ठानेन निच्छित्तेसु केचि “पवत्ते तण्हाविप्पयुत्तचित्तस्स उप्पादक्खणे”ति एतेन दुक्खसमुदयेसु एककोट्ठासपवत्तिसमङ्गिनो दस्सीयन्ति सन्निट्ठानेन गहितस्सेव विभागदस्सनतो, तेन चतुवोकारानम्पि गहणं उपपन्नमेव । न हि तेसु मग्गफलुप्पादसमङ्गीसु पसङ्गता अत्थि तंसमङ्गीनं तेसं सन्निट्ठानेन अगहितत्ताति । इदं इध न गहेतब्बन्ति इदं चतुवोकारे फलसमापत्तिचित्तं इध सच्चानं उप्पादवचने न गहेतब्बन्ति वुत्तं होति ।

एत्थ च सब्बेसं उपपज्जन्तानन्ति इदं कम्मजपवत्तस्स पठमुप्पाददस्सनेन वुत्तं, असज्जसत्तापेत्थ सङ्गहिता । पवत्ते तण्हाविप्पयुत्तचित्तस्स उप्पादक्खणेति इदं पन समुदयसच्चुप्पादवोमिस्सस्स दुक्खसच्चुप्पादस्स तंहितस्स दस्सनवसेन वुत्तं । तण्हाय उप्पादक्खणेति तंसहितस्स समुदयसच्चुप्पादवोमिस्सस्स । तेसं पन असज्जसत्तानं पवत्तियं दुक्खसच्चस्स उप्पादो सब्बत्थ न गहितो, तथा निरोधो चाति । मग्गसच्चयमकेपि एसेव नयो । तेसं तस्मिं उपपत्तिक्खणे च तण्हाविप्पयुत्तचित्तुप्पत्तिक्खणे चाति एवमेत्थ खणवसेन ओकासो वेदितब्बोति वुत्तं, एवञ्च सति “यस्स यत्थ दुक्खसच्चं उप्पज्जति, तस्स तत्थ समुदयसच्चं उप्पज्जिस्सती”ति (यम० १.सच्चयमक.७१) एतस्स विस्सज्जने पच्छिमकोट्ठासे “इतरेसं चतुवोकारं पञ्चवोकारं उपपज्जन्तानं, पवत्ते चित्तस्स उप्पादक्खणे तेसं तत्थ दुक्खसच्चञ्च उप्पज्जति समुदयसच्चञ्च उप्पज्जिस्सती”ति इदं न युज्जेय्य । न हि उपपत्तिक्खणे चित्तुप्पत्तिक्खणे च समुदयसच्चं उप्पज्जिस्सतीति । तस्मा उपपत्तिक्खणतण्हाविप्पयुत्तचित्तुप्पत्तिक्खणसमङ्गीनं पुग्गलानं यस्मिं कामावचरादिओकासे सा उपपत्ति चित्तुप्पत्ति च पवत्तमाना, तत्थ तेसन्ति ओकासवसेनेवेत्थ तत्थ-सद्वस्स अत्थो युज्जति । पुग्गलोकासवारो हेस । तत्थ पुग्गलविसेसदस्सनत्थं “सब्बेसं उपपज्जन्तान”न्तिआदि वुत्तं, ओकासो पन यत्थ ते, सो एवाति ।

“सब्बेसं चवन्तानं पवत्ते चित्तस्स भङ्गक्खणे आरुप्पे मग्गस्स च फलस्स च उप्पादक्खणे तेसं समुदयसच्चञ्च नुप्पज्जति दुक्खसच्चञ्च नुप्पज्जती”ति एत्थ पन “पवत्ते चित्तस्स भङ्गक्खणे दुक्खसच्चं नुप्पज्जती”ति चित्तपटिबद्धवुत्तित्ता चित्तजरूपमेव इधाधिप्पेतं, न कम्मजादिरूपं चित्तं अनपेक्खित्वाव उप्पज्जनतोति केचि वदन्ति । “यस्स वा पन समुदयसच्चं नुप्पज्जती”ति एतेन पन सन्निट्ठानेन गहितो पुग्गलो न चित्तं अपेक्खित्वाव गहितो, अथ खो यो कोचि एवंपकारो, तस्मा “तस्स दुक्खसच्चं नुप्पज्जती”ति एतेन च न चित्तापेक्खमेव दुक्खसच्चं वुत्तं, अथ खो यं किञ्चीति चित्तस्स भङ्गक्खणे यं किञ्चि दुक्खसच्चं नुप्पज्जतीति अयमत्थो विज्जायतीति । न हि यमके विभजितब्बे अविभत्ता नाम पुच्छा अत्थीति ।

“सुद्धावासानं दुतिये चित्तेवत्तमाने”ति इदं सब्बन्तिमेन परिच्छेदेन यस्स यत्थ दुक्खसच्चं उप्पज्जित्थ, नो च

समुदयसच्चं, तंदस्सनवसेन वुत्तं। तस्मिं पन दस्सिते तेन समानगतिकत्ता दुतियाकुसलचित्ततो पुरिमसब्बचित्तसमङ्गिनो तेनेव दस्सिता होन्ति। तेसम्पि हि तत्थ दुक्खसच्चं उप्पज्जित्थ नो च तेसं तत्थ समुदयसच्चं उप्पज्जित्थाति। एवञ्च कत्वा “इतरेसं चतुवोकारपञ्चवोकारान”न्ति एत्थ यथावुत्ता सुद्धावासा अगगहिता होन्ति। यथा “यस्स यत्थ दुक्खसच्चं उप्पज्जति, तस्स तत्थ समुदयसच्चं उप्पज्जित्था”ति (यम० १.सच्चयमक.६१) एतस्स विस्सज्जने “सुद्धावासानं उपपत्तिचित्तस्स उप्पादक्खणे”ति (यम० १.सच्चयमक.६१) एतेनेव उपपत्तिचित्तुप्पादक्खणसमङ्गिसमानगतिका दुतियाकुसलतो पुरिमसब्बचित्तुप्पादक्खणसमङ्गिनो दस्सिता होन्तीति न ते “इतरेस”न्ति एतेन गहन्ति, एवमिधापि दट्ठब्बन्ति। “इतरेस”न्ति वचनं पञ्चवोकारानं विसेसनत्थं, न चतुवोकारानं। न हि ते पुब्बे वुत्ता वज्जेतब्बा सन्ति पञ्चवोकारा विय यथावुत्ता सुद्धावासाति। “अभिसमेतावीनं तेसं तत्थ दुक्खसच्चञ्च उप्पज्जित्थ मग्गसच्चञ्च उप्पज्जित्था”ति (यम० १.सच्चयमक.४१) एतेन सन्निट्ठानेन पुग्गलोकासा अञ्जमञ्जपरिच्छिन्ना गहिताति यस्मिं ओकासे अभिसमेताविनो, ते एवं “अभिसमेतावीन”न्ति एतेन गहिताति दट्ठब्बा। तेन ये कामावचरे रूपावचरे अरूपावचरे वा अभिसमेताविनो रूपावचरं अरूपावचरं वा उपपन्ना, याव तत्थाभिसमयो उप्पन्नो भविस्सति, ताव ते एत्थ न गहन्ति, ते पन पुरिमकोट्टासे “सुद्धावासानं दुतिये चित्ते वत्तमाने”ति एवं दस्सितेहि सुद्धावासे अनुप्पन्नाभिसमयेहि समानगतिकाति विसुं न दस्सिता। “अनभिसमेतावीन”न्ति गहिता ये सब्बत्थ तत्थ च अनभिसमेताविनो, तेसु सुद्धावासानं गहणकालविसेसनत्थं “सुद्धावासानं दुतिये चित्ते वत्तमाने”ति (यम० १.सच्चयमक.४२) वुत्तन्ति।

यस्स चित्तस्स अनन्तरा अग्गमग्गं पटिलभिस्सन्तीति एतेन वोदानचित्तसमङ्गिना समानगतिका ततो पुरिमतरचित्तसमङ्गिनोपि याव सब्बन्तिमतण्हासम्पयुत्तचित्तसमङ्गी, ताव दस्सिताति वेदितब्बा। एस नयो अञ्जेसु एवरूपेसूति।

पवत्ते चित्तस्स भङ्गक्खणेति आगतट्ठाने पटिसन्धिचित्तस्सपि भङ्गक्खणगगहणं दट्ठब्बं, तथा “पवत्ते चित्तस्स उप्पादक्खणे”ति आगतट्ठाने च चुतिचित्तस्सपि उप्पादक्खणस्साति। “यस्स दुक्खसच्चं न निरुज्झति, तस्स समुदयसच्चं न निरुज्झिस्सती”ति (यम० १.सच्चयमक.११६) एतस्स विस्सज्जने द्वीसुपि कोट्टासेसु “अरूपे मग्गस्स च फलस्स च भङ्गक्खणे”इच्चेव (यम० १.सच्चयमक.११६) वुत्तं, न विसेसितं। कस्मा? एकस्सपि मग्गस्स च फलस्स च भङ्गक्खणसमङ्गिनो उभयकोट्टासभजनतो। यस्स दुक्खसच्चं न निरुज्झतीति एतेन सन्निट्ठानेन गहितेसु हि अरूपे मग्गफलभङ्गक्खणसमङ्गीसु केसञ्चि तिण्णं फलानं द्विन्नञ्च मग्गानं भङ्गक्खणसमङ्गीनं निरन्तरं अनुप्पादेत्वा अन्तरन्तरा विपस्सनानिकन्तिं भवनिकन्तिं उप्पादेत्वा ये उपरिमग्गे उप्पादेस्सन्ति, तेसं समुदयसच्चं निरुज्झिस्सतीति तेसंयेव पन केसञ्चि अन्तरा तण्हं अनुप्पादेत्वा उपरिमग्गउप्पादेन्तानं मग्गफलभङ्गक्खणसमङ्गीनं समुदयसच्चं न निरुज्झिस्सतीति। सामञ्जवचनेनपि च पुरिमकोट्टासे वुच्चमानेन पच्छिमकोट्टासे वक्खमाने वज्जेत्वाव गहणं होतीति दस्सितोयं नयोति।

पवत्तिवारवण्णना निट्ठिता।

३. परिज्जावारवण्णना

१६५-१७०. परिज्जावारे ...पे०... तिस्सोपेत्य परिज्जा लब्धन्तीति एत्थेव विसेसनं खन्धयमकादीसु सब्बखन्धादीनं विय सब्बसच्चानं अपरिज्जेय्यतादस्सनत्थं सच्छिकरणभावनावसेन इमस्स वारस्स अप्पवत्तिदस्सनत्थञ्च। दुक्खस्स परिज्जत्थं समुदयस्स च पहानत्थं भगवति ब्रह्मचरियं वुस्सतीति परिज्जापहानं सच्चेसु दस्सेतुं दुक्खे तीरणपरिज्जा वुत्ता, न

पहानपरिज्जा । समुदये च पहानपरिज्जा, न तीरणपरिज्जा । जातपरिज्जा पन साधारणाति उभयत्थ वुत्ता । मग्गजाणहि दुक्खसमुदयानि विभावेतीति जातपरिज्जा च होति, दुक्खतीरणकिच्चानं निष्फादनतो तीरणपरिज्जा च, समुदयस्स अप्पवत्तिकरणतोव पहानपरिज्जा चाति तिस्सोपि परिज्जा मग्गक्खणे एव योजेतब्बाति ।

परिज्जावारवण्णना निट्ठिता ।

सच्चयमकवण्णना निट्ठिता ।

६. सङ्खारयमकं

१. पण्णत्तिवारवण्णना

१. खन्धादयो विय पुब्बे अविभत्ता कायसङ्खारादयोति तेसं अविज्जातत्ता “अस्सासपस्सासा कायसङ्खारो”तिआदिना (सं० नि० ४.३४८) तयो सङ्खारे विभजति । कायस्स सङ्खारोति पठमे अत्थे सामिअत्थे एव सामिवचनं, दुतिये अत्थे कत्तुअत्थे । वचिया सङ्खारोति कम्मत्थे सामिवचनं । चित्तस्स सङ्खारोति च कत्तुअत्थेयेव । सो पन करणवचनस्स अत्थोति कत्वा “करणत्थे सामिवचनं कत्वा”ति वुत्तं ।

२-७. सुद्धिकएकेकपदवसेन अत्थाभावतोति पदसोधनतंमूलकचक्कवारेहि योपि अत्थो दस्सितो द्वीहि पदेहि लब्भमानो एको अस्सासपस्सासादिको, तस्स सुद्धिकेहि कायादिपदेहि सुद्धिकेन च सङ्खारपदेन अवचनीयत्ता यथा रूपपदस्स खन्धेकदेसो खन्धपदस्स खन्धसमुदायो पदसोधने दस्सितो यथाधिप्पेतो अत्थो अत्थि, एवं एकेकपदस्स यथाधिप्पेतत्थाभावतोति अधिप्पायो । कायो कायसङ्खारोतिआदि पन वत्तब्बं सियाति यदि विसुं अदीपेत्वा समुदितो कायसङ्खारसद्दो एकत्थ दीपेति, कायसङ्खारसद्दो कायसङ्खारत्थे वत्तमानो खन्धसद्दो विय रूपसद्देन कायसद्देन विसेसितब्बोति अधिप्पायेन वदति । सुद्धसङ्खारवारो हेसाति एतेन इमस्स वारस्स पदसोधनेन दस्सितानं यथाधिप्पेतानमेव गहणतो तेसञ्च कायादिपदेहि अग्गहितत्ता “कायो कायसङ्खारो”तिआदिवचनस्स अयुत्तिं दस्सेति । इध पन सङ्खारयमके कायादिपदानं सङ्खारपदस्स च असमानाधिकरणत्ता “कायो सङ्खारो, सङ्खारा कायो”तिआदिमि वुच्चमाने अधिप्पेतत्थपरिच्चागो अनधिप्पेतत्थपरिग्गहो च कतो सियाति सुद्धसङ्खारतंमूलकचक्कवारा न वुत्ता । पदसोधनवारतंमूलकचक्कवारेहि पन असमानाधिकरणेहि कायादिपदेहि सङ्खारसद्दस्स विसेसनीयताय दस्सिताय संसयो होति “यो अत्थन्तरप्पवत्तिना कायसद्देन विसेसितो कायसङ्खारो, एसो अत्थन्तरप्पवत्तीहि वचीचित्तेहि विसेसितो उदाहु अज्जो”ति । एवं सेसेसुपि । एत्थ तेसं अज्जत्थ दस्सनत्थं “कायसङ्खारो वचीसङ्खारो”तिआदिना अनुलोमपटिलोमवसेन छ यमकानि वुत्तानीति दट्ठब्बं । अट्ठकथायं पन सुद्धसङ्खारवारट्ठाने वुत्तत्ता अयं नयो सुद्धसङ्खारवारोति वुत्तो ।

पण्णत्तिवारवण्णना निट्ठिता ।

२. पवत्तिवारवण्णना

१९. पवत्तिवारे सङ्खारानं पुग्गलानञ्च ओकासत्ता ज्ञानं भूमि च विसुं ओकासभावेन गहिताति पुग्गलवारे च ओकासवसेन पुग्गलगहणेन तेसं द्विन्नं ओकासानं वसेन गहणं होति, तस्मा “विना वितक्कविचारेहि अस्सासपस्सासानं उप्पादक्खणे”ति दुतियततियज्झानोकासवसेन गहिता पुग्गला विसेसेत्वा दस्सिताति दट्ठब्बा । पुन

पठमज्झानं समापन्नानन्ति ज्ञानोकासवसेन पुगलं दस्सेति, कामावचरानन्ति भूमोकासवसेन । द्विप्पकारानम्पि पन तेसं विसेसनत्थमाह “अस्सासपस्सासानं उप्पादक्खणे”ति । तेन रूपारूपावचरेसु पठमज्झानसमापन्नके कामावचरे गम्भगतादिके च निवत्तेति । कामावचरानम्पि हि गम्भगतादीनं विना अस्सासपस्सासेहि वितक्कविचारानं उप्पत्ति अत्थि । अट्टकथायं पन एकन्तिकत्ता रूपारूपावचरा निदस्सिता । विना अस्सासपस्सासेहि वितक्कविचारानं उप्पादक्खणेति एतेन पन दस्सिता पुगला पठमज्झानोकासा कामावचरादिओकासा च अस्सासपस्सासविरहविसिद्धा दट्ठब्बा । इमिना नयेन सब्बत्थ पुगलविभागो वेदितब्बो ।

२१. “पठमज्झाने कामावचरेति कामावचरभूमियं उप्पन्ने पठमज्झाने”ति अट्टकथायं वुत्तं, एतस्मिं पन अत्थे सति “चतुत्थज्झाने रूपावचरे अरूपावचरे तत्थ चित्तसङ्खारो उप्पज्जति, नो च तत्थ कायसङ्खारो उप्पज्जती”ति एत्थापि रूपारूपावचरभूमीसु उप्पन्ने चतुत्थज्झानेति अत्थो भवेय्य, सो च अनिट्ठो भूमीनं ओकासभावस्सेव अगगहिततापत्तितो, सब्बचतुत्थज्झानस्स ओकासवसेन अगगहिततापत्तितो च, तस्मा ज्ञानभूमोकासानं सङ्करं अकत्वा विसुं एव ओकासभावो योजेतब्बो । पठमज्झानोकासेपि हि कायसङ्खारो च उप्पज्जति वचीसङ्खारो च उप्पज्जति कामावचरोकासे च । यदिपि न सब्बम्हि पठमज्झाने सब्बम्हि च कामावचरे द्वयं उप्पज्जति, तत्थ पन तद्वयुप्पत्ति अत्थीति कत्वा एवं वुत्तन्ति दट्ठब्बं । विसुं ओकासत्ता च “अङ्गमत्तवसेन चेत्या”तिआदिवचनं न वत्तब्बं होतीति । इमम्हि च यमके अवितक्कविचारमत्तं दुतियज्झानं विचारवसेन पठमज्झाने सङ्गहं गच्छतीति दट्ठब्बं । मुद्धभूतं दुतियज्झानं गहेत्वा इतरं असङ्गहितन्ति वा । यस्सयत्थके “निरोधसमापन्नान”न्ति न लब्धति । न हि ते असज्जसत्ता विय ओकासे होन्तीति ।

३७. सुद्धावासानं दुतिये चित्ते वत्तमानेति तेसं पठमतो अवितक्कविचारतो दुतिये सवितक्कविचारेपि भवनिकन्तिआवज्जने वत्तमाने उभयं नुप्पज्जित्थाति दस्सेन्तेन ततो पुरिमचित्तक्खणेसुपि नुप्पज्जित्थाति दस्सितमेव होति । यथा पन चित्तसङ्खारस्स आदिदस्सनत्थं “सुद्धावासं उपपज्जन्तान”न्ति वुत्तं, एवं वचीसङ्खारस्स आदिदस्सनत्थं “दुतिये चित्ते वत्तमाने”ति वुत्तन्ति दट्ठब्बं ।

पवत्तिवारवण्णना निट्ठिता ।

सङ्खारयमकवण्णना निट्ठिता ।

७. अनुसययमकं

परिच्छेदपरिच्छिन्नुद्देशवारवण्णना

१. पच्चयपरिगहपरियोसाना जातपरिज्जाति पच्चयदीपकेन मूलयमकेन जातपरिज्जं, खन्धादीसु तीरणबाहुल्लतो खन्धादियमकेहि तीरणपरिज्जञ्च विभावेत्वा अनुसयपहानन्ता पहानपरिज्जाति पहातब्बमुद्धभूतेहि अनुसयेहि पहानपरिज्जं विभावेतुं अनुसययमकं आरब्धं । लब्धमानवसेनाति अनुसयभावेन लब्धमानानं वसेनाति अत्थो । तीहाकारेहि अनुसयानं गाहापनं तेसु तथा अगगहितेसु अनुसयवारादिपाळिया दुरवबोधत्ता ।

अयं पनेत्थ पुरिमेसूति एतेसु सानुसयवारादीसु पुरिमेसूति अत्थो । अत्थविसेसाभावतो “कामधातुं वा पन उपपज्जन्तस्स कामधातुया चुतस्स, रूपधातुं वा पन उपपज्जन्तस्स कामधातुया चुतस्सा”ति एवमादीहि अवुच्चमाने कथमयं यमकदेसना सियाति? नायं यमकदेसना, पुरिमवारेहि पन यमकवसेन देसितानं अनुसयानं चुतिउपपत्तिवसेन

अनुसयद्वानपरिच्छेददस्सनं । यमकदेसनाबाहुल्लतो पन सब्बवारसमुदायस्स अनुसययमकन्ति नामं दट्ठब्बं । अथ वा पटिलोमपुच्छापि अत्थवसेन लब्धन्ति, अत्थविसेसाभावतो पन न वुत्ताति लब्धमानतावसेन एतिस्सापि देसनाय यमकदेसनता वेदितब्बा ।

अनुरूपं कारणं लभित्वा उप्पज्जन्तीति एतेन कारणलाभे उप्पत्तिअरहतं दस्सेति । अप्पहीना हि अनुसया कारणलाभे सति उप्पज्जन्ति । याव च मग्गेन तेसं अनुप्पत्तिअरहता न कता होति, ताव ते एवंपकारा एवाति “अनुसया”ति वुच्चन्ति । सो एवंपकारो उप्पज्जति-सद्देन गहितो, न खन्थयमकादीसु विय उप्पज्जमानता । तेनेव “यस्स कामरागानुसयो उप्पज्जति, तस्स पटिधानुसयो उप्पज्जतीति? आमन्ता”तिआदिना उप्पज्जनवारो अनुसयवारेन निन्नानाकरणो विभत्तो । अनुरूपं कारणं पन लभित्वा ये उप्पज्जिंसु उप्पज्जमाना च, तेपि अप्पहीनद्वेन थामगता अहेसुं भवन्ति च । उप्पत्तिअरहताय एव च ते उप्पज्जिंसु उप्पज्जन्ति च, न च अतीतानागतपच्चुप्पन्नतो अज्जे उप्पत्तिअरहा नाम अत्थि, तस्मा सब्बे अतीतानागतपच्चुप्पन्ना कामरागादयो “अनुसया”ति वुच्चन्ति । अप्पहीनद्वेनेव हि अनुसया, अप्पहीना च अतीतादयो एव, मग्गस्स पन तादिसानं अनुप्पत्तिअरहतापादनेन अनुसयप्पहानं होतीति । अप्पहीनाकारो नाम धम्माकारो, न धम्मो, धम्मो एव च उप्पज्जतीति इमिना अधिप्पायेनाह “अप्पहीनाकारो च उप्पज्जतीति वत्तुं न युज्जती”ति । सत्तानुसयाति एत्थ यदि अप्पहीनद्वेन सन्ताने अनुसेन्तीति अनुसया, अथ कस्मा सत्तेव वुत्ता, ननु सत्तानुसयतो अज्जेसम्पि किलेसानं अप्पहीनत्ता अनुसयभावो आपज्जतीति चे? नापज्जति, अप्पहीनमत्तस्सेव अनुसयभावस्स अवुत्तत्ता । वुत्तज्झि “अनुसयोति पन अप्पहीनद्वेन थामगतकिलेसो वुच्चती”ति (यम० अट्ठ० अनुसययमक १), तस्मा अप्पहीनद्वेन थामगतो किलेसोयेव अनुसयो नामाति युत्तं । थामगतन्ति च अज्जेहि असाधारणो सभावो दट्ठब्बो । तथा हि धम्मसभावबोधिना तथागतेन इमेयेव “अनुसया”ति वुत्ता । **थामगतोति** अनुसयसमङ्गीति अत्थो ।

अनुसयउप्पज्जनवारानं समानगतिकत्ता यथा “अनुसेती”ति वचनं अप्पहीनाकारदीपकं, एवं “उप्पज्जती”ति वचनं सियाति उप्पज्जनवारेन “उप्पज्जती”ति वचनस्स अवुत्तता सक्का वत्तुन्ति चे? तं न, वचनत्थविसेसेन तंद्वयस्स वुत्तत्ता । “अनुरूपं कारणं लभित्वा उप्पज्जती”ति हि एतस्मिं अत्थे अविसिद्धेपि “अनुसेती”ति वचनं सन्ताने अनुसयिततं थामगतभावं दीपेति । यदि तमेव “उप्पज्जती”ति वचनं दीपेय्य, कस्सचि विसेसस्स अभावा उप्पज्जनवारो न वत्तब्बो सिया, “उप्पज्जती”ति वचनं पन उप्पत्तियोगं दीपेति । कस्मा? उप्पज्जनवारेन उप्पत्तियोगस्स दस्सितत्ता, अनुसयसद्वस्स सब्बदा विज्जमानानं अपरिनिप्फन्नसयनत्थताय निवारणत्थं उप्पत्तिअरहताय थामगतभावसङ्घातस्स यथाधिप्पेतसयनत्थस्स दस्सनत्थं “अनुसेन्तीति अनुरूपं कारणं लभित्वा उप्पज्जन्ती”ति यं उप्पत्तियोगवचनं वुत्तं, तं सुवुत्तमेवाति अधिप्पायो । तम्पि सुवुत्तमेव इमिना तन्तिप्पमाणेनाति सम्बन्धो । तन्तित्तयेनपि हि चित्तसम्पयुत्तता दीपिता होति ।

परिच्छेदपरिच्छिन्नुद्देसवारवण्णना निट्ठिता ।

उप्पत्तिद्वानवारवण्णना

२. कामधातुया द्वीसु वेदनासूति कामावचरभूमियं सुखाय च उपेक्खाय चाति अट्ठकथायं कामधातुगहणं द्विन्नं वेदनानं विसेसनभावेन वुत्तं, एवं सति कामधातुया कामरागानुसयस्स अनुसयद्वानता न वुत्ता होति । द्वीसु पन रागेसु भवरागस्स तीसु धातूसु रूपारूपधातूनं अनुसयद्वानता वुत्ताति कामधातुया कामरागस्स अनुसयद्वानता वत्तब्बा । धातुवेदनासब्बसक्कायपरियापन्नवसेन हि तिप्पकारं अनुसयानं अनुसयद्वानं वुत्तन्ति । तस्मा तीसु धातूसु कामधातुया तीसु

वेदनासु द्वीसु वेदनासु एत्थ कामरागानुसयो अनुसेतीति विसुं अनुसयद्धानता धातुया वेदनानञ्च योजेतब्बा । द्वीसु वेदनासूति इदञ्च वेदनासु अनुसयमानो कामरागानुसयो द्वीस्वेव अनुसेति, न तीसूति तिण्णम्पि ठानतानिवारणत्थमेव वुत्तन्ति न सब्बासु द्वीसु अनुसयनप्पत्तो अत्थि, तेन वेदनाविसेसनत्थं न कामधातुग्गहणेन कोचि अत्थो । भवरागानुसयनद्धानज्झि अद्धानञ्च अनुसयानं अपरियापन्नं सक्काये कामरागानुसयस्स अनुसयद्धानं न होतीति पाकटमेतं । यथा च “द्वीसु वेदनासू”ति वुत्ते पटिधानुसयानुसयद्धानतो अज्जा द्वे वेदना गहन्ति, एवं भवरागानुसयानुसयनद्धानतो च अज्जा ता गहन्तीति ।

एत्थ च द्वीहि वेदनाहि सम्पयुत्तेसु अज्जेसु च पियरूपसातरूपेसु इड्डरूपादीसु उप्पज्जमानो कामरागानुसयो सातसन्तसुखगिद्धिया पवत्ततीति द्वीसु वेदनासु तस्स अनुसयनं वुत्तं । अज्जत्थ उप्पज्जमानोपि हि सो इमासु द्वीसु वेदनासु अनुगतो हुत्वा सेति सुखमिच्चेव अभिलभतीति । एवं पटिधानुसयो च दुक्खवेदनासम्पयुत्तेसु अज्जेसु च अप्पियरूपासातरूपेसु अनिड्डरूपादीसु उप्पज्जमानो दुक्खपटिकूलतो दुक्खमिच्चेव पटिहज्जतीति दुक्खवेदनमेव अनुगतो हुत्वा सेति, तेन पन तस्मिं अनुसयनं वुत्तं । एवं कामरागपटिधानं तीसु वेदनासु अनुसयवचनेन इड्डइड्डमज्झत्तअनिड्डेसु आरम्मणपकतिया विपरीतसज्जाय च वसेन इड्डादिभावेन गहितेसु कामरागपटिधानं उप्पत्ति दस्सिता होती । तत्थ उप्पज्जमाना हि ते तीसु वेदनासु अनुसेन्ति नाम । वेदनात्तयमुखेन वा एत्थ इड्डादीनं आरम्मणानं गहणं वेदितब्बं, कामधातुआदिग्गहणेन कामस्सादादिवत्थुभूतानं कामभवादीनं । तत्थ कामरागानुसयो भवस्सादवसेन अनुसयमानो कामधातुया अनुसेति, कामसुखस्सादवसेन अनुसयमानो सुखोपेक्खावेदनासु । पटिघो दुक्खपटिघातवसेनेव पवत्ततीति यत्थ तत्थ पटिहज्जमानोपि दुक्खवेदनाय एव अनुसेति । रूपारूपभवेसु पन रूपारूपावचरधम्मेषु च कामस्सादस्स पवत्ति नत्थीति तत्थ अनुसयमानो रागो भवरागोइच्चेव वेदितब्बो । धातुत्तयवेदनात्तयग्गहणेन च सब्बसक्कायपरियापन्नानं गहितत्ता “यत्थ कामरागानुसयो नानुसेति, तत्थ दिट्ठानुसयो नानुसेती”ति (यम० २.अनुसययमक.४६) एवमादीनं विस्सज्जनेसु धातुत्तयवेदनात्तयविनिमुत्तं दिट्ठानुसयादीनं अनुसयद्धानं न वुत्तन्ति दट्ठब्बं । ननु च अनुत्तरेसु विमोक्खेसु पिहं उपट्ठापयतो पिहपच्चया उप्पन्नदोमनस्से पटिधानुसयो नानुसेति, तथा नेक्खम्मस्सितसोमनस्सुपेक्खासु कामरागेन नानुसयितव्वन्ति तदनुसयनद्धानतो अज्जापि दिट्ठानुसयानुसयनद्धानभूता कामावचरवेदना सन्तीति? होन्तु, न पन धातुत्तयवेदनात्तयतो अज्जं तदनुसयनद्धानं अत्थि, तस्मा तं न वुत्तं । यस्मा पन “यत्थ कामरागानुसयो च पटिधानुसयो च मानानुसयो च नानुसेन्ति, तत्थ दिट्ठानुसयो विचिकिच्छानुसयो नानुसेतीति? आमन्ता”ति (यम० २.अनुसययमक.५२) वुत्तं, तस्मा अविसेसेन दुक्खं पटिधानुसयस्स अनुसयनद्धानन्ति समुदायवसेन गहेत्वा वुत्तन्ति वेदितब्बं । तथा लोकियसुखोपेक्खा कामरागमानानुसयनद्धानन्ति ।

अपिच सुत्ते “इधावुसो विसाख, भिक्खु इति पटिसज्जिक्खति ‘कुदास्सु नामाहं दोमनस्सं पजहेय्य’न्ति, सो इति पटिसज्जिक्खित्वा पटिघं तेन पजहति, न तत्थ पटिधानुसयो अनुसेती”ति नेक्खम्मस्सितं दोमनस्सं उप्पादेत्वा तं विक्खम्भेत्वा वीरियं कत्वा अनागामिमग्गेन पटिघस्स समुघातनं सन्धाय वुत्तं । न हि पटिघेनेव पटिघप्पहानं, दोमनस्सेन वा दोमनस्सप्पहानं अत्थीति । पटिघुप्पत्तिरहद्धानताय पन इध सब्बं दुक्खं “पटिधानुसयस्स अनुसयनद्धान”न्ति वुत्तन्ति दट्ठब्बं । निप्परियायदेसना हेसा, सा पन परियायदेसना । एवञ्च कत्वा पठमज्झानविक्खम्भितं कामरागानुसयं तथा विक्खम्भितमेव कत्वा अनागामिमग्गेन समुघातनं सन्धाय “विविच्चेव...पे०... पठमं ज्ञानं उपसम्पज्ज विहरति, रागं तेन पजहति, न तत्थ रागानुसयो अनुसेती”ति वुत्तं । एवं चतुत्थज्झानविक्खम्भितं अविज्जानुसयं तथा विक्खम्भितमेव कत्वा अरहत्तमग्गेन समुघातनं सन्धाय “सुखस्स च पहाना...पे०... चतुत्थं ज्ञानं उपसम्पज्ज विहरति, अविज्जं तेन पजहति, न तत्थ अविज्जानुसयो अनुसेती”ति (म० नि० १.४६५) वुत्तं । न हि लोकियचतुत्थज्झानुपेक्खाय अविज्जानुसयो सब्बथा

नानुसेतीति सक्का वत्तुं “सब्बसक्कायपरियापन्नेसु धम्मेषु एत्थ अविज्जानुसयो अनुसेती”ति (यम० अट्ठ० अनुसययमक २) वुत्तत्ता, तस्मा अविज्जानुसयस्सेव वत्थु चतुत्थज्झानुपेक्खा, नेक्खम्मस्सितदोमनस्सज्च पटिघानुसयस्स वत्थु न न होतीति तत्थापि तस्स अनुसयनं वेदितब्बं। अवत्थुभावतो हि इध अनुसयनं न वुच्चति, न सुत्तन्तेसु विय वुत्तनयेन तंपटिपक्खभावतो तंसमुग्धातकमग्गस्स बलवूपनिस्सयभावतो चाति।

एत्थ च आरम्मणे अनुसयद्वाने सति भवरागवज्जो सब्बो लोभो कामरागानुसयोति न सक्का वत्तुं। दुक्खाय हि वेदनाय रूपारूपधातूसु च अनुसयमानेन दिट्ठानुसयेन सम्पयुत्तोपि लोभो लोभो एव, न कामरागानुसयो। यदि सिया, दिट्ठानुसयस्स विय एतस्सपि ठानं वत्तब्बं सियाति। अथ पन अज्झासयवसेन तन्निन्नताय अनुसयनद्वानं वुत्तं। यथा इट्ठानं रूपादीनं सुखाय च वेदनाय अप्पटिलद्धं वा अप्पटिलाभतो समनुपस्सतो, पटिलद्धपुब्बं वा अतीतं निरुद्धं विगतं परिणतं समनुपस्सतो उप्पज्जमानो पटिघो दुक्खे पटिहज्जनवसेनेव पवत्ततीति दुक्खमेव तस्स अनुसयनद्वानं वुत्तं, नालम्बितं, एवं दुक्खादीसु अभिनिवेसनवसेन उप्पज्जमानेन दिट्ठानुसयेन सम्पयुत्तोपि लोभो सुखाभिसङ्गवसेनेव पवत्ततीति सातसन्तसुखद्वयमेवस्स अनुसयद्वानं वुत्तन्ति भवरागवज्जस्स सब्बलोभस्स कामरागानुसयता न विरुज्झति, एकस्मिंयेव च आरम्मणे रज्जन्ति दुस्सन्ति च। तत्थ रागो सुखज्झासयो पटिघो दुक्खज्झासयोति तेसं नानानुसयद्वानता होति।

एवञ्च कत्वा “यत्थ कामरागानुसयो अनुसेति, तत्थ पटिघानुसयो अनुसेतीति? नो”ति (यम० २. अनुसययमक.१४) वुत्तन्ति। अट्ठकथायं पन द्वीसु वेदनासु इट्ठारम्मणे च दोमनस्सुप्पत्तिं वत्वा “दोमनस्समत्तमेव पन तं होति, न पटिघानुसयो”ति (यम० अट्ठ० अनुसययमक २) वुत्तत्ता यथा तत्थ पटिघो पटिघानुसयो न होति, एवं दुक्खादीसु उप्पज्जमानेन दिट्ठानुसयेन सहजातो लोभो कामरागानुसयो न होतिच्चेव विज्जायतीति। यं पनेतं वुत्तं “**दोमनस्समत्तमेव पन तं होति, न पटिघानुसयो**”ति, एत्थ न पटिघानुसयोति नत्थि पटिघानुसयोति अत्थो दट्ठब्बो। न हि दोमनस्सस्स पटिघानुसयभावासङ्का अत्थीति।

देसना संकिण्णा विय भवेय्याति भवरागस्सपि कामधातुया द्वीसु वेदनासु आरम्मणकरणवसेनेव उप्पत्ति वुत्ता विय भवेय्य, तस्मा आरम्मणविसेसेन विसेसदस्सनत्थं एवं देसना कता सहजातवेदनाविसेसाभावतोति अधिप्पायो।

उप्पत्तिद्वानवारवण्णना निट्ठिता।

महावारो

१. अनुसयवारवण्णना

३. अनुसेति उप्पज्जतीति पच्चुप्पन्नवोहारा पवत्ताविरामवसेन वेदितब्बा। मग्गेनेव हि अनुसयानं विरामो विच्छेदो होति, न ततो पुब्बेति।

२०. नापि एकस्मिं ठाने उप्पज्जन्ति, न एकं धम्मं आरम्मणं करोन्तीति एत्थ पुरिमेन एकस्मिं चित्तुप्पादे उप्पत्ति निवारिता, पच्छिमेन एकस्मिं आरम्मणेति अयं विसेसो। पुग्गलोकासवारस्स पटिलोमे तेसं तेसं पुग्गलानं तस्स तस्स अनुसयस्स अननुसयनद्वानं पकतिया पहानेन च वेदितब्बं, “तिण्णं पुग्गलानं दुक्खाय वेदनाय तेसं तत्थ कामरागानुसयो नानुसेति, नो च तेसं तत्थ पटिघानुसयो नानुसेति, तेसज्जेव पुग्गलानं रूपधातुया अरूपधातुया अपरियापन्ने तेसं तत्थ कामरागानुसयो च नानुसेति, पटिघानुसयो च नानुसेती”ति पकतिया दुक्खादीनं कामरागादीनं अननुसयद्वानतं सन्धाय वुत्तं,

“द्विन्नं पुग्लानं सब्बत्थ कामरागानुसयो च नानुसेति, पटिधानुसयो च नानुसेती”ति (यम० २.अनुसययमक.५६) अनुसयप्पहानेन । एत्थ पुरिमनयेन ओकासं अवेक्खित्वा पुग्लस्स विज्जमानानं अनुसयानं अननुसयनं वुत्तं, पच्छिमनयेन पुग्लं अवेक्खित्वा ओकासस्स कामधातुआदिकस्स अनोकासताति ।

अनुसयवारवण्णना निड्ढिता ।

२. सानुसयवारवण्णना

६६-१३१. सानुसयपजहनपरिज्जावारेसु “सानुसयो, पजहति, परिजानाती”ति पुग्लो वुत्तो । पुग्लस्स च इमस्मिं भवे सानुसयोति एवं भवविसेसेन वा, इमस्मिं कामरागानुसयेन सानुसयो इमस्मिं इतरेसु केनचीति एवं भवानुसयविसेसेन वा सानुसयतानिरनुसयतादिका नत्थि । तथा द्वीसु वेदनासु कामरागानुसयेन सानुसयो, दुक्खाय वेदनाय निरनुसयोति इदम्पि नत्थि । न हि पुग्लस्स वेदना ओकासो, अथ खो अनुसयानन्ति । अनुसयस्स पन तस्स तस्स सो सो अनुसयनोकासो पुग्लस्स तेन तेन अनुसयेन सानुसयताय, तस्स तस्स पजहनपरिजाननानञ्च निमित्तं होति, अननुसयनोकासो च निरनुसयतादीनं, तस्मा ओकासवारेसु भुम्मनिद्देसं अकत्वा “यतो ततो”ति निमित्तत्थे निस्सक्कवचनं कतं, पजहनपरिज्जावारेसु अपादानत्थे एव वा । ततो ततो हि ओकासतो अपगमकरणं विनासनं पजहनं परिजाननञ्चाति ।

तत्थ यतोति यतो अनुसयद्वानतो अनुलोमे, पटिलोमे अननुसयद्वानतोति अत्थो । अनुसयानानुसयस्सेव हि निमित्तापादानभावदस्सनत्थं “रूपधातुया अरूपधातुया ततो मानानुसयेन सानुसयोति (यम० २.अनुसययमक.७७), पजहती”ति (यम० २.अनुसययमक.१४३) च “दुक्खाय वेदनाय ततो कामरागानुसयेन निरनुसयोति (यम० २.अनुसययमक.११०), न पजहती”ति (यम० २.अनुसययमक.१७४-१७६) च एवमादीसु रूपधातुआदयो एव भुम्मनिद्देसेनेव निद्दिट्ठाति । अट्ठकथायं पन चतुत्थपजहविस्सज्जनेन सरूपतो अनुसयनद्वानस्स दस्सितत्ता तदत्थे आदिपज्हेपि “यतो”ति अनुसयनद्वानं वुत्तन्ति इममत्थं विभावेत्वा पुन “यतो”ति एतस्स वचनत्थं दस्सेतुं “उप्पन्नेन कामरागानुसयेन सानुसयो”ति वुत्तं, तं पमादलिखितं विय दिस्सति । न हि उप्पन्नेनेव अनुसयेन सानुसयो, उप्पत्तिरहद्वानतञ्च सन्धायेव निस्सक्कवचनं न सक्का वत्तुं । न हि अपरियापन्नानं अनुसयुप्पत्तिरहद्वानताति तं तथेव दिस्सति । एवं पनेत्थ अत्थो दट्ठब्बो — यतो उप्पन्नेनाति यतो उप्पन्नेन भवितब्बं, तेनाति उप्पत्तिरहद्वाने निस्सक्कवचनं कतन्ति । तथा सब्बधम्मेषु उप्पज्जनकेनाति । उप्पत्तिपटिसेधे अकते अनुप्पत्तिया अनिच्छितत्ता सब्बधम्मेषु उप्पज्जनकभावं आपन्नेन अनुप्पज्जनभावं अपनेति नाम । सब्बत्थाति एतस्स पन सब्बद्वानतोति अयमत्थो न न सम्भवति । त्थ-कारज्झि भुम्मतो अज्जत्थापि सद्दविदू इच्छन्तीति ।

सानुसयवारवण्णना निड्ढिता ।

३. पजहनवारवण्णना

१३२-१९७. पजहनवारे येन कामरागानुसयादयो सावसेसा पहीयन्ति, सो ते पजहतीति सन्निद्वानं कत्वा वत्तब्बो न होति अपजहनसब्भावा, तस्मा सन्निद्वाने निरवसेसपजहनकोयेव पजहतीति वुत्तो, तस्मा “यो वा पन मानानुसयं पजहति, सो कामरागानुसयं पजहतीति? नो”ति (यम० २.अनुसययमक.१३२) वुत्तं । यस्मा पन संसयपदेन पहानकरणमत्तमेव पुच्छति, न सन्निद्वानं करोति, तस्मा यथाविज्जमानं पहानं सन्धाय “यो कामरागानुसयं पजहति, सो मानानुसयं पजहतीति?”

तदेकद्वं पजहती'ति वुत्तं । पटिलोमे पन "नप्पजहती"ति पजहनाभावो एव सन्निट्ठानपदेन संसयपदेन च विनिच्छितो पुच्छितो च, तस्मा येसं पजहनं नत्थि निरवसेसवसेन पजहनकानं, ते ठपेत्वा अवसेसा अप्पजहनसम्भावेनेव नप्पजहन्तीति वुत्ता, न च यथाविज्जमानेन पहानेनेव वज्जिताति दट्ठब्बाति । "अनागामिमग्गसमङ्गीञ्च अट्ठमकञ्च ठपेत्वा अवसेसा पुग्गला कामरागानुसयञ्च नप्पजहन्ति विचिकिच्छानुसयञ्च नप्पजहन्ती"ति (यम० २. अनुसययमक. १६५) एत्थ **अट्ठकथायं** "पुथुज्जनो पहानपरिञ्जाय अभावेन नप्पजहति, सेसा तेसं अनुसयानं पहीनत्ता"ति (यम० अट्ठ० अनुसययमक १३२-१९७) वुत्तं ।

तत्थ किञ्चापि केसञ्चि विचिकिच्छानुसयो केसञ्चि उभयन्ति सेसानं तेसं पहीनता अत्थि, तथापि सोतापन्नादीनं विचिकिच्छानुसयस्स पहीनता उभयापजहनस्स कारणं न होतीति तेसं पहीनत्ता "नप्पजहन्ती"ति न सक्का वत्तुं, अथ पन कामरागानुसयञ्च नप्पजहन्तीति इमं सन्निट्ठानेन तेसं पुग्गलानं सङ्गहिततादस्सनत्थं वुत्तन्ति न तत्थ कारणं वत्तब्बं, पुच्छितस्स पन संसयत्थस्स कारणं वत्तब्बं । एवं सति "सेसा तस्स अनुसयस्स पहीनत्ता"ति वत्तब्बन्ति? न वत्तब्बं "यो कामरागानुसयं नप्पजहति, सो दिट्ठानुसयं विचिकिच्छानुसयं नप्पजहती"ति पटिक्खिपित्वा पुच्छिते सदिसविस्सज्जनके दिट्ठिविचिकिच्छानुसये सन्धाय कारणस्स वत्तब्बत्ता, तस्मा तेसं **अनुसयानं पहीनत्ता**ति तेसं दिट्ठिविचिकिच्छानुसयानं पहीनत्ता ते संसयत्थसङ्गहिते अनुसये नप्पजहन्तीति अत्थो दट्ठब्बो ।

पजहनवारवण्णना निट्ठिता ।

५. पहीनवारवण्णना

२६४-२७४. पहीनवारे फलट्ठवसेनेव देसना आरब्धाति अनुलोमं सन्धाय वुत्तं । पटिलोमे हि पुथुज्जनवसेनपि देसना गहिताति । "फलट्ठवसेनेवा"ति च साधारणवचनेन मग्गसमङ्गीनं अग्गहिततं दीपेति । अनुसयच्चन्तपटिपक्खेकचित्तक्खणिकान्हि मग्गसमङ्गीनं न कोचि अनुसयो उप्पत्तिरहो, नापि अनुप्पत्तिरहतं आपादितो, तस्मा ते न अनुसयसानुसयपहीनउप्पज्जनवारेसु गहिताति ।

२७५-२९६. ओकासवारे सो सो अनुसयो अत्तनो अत्तनो ओकासे एव अनुप्पत्तिधम्मतं आपादितो पहीनो, अनापादितो च अप्पहीनोति पहीनाप्पहीनवचनानि तदोकासमेव दीपेन्ति, तस्मा अनोकासे तदुभयावत्तब्बता वुत्ताति । **साधारणट्ठाने तेन सद्धिं पहीनो नाम** होतीति तेन सद्धिं समानोकासे पहीनो नामाति अत्थो, न समानकाले पहीनोति ।

पहीनवारवण्णना निट्ठिता ।

७. धातुवारवण्णना

३३२-३४०. धातुवारे सन्तानं अनुगता हुत्वा सयन्तीति यस्मिं सन्ताने अप्पहीना, तंसन्ताने अप्पहीनभावेन अनुगन्त्वा उप्पत्तिअरहभावेन सयन्तीति अत्थो । उप्पत्तिरहता एव हि अनुरूपं कारणं लभित्वा उप्पज्जन्तीति इधापि युत्ताति । एत्थ च न कामधातुआदीनि छ पटिनिसेधवचनानि धातुविसेसनिट्ठारणानि न होन्तीति "न कामधातुया चुतस्स न कामधातुं उपपज्जन्तस्सा"ति आदिमिह वुच्चमाने इमं नाम उपपज्जन्तस्साति न विञ्जायेय्य, तस्मा तंमूलिकासु योजनासु "न कामधातुया चुतस्स कामधातुं रूपधातुं अरूपधातुं उपपज्जन्तस्सा"ति पठमं योजेत्वा पुन अनुक्कमेन "न कामधातुं उपपज्जन्तस्सा"ति आदिका योजना कता । एवहि न कामधातुआदिपदेहि यथावुत्तधातुयोयेव गहिता, न कञ्चीति

विज्जायति । यथा अनुसयवारे “अनुसेन्तीति पदस्स उप्पज्जन्तीति अत्थो गहितो”ति वुत्तं, तत्थापि उप्पज्जमानमेव सन्धाय उप्पज्जन्तीति गहेतुं न सक्का “यस्स कामरागानुसयो अनुसेति, तस्स पटिघानुसयो अनुसेतीति? आमन्ता”ति आदिवचनतो । अथापि अप्पहीनतं सन्धाय उप्पज्जन्तीति अत्थो तत्थ गहितो, इधापि सो न न युज्जतीति । भङ्गाति भज्जितब्बा, द्विधा कातब्बाति अत्थो । ननु न कोचि अनुसयो यत्थ उप्पज्जन्तस्स अनुसेति नानुसेति चाति द्विधा कातब्बा, तत्थेव कस्मा “कति अनुसया भङ्गा? अनुसया भङ्गा नत्थी”ति पुच्छाविस्सज्जनानि कतानि । न हि पकारन्तराभावे संसयो युत्तोति? न न युत्तो, “अनुसया भङ्गा नत्थी”ति अवुत्ते भङ्गाभावस्स अविज्जातत्ताति ।

धातुवारवण्णना निट्ठिता ।

अनुसययमकवण्णना निट्ठिता ।

८. चित्तयमकं

उद्देसवारवण्णना

१-६२. चित्तयमकवण्णनायं आदितोव तयो सुद्धिकमहावारा होन्तीति इमे तयो महावारा सरागादिकुसलादीहि मिस्सका सुद्धिका च, तेसु आदितो सुद्धिका होन्तीति अत्थो । मिस्सकेसु च एकेकस्मिं सरागादिमिस्सकचित्ते तयो तयो महावारा, ते तत्थ तत्थ पन वुत्ते सम्पिण्डेत्वा “सोळस पुग्गलवारा”ति आदि वुत्तं, न निरन्तरं वुत्तेति । “यस्स चित्तं उप्पज्जति न निरुज्झति, तस्स चित्तं निरुज्झिस्सति नुप्पज्जिस्सती”ति आदिना उप्पादनरोधानं पच्चुप्पन्नानागतकालानञ्च संसगवसेन एकेकाय पुच्छाय पवत्तत्ता “उप्पादनरोधकालसम्भेदवारो”ति वुत्तो । एवं सेसानम्पि वारानं तंतं नामता पाळिअनुसारेण वेदितब्बा ।

उद्देसवारवण्णना निट्ठिता ।

निद्देसवारवण्णना

६३. तथारूपस्सेव खीणासवस्स चित्तं सन्धायति इदं उप्पादक्खणसमङ्गिपच्छिमचित्तसमङ्गिहि पुग्गले अधिप्पेते तञ्च चित्तं अधिप्पेतमेव होतीति कत्वा वुत्तन्ति दट्ठब्बं । अरहतो पच्छिमचित्तम्पीति नुप्पज्जति निरुज्झतीति एवंपकारं भङ्गक्खणसमङ्गिमेव सन्धाय वुत्तं ।

६५-८२. उप्पादवारस्स दुतियपुच्छाविस्सज्जने चित्तस्स भङ्गक्खणे, निरोधसमापन्नानं, असज्जसत्तानं तेसं चित्तं उप्पज्जित्थ, नो च तेसं चित्तं उप्पज्जतीति एत्थ “चित्तस्स भङ्गक्खणे तेसं चित्तं उप्पज्जित्था”ति एतस्स “सब्बेसं चित्तं खणपच्चुप्पन्नमेव हुत्वा उप्पादक्खणं अतीतत्ता उप्पज्जित्थ नामा”ति अत्थो वुत्तो । चित्तस्स उप्पादक्खणे तेसं चित्तं उप्पज्जित्थ चेव उप्पज्जति चाति एतस्सपि उप्पादं पत्तत्ता उप्पज्जित्थ, अनतीतत्ता उप्पज्जति नामाति द्वयमेतं एवं न सक्का वत्तुं । न हि खणपच्चुप्पन्ने “उप्पज्जित्था”ति अतीतवोहारो अत्थि । यदि सिया, यं वा पन चित्तं उप्पज्जित्थ, तं चित्तं उप्पज्जतीति एत्थ “नो”ति अवत्वा विभजितब्बं सिया । तथा “यं चित्तं उप्पज्जति, तं चित्तं उप्पज्जित्था”ति एत्थ च “नो”ति अवत्वा “आमन्ता”ति वत्तब्बं सिया । “चित्तस्स भङ्गक्खणे”ति पन भिज्जमानचित्तसमङ्गी पुग्गलो वुत्तो, तस्स अतीतं चित्तं उप्पज्जित्थ, न च किञ्चि चित्तं उप्पज्जति । चित्तस्स उप्पादक्खणेति च उप्पज्जमानचित्तसमङ्गी

पुगगलो वुत्तो, तस्सपि अतीतं चित्तं उप्पज्जित्थ, तं पन चित्तं उप्पज्जतीति एवमेत्थ अत्थो दट्ठब्बो । चित्तन्ति हि सामज्जवचनं एकस्मिं अनेकस्मिञ्च यथागहितविसेसे तिट्ठतीति । “यस्स वा पन चित्तं उप्पज्जिस्सति, तस्स चित्तं उप्पज्जतीति? चित्तस्स भङ्गक्खणे”ति एत्थ यस्स वा पन चित्तं उप्पज्जिस्सतीति एतेन सन्निट्ठानेन गहितपुगगलस्सेव चित्तस्स भङ्गक्खणेति एवं सब्बत्थ सन्निट्ठानवसेन नियमो वेदितब्बो । उप्पन्नुप्पज्जमानवारो निरुद्धनिरुज्झमानवारो च पुगगलवारादीसु तीसुपि निन्नानाकरणा उद्धिट्ठा निद्धिट्ठा च । तत्थ पुगगलवारे अविसेसेन यं कज्जि तादिसं पुगगलं सन्धाय “उप्पन्नं उप्पज्जमान”न्तिआदि वुत्तं, धम्मवारे चित्तमेव, पुगगलधम्मवारे पुगगलं चित्तञ्चाति अयमेत्थ विसेसो दट्ठब्बो ।

८३. अतिक्कन्तकालवारे इमस्स पुगगलवारत्ता पुगगलो पुच्छितोति पुगगलस्सेव विस्सज्जनेन भवितब्बं । यथा यस्स चित्तं उप्पज्जित्थाति एतेन न कोचि पुगगलो न गहितो, एवं यस्स चित्तं उप्पज्जमानं खणं खणं वीतिक्कन्तं अतिक्कन्तकालन्ति एतेन सन्निट्ठानेन न कोचि न गहितो । न हि सो पुगगलो अत्थि, यस्स चित्तं उप्पादक्खणं अतीतं नत्थि, ते च पन निरुज्झमानक्खणातीतचित्ता न न होन्तीति पठमो पज्जो “आमन्ता”ति विस्सज्जितब्बो सिया, तथा दुतियततिया । चतुत्थो पन “पच्छिमचित्तस्स भङ्गक्खणे तेसं चित्तं भङ्गक्खणं अवीतिक्कन्तं, नो च तेसं चित्तं उप्पादक्खणं अवीतिक्कन्तं, इतरेसं चित्तं भङ्गक्खणञ्च अवीतिक्कन्तं उप्पादक्खणञ्च अवीतिक्कन्त”न्ति विस्सज्जितब्बो भवेय्य, तथा अविस्सज्जेत्वा कस्मा सब्बत्थ चित्तमेव विभत्तन्ति? चित्तवसेन पुगगलववत्थानतो । खणस्स हि वीतिक्कन्तताय अतिक्कन्तकालतावचनेन वत्तमानस्स च चित्तस्स वसेन पुगगलो उप्पादक्खणातीतचित्तो वुत्तो अतीतस्स च, तत्थ पुरिमस्स चित्तं न भङ्गक्खणं वीतिक्कन्तं पच्छिमस्स वीतिक्कन्तन्ति एवमादिको पुगगलविभागो यस्स चित्तस्स वसेन पुगगलववत्थानं होति, तस्स चित्तस्स तंतंखणवीतिक्कमावीतिक्कमदस्सनवसेन दस्सितो होतीति सब्बविस्सज्जनेसु चित्तमेव विभत्तं । अथ वा नयिध धम्ममत्तविसिट्ठो पुगगलो पुच्छितो, अथ खो पुगगलविसिट्ठं चित्तं, तस्मा चित्तमेव विस्सज्जितन्ति वेदितब्बं । यदिपि पुगगलप्पधाना पुच्छा, अथापि चित्तप्पधाना, उभयथापि दुतियपुच्छाय “आमन्ता”ति वत्तब्बं सिया, तथा पन अवत्वा निरोधक्खणवीतिक्कमेन अतिक्कन्तकालता न उप्पादक्खणवीतिक्कमेन अतिक्कन्तकालता विय वत्तमानस्स अत्थीति दस्सनत्थं “अतीतं चित्त”न्ति वुत्तन्ति दट्ठब्बं । यस्स चित्तं न उप्पज्जमानन्ति एत्थ उप्पज्जमानं खणं खणं वीतिक्कन्तं अतिक्कन्तकालं यस्स चित्तं न होतीति अत्थो । एस नयो “न निरुज्झमान”न्ति एत्थापि ।

११४-११६. मिस्सकवारेसु यस्स सरागं चित्तं उप्पज्जति न निरुज्झति, तस्स चित्तं निरुज्झिस्सति नुप्पज्जिस्सतीति पुच्छा, नोति विस्सज्जनञ्च अट्ठकथायं दस्सितं । पाळियं पन “यस्स सरागं चित्तं उप्पज्जति न निरुज्झति, तस्स सरागं चित्तं निरुज्झिस्सति नुप्पज्जिस्सती”ति मातिकाठपनायं वुत्तत्ता विस्सज्जनेपि तथेव सन्निट्ठानसंसयत्थेसु सरागादिमिस्सकचित्तवसेनेव पुच्छा उद्धरित्वा “सरागपच्छिमचित्तस्स उप्पादक्खणे तेसं सरागं चित्तं उप्पज्जति न निरुज्झति निरुज्झिस्सति नुप्पज्जिस्सति, इतरेसं सरागचित्तस्स उप्पादक्खणे तेसं सरागं चित्तं उप्पज्जति न निरुज्झति निरुज्झिस्सति चेव उप्पज्जिस्सति चा”ति एवमादिना नयेन येभुय्येन सुद्धिकवारसदिसमेव विस्सज्जनं कातब्बन्ति कत्वा संखित्तन्ति विज्जायति ।

निद्देसवारवण्णना निट्ठिता ।

चित्तयमकवण्णना निट्ठिता ।

९. धम्मयमकं

१. पण्णत्तिवारो

उद्देसवारवण्णना

१-१६. धम्मयमकवण्णनायं कुसलादिधम्मानं मातिकं ठपेत्वाति यथा मूलयमके कुसलादिधम्मा देसिता, यथा च खन्धयमकादीसु “पञ्चकखन्धा”तिआदिना अञ्जथा सङ्गहेत्वा देसिता, तथा अदेसेत्वा या कुसलादीनं धम्मानं “कुसलाकुसला धम्मा”तिआदिका मातिका, तं इध आदिमि ठपेत्वा देसितस्साति अत्थो।

उद्देसवारवण्णना निट्ठिता।

२. पवत्तिवारवण्णना

३३-३४. “यस्स कुसला धम्मा उप्पज्जन्ति, तस्स अब्बाकता धम्मा उप्पज्जन्ती”ति एतस्स विस्सज्जने “अब्बाकता चाति चित्तसमुद्धानरूपवसेन वुत्तं”न्ति अट्ठकथायं वुत्तं, इमस्मिं पन पञ्हे कम्मसमुद्धानादिरूपञ्च लब्धति, तं पन पटिलोमवारस्स विस्सज्जने सब्बेसं चवन्तानं, पवत्ते चित्तस्स भङ्गकखणे, आरुप्पे अकुसलानं उप्पादकखणे तेसं कुसला च धम्मा न उप्पज्जन्ति अब्बाकता च धम्मा न उप्पज्जन्तीति एत्थ पवत्ते चित्तस्स भङ्गकखणे उप्पज्जमानमि कम्मसमुद्धानादिरूपं अगगहेत्वा “अब्बाकता च धम्मा न उप्पज्जन्ती”ति वुत्तत्ता चित्तसमुद्धानरूपमेव इधाधिप्पेतं। कम्मसमुद्धानादिरूपे न विधानं, नापि पटिसेधोति केचि वदन्ति, तथा चित्तसमुद्धानरूपमेव सन्धाय “यस्स कुसला धम्मा उप्पज्जन्ति, तस्स अब्बाकता धम्मा निरुज्जन्तीति? नो”ति (यम० ३.धम्मयमक.१६३) वुत्तन्ति। तं पनेतं एवं न सक्का वत्तुं चित्तस्स भङ्गकखणे कम्मसमुद्धानरूपादीनमि उप्पादस्स उप्पादकखणे च निरोधस्स एवमादीहि एव पाळीहि पटिसेधसिद्धितो।

ये च वदन्ति “यथा पटिसम्भिदामग्गे निरोधकथायं ‘सोतापत्तिमग्गकखणे जाता धम्मा ठपेत्वा चित्तसमुद्धानरूपं सब्बेपि विरागा चेव होन्ति विरागारम्मणा विरागगोचरा विरागसमुदागता विरागपटिट्ठा”तिआदीसु ‘ठपेत्वा रूपं’न्ति अवत्त्वा चित्तपटिबद्धत्ता चित्तजरूपानं ‘ठपेत्वा चित्तसमुद्धानरूपं’न्ति वुत्तं, एवमिधापि चित्तपटिबद्धत्ता चित्तजरूपमेव कथितं”न्ति, तञ्च तथा न होति। येसज्हि सोतापत्तिमग्गो सहजातपच्चयो होति, येसु च विरागादिआसङ्का होति, ते सोतापत्तिमग्गसहजाता धम्मा सोतापत्तिमग्गकखणे जाता धम्माति तत्थ वुत्ता। सोतापत्तिमग्गकखणे जाताति हि वचनं मग्गे जाततं दीपेति, न च कम्मजादीनि अमग्गे जायमानानि मग्गकखणे जातवोहारं अरहन्ति तेसं तस्स सोतापत्तिमग्गकखणे सहजातपच्चयत्ताभावतो, तस्मा मग्गकखणे तंसहजातधम्मेसु ठपेतब्बं ठपेतुं “ठपेत्वा चित्तसमुद्धानरूपं”न्ति वुत्तं, इध पन कुसलादिधम्मा यस्स यत्थ उप्पज्जन्ति निरुज्जन्ति च, तस्स पुग्गलस्स तस्मिञ्च ओकासे अब्बाकतधम्मानं उप्पादनरोधानं कुसलादिपटिबद्धता अप्पटिबद्धता च आमट्ठा, न च कम्मजादिरूपं अब्बाकतं न होति, तस्मा सन्निट्ठानेन गहितस्स पुग्गलस्स ओकासे वा उप्पादनरोधेसु विज्जमानेसु अब्बाकतानं ते वेदितब्बा, अविज्जमानेसु च पटिसेधेतब्बा, न च अचित्तपटिबद्धा अब्बाकताति एत्थ न गहिताति सक्का वत्तुं निरोधसमापन्नानं असज्जसत्तानञ्च उप्पादनरोधवचनतोति।

चतुत्थपञ्हे पवत्ते अकुसलाब्बाकतचित्तस्स उप्पादकखणेति इदं “यस्स वा पन अब्बाकता धम्मा उप्पज्जन्ती”ति एतेन सन्निट्ठानेन गहितेसु पञ्चवोकारे अकुसलाब्बाकतचित्तानं चतुवोकारे च अब्बाकतचित्तस्सेव उप्पादकखणसमङ्गिनो सन्धाय वुत्तं। एवं सब्बत्थ सन्निट्ठानवसेन विसेसो वेदितब्बो।

७९. “एकावज्जनेन १६६ उप्पन्नस्सा”ति वुत्तं, नानावज्जनेनपि पन ततो पुरिमतरजवनवीथीसु उप्पन्नस्स “उप्पादक्खणे तेसं अकुसला धम्मा नुप्पज्जिस्सन्ति, नो च तेसं कुसला धम्मा नुप्पज्जन्ती”ति इदं लक्खणं लब्भतेव, तस्मा एतेन लक्खणेन समानलक्खणं सब्बं यस्स चित्तस्स अनन्तरा अग्गमगं पटिलभिस्सन्ति, तस्स चित्तस्स उप्पादक्खणेति एतेनेव कुसलानागतभावपरियोसानेन ताय एव समानलक्खणताय दीपितं होतीति दट्ठब्बं। एस नयो अकुसलातीतभावस्स अब्याकतातीतभावस्स च आदिमिह “दुतिये अकुसले”ति, “दुतिये चित्ते”ति च वुत्तद्धाने। यथा हि भावनावारे भावनापहानानं परियोसानेन अग्गमगेन ततो पुरिमतरानिपि भावनापहानानि दस्सितानि होन्ति, एवमिधापि तं तं तेन तेन आदिना अन्तेन च दस्सितन्ति।

१००. पञ्चवोकारे अकुसलानं भङ्गक्खणे तेसं अकुसला च धम्मा निरुज्झन्ति अब्याकता च धम्मा निरुज्झन्तीति वचनेन पटिसन्धिचित्ततो सोळसमं, ततो परमि वा भवनिक्कन्तिचित्तं होति, न ततो ओरन्ति विज्जायतीति।

पवत्तिवारवण्णना निट्ठिता।

धम्मयमकवण्णना निट्ठिता।

१०. इन्द्रिययमकं

१. पणत्तिवारो

उद्देसवारवण्णना

१. इन्द्रिययमके विभङ्गे विय जीवितिन्द्रियं मनिन्द्रियानन्तरं अनिदिसित्वा पुरिसिन्द्रियानन्तरं उद्दिट्ठं “तीणिमानि, भिक्खवे, इन्द्रियानि। कतमानि तीणि? इत्थिन्द्रियं पुरिसिन्द्रियं जीवितिन्द्रियं”न्ति (सं० नि० ५.४९२) सुत्ते देसितक्कमेन। पवत्तिवारे हि एकन्तं पवत्तियं एव उप्पज्जमानानं सुखिन्द्रियादीनं कम्मजानं अकम्मजानञ्च अनुपालकं जीवितिन्द्रियं चुतिपटिसन्धीसु च पवत्तमानानं कम्मजानन्ति तंमूलकानि यमकानि चुतिपटिसन्धिपवत्तिवसेन वत्तब्बानीति वेदितब्बानि। चक्खुन्द्रियादीसु पन पुरिसिन्द्रियावसानेसु यं मूलकमेव न होति मनिन्द्रियं, तं ठपेत्वा अवसेसमूलकानि चुतिउपपत्तिवसेनेव वत्तब्बानि आयतनयमके विय, तस्मा जीवितिन्द्रियं तेसं मज्झे अनुदिसित्वा अन्ते उद्दिट्ठन्ति।

उद्देसवारवण्णना निट्ठिता।

निद्देसवारवण्णना

१४. इत्थी इत्थिन्द्रियन्ति एत्थ यस्मा इत्थीति कोचि सभावो नत्थि, न च रूपादिधम्मे उपादाय इत्थिग्गहणं न होति, तस्मा इत्थिग्गहणस्स अविज्जमानमि विज्जमानमिव गहेत्वा पवत्तितो तथागहितस्स वसेन “नत्थी”ति अवत्वा “नो”ति वुत्तं। सुखस्स च भेदं कत्वा “सुखं सोमनस्स”न्ति, दुक्खस्स च “दुक्खं दोमनस्स”न्ति वचनेनेव सोमनस्सतो अज्जा सुखा वेदना सुखं, दोमनस्सतो च अज्जा दुक्खा वेदना दुक्खन्ति अयं विसेसो गहितोयेवाति “सुखं सुखिन्द्रियं दुक्खं दुक्खिन्द्रियं”न्ति एत्थ “आमन्ता”ति वुत्तं।

१४०. सुद्धिन्द्रियवारे चक्खु इन्द्रियन्ति एत्थ दिब्बचक्खुपज्जाचक्खूनि पज्जिन्द्रियानि होन्तीति “आमन्ता”ति वुत्तं।

अवसेसं सोतन्ति तण्हासोतमेवाह ।

निद्वेसवारवण्णना निड्ढिता ।

२. पवत्तिवारवण्णना

१८६. पवत्तिवारे “छयिमानि, भिक्खवे, इन्द्रियानि । कतमानि छ? चक्खुन्द्रियं... पे०... कायिन्द्रियं मनिन्द्रियं”न्ति (सं० नि० ५.४९५) सुत्ते वुत्तनयेन इध उद्दिट्ठं मनिन्द्रियं चुतिपटिसन्धिपवत्तीसु पवत्तमानेहि कम्मजाकम्मजेहि सब्बेहिपि योगं गच्छति, न च जीवितिन्द्रियं विय अज्जधम्मनिस्सयेन गहेतब्बं, पुब्बङ्गमत्ताव पधानं, तस्मा कूटं विय गोपानसीनं सब्बिन्द्रियानं समोसरणट्ठानं अन्ते ठपेत्वा योजितं । जीवितिन्द्रियादिमूलकेसु पवत्तिञ्च गहेत्वा गतेसु “यस्स जीवितिन्द्रियं उप्पज्जति, तस्स सुखिन्द्रियं उप्पज्जतीति? सब्बेसं उपपज्जन्तानं, पवत्ते सुखिन्द्रियविप्पयुत्तचित्तस्स उप्पादक्खणे तेसं जीवितिन्द्रियं उप्पज्जति, नो च तेसं सुखिन्द्रियं उप्पज्जति, सुखिन्द्रियसम्पयुत्तचित्तस्स उप्पादक्खणे तेसं जीवितिन्द्रियञ्च उप्पज्जति सुखिन्द्रियञ्च उप्पज्जती”ति आदिना सुखदुक्खदोमनस्सिन्द्रियेहि लोकुत्तरिन्द्रियेहि च योजना लब्धति, तथा “यस्स सुखिन्द्रियं उप्पज्जति, तस्स दुक्खिन्द्रियं उप्पज्जतीति? नो”ति आदिना तंमूलका च नया । तेहि पन पवत्तियंयेव उप्पज्जमानेहि योजना तंमूलका च चुतिपटिसन्धिपवत्तीसु पवत्तमानेहि सोमनस्सिन्द्रियादीहि योजनाय जीवितिन्द्रियमूलकेहि च नयेहि पाकटायेवाति कत्वा न वुत्ताति दट्ठब्बा ।

“सचक्खुकानं विना सोमनस्सेनाति उपेक्खासहगतानं चतुन्नं महाविपाकपटिसन्धीनं वसेन वुत्त”न्ति अट्ठकथायं वुत्तं, तं सोमनस्सविरहितसचक्खुकपटिसन्धिनिदस्सनवसेन वुत्तन्ति दट्ठब्बं । न हि “चतुन्नंयेवा”ति नियमो कतो, तेन तंसमानलक्खणा परित्तविपाकरूपावचरपटिसन्धियोपि दस्सिता होन्ति । तत्थ कामावचरेसु सोमनस्सपटिसन्धिसमानताय महाविपाकेहि चतूहि निदस्सनं कतं, तेन यथा ससोमनस्सपटिसन्धिका अचक्खुका न होन्ति, एवं इतरमहाविपाकपटिसन्धिकापीति अयमत्थो दस्सितो होति । गम्भसेय्यकानञ्च अनुप्पन्नेसु चक्खादीसु चवन्तानं अहेतुकपटिसन्धिकता सहेतुकपटिसन्धिकानं कामावचरानं नियमतो सचक्खुकादिभावदस्सनेन दस्सिता होति । गम्भसेय्यकेपि हि सन्धाय “यस्स वा पन सोमनस्सिन्द्रियं उप्पज्जति, तस्स चक्खुन्द्रियं उप्पज्जतीति? आमन्ता”ति इदं वचनं यथा युज्जति, तथा आयतनयमके दस्सितं । न हि सन्निट्ठानेन सङ्गहितानं गम्भसेय्यकानं वज्जने कारणं अत्थि, “इत्थीनं अघानकानं उपपज्जन्तीन”न्ति आदीसु (यम० ३.इन्द्रिययमक.१८७) च ते एव वुत्ताति ।

उपेक्खाय अचक्खुकानन्ति अहेतुकपटिसन्धिवसेन वुत्तन्ति एत्थ च कामावचरे सोपेक्खअचक्खुकपटिसन्धिया तंसमानलक्खणं अरूपपटिसन्धिञ्च निदस्सेतीति दट्ठब्बं । केसुचि पन पोत्थकेसु “अहेतुकारूपपटिसन्धिवसेना”ति पाठो दिस्सति, सो एव सेय्यो ।

“तत्थ हि एकन्तेनेव सद्धासतिपज्जायो नत्थि, समाधिवीरियानि पन इन्द्रियप्पत्तानि न होन्ती”ति वुत्तं, यदि पन समाधिवीरियानि सन्ति, “इन्द्रियप्पत्तानि न होन्ती”ति न सक्का वत्तुं “समाधि समाधिन्द्रियन्ति? आमन्ता”ति (यम० ३.इन्द्रिययमक.११३) “वीरियं वीरियिन्द्रियन्ति? आमन्ता”ति (यम० ३.इन्द्रिययमक.१११) वचनतो । अहेतुकपटिसन्धिचित्ते च यथा समाधिलेसो एकगता अत्थि, न एवं वीरियलेसो अत्थि, तस्मा एवमेत्थ वत्तब्बं सिया “तत्थ हि एकन्तेनेव सद्धावीरियसतिपज्जायो नत्थि, एकगता पन समाधिलेसो एव होती”ति । अयं पनेत्थ अधिप्पायो सिया — यथा अज्जेसु केसुचि अहेतुकचित्तेसु समाधिवीरियानि होन्ति इन्द्रियप्पत्तानि च, एवमिध समाधिवीरियानि इन्द्रियप्पत्तानि न होन्तीति ।

समाधिवीरियिन्द्रियानमेव अभावं दस्सेन्तो अहेतुकन्तरतो विसेसेति । तत्थ “समाधिवीरियानि पन न होन्ती”ति वत्तब्बे “इन्द्रियप्पत्तानी”ति समाधिलेसस्स समाधिन्द्रियभावं अप्पत्तस्स सम्भावतो वुत्तं, न वीरियलेसस्स । विसेसनञ्चि विसेसितब्बे पवत्तति । येसु पन पोत्थकेसु “तत्थ एकन्तेनेव सद्धावीरियसतिपज्जायो नत्थी”ति पाठो, सो एव सुन्दरतरो ।

याव चक्खुन्द्रियं नुप्पज्जति, ताव गम्भगतानं अचक्खुकानं भावो अत्थीति इमिना अधिप्पायेनाह “सहेतुकानं अचक्खुकानन्ति गम्भसेय्यकवसेन चेव अरूपीवसेन च वुत्त”न्ति । गम्भसेय्यकापि पन अवस्सं उप्पज्जनकचक्खुका न लब्भन्तीति दट्ठब्बा । सचक्खुकानं जाणविप्पयुत्तानन्ति कामधातुयं दुहेतुकपटिसन्धिकानं वसेन वुत्तन्ति इधापि अहेतुकपटिसन्धिका च अचक्खुका लब्भन्तेव । इत्थिपुरिसिन्द्रियसन्तानानम्पि उपपत्तिवसेन उप्पादो, चुतिवसेन निरोधो बाहुल्लवसेन दस्सितो । कदाचि हि तेसं पठमकप्पिकादीनं विय पवत्तियम्पि उप्पादनरोधा होन्तीति । एत्थ पुरिसिन्द्रियावसानेसु इन्द्रियमूलयमकेसु पठमपुच्छासु सन्निट्ठानेहि गहितेहि उपपत्तिचुतिवसेन गच्छन्तेहि चक्खुन्द्रियादीहि नियमितत्ता जीवितिन्द्रियादीनं पवत्तिवसेनपि लब्भमानानं उपपत्तिचुतिवसेनेव दुतियपुच्छासु सन्निट्ठानेहि गहणं वेदितब्बं ।

१९०. रूपजीवितिन्द्रियं चक्खुन्द्रियादिसमानगतिकं चुतिपटिसन्धिवसेनेव गच्छति सन्तानुप्पत्तिनिरोधदस्सनतोति आह “पवत्ते सोमनस्सविप्पयुत्तचित्तस्स उप्पादक्खणेति अरूपजीवितिन्द्रियं सन्धाय वुत्त”न्ति । एतेसञ्चेव अज्जेसञ्च पच्चिन्द्रियानं यथालाभवसेनाति एत्थ एतेसं जीवितिन्द्रियादीनं चुतिपटिसन्धिवत्तेसु, अज्जेसञ्च चक्खुन्द्रियादीनं चुतिपटिसन्धीसूति एवं यथालाभो दट्ठब्बो । अयं पन छेदेयेवाति एत्थ तस्स तस्स परिपुण्णपज्जस्स तस्मिं तस्मिं सरूपदस्सनेन विस्सज्जने विस्सज्जिते पच्छिमकोट्टासस्स छेदोति नामं दट्ठब्बं ।

यस्स वा पन सोमनस्सिन्द्रियं न उप्पज्जति, तस्स जीवितिन्द्रियं न उप्पज्जतीति? विना सोमनस्सेन उपपज्जन्तानं पवत्ते सोमनस्सविप्पयुत्तचित्तस्स उप्पादक्खणे तेसं सोमनस्सिन्द्रियं न उप्पज्जति, नो च तेसं जीवितिन्द्रियं न उप्पज्जतीति एत्थ “निरोधसमापन्नानं असज्जसत्तान”न्ति अवचनं रूपजीवितिन्द्रियस्स चक्खुन्द्रियादिसमानगतिकतं दीपेति । तस्स हि उपपत्तियंयेव उप्पादो वत्तब्बोति । “विना सोमनस्सेन उपपज्जन्तान”न्ति एत्थ असज्जसत्ते सङ्गहेत्वा पवत्तिवसेन ते च निरोधसमापन्ना च न वुत्ता, अनुप्पादोपि पनेतस्स चुतिउपपत्तीस्वेव वत्तब्बो, न पवत्तेति । पच्छिमकोट्टासेपि “सब्बेसं चवन्तानं, पवत्ते चित्तस्स भङ्गक्खणे तेसं सोमनस्सिन्द्रियञ्च न उप्पज्जति जीवितिन्द्रियञ्च न उप्पज्जती”ति एवं “सब्बेसं चवन्तान”न्ति एत्थेव असज्जसत्ते सङ्गहिहत्वा पवत्तिवसेन ते च निरोधसमापन्ना न च वुत्ता । यस्सयत्थके च निरोधसमापन्ना न दस्सेतब्बा न गहेतब्बाति अत्थो । न हि “निरोधसमापन्नान”न्ति वचनं “असज्जसत्तान”न्ति वचनं विय ओकासदीपकं, नापि “उपेक्खासम्पयुत्तचित्तस्स उप्पादक्खणे, सब्बेसं चित्तस्स भङ्गक्खणे”तिआदिवचनं विय सोमनस्सिन्द्रियादीनं अनुप्पादक्खणदीपकं, अथ खो पुग्गलदीपकमेवाति ।

अतीतकालभेदे सुद्धावासानं उपपत्तिचित्तस्स उप्पादक्खणे तेसं तत्थ सोमनस्सिन्द्रियञ्च न उप्पज्जित्थ जीवितिन्द्रियञ्च न उप्पज्जित्थाति एत्थ “उपपत्तिचित्तस्स उप्पादक्खणे”ति कस्मा वुत्तं, ननु “सुद्धावासं उपपज्जन्तानं, असज्जसत्तानं तेसं तत्थ सोमनस्सिन्द्रियञ्च न उप्पज्जित्थ मनिन्द्रियञ्च न उप्पज्जित्था”ति (यम० ३.इन्द्रिययमक.२७७) एत्थ विय “उपपज्जन्तान”न्ति वत्तब्बन्ति? न वत्तब्बं । यथा हि सोमनस्समनिन्द्रियानं वसेन उपपज्जन्ता पुग्गला उपपत्तिचित्तसमङ्गिनो होन्ति, न एवं सोमनस्सजीवितिन्द्रियानं वसेन उपपत्तिसमङ्गिनोयेव होन्ति । जीवितिन्द्रियस्स हि वसेन याव पठमरूपजीवितिन्द्रियं धरति, ताव उपपज्जन्ता नाम होन्ति । तदा च दुतियचित्ततो पट्ठाय “जीवितिन्द्रियञ्च न

उपपज्जित्था”ति न सक्का वत्तुं अरूपजीवितिन्द्रियस्स उपपज्जित्वा निरुद्धत्ता, तस्मा उभयं उप्पादक्खणेन निदस्सितं । यथा हि “न निरुज्झित्था”ति इदं लक्खणं उपपत्तिचित्तस्स द्वीसु खणेषु लब्धमानं सब्बपठमेन उपपत्तिचित्तस्स भङ्गक्खणेन निदस्सितं, एवमिधापि दट्ठब्बं ।

अनागतकालभेदे उपपज्जिस्समाने सन्निट्ठानं कत्वा अज्जस्स च उपपज्जिस्समानताव पुच्छिता । तत्थ यथा पच्चुप्पन्नकालभेदे सन्निट्ठानसंसयभेदेहि उपपज्जमानस्सेव गहितत्ता “यस्स चक्खुन्द्रियादीनि उपपज्जन्ति, उपपज्जन्तस्स तस्स जीवितिन्द्रियादीनि उपपज्जन्ती”ति उपपज्जन्तस्सेव पुच्छितानं उपपत्तियंयेव तेसं उप्पादो सम्भवति, न अज्जत्थ, न एवमिध “यस्स चक्खुन्द्रियादीनि उपपज्जिस्सन्ति, उपपज्जन्तस्स तस्स जीवितिन्द्रियादीनि उपपज्जिस्सन्ती”ति उपपज्जन्तस्सेव पुच्छितानं तेसं उपपत्तितो अज्जत्थ उप्पादो न सम्भवति, तस्मा “यस्स चक्खुन्द्रियं उपपज्जिस्सति, तस्स सोमनस्सिन्द्रियं उपपज्जिस्सतीति? आमन्ता”ति वुत्तं । एवञ्च कत्वा निरोधवारेपि “यस्स चक्खुन्द्रियं निरुज्झिस्सति, तस्स सोमनस्सिन्द्रियं निरुज्झिस्सतीति? आमन्ता”ति वुत्तं । न हि यस्स चक्खुन्द्रियं निरुज्झिस्सति, तस्स सोमनस्सिन्द्रियं न निरुज्झिस्सति, अपि पच्छिमभविकस्स उपेक्खासहगतपटिसन्धिकस्स । न हि उपपज्जन्तस्स तस्स चुत्तितो पुब्बेव सोमनस्सिन्द्रियनिरोधो न सम्भवतीति । एत्थ हि पठमपुच्छासु सन्निट्ठानत्थो पुच्छितब्बत्थनिस्सयो मादिसोव उपपत्तिउप्पादिन्द्रियवा उभयुप्पादिन्द्रियवा अत्थो पटिनिवत्तित्वापि पुच्छितब्बत्थस्स निस्सयोति एवं विय द्दुतियपुच्छासु सन्निट्ठानत्थमेव नियमेति, न तत्थेव पुच्छितब्बं अनागतभावमत्तेन सरूपतो गहितं उप्पादं वा निरोधं वा संसयत्थन्ति । यस्मा चेवं सन्निट्ठानत्थस्स नियमो होति, तस्मा “यस्स वा पन सोमनस्सिन्द्रियं उपपज्जिस्सति, तस्स चक्खुन्द्रियं उपपज्जिस्सतीति? आमन्ता”ति (यम० ३.इन्द्रिययमक.२८१) वुत्तं । एस नयो निरोधवारेपि ।

पटिलोमे पन यथा अनुलोमे “उपपज्जिस्सति निरुज्झिस्सती”ति उप्पादनिरोधा अनागता सरूपवसेन वुत्ता, एवं अवुत्तत्ता यथा तत्थ संसयपदेन गहितस्स इन्द्रियस्स पवत्तियमि उप्पादनिरोधा चक्खुन्द्रियादिमूलकेसु योजिता, न एवं योजेतब्बा । यथा हि उप्पादनिरोधे अतिक्कमित्वा अप्पत्वा च उप्पादनिरोधा सम्भवन्ति योजेतुं, न एवं अनुप्पादानिरोधे अतिक्कमित्वा अप्पत्वा च अनुप्पादानिरोधा सम्भवन्ति अभूताभावस्स अभूताभावं अतिक्कमित्वा अप्पत्वा च सम्भवानुप्पत्तितो, अभूतुप्पादनिरोधाभावो च पटिलोमे पुच्छितो, तस्मास्स विसेसरहितस्स अभूताभावस्स वत्तमानानं उप्पादस्स विय कालन्तरयोगाभावतो यादिसानं चक्खादीनं उप्पादनिरोधाभावेन पुच्छितब्बस्स निस्सयो सन्निट्ठानेन सन्निच्छितो, तन्निस्सया तादिसानंयेव उपपत्तिचुत्तिउप्पादनिरोधानं जीवितादीनमि अनुप्पादानिरोधा संसयपदेन पुच्छिता होन्तीति “यस्स चक्खुन्द्रियं नुपपज्जिस्सति, तस्स सोमनस्सिन्द्रियं नुपपज्जिस्सतीति? आमन्ता”ति (यम० ३.इन्द्रिययमक.३०८) च, “यस्स चक्खुन्द्रियं न निरुज्झिस्सति, तस्स सोमनस्सिन्द्रियं न निरुज्झिस्सतीति? आमन्ता”ति च वुत्तं, न वुत्तं “ये अरूपं उपपज्जित्वा परिनिब्बायिस्सन्ती”तिआदिना जीवितिन्द्रियउपेक्खिन्द्रियादीसु विय विस्सज्जनन्ति ।

ये रूपावचरं उपपज्जित्वा परिनिब्बायिस्सन्ति, तेसं घानिन्द्रियं न उपपज्जिस्सति, नो च तेसं सोमनस्सिन्द्रियं न उपपज्जिस्सती”ति एत्थ ये सोपेक्खपटिसन्धिका भविस्सन्ति, ते “ये च अरूपं उपपज्जित्वा परिनिब्बायिस्सन्ती”ति एतेन पच्छिमकोट्टासवचनेन तंसमानलक्खणताय सङ्गहिताति ये सोमनस्सपटिसन्धिका भविस्सन्ति, ते एव वुत्ताति दट्ठब्बा ।

अट्ठकथायं येसु आदिमपोत्थकेसु “अतीतानागतवारे सुद्धावासानं उपपत्तिचित्तस्स भङ्गक्खणे मनिन्द्रियञ्च नुपपज्जित्थाति धम्मयमके विय उप्पादक्खणातिक्कमवसेन अत्थं अगगहेत्वा”ति लिखितं, तं पमादलिखितं । येसु पन पोत्थकेसु “पच्चुप्पन्नातीतवारे सुद्धावासानं उपपत्तिचित्तस्स भङ्गक्खणे मनिन्द्रियञ्च नुपपज्जित्थाति...पे०... तस्मिं भवे

अनुष्णपुब्बवसेन अत्थो गहेतब्बो”ति पाठो दिस्सति, सो एव सुन्दरतरोति ।

पवत्तिवारवण्णना निट्ठिता ।

३. परिज्जावारवण्णना

४३५-४८२. परिज्जावारे लोकिअब्बाकतमिस्सकानि चाति दुक्खसच्चपरियापन्नेहि एकन्तपरिज्जेय्येहि लोकिअब्बाकतेहि मिस्सकत्ता तानि उपादाय मनिन्द्रियादीनं वेदनाक्खन्धादीनं विय परिज्जेय्यता च वुत्ता । यदि परिज्जेय्यमिस्सकत्ता परिज्जेय्यता होति, कस्मा धम्मयमके “यो कुसलं धम्मं भावेति, सो अब्बाकतं धम्मं परिजानाती”तिआदिना अब्बाकतपदेन योजेत्वा यमकानि न वुत्तानीति? यथा “कुसलं भावेमि, अकुसलं पजहामी”ति कुसलाकुसलेसु भावनापहानाभिनिवेसो होति, तथा “वेदनाक्खन्धो अनिच्चो, धम्मायतनं अनिच्च”न्तिआदिना खन्धादीसु परिजानाभिनिवेसो होति, तत्थ वेदनाक्खन्धादयो “अनिच्च”न्तिआदिना परिजानितब्बा, ते च वेदनाक्खन्धादिभावं गहेत्वा परिजानितब्बा, न अब्बाकतभावन्ति ।

कस्मा पनेत्थ दुक्खसच्चभाजनीये आगतस्स दोमनस्सस्स पहातब्बताव वुत्ता, न परिज्जेय्यता, ननु दुक्खसच्चपरियापन्ना वेदनाक्खन्धादयो कुसलाकुसलभावेन अग्गहिता कुसलाकुसलापि परिज्जेय्याति? सच्चं, यथा पन वेदनाक्खन्धादिभावो भावेतब्बपहातब्बभावेहि विनापि होति, न एवं दोमनस्सिन्द्रियभावो पहातब्बभावेन विना होतीति इमं विसेसं दस्सेतुं दोमनस्सिन्द्रियस्स पहातब्बताव इध वुत्ता, न परिज्जेय्यभावस्स अभावतोति दट्ठब्बो । **अकुसलं एकन्ततो पहातब्बमेवाति** एतेन पहातब्बमेव, न अप्पहातब्बन्ति अप्पहातब्बमेव निवारति, न परिज्जेय्यभावन्ति दट्ठब्बं । अज्जिन्द्रियं भावेतब्बनिट्ठं, न पन सच्छिकातब्बनिट्ठन्ति भावेतब्बभावो एव तस्स गहितोति । “**द्वे पुग्गला**”तिआदि “चक्खुन्द्रियं न परिजानाती”तिआदिकस्स परतो लिखितब्बं उप्पटिपाटिया लिखितन्ति दट्ठब्बं । चक्खुन्द्रियमूलकज्झि अतिक्कमित्वा दोमनस्सिन्द्रियमूलके इदं वुत्तं “द्वे पुग्गला दोमनस्सिन्द्रियं न पजहन्ति नो च अज्जिन्द्रियं न भावेन्ती”ति (यम० ३.इन्द्रिययमक.४४०) ।

एत्थ च पुथुज्जनो, अट्ठ च अरियाति नव पुग्गला । तेसु पुथुज्जनो भब्बाभब्बवसेन दुविधो, सो “पुथुज्जनो”ति आगतट्ठानेसु “छ पुग्गला चक्खुन्द्रियज्ज न परिजानित्थ दोमनस्सिन्द्रियज्ज न पजहित्था”तिआदीसु च अभिन्दित्वा गहितो । “ये पुथुज्जना मग्गं पटिलभिस्सन्ती”ति (यम० १.सच्चयमक.४९, ५१-५२) आगतट्ठानेसु “पज्ज पुग्गला चक्खुन्द्रियज्ज परिजानिस्सन्ति दोमनस्सिन्द्रियज्ज पजहित्थन्ती”तिआदीसु (यम० ३.इन्द्रिययमक.४५१) च भब्बो एव अभिन्दित्वा गहितो । “ये च पुथुज्जना मग्गं न पटिलभिस्सन्ती”ति (यम० १.सच्चयमक.५१) आगतट्ठानेसु “तयो पुग्गला दोमनस्सिन्द्रियज्ज नपजहित्थन्ति चक्खुन्द्रियज्ज न परिजानिस्सन्ती”तिआदीसु (यम० ३.इन्द्रिययमक.४५५) च अभब्बो एव । अग्गफलसमङ्गी च पठमफलसमङ्गी अरहा चाति दुविधो । सोपि “अरहा”ति आगतट्ठानेसु “तयो पुग्गला अनज्जातज्जस्सामीतिन्द्रियज्ज भावित्थ दोमनस्सिन्द्रियज्ज पजहित्था”तिआदीसु (यम० ३.इन्द्रिययमक.४४४) च अभिन्दित्वा गहितो । “यो अग्गफलं सच्छिकरोती”ति (यम० ३.इन्द्रिययमक.४४६) आगतट्ठानेसु “तयो पुग्गला दोमनस्सिन्द्रियं पजहित्थ, नो च अज्जाताविन्द्रियं सच्छिकरित्था”तिआदीसु (यम० ३.इन्द्रिययमक.४४४) च पठमफलसमङ्गी च अभिन्दित्वा गहितो । “यो अग्गफलं सच्छाकासी”ति (यम० ३.इन्द्रिययमक.४४३, ४४६) आगतट्ठानेसु इतरोवाति एवं पुग्गलभेदं जत्वा तत्थ तत्थ सन्निट्ठानेन गहितपुग्गले निट्ठारेत्वा विस्सज्जनं योजेतब्बन्ति ।

परिञ्जावारवण्णना निट्ठिता ।

इन्द्रिययमकवण्णना निट्ठिता ।

यमकपकरण-मूलटीका समत्ता ।

पट्टानपकरण-मूलटीका

गन्थारम्भवण्णना

दिब्बन्ति कामगुणादीहि कीळन्ति लळन्ति, तेसु वा विहरन्ति, विजयसमत्थतायोगेन पच्चत्थिके विजेतुं इच्छन्ति, इस्सरियट्ठानादिसक्कारदानग्गहणं तंतं अत्थानुसासनञ्च करोन्ता वोहरन्ति, पुञ्जयोगानुभावप्पत्ताय जुतिया जोतन्ति, यथाभिलासितञ्च विसयं अप्पटिघातेन गच्छन्ति, यथिच्छितनिष्फादने सक्कोन्तीति वा देवा, देवनीया वा तंतं व्यसननित्थरणत्थिकेहि सरणं परायणन्ति गमनीया, अभित्थवनीया वा । सोभाविसेसयोगेन कमनीयाति वा देवा । ते तिविधा — सम्मुतिदेवा उपपत्तिदेवा विसुद्धिदेवाति । भगवा पन निरतिसयाय अभिञ्जाकीळाय, उत्तमेहि दिब्बब्रह्मअरियविहारेहि, सपरसन्तानसिद्धाय पञ्चविधमारविजयिच्छानिष्फत्तिया, चित्तिस्सरियसत्तधनादिसम्मापटिपत्तिअवेच्चप्पसादसक्कारदानग्गहणसङ्घातेन धम्मसभावपुग्गलज्झासयानुरूपानुसासनीसङ्घातेन च वोहारातिसयेन, परमाय पञ्जासरीरप्पभासङ्घाताय जुतिया, अनोपमाय च जाणसरीरगतिया, मारविजयसब्बज्जुगुणपरहितनिष्फादनेसु अप्पटिहताय सत्तिया च समन्नागतत्ता सदेवकेन लोकेन सरणन्ति गमनीयतो, अभित्थवनीयतो, भत्तिवसेन कमनीयतो च सब्बे ते देवे तेहि गुणेहि अतिक्कन्तो अतिसयो वा देवोति देवातिदेवो । सब्बदेवेहि पूजनीयतरो देवोति वा देवातिदेवो, विसुद्धिदेवभावं वा सब्बज्जुगुणालङ्कारं पत्तत्ता अज्जदेवेहि अतिरेकतरो वा देवो देवातिदेवो । देवानन्ति उपपत्तिदेवानं तदा धम्मपटिग्गाहकानं । सक्कादीहि देवेहि पहारादअसुरिन्दादीहि दानवेहि च पूजितो । कायवचीसंयमस्स सीलस्स इन्द्रियसंवरस्स चित्तसंयमस्स समाधिस्स च पटिपक्खानं अच्चन्तपटिप्पस्सद्धिया सुद्धसंयमो ।

इसिसत्तमोति चतुसच्चावबोधगतिया इसयोति सङ्ख्यं गतानं सतं पसत्थानं इसीनं अतिसयेन सन्तो पसत्थोति अत्थो । विपस्सीआदयो च उपादाय भगवा “सत्तमो”ति वुत्तो । यतो विज्जाणं पच्चुदावत्तति, तं नामरूपं समुदयनिरोधनेन निरोधेसीति नामरूपनिरोधनो । अतिगम्भीरनयमण्डितदेसनं पट्टानं नाम देसेसि पकरणन्ति सम्बन्धो ।

गन्थारम्भवण्णना निट्ठिता ।

पच्चयुद्देसवण्णना

“के पन ते नया, किञ्च तं पट्टानं नामा”ति नयिदं पुच्छितब्बं । कस्मा? निदानकथायं पट्टानसमानने अनुलोमादीनं नयानं पट्टानस्स च दस्सितत्ताति इममत्थं विभावेन्तो “सम्मासम्बुद्धेन हि...पे०... नामाति हि वुत्त”न्ति तत्थ वुत्तं अट्ठकथापाळिं आहरि । तत्थ गाथात्थं अट्ठकथाधिप्पायञ्च परतो वण्णयिस्सामाति ।

पट्टाननामत्थो पन तिकपट्टानादीनं तिकपट्टानादिनामत्थो, इमस्स पकरणस्स चतुवीसतिसमन्तपट्टानसमोधानता चेत्थ

वत्तब्बा । एवञ्चि सङ्खेपतो पट्टाने जाते वित्थारो सुखविज्जेय्यो होतीति । तत्थ च नामत्थो पठमं वत्तब्बोति “तत्थ येसं...पे०... नामत्थो ताव एवं वेदितब्बो”ति वत्त्वा सब्बसाधारणस्स पट्टाननामस्सेव ताव अत्थं दस्सेन्तो “केनट्टेन पट्टान”न्तिआदिमाह । **प-कारो** हीति उपसगगपदं दस्सेति । सो “पविभत्तेसु धम्मेषु, यं सेट्ठं तदुपागमुन्तिआदीसु विय नानप्पकारत्थं दीपेति । ननु पकारेहि विभत्ता पविभत्ताति प-इति उपसगगो पकारत्थमेव दीपेति, न नानप्पकारत्थन्ति? न, तेसं पकारानं नानाविधभावतो । अत्थतो हि आपन्नं नानाविधभावं दस्सेतुं नाना-सद्वो वुत्तोति । तत्थ एकस्सपि धम्मस्स हेतुआदीहि अनेकपच्चयभावतो च एकेकस्स पच्चयस्स अनेकधम्मभावतो च नानप्पकारपच्चयता वेदितब्बा ।

हेतुपच्चयादिवसेन विभत्तत्ताति एतेन धम्मसङ्गहादीसु वुत्ततो कुसलादिविभागतो सातिसयविभागतं पट्टाननामलाभस्स कारणं दस्सेति । **गोट्टाति** वजा । **पट्टितगावोति** गतगावो । **आगतट्टानस्मिन्ति** महासीहनादसुत्तं वदति । पवत्तगमनत्ता एत्थाति वचनसेसो । अथ वा गच्छति एत्थाति गमनं, सब्बञ्जुतञ्जाणस्स निस्सङ्गवसेन पवत्तस्स गमनत्ता गमनदेसभावतो एकेकं पट्टानं नामाति अत्थो । तत्थ अज्जेहि गतिमन्तेहि अतिसययुत्तस्स गतिमतो गमनट्टानभावदस्सनत्थं “**सब्बञ्जुतञ्जाणस्सा**”ति वुत्तं । तस्स महावेगस्स पुरिसस्स पपातट्टानं विय धम्मसङ्गणीआदीनं सासङ्गगमनट्टानभावं इमस्स च महापथो विय निरासङ्गगमनट्टानभावं दस्सेन्तो अतिसययुत्तगमनट्टानभावो पट्टाननामलाभस्स कारणन्ति दस्सेति ।

तिकानन्ति तिकवसेन वुत्तधम्मानं । **समन्ताति** अनुलोमादीहि सब्बाकारेहिपि गतानि चतुवीसति होन्तीति अत्थो । एतस्मिं अत्थे **चतुवीसतिसमन्तपट्टानानीति** “समन्तचतुवीसतिपट्टानानी”ति वत्तब्बे समन्तसद्वस्स परयोगं कत्वा वुत्तन्ति दट्ठब्बं । अथ वा **समन्ता छ छ हुत्वाति** एतेन अनुलोमादिसब्बकोट्टासतो तिकादिछछभावं दस्सेति । तेन समन्तसद्वो तिकादिछछपट्टानविसेसनं होति, न चतुवीसतिविसेसनं, तस्मा समन्ततो पट्टानानि तानि चतुवीसतीति कत्वा “**चतुवीसतिसमन्तपट्टानानी**”ति वुत्तं । समन्ततो वा धम्मनुलोमादितिकादिपटिच्चवारादिपच्चयानुलोमादिहेतुमूलकादिप्पकारेहि पवत्तानि पट्टानानि **समन्तपट्टानानि**, अनूनेहि नयेहि पवत्तानीति वुत्तं होति । तानि पन चतुवीसति होन्ति । तेनेवाह “**इमेसं चतुवीसतिया खुदकपट्टानसङ्घातानं समन्तपट्टानानं समोधानवसेना**”ति ।

हेतु च सो पच्चयो चाति इमिना वचनेन हेतुनो अधिपतिपच्चयादिभूतस्स च गहणं सियाति तं निवारेन्तो आह “**हेतु हुत्वा पच्चयो**”ति । एतेनपि सो एव दोसो आपज्जतीति पुनाह “**हेतुभावेन पच्चयोति वुत्तं होती**”ति । तेन इध हेतु-सद्वेन धम्मगहणं न कतं, अथ खो धम्मसत्तिविसेसो गहितोति दस्सेति । तस्स हि पच्चयसद्वस्स च समानाधिकरणतं सन्धाय “हेतु च सो पच्चयो चा”ति, “हेतु हुत्वा पच्चयो”ति च वुत्तं । एवञ्च कत्वा परतो पाळियं “हेतू हेतुसम्पयुत्त...पे०... हेतुपच्चयेन पच्चयो”तिआदिना (पट्टा० १.१.१) तेन तेन हेतुभावादिउपकारेन तस्स तस्स धम्मस्स उपकारत्तं वुत्तं । अट्ठकथायं पन “यो हि धम्मो यं धम्मं अप्पच्चक्खाय तिट्ठति वा उप्पज्जति वा, सो तस्स पच्चयो”ति “मूलट्टेन उपकारको धम्मो हेतुपच्चयो”तिच्चेवमादिना धम्मप्पधाननिद्वेसेन धम्मतो अज्जा धम्मसत्ति नाम नत्थीति धम्मेहेव धम्मसत्तिविभावनं कतन्ति दट्ठब्बं । इधापि वा **हेतु च सो पच्चयो चाति** धम्मेनेव धम्मसत्तिं दस्सेति । न हि हेतुपच्चयोतिआदिको उद्वेसो कुसलादिउद्वेसो विय धम्मप्पधानो, अथ खो धम्मानं उपकारप्पधानोति । **एतीति** एतस्स अत्थो वत्ततीति, तज्ज उप्पत्तिट्ठितानं साधारणवचनं । तेनेवाह — “**तिट्ठति वा उप्पज्जति वा**”ति । कोचि हि पच्चयो ठितिया एव होति यथा पच्छाजातपच्चयो, कोचि उप्पत्तियायेव यथा अनन्तरादयो, कोचि उभयस्स यथा हेतुआदयोति ।

उपकारकलक्खणोति च धम्मेन धम्मसत्तिउपकारं दस्सेतीति दट्ठब्बं । हिनोति पतिट्ठाति एत्थाति हेतु । अनेकत्थत्ता

धातुसद्धानं हि-सद्दो मूल-सद्दो विय पतिट्ठथोति दट्ठब्बोति । हिनोति वा एतेन कम्मनिदानभूतेन उद्धं ओजं अभिहरन्तेन मूलेन विय पादपो तप्पच्चयं फलं गच्छति पवत्तति वुद्धिं विरूळिंह आपज्जतीति हेतु । आचरियानन्ति रेवतत्थेरं वदति ।

“योनिःसो, भिक्खवे, मनसिकरोतो अनुप्पन्ना चेव कुसला धम्मा उप्पज्जन्ति, उप्पन्ना च कुसला धम्मा अभिवट्ठन्ती”ति आदीहि (अ० नि० १.६६-६७) कुसलभावस्स योनिःसो मनसिकारपटिबद्धता सिद्धा होतीति आह “योनिःसो मनसिकारपटिबद्धो कुसलभावो”ति । एतेनेव अकुसलाव्याकतभावा कुसलभावो विय न हेतुपटिबद्धाति दस्सितं होति । यं पनेके मज्जेय्युं “अहेतुकहेतुस्स अकुसलभावो विय सहेतुकहेतूनां सभावतोव कुसलादिभावो अज्जेसं तं सम्पयुत्तानं हेतुपटिबद्धो”ति, तस्स उत्तरं वत्तुं “यदि चा”ति आदिमाह । अलोभो कुसलो वा सिया अब्याकतो वा, यदि अलोभो सभावतो कुसलो, कुसलत्ता अब्याकतो न सिया । अथ अब्याकतो, तं सभावत्ता कुसलो न सिया अलोभसभावस्स अदोसत्ताभावो विय । यस्मा पन उभयथापि सो होति, तस्मा यथा उभयथा होन्तेसु फस्सादीसु सम्पयुत्तेसु हेतुपटिबद्धकुसलादिभावं परियेसथ, न सभावतो, एवं हेतूसुपि कुसलादिता अज्जपटिबद्धा परियेसितब्बा, न सभावतोति । यं वुत्तं “सम्पयुत्तहेतूसु सभावतोव कुसलादिभावो”ति, तं न युज्जति, सा पन परियेसियमाना योनिःसो मनसिकारादिपटिबद्धा होतीति हेतूसु विय सम्पयुत्तेसुपि योनिःसो मनसिकारादिपटिबद्धो कुसलादिभावो, न हेतुपटिबद्धोति सिद्धं होतीति अधिप्पायो ।

आरभित्वापीति एत्थ पि-सद्देन इममत्थं दस्सेति — रूपायतनादिमत्ते यस्मिं किस्मिञ्चि एकस्मिं अट्ठत्वा “यं यं धम्मं आरब्भा”ति अनियमेन सब्बरूपायतन...पे०... धम्मायतनानञ्च आरम्भणपच्चयभावस्स वुत्तत्ता न कोचि धम्मो न होतीति ।

“छन्दवतो किं नाम न सिज्झती”ति आदिकं पुरिमाभिसङ्खारूपनिस्सयं लभित्वा उप्पज्जमाने चित्ते छन्दादयो धुरभूता जेट्ठकभूता सयं सम्पयुत्तधम्मे साधयमाना हुत्वा पवत्तन्ति, तं सम्पयुत्तधम्मा च तेसं वसे वत्तन्ति हीनादिभावेन तदनुवत्तनतो, तेन ते अधिपतिपच्चया होन्ति । गरुकातब्बम्पि आरम्भणं तन्निन्नपोणपब्भारानं पच्चवेक्खणअस्सादमग्गफलानं अत्तनो वसे वत्तयमानं विय पच्चयो होति, तस्मायं अत्ताधीनानं पतिभावेन उपकारकता अधिपतिपच्चयताति दट्ठब्बा ।

मनोविज्जाणधातूति आदि चित्तनियमोति एत्थ आदि-सद्देन सन्तीरणानन्तरं वोट्ठब्बनं, चुतिअनन्तरा पटिसन्धीति यस्स यस्स चित्तस्स अनन्तरा यं यं चित्तं उप्पज्जति, तस्स तस्स तदनन्तरुप्पादनियमो तंतं सहकारीपच्चयविसिद्धस्स पुरिमपुरिमचित्तस्सेव वसेन इज्झतीति दस्सेति । भावनाबलेन पन वारितत्ताति एत्थ यथा रुक्खस्स वेखे दिन्ने पुप्फितुं समत्थस्सेव पुप्फनं न होति, अगदवेखे पन अपनीते ताययेव समत्थताय पुप्फनं होति, एवमिधापि भावनाबलेन वारितत्ता समुट्ठापनसमत्थस्सेव असमुट्ठापनं, तस्मिञ्च अपगते ताययेव समत्थताय समुट्ठापनं होतीति अधिप्पायो ।

व्यज्जनमत्ततोवेत्थ नानाकरणं पच्चेतब्बं, न अत्थतोति उपचयसन्तति अधिवचननिरुत्तिपदानं विय सद्दत्थमत्ततो नानाकरणं, न वचनीयत्थतोति अधिप्पायो । तेनेव सद्दत्थविसेसं दस्सेतुं “कथ”न्ति आदिमाह । तत्थ पुरिमपच्छिमानं निरोधुप्पादनन्तराभावतो निरन्तरुप्पादनसमत्थता अनन्तरपच्चयभावो । रूपधम्मानं विय सण्ठानाभावतो पच्चयपच्चयुप्पन्नानं सहावट्ठानाभावतो च “इदमितो हेट्ठा उद्धं तिरिय”न्ति विभागाभावा अत्तना एकत्तमिव उपनेत्वा सुट्ठु अनन्तरभावेन उप्पादनसमत्थता समनन्तरपच्चयता ।

उप्पादनसमत्थताति च अब्यापारत्ता धम्मानं यस्मिं यदाकारे निरुद्धे वत्तमाने वा सति तंतं विसेसवन्ता धम्मा होन्ति, तस्स सोव आकारो वुच्चतीति दट्ठब्बो । धम्मानं पवत्तिमेव च उपादाय कालवोहारोति निरोधा वुट्ठहन्तस्स

नेवसज्जानासज्जायतनफलसमापत्तीनं असज्जसत्ता चवन्तस्स पुरिमचुतिपच्छिमपटिसन्धीनञ्च निरोधुप्पादनिरन्तरताय कालन्तरता नत्थीति दट्ठब्बा । न हि तेसं अन्तरा अरूपधम्मपन्नं पवत्ति अत्थि, यं उपादाय कालन्तरता वुच्चेय्य, न च रूपधम्मपन्नवत्ति अरूपधम्मपन्नवत्तिया अन्तरं करोति अज्जसन्तानत्ता । रूपारूपधम्मसन्ततियो हि द्वे अज्जमज्जं विसदिससभावत्ता अज्जमज्जोपकारभावेन वत्तमानापि विसुंयेव होन्ति । एकसन्ततियञ्च पुरिमपच्छिमानं मज्झे वत्तमानं तंसन्ततिपरियापन्नताय अन्तरकारकं होति । तादिसञ्च कञ्चि नेवसज्जानासज्जायतनफलसमापत्तीनं मज्झे नत्थि, न च अभावो अन्तरकारको होति अभावत्तायेव, तस्मा जवनानन्तरस्स जवनस्स विय, भवङ्गानन्तरस्स भवङ्गस्स विय च निरन्तरता सुट्ठु च अनन्तरता होतीति तथा उप्पादनसमत्थता नेवसज्जानासज्जायतनचुतीनम्पि दट्ठब्बा । उप्पत्तिया पच्चयभावो चेत्थ अनन्तरपच्चयादीनं पाकटोति उप्पादनसमत्थताव वुत्ता । पच्चुप्पन्नानं पन धम्मनं पुब्बन्तापरन्तपरिच्छेदेन गहितानं “उप्पज्जती”ति वचनं अलभन्तानं “अतीतो धम्मो पच्चुप्पन्नस्स धम्मस्स अनन्तरपच्चयेन पच्चयो”तिआदिना (पट्ठा० २.१८.५) अनन्तरादिपच्चयभावो वुत्तोति न सो उप्पत्तियंयेवाति विज्जायति । न हि कुसलादिग्गहणं विय पच्चुप्पन्नग्गहणं अपरिच्छेदं, यतो उप्पत्तिमत्तसमङ्गिनोयेव च गहणं सिया, तेनेव च अतीतत्तिके पटिच्चवारादयो न सन्तीति ।

उप्पज्जमानोव सहुप्पादभावेनाति एत्थापि उप्पत्तिया पच्चयभावेन पाकटेन ठितियापि पच्चयभावं निदस्सेतीति दट्ठब्बं, पच्चयुप्पन्नानं पन सहजातभावेन उपकारकता सहजातपच्चयताति ।

अत्तनो उपकारकस्स उपकारकता **अज्जमज्जपच्चयता**, उपकारकता च अज्जमज्जतावसेनेव दट्ठब्बा, न सहजातादिवसेन । सहजातादिपच्चयो होन्तोयेव हि कोचि अज्जमज्जपच्चयो न होति, न च पुरेजातपच्छाजातभावेहि उपकारकस्स उपकारका वत्थुखन्धा अज्जमज्जपच्चया होन्तीति ।

तरुआदीनं पथवी विय अधिष्ठानाकारेण पथवीधातु सेसधातूनं, चक्खादयो च चक्खुविज्जाणादीनं उपकारका चित्तकम्मस्स पटादयो विय निस्सयाकारेण खन्धादयो तंतंनिस्सयानं खन्धादीनं ।

तदधीनवुत्तिताय अत्तनो फलेन निस्सितोति यं किञ्चि कारणं निस्सयोति वदति । तत्थ यो भुसो, तं उपनिस्सयोति निद्धारोति ।

पकतोति एत्थ प-कारो उपसगो, सो अत्तनो फलस्स उप्पादने समत्थभावेन सुट्ठुकततं दीपेति । तथा च कतं अत्तनो सन्ताने कतं होतीति आह “अत्तनो सन्ताने”ति । करणञ्च दुविधं निष्पादनं उपसेवनञ्चाति दस्सेतुं “निष्पादितो वा”तिआदिमाह । तत्थ **उपसेवितो वाति** एतेन कायअल्लीयापनवसेन उपभोगूपसेवनं विजाननादिवसेन आरम्मणूपसेवनञ्च दस्सेतीति दट्ठब्बं । तेन अनागतानम्पि चक्खुसम्पदादीनं आरम्मणूपसेवनेन यथापटिसेवितानं पकतूपनिस्सयता वुत्ता होति ।

यथा पच्छाजातेन विना सन्तानाविच्छेदहेतुभावं अगच्छन्तानं धम्मनं ये पच्छाजाताकारेण उपकारका, तेसं सा विप्पयुत्ताकारादीहि विसिद्धा उपकारकता **पच्छाजातपच्चयता**, तथा निस्सयारम्मणाकारादीहि विसिद्धा पुरेजातभावेन विना उपकारकभावं अगच्छन्तानं वत्थारम्मणानं पुरेजाताकारेण उपकारकता **पुरेजातपच्चयता**, एवं सब्बत्थ पच्चयानं पच्चयन्तराकारविसिद्धा उपकारकता योजेतब्बा ।

गिज्झपोतकसरीरानं आहारासाचेतना वियाति एतेन मनोसञ्चेतनाहारवसेन पवत्तमानेहि अरूपधम्मोहि रूपकायस्स उपत्थम्भितभावं दस्सेति । तेनेव “आहारासा विया”ति अवत्वा चेतनागहणं करोति ।

कुसलादिभावेन अत्तना सदिसस्स पयोगेन करणीयस्स पुनप्पुनं करणं पवत्तनं **आसेवनट्ठो**, अत्तसदिससभावतापादनं वासनं वा । **गन्थादीसु पुरिमापुरिमाभियोगो वियाति** पुरिमा पुरिमा आसेवना वियाति अधिप्पायो ।

चित्तप्पयोगो चित्तकिरिया, आयूहनन्ति अत्थो । यथा हि कायवचीपयोगो विज्जति, एवं चित्तप्पयोगो चेतना । सा ताय उप्पन्नकिरियताविसिट्ठे सन्ताने सेसपच्चयसमागमे पवत्तमानानं विपाककटत्तारूपानम्पि तेनेव किरियभावेन उपकारिका होति । तस्स हि किरियभावस्स पवत्तत्ता तेसं पवत्ति, न अज्जथाति । सहजातानं पन तेन उपकारिकाति किं वत्तब्बन्ति ।

निरुस्साहसन्तभावेनाति एतेन सउस्साहेहि विपाकधम्मधम्मोहि कुसलाकुसलेहि सारम्मणादिभावेन सदिसविपाकभावं दस्सेति । सो हि विपाकानं पयोगेन असाधेतब्बताय पयोगेन अज्जथा वा सेसपच्चयेसु सिद्धेसु कम्मस्स कटत्तायेव सिद्धितो निरुस्साहो सन्तभावो होति, न किलेसवूपसमसन्तभावो, तथासन्तसभावतोयेव भवङ्गादयो दुविज्जेय्या । पच्चद्वारेपि हि जवनप्पवत्तिया रूपादीनं गहितता विज्जायति, अभिनिपातसम्पटिच्छनसन्तीरणमत्ता पन विपाका दुविज्जेय्यायेव । **निरुस्साहसन्तभावायाति** निरुस्साहसन्तभावत्थाय । एतेन तप्पच्चयवतं अविपाकानम्पि विपाकानुकुलं पवत्तिं दस्सेति ।

सतिपि जनकत्ते उपत्थम्भकत्तं आहारानं पधानकिच्चन्ति आह “**रूपारूपानं उपत्थम्भकत्तेना**”ति । उपत्थम्भकत्तज्झि सतिपि जनकत्ते अरूपीनं आहारानं आहारजरूपसमुट्ठापकरूपाहारस्स च होति, असतिपि चतुसमुट्ठानिकरूपूपत्थम्भकरूपाहारस्स, असति पन उपत्थम्भकत्ते आहारानं जनकत्तं नत्थीति उपत्थम्भकत्तं पधानं । जनयमानोपि हि आहारो अविच्छेदवसेन उपत्थम्भयमानोयेव जनेतीति उपत्थम्भनभावो आहारभावोति ।

अधिपतियट्ठेनाति एत्थ न अधिपतिपच्चयधम्मानं विय पवत्तिनिवारके अभिभवित्वा पवत्तनेन गरुभावो अधिपतियट्ठो, अथ खो दस्सनादिकिच्चेसु चक्खुविज्जाणादीहि जीवने जीवन्तेहि सुखितादिभावे सुखितादीहि अधिमोक्खपग्गहुपट्टानाविकखेपजाननेसु अनज्जातज्जस्सामीति पवत्तियं आजानने अज्जातावीभावे च सद्धादिसहजातेहीति एवं तंतंकिच्चेसु चक्खादिपच्चयेहि चक्खादीनं अनुवत्तनीयता । तेसु तेसु हि किच्चेसु चक्खादीनं इस्सरियं तप्पच्चयानज्ज तदनुवत्तनेन तत्थ पवत्तीति । इत्थिपुरिसिन्द्रियानं पन यदिपि लिङ्गादीहि अनुवत्तनीयता अत्थि, सा पन न पच्चयभावतो । यथा हि जीविताहारा येसं पच्चया होन्ति, ते तेसं अनुपालकउपत्थम्भका अत्थि, अविगतपच्चयभूता च होन्ति, न एवं इत्थिपुरिसभावा लिङ्गादीनं केनचि पकारेन उपकारका होन्ति, केवलं पन यथासकेहेव पच्चयेहि पवत्तमानानं लिङ्गादीनं यथा इत्थादिगगहणस्स पच्चयभावो होति, ततो अज्जेनाकारेन तंसहितसन्ताने अप्पवत्तितो लिङ्गादीहि अनुवत्तनीयता इन्द्रियता च तेसं वुच्चति, तस्मा न तेसं इन्द्रियपच्चयभावो वुत्तो । **चक्खादयो अरूपधम्मानंयेवाति** एत्थ सुखदुक्खिन्द्रियानिपि चक्खादिगगहणेन गहितानीति दट्ठब्बानि ।

लक्खणारम्मणूपनिज्झानभूतानं वितक्कादीनं वितक्कनादिवसेन आरम्मणं उपगन्त्वा निज्झानं पेक्खनं, चिन्तनं वा वितक्कादीनंयेव साधारणो व्यापारो **उपनिज्झायनट्ठो** । **ठपेत्वा सुखदुक्खवेदनाद्वयन्ति** सुखिन्द्रियदुक्खिन्द्रियद्वयं ठपेत्वाति अधिप्पायो । “**सब्बानिपी**”ति वत्वा “**सत्तज्ञानङ्गानी**”ति वचनेन अज्ञानङ्गानं उपेक्खाचित्तेकगतानं निवत्तनं कतन्ति दट्ठब्बं । यदि एवं “सत्त ज्ञानङ्गानी”ति एतेनेव सिद्धे “ठपेत्वा सुखदुक्खवेदनाद्वय”न्ति कस्मा वुत्तं? वेदनाभेदेसु पच्चसु

सुखदुःखद्वयस्स एकन्तेन अज्ञानङ्गत्तदस्सनत्थं ज्ञानङ्गद्वाने निदिट्ठता । सतिपि वा ज्ञानङ्गवोहारे वेदनाभेदद्वयस्स एकन्तेन ज्ञानपच्चयत्ताभावदस्सनत्थं । उपेक्खाचित्तेकग्गतानं पन यदिपि ज्ञानपच्चयत्ताभावो अत्थि, ज्ञानपच्चयभावो पन न नत्थीति “सब्बानिपि सत्त ज्ञानङ्गानी”ति एत्थ गहणं कतं । तत्थ “सब्बानिपी”ति वचनं सब्बकुसलादिभेदसङ्गहनत्थं, न पन सब्बचित्तुप्पादगतसङ्गहनत्थन्ति दट्ठब्बं ।

यतो ततो वाति सम्मा वा मिच्छा वाति अत्थो । एते पन द्वेपि ज्ञानमग्गपच्चया अहेतुकचित्तेसु न लब्भन्तीति इदं अहेतुकचित्तेसु न लब्भन्ति, न सहेतुकचित्तेसूति सहेतुकचित्तेसु अलाभाभावदस्सनत्थं वुत्तं, न अहेतुकचित्तेसु लाभाभावदस्सनत्थन्ति । एवं अत्थे गह्यमाने अहेतुकचित्तेसु कत्थचि कस्सचि लाभो न वारितोति एत्तकमेव विज्जायेय्य, न सवितक्काहेतुकचित्तेसु ज्ञानपच्चयस्सेव अलाभाभावदस्सनत्थं कतन्ति । अहेतुकचित्तेसु वा लाभाभावदस्सनत्थे पन इमस्मिं वचने सवितक्काहेतुकचित्तेसु ज्ञानपच्चयस्स लाभाभावो आपज्जति, तस्मा येन अलाभेन धम्मसङ्गणियं मनोधातुआदीनं सङ्गहसुज्जतवारेसु ज्ञानं न उद्धटं, तं अलाभं सन्धाय एस ज्ञानपच्चयस्सपि अहेतुकचित्तेसु अलाभो वुत्तोति वेदितब्बो । यथा हि सहेतुकेसु वितक्कादीनं सहजाते संकट्ठित्वा एकत्तगतभावकरणं उपनिज्झायनब्यापारो बलवा, न तथा अहेतुकचित्तेसु होति । इमस्मिं पन पकरणे दुब्बलम्पि उपनिज्झायनं यदिपि किञ्चिमत्तम्पि अत्थि, तेन उपकारकता होतीति सवितक्काहेतुकचित्तेसुपि ज्ञानपच्चयो वुत्तोव, तस्मा ये एवं पठन्ति “न एते पन द्वेपि ज्ञानमग्गपच्चया यथासङ्ख्यं द्विपच्चविज्जाणअहेतुकचित्तेसु लब्भन्ती”ति, तेसं सो पाठो सुन्दरतरो, इमस्स पकरणस्सायं अत्थवण्णना, न धम्मसङ्गणियाति ।

समं पकारेहि युत्तताय एकीभावोपगमेन विय उपकारकता **सम्पयुत्तपच्चयता** ।

युत्तानम्पि सतं विप्पयुत्तभावेन नानत्तूपगमेन उपकारकता विप्पयुत्तपच्चयता । न हि वत्थुसहजातपच्छाजातवसेन अयुत्तानं रूपादीनं आरम्मणादिभावेन उपकारकानं विप्पयुत्तानं विप्पयुत्तपच्चयता अत्थीति । रूपानं पन रूपेहि सतिपि अविनिब्भोगे विप्पयोगोयेव नत्थीति न तेसं **विप्पयुत्तपच्चयता** । वुत्तहि “चतूहि सम्पयोगो चतूहि विप्पयोगो”ति (धातु० ३) ।

पच्चुप्पन्नलक्खणेनाति पच्चुप्पन्नसभावेन । तेन “अत्थि मे पापकम्मं कत”न्ति (पारा० ३८), “अत्थेकच्चो पुग्गलो अत्तहिताय पटिपन्नो”ति (पु० प० मातिका ४.२४) च एवमादीसु वुत्तं निब्बत्तउपलब्भमानतालक्खणं अत्थिभावं निवारति । सतिपि जनकत्ते उपत्थम्भकप्पधाना अत्थिभावेन उपकारकताति आह “**उपत्थम्भकत्तेना**”ति । इदञ्च उपत्थम्भकत्तं वत्थारम्मणसहजातादीनं साधारणं अत्थिभावेन उपकारकत्तं दट्ठब्बं ।

आरम्मणे फुसनादिवसेन वत्तमानानं फस्सादीनं अनेकेसं सहभावो नत्थीति एकस्मिं फस्सादिसमुदाये सति दुतियो न होति, असति पन होति, तेन नत्थिभावेन उपकारकता **नत्थिपच्चयता** । सतिपि पुरिमतरचित्तानं नत्थिभावे न तानि नत्थिभावेन उपकारकानि, अनन्तरमेव पन अत्तनो अत्थिभावेन पवत्तिओकासं अलभमानानं नत्थिभावेन पवत्तिओकासं ददमानं विय उपकारकं होतीति “**पवत्तिओकासदानेन उपकारकता**”ति आह ।

एत्थ च अभावमत्तेन उपकारकता ओकासदानं **नत्थिपच्चयता**, सभावाविगमेन अप्पवत्तमानानं सभावविगमेन उपकारकता **विगतपच्चयता**, नत्थिता च निरोधानन्तरसुज्जता, विगतता निरोधप्पत्तता, अयमेतेसं विसेसो, तथा अत्थिताय ससभावतो उपकारकता **अत्थिपच्चयता**, सभावाविगमेन निरोधस्स अप्पत्तिया उपकारकता

अविगतपच्चयताति पच्चयभावविसेसो धम्माविसेसेपि वेदितब्बो । धम्मानञ्चि सत्तिविसेसं सब्बं याथावतो अभिसम्बुज्झित्वा तथागतेन चतुर्वीसतिपच्चयविसेसा वुत्ताति भगवति सद्भाय “एवंविसेसा एते धम्मा”ति सुतमयजाणं उप्पादेत्वा चिन्ताभावनामयेहि तदभिसमयाय योगो कातब्बो ।

चतूसु खन्धेसु एकस्सपि असङ्गहितत्ताभावतो नामधम्मेकदेसता अनन्तरादीनं नत्थीति “**नामधम्मावा**”ति वत्वा न केवलं पच्चयपच्चयुप्पन्नभावे भजन्तानं चतुन्नयेव खन्धानं नामता, अथ खो निब्बानञ्च नाममेवाति दस्सेन्तो “**निब्बानस्स असङ्गहितत्ता**”तिआदिमाह । **पुरेजातपच्चयो रूपेकदेसोति** एत्थ एकदेसवचनेन रूपरूपतो अज्जं वज्जेति, रूपरूपं पन कुसलत्तिके अनागतम्पि पुरेजातपच्चयभावेन अज्जत्थ आगतमेव । वुत्तञ्चि “अनिदस्सनअप्पटिघो धम्मो अनिदस्सनअप्पटिघस्स धम्मस्स पुरेजातपच्चयेन पच्चयो — आरम्मणपुरेजातं, वत्थुपुरेजातं । आरम्मणपुरेजातं वत्थुं इत्थिन्द्रियं पुरिसिन्द्रियं आपोधातुं कवळीकारं आहारं अनिच्चतो...पे०... दोमनस्सं उप्पज्जती”ति (पट्ठा० २.२२.३९) ।

पच्चयुद्देसवण्णना निड्ढिता ।

पच्चयनिद्देसो

१. हेतुपच्चयनिद्देसवण्णना

१. यो हेतुपच्चयोति उद्दिट्ठो, सो एवं वेदितब्बोति एतेन हेतुसङ्घातस्स पच्चयधम्मस्स

हेतुसम्पयुत्तकतंसमुद्धानरूपसङ्घातानं पच्चयुप्पन्नानं हेतुपच्चयेन पच्चयभावो हेतुपच्चयोति उद्दिट्ठोति । यो पन हेतुभावेन यथावुत्तो पच्चयधम्मो यथावुत्तानं पच्चयुप्पन्नानं पच्चयो होति, सो हेतुपच्चयोति उद्दिट्ठोति वेदितब्बोति दस्सेति । उभयथापि हेतुभावेन उपकारकता हेतुपच्चयोति उद्दिट्ठोति दस्सितं होति । एस नयो सेसपच्चयेसुपि । उपकारकता पन धम्मसभावो एव, न धम्मतो अज्जा अत्थीति । तथा तथा उपकारकं तं तं धम्मं दस्सेन्तो हि भगवा तं तं उपकारकतं दस्सेतीति ।

हेतू हेतुसम्पयुत्तकानन्ति एत्थ पठमो हेतु-सद्दो पच्चत्तनिद्दिट्ठो पच्चयनिद्देसो । तेन एतस्स हेतुभावेन उपकारकता हेतुपच्चयताति दस्सेति । दुतियो पच्चयुप्पन्नविसेसनं । तेन न येसं केसज्जि सम्पयुत्तकानं हेतुपच्चयभावेन पच्चयो होति, अथ खो हेतुना सम्पयुत्तानमेवाति दस्सेति । ननु च सम्पयुत्तसद्दस्स सापेक्खत्ता दुतिये हेतुसद्दे अविज्जमानेपि अज्जस्स अपेक्खितत्तब्बस्स अनिद्दिट्ठत्ता अत्तनाव सम्पयुत्तकानं हेतुपच्चयेन पच्चयोति अयमत्थो विज्जायतीति? नायं एकन्तो । हेतुसद्दो हि पच्चत्तनिद्दिट्ठो “हेतुपच्चयेन पच्चयो”ति एत्थेव ब्यावटो यदा गह्णति, तदा सम्पयुत्तविसेसनं न होतीति सम्पयुत्ता अविसिद्धा ये केचि गहिता भवेय्युन्ति एवं सम्पयुत्तसद्देन अत्तनि एव ब्यावटेन हेतुसद्देन विसेसनेन विना येसं केसज्जि सम्पयुत्तानं गहणं होतीति तं सन्धाय “**अथापि...पे०... अत्थो भवेय्या**”ति आह । ननु यथा “अरूपिनो आहारा सम्पयुत्तकानं धम्मान”न्ति (पट्ठा० १.१.१५), “अरूपिनो इन्द्रिया सम्पयुत्तकान”न्ति (पट्ठा० १.१.१६) च वुत्ते दुतियेन आहारगगहणेन इन्द्रियगगहणेन च विनापि आहारिन्द्रियसम्पयुत्तकाव गहन्ति, एवमिधापि सियाति? न, आहारिन्द्रियासम्पयुत्तस्स अभावतो । वज्जेतब्बाभावतो हि तत्थ दुतियआहारिन्द्रियगगहणे असतिपि तंसम्पयुत्तकाव गहन्तीति तं न कतं, इध पन वज्जेतब्बं अत्थीति वत्तब्बं दुतियं हेतुगगहणन्ति ।

एवम्पि हेतू हेतुसम्पयुत्तकानन्ति एत्थ हेतुसम्पयुत्तकानं सो एव सम्पयुत्तकहेतूति विसेसनस्स अकतत्ता यो कोचि हेतु यस्स कस्सचि हेतुसम्पयुत्तकस्स हेतुपच्चयेन पच्चयोति आपज्जतीति? नापज्जति, पच्चत्तनिद्दिट्ठस्सेव हेतुस्स पुन

सम्पयुक्तविसेसनभावेन वृत्तता, एतदत्थमेव च विनापि दुतियेन हेतुसद्देन हेतुसम्पयुक्तभावे सिद्धेपि तस्स गहणं कतं । अथ वा असति दुतिये हेतुसद्दे हेतुसम्पयुक्तकानं हेतुपच्चयेन पच्चयो, न पन हेतूनन्ति एवम्पि गहणं सियाति तन्निवारणत्थं सो वृत्तो, तेन हेतुसम्पयुक्तभावं ये लभन्ति, तेसं सब्बेसं हेतूनं अज्जेसम्पि हेतुपच्चयेन पच्चयोति दस्सितं होति । यस्मा पन हेतुज्ञानमग्गा पतिट्ठामत्तादिभावेन निरपेक्खा, न आहारिन्द्रिया विय सापेक्खा एव, तस्मा एतेस्वेव दुतियं हेतादिगहणं कतं । आहारिन्द्रिया पन आहारितब्बइसितब्बापेक्खा एव, तस्मा ते विनापि दुतियेन आहारिन्द्रियगहणेन अत्तना एव आहारितब्बे च इसितब्बे च आहारिन्द्रियभूते अज्जे च सम्पयुक्तके परिच्छिन्दन्तीति तं तत्थ न कतं, इध च दुतियेन हेतुगहणेन पच्चयुप्पन्नानं हेतुना पच्चयभूतेनेव सम्पयुक्तानं हेतूनं अज्जेसज्च परिच्छिन्नत्ता पुन विसेसनकिच्चं नत्थीति **पञ्हावारे** “कुसला हेतू सम्पयुक्तकानं खन्धान”न्ति आदीसु (पट्ठा० १.१.४०१) दुतियं हेतुगहणं न कतन्ति दट्ठब्बं ।

निद्विसितब्बस्स अपाकटत्ताति तं-सद्दे पुरिमवचनापेक्खो वृत्तस्सेव निद्वेसो “रूपायतनं चक्खुविज्जाणधातुया तंसम्पयुक्तकान”न्ति आदीसु (पट्ठा० १.१.२) पुरिमवचनेन निद्विसितब्बे पाकटीभूते एव पवत्तति । एत्थ च पच्चत्तनिद्विट्ठो हेतुसद्दे “हेतुपच्चयेन पच्चयो”ति एत्थ ब्यावटो सम्पयुक्तसद्देन विय तं-सद्देनपि अनपेक्खनीयो अज्जो च कोचि निद्विसितब्बप्पकासको वृत्तो नत्थि, तस्मा “तंसम्पयुक्तकान”न्ति च न वृत्तन्ति अधिप्पायो ।

“**हेतुसम्पयुक्तकान**”न्ति इमिना पन पच्चयुप्पन्नवचनेन असमत्तेन पच्चयुप्पन्नवचनन्तरापेक्खेन पुब्बे वृत्तेन तं-सद्देन निद्विसितब्बं पाकटीकतं, तेन “**तंसमुद्धानान**”न्ति एत्थ तंगहणं कतन्ति । किं पन तस्मिं हेतुसम्पयुक्तकसद्दे तं-सद्देन निद्विसितब्बं पाकटीभूतन्ति? येहि हेतूहि सम्पयुक्ता “हेतुसम्पयुक्ता”ति वृत्ता, ते हेतू चेव सम्पयुक्तकविसेसनभूता तब्बिसेसिता च हेतुसम्पयुक्ता । तेनाह “**ते हेतू चेवा**”ति आदि । अज्जथा “**ते हेतू चेवा**”ति एतस्स पच्चत्तनिद्विट्ठेन हेतुसद्देन सम्बन्धे सति यथा इध तेनेव तं-सद्देन निद्विसितब्बा पाकटा, एवं पुब्बेपि भवितुं अरहन्तीति “निद्विसितब्बस्स अपाकटत्ता ‘तंसम्पयुक्तकान’न्ति न वृत्त”न्ति इदं न युज्जेय्याति । दुविधम्पि वा हेतुगहणं अपनेत्वा तंसद्ववचनीयतं चोदेति परिहरति च । **तंसमुद्धानान**न्ति च हेतुसमुद्धानानन्ति युत्तं । हेतू हि पच्चयाति ।

चित्तजरूपं अजनयमानापीति पि-सद्देन जनयमानापि । यदि “चित्तसमुद्धानान”न्ति वचनेन पटिसन्धिकखणे कटत्तारूपस्स अगहणतो तं न वृत्तं, सहजातपच्चयविभङ्गे चित्तचेतसिकानं तस्स कटत्तारूपस्स पच्चयभावो न वृत्तो भवेय्य । यदि च तत्थ चित्तसमुद्धानानं पच्चयभावेन तंसमानलक्खणानं कटत्तारूपानम्पि पच्चयभावो निदस्सितो, एवमिधापि भवितब्बं । “चित्तसमुद्धानान”न्ति पन अवत्वा “तंसमुद्धानान”न्ति वचनं चित्तसमुद्धानानं सब्बचित्तचेतसिकसमुद्धानतादस्सनत्थं । एवंपकारेण हि तंसमुद्धानवचनेन तत्थ तत्थ वृत्तं समुद्धानवचनं विसेसितं होति । ननु “चित्तचेतसिका धम्मा चित्तसमुद्धानान”न्ति वचनेन चित्तसमुद्धानानं चित्तचेतसिकसमुद्धानता वृत्ताति? न वृत्ता । चित्तचेतसिकानं पच्चयभावो एव हि तत्थ वृत्तोति ।

चित्तपटिबद्धवृत्तितायाति एतेनेव हेतुआदिपटिबद्धतज्ज दस्सेति । “यज्ज, भिक्खवे, चेतेति, यज्ज पक्कप्पेति, यज्ज अनुसेति, आरम्मणमेतं होति, विज्जाणस्स ठितिया आरम्मणे सति पतिट्ठा विज्जाणस्स होति, तस्मिं पतिट्ठिते विज्जाणे विरुळ्हे नामरूपस्स अवक्कन्ति होति, नामरूपपच्चया सळायतन”न्ति (सं० नि० २.३९) इमस्मिम्पि सुत्ते पटिसन्धिनामरूपस्स विज्जाणपच्चयता वृत्ताति आह “**तस्मिं पतिट्ठिते**”ति आदि ।

पुरिमतरसिद्धाय पथविया बीजपतिट्ठानं विय पुरिमतरसिद्धे कम्मे तन्निब्वत्तस्सेव विज्जाणबीजस्स पतिट्ठानं कम्मस्स कटत्ता उप्पत्तीति वृत्तं होति । तेनाह — “**कम्मं खेत्तं, विज्जाणं बीज**”न्ति । कस्स पन तं खेत्तं बीजज्याति?

नामरूपङ्कुरस्स ।

अयञ्च पनत्थोति पटिसन्धियं कम्मजरूपानं चित्तपटिबद्धवुत्तिता । **ओकासवसेनेवा**ति नामरूपोकासवसेनेव । सो हि तस्स अत्थस्स ओकासोति । **वत्थुरूपमत्तम्पी**ति वदन्तो वत्थुरूपस्स उपत्थम्भकानं सेसरूपानम्पि तदुपत्थम्भकभावेनेव अरूपधम्मानं पच्चयभावं दस्सेति, सहभवनमत्तं वा । तत्थ कायभावादिकलापानं कत्थचि अभावतो कत्थचि अभावाभावतो “वत्थुरूपमत्तम्पि विना”ति आह । **सस्सामिके**ति एतस्सेव विसेसनत्थं “**सराजके**”ति वुत्तं ।

पवत्तियं कटत्तारूपादीनं पच्चयभावपटिबाहनतोति इदं कस्मा वुत्तं, ननु तेसं पच्चयभावप्पसङ्गोयेव नत्थि “हेतू सहजातान”न्ति (पट्ठा० अट्ठ० १.१) वचनतो । न हि येसं हेतू सहजातपच्चयो न होन्ति, तानि हेतुसहजातानि नाम होन्ति । यदि सियुं, “कुसलं धम्मं सहजातो अब्बाकतो धम्मो उप्पज्जति न हेतुपच्चया”तिआदि च लब्भेय्य, न पन लब्भति, तस्मा न तानि हेतुसहजातानीति? सच्चमेतं, यो पन हेतूहि समानकालुप्पत्तिमत्तं गहेत्वा हेतुसहजातभावं मज्जेय्य, तस्सायं पसङ्गो अत्थीति इदं वुत्तन्ति दट्ठब्बं । भगवा पन वचनानं लहुगरुभावं न गणेति, बोधनेय्यानं पन अज्झासयानुरूपतो धम्मसभावं अविलोमेन्तो तथा तथा देसनं नियामेतीति न कत्थचि अक्खरानं बहुता वा अप्पता वा चोदेतब्बाति ।

हेतुपच्चयनिद्देसवण्णना निड्ढिता ।

२. आरम्मणपच्चयनिद्देसवण्णना

२. उप्पज्जनक्खणेयेवाति एतेन वत्तमानक्खणेकदेसेन सब्बं वत्तमानक्खणं गय्हेतीति दट्ठब्बं । न हि उप्पज्जनक्खणेयेव चक्खुविज्जाणादीनं रूपादीनि आरम्मणपच्चयो, अथ खो सब्बस्मिं वत्तमानक्खणेति । तेन आलम्बियमानानम्पि रूपादीनं चक्खुविज्जाणादिवत्तमानताय पुरे पच्छा च विज्जमानानं आरम्मणपच्चयत्ताभावं दस्सेति, को पन वादो अनालम्बियमानानं । **न एकतो होन्ती**ति नीलादीनि सब्बरूपानि सह न होन्ति, तथा सद्वादयोपीति अत्थो । “यं यं”न्ति हि वचनं रूपादीनि भिन्दतीति । तत्थ पुरिमेनत्थेन “उप्पज्जन्ती”ति वचनेन आरम्मणपच्चयभावलक्खणदीपनत्थं “यं यं धम्म”न्तिआदि वुत्तन्ति दस्सेति, पच्छिमेन “यं यं”न्ति वचनेन रूपादिभेददीपनत्थन्ति । “यं यं वा पनारब्भा”ति एतस्स वण्णनायं दस्सितसब्बारम्मणादिवसेन वा इधापि अत्थो गहेतब्बोति ।

एवं वुत्तन्ति यथा नदीपब्बतानं सन्दनं ठानञ्च पवत्तं अविरतं अविच्छिन्नन्ति सन्दन्ति तिड्ढन्तीति वत्तमानवचनं वुत्तं, एवं “ये ये धम्मा”ति अतीतानागतपच्चुप्पन्नानं सब्बसङ्गहसमुदायवसेन गहितत्ता तेसं उप्पज्जनं पवत्तनं अविरतन्ति उप्पज्जन्तीति वत्तमानवचनं वुत्तन्ति अधिप्पायो । इमे पन न हेतादिपच्चया सब्बेपि अतीतानागतानं होन्ति । न हि अतीतो च अनागतो च अत्थि, यस्सेते पच्चया सियुं । एवञ्च कत्वा अतीतत्तिके अतीतानागतानं न कोचि पच्चयो वुत्तो, तस्मा इधापि “उप्पज्जन्ती”ति वचनेन येसं रूपादयो आरम्मणधम्मा आरम्मणपच्चया होन्ति, ते पच्चुप्पन्नाव दस्सिताति दट्ठब्बा । तेसु हि दस्सितेसु अतीतानागतेसु तंतंपच्चया अहेसुं भविस्सन्ति चाति अयमत्थो दस्सितो होति, न पन तंतंपच्चयवन्तता । पच्चयवन्तो हि पच्चुप्पन्नायेवाति ।

एत्थ च “यं यं धम्मं आरब्भा”ति एकवचननिद्देसं कत्वा पुन “ते ते धम्मा”ति बहुवचननिद्देसो “यं यं”न्ति वुत्तस्स आरम्मणधम्मस्स अनेकभावोपि अत्थीति दस्सनत्थो । चत्तारो हि खन्धा सहेव आरम्मणपच्चया होन्ति, ते सब्बेपि आरब्भ

उष्पज्जमानमि तेसु एकेकं आरम्भ उष्पज्जमानं न न होति, तस्मा वेदनादीसु फस्सादीसु च एकेकस्सपि आरम्भणपच्चयभावदस्सनत्थं “यं य”न्ति वुत्तं, सब्बेसं एकचित्तुप्पादपरियापन्नानं आरम्भणपच्चयभावदस्सनत्थं “ते ते”ति । तत्थ यो च रूपादिको एकेकोव यंयं-सद्देन वुत्तो, ये च अनेके फस्सादयो एकेकवसेन यंयं-सद्देन वुत्ता, ते सब्बे गहेत्वा “ते ते”ति वुत्तन्ति दट्ठब्बं । अथ वा यस्मिं काले आरम्भ उष्पज्जन्ति, तस्मिं काले नीलादीसु चित्तुप्पादेसु च एकेकमेव आरम्भ उष्पज्जन्तीति दस्सनत्थं “यं य”न्ति वुत्तं, ते पन आलम्बियमाना रूपाणाम्भणधम्मा च अनेके, तथा सद्दादिआरम्भणधम्मा चाति दस्सनत्थं “ते ते”ति ।

निब्बानारम्भणं कामावचररूपावचरकुसलस्स अपरियापन्नतो कुसलविपाकस्स कामावचररूपावचरकिरियस्स चाति इमेसं छन्नं रासीनं आरम्भणपच्चयो होतीति इदं पुब्बेनिवासानुस्सतिजाणेन खन्धपटिबद्धानुस्सरणकाले निब्बानमि रूपावचरकुसलकिरियानं आरम्भणं होतीति इमिना अधिप्पायेन वुत्तं । एवं सति यथा “अप्पमाणा खन्धा पुब्बेनिवासानुस्सतिजाणस्स आरम्भणपच्चयेन पच्चयो”ति (पट्ठा० २.१२.५८) वुत्तं, एवं “निब्बान”न्ति च वत्तब्बं सिया, न च तं वुत्तं । न हि निब्बानं पुब्बे निवुट्ठं असङ्कतत्ता, न च पुब्बेनिवासानुस्सतिजाणेन पुब्बे निवुट्ठेसु अप्पमाणक्खन्धेसु जातेसु निब्बानजानने न तेन पयोजनं अत्थि । यथा हि चेतोपरियजाणं चित्तं विभावेन्तमेव चित्तारम्भणजाननस्स कामावचरस्स पच्चयो होती, एवमिदमि अप्पमाणक्खन्धे विभावेन्तमेव तदारम्भणजाननस्स कामावचरस्स पच्चयो होतीति । दिट्ठनिब्बानोयेव च पुब्बे निवुट्ठे अप्पमाणक्खन्धे अनुस्सरति, तेन यथादिट्ठमेव निब्बानं तेसं खन्धानं आरम्भणन्ति दट्ठब्बं, न पन पुब्बेनिवासानुस्सतिजाणेन तदारम्भणविभावनं कातब्बं । विभूतमेव हि तं तस्साति । एवं अनागतंसजाणेपि यथारहं योजेतब्बं, तस्मा निब्बानं न कस्सचि रूपावचरस्स आरम्भणन्ति “चतुन्नं रासीनं”न्ति वत्तुं युत्तं ।

आरम्भणपच्चयनिद्देसवण्णना निड्ढिता ।

३. अधिपतिपच्चयनिद्देसवण्णना

३. धुरन्ति धुरग्गाहं । जेड्ढकन्ति सेट्ठं । छन्दाधिपति छन्दसम्पयुत्तकानन्ति एत्थ पुरिमछन्दस्स समानरूपेण तदनन्तरं निद्दिट्ठेन तंसम्बन्धेन छन्दसद्देनेव पच्चयभूतस्स छन्दस्स सम्पयुत्तकविसेसनभावो दस्सितो होतीति “छन्दाधिपति सम्पयुत्तकान”न्ति अवत्वा “छन्दसम्पयुत्तकान”न्ति वुत्तन्ति दट्ठब्बं । एस नयो इतरेसुपि ।

गरुकारचितीकारवसेन वाति कुसलाव्याकतानं पवत्तिं दस्सेति । अलद्धं लद्धब्बं, लद्धं अविजहितब्बं । येन वा विना न भवितब्बं, तं लद्धब्बं, तस्सेवत्थो अविजहितब्बन्ति । **अनवज्जातन्ति** अवज्जातमि अदोसदस्सिताय अस्सादनेन अनवज्जातं कत्वा ।

मिच्छत्तनियता अप्पनासदिसा महाबला विना अधिपतिना नुष्पज्जन्तीति “**एकन्तेनेवा**”ति आह । कम्मकिलेसावरणभूता च ते सग्गावरणा च मग्गावरणा च पच्चक्खसग्गानं कामावचरदेवानमि उष्पज्जितुं न अरहन्ति, को पन वादो रूपारूपीनन्ति ।

कामावचरादिभेदतो पन तिविधो किरियारम्भणाधिपति लोभसहगताकुसलस्सेव आरम्भणाधिपतिपच्चयो होतीति इदं परसन्तानगतानं सारम्भणधम्मानं “अज्झत्तारम्भणो धम्मो बहिद्धारम्भणस्स धम्मस्स अधिपतिपच्चयेन पच्चयो”ति एतस्स अभावतो “बहिद्धारम्भणो धम्मो बहिद्धारम्भणस्सा”ति एत्थ च आरम्भणाधिपतिनो अनुद्धटत्ता

अधिपतिपच्चयता नत्थीति विज्जायमानेपि “बहिद्वा खन्धे गरं कत्वा अस्सादेती”ति आदिवचनं (पट्ठा० २.२०.३१) निस्साय अरहतो किरियधम्मा पुथुज्जनादीहि गरं कत्वा अस्सादियन्तीति इमिना अधिप्पायेन वुत्तन्ति दट्ठब्बं। “सनिदस्सनसप्पटिघा खन्धा”ति आदीसु (पट्ठा० २.२२.३०) विय खन्धसद्वो रूपे एव भवितुं अरहतीति विचारितमेतं। पुथुज्जनादिकाले वा अनागते किरियधम्मे गरं कत्वा अस्सादनं सन्धायेतं वुत्तं। “नेवविपाकनविपाकधम्मधम्मे खन्धे गरं कत्वा अस्सादेति अभिनन्दती”ति आदिवचनतो (पट्ठा० १.३.९६) किरियधम्मा रागदिट्ठीनं अधिपतिपच्चयो होन्तेव, ते च “अतीतारम्मणे अनागते खन्धे गरं कत्वा अस्सादेती”ति आदिवचनतो (पट्ठा० २.१९.२३) अनागता तेभूमकापि अधिपतिपच्चयो होन्तीति। आवज्जनकिरियसम्भावतो पन इदम्पि विचारेतब्बं।

अधिपतिपच्चयनिद्देसवण्णना निट्ठिता।

४. अनन्तरपच्चयनिद्देसवण्णना

४. यथा ओकासदानविसेसभावेन नत्थिविगता वुत्ता, न एवं अनन्तरसमनन्तरा, एते पन चित्तनियामहेतुविसेसभावेन वुत्ता, तस्मा तं चित्तनियामहेतुविसेसभावं दस्सेन्तो “चक्खुविज्जाणधातू”ति आदिना धातुवसेन कुसलादिवसेन च निद्देसमाह। तत्थ “मनोविज्जाणधातु मनोविज्जाणधातुया”ति वुत्ते पच्चयपच्चयुप्पन्नविसेसो न विज्जायतीति “पुरिमा पुरिमा पच्छिमाय पच्छिमाया”ति वत्तब्बं सिया। तथा च सति धातुविसेसेन चित्तविसेसे दस्सनं यं कातुं आरब्धो, तं वोच्छिज्जेय्य। “मनोविज्जाणधातु मनोधातुया”ति इदम्पि न सक्का वत्तुं नियामाभावतो, “मनोधातु चक्खुविज्जाणधातुया”ति च तथेव न सक्का। न हि मनोधातु चक्खुविज्जाणधातुयायेव अनन्तरपच्चयोति नियामो अत्थि, तस्मा पाकटा पच्चविज्जाणधातुयो आदिं कत्वा याव धातुविसेसनियामो अत्थि, ताव निदस्सनेन नयं दस्सेत्वा पुन निरवसेसदस्सनत्थं “पुरिमा पुरिमा कुसला”ति आदिमाह। सदि सकुसलानन्ति वेदनाय वा हेतूहि वा सदि सकुसलानं अनुरूपकुसलानन्ति वा अत्थो। तेन भूमिभिन्नानम्पि पच्चयभावो वुत्तो होति। भवङ्गगहणेन कुसलाकुसलमूलकेसु चुतिपि गहिताति दट्ठब्बं, अब्याकतमूलके तदारम्मणम्पि।

कामावचरकिरियावज्जनस्साति कामावचरकिरियाय आवज्जनस्साति आवज्जनगहणेन कामावचरकिरियं विसेसेतीति दट्ठब्बं। कामावचरविपाको कामावचरकिरियरासिस्स च अनन्तरपच्चयो होति, होन्तो च आवज्जनस्सेवाति अयज्जेत्थ अधिप्पायो। आवज्जनगहणेनेव चेत्थ वोट्ठब्बनम्पि गहितन्ति दट्ठब्बं।

अनन्तरपच्चयनिद्देसवण्णना निट्ठिता।

६. सहजातपच्चयनिद्देसवण्णना

६. “अज्जमज्जस्साति अज्जो अज्जस्सा”ति पोराणपाठो। पाळियं पन “अज्जमज्जं सहजातपच्चयेन पच्चयो”ति एत्थ वुत्तस्स “अज्जमज्ज”न्ति इमस्स अत्थो वत्तब्बो, न अवुत्तस्स “अज्जमज्जस्सा”ति इमस्स, न च समानत्थस्सपि सहन्तरस्स अत्थे वुत्ते सहन्तरस्स अत्थो वुत्तो होति, तस्मा “अज्जमज्जन्ति अज्जो अज्जस्सा”ति पठन्ति। ओक्कन्तीति पच्चवोकारपटिसन्धियेव वुच्चति, न इतराति इमिना अधिप्पायेनाह “पच्चवोकारभवे पटिसन्धिक्खणे”ति। रूपिनो धम्मा अरूपीनं धम्मानन्ति इदं यदिपि पुब्बे “ओक्कन्तिक्खणे नामरूप”न्ति वुत्तं, तथापि न तेन खणन्तरे पच्चयभावो रूपीनं निवारितोति तन्निवारणत्थं वुत्तं। कज्जि कालेति केचि किस्मिज्जि कालेति वा अत्थो। तेन रूपिनो धम्मा केचि

वत्थुभूता किस्मिञ्च पटिसन्धिकालेति रूपन्तरानं वत्थुस्स च कालन्तरे अरूपीनं सहजातपच्चयं पुब्बे अनिवारितं निवारति । एवञ्च कत्वा “कञ्चि काल”न्ति वा “किस्मिञ्च काले”ति वा वत्तब्बे विभत्तिविपल्लासो कतो । तेन हि “कञ्ची”ति उपयोगेकवचनं “रूपिनो धम्मा”ति एतेन सह सम्बन्धेन पच्चत्तबहुवचनस्स आदेसो, “काले”ति इमिना सम्बन्धेन भुम्मेकवचनस्साति विज्जायति । पुरिमेन च “एको खन्धो वत्थु च तिण्णन्नं खन्धान”न्तिआदिना नामसहितस्सेव वत्थुस्स “नामस्स पच्चयो”ति वत्तब्बत्ते आपन्ने एतेन केवलस्सेव तथा वत्तब्बतं दस्सेति ।

तयो न अज्जमज्जवसेनाति लब्धमानेपि कत्थञ्चि अज्जमज्जसहजातपच्चयभावे वचनेन असङ्गहितत्ता तस्स एवं वुत्तन्ति दट्ठब्बं । चतुसमुद्धानिकस्स रूपस्स एकदेसभूते कम्मसमुद्धानरूपे समुदायेकदेसवसेन सामिवचनं दट्ठब्बं, निद्धारणे वा ।

सहजातपच्चयनिद्देसवण्णना निड्ढिता ।

८. निस्सयपच्चयनिद्देसवण्णना

८. निस्सयपच्चयनिद्देसे “रूपिनो धम्मा अरूपीनं धम्मानं किस्मिञ्च काले”ति इदं न लब्धति । यं पनेत्थ लब्धति “रूपिनो धम्मा केची”ति, तत्थ ते एव धम्मे दस्सेतुं “चक्खायतन”न्तिआदि वुत्तन्ति । “वत्थुरूपं पच्चवोकारभवे”ति वुत्तत्ता “ठपेत्वा आरुप्पविपाक”न्ति इदं न वत्तब्बन्ति चे? न, “तेभूमकविपाकस्सा”ति वुत्ते पच्चवोकारभवे अनुप्पज्जनकं ठपेतब्बं अजानन्तस्स तस्स पकासेतब्बत्ता ।

निस्सयपच्चयनिद्देसवण्णना निड्ढिता ।

९. उपनिस्सयपच्चयनिद्देसवण्णना

९. ते तयोपि रासयोति उपनिस्सये तयो अनेकसङ्गाहकताय रासयोति वदति । एतस्मिं पन उपनिस्सयनिद्देसे ये पुरिमा येसं पच्छिमानं अनन्तरूपनिस्सया होन्ति, ते तेसं सब्बेसं एकन्तेनेव होन्ति, न केसञ्चि कदाचि, तस्मा येसु पदेसु अनन्तरूपनिस्सयो सङ्गहितो, तेसु “केसञ्ची”ति न सक्का वत्तुन्ति न वुत्तं । ये पन पुरिमा येसं पच्छिमानं आरम्मणपक्तूपनिस्सया होन्ति, ते तेसं न सब्बेसं एकन्तेन होन्ति, येसं उप्पत्तिपटिबाहिका पच्चया बलवन्तो होन्ति, तेसं न होन्ति, इतरेसं होन्ति । तस्मा येसु पदेसु अनन्तरूपनिस्सयो न लब्धति, तेसु “केसञ्ची”ति वुत्तं । सिद्धानं पच्चयधम्मानं येहि पच्चयुप्पन्नेहि अकुसलादीहि भवितब्बं, तेसं केसञ्चीति अयञ्चेत्थ अत्थो, न पन अविसेसेन अकुसलादीसु केसञ्चीति ।

पुरिमा पुरिमा कुसला...पे०... अब्बाकतानं धम्मानन्ति येसं उपनिस्सयपच्चयेन भवितब्बं, तेसं अब्बाकतानं पच्छिमानन्ति दट्ठब्बं । न हि रूपाब्बाकतं उपनिस्सयं लभतीति । कथं? आरम्मणानन्तरूपनिस्सये ताव न लभति अनारम्मणत्ता पुब्बापरनियमेन अप्पवत्तितो च, पक्तूपनिस्सयञ्च न लभति अचेतनेन रूपसन्तानेन पक्तस्स अभावतो । यथा हि अरूपसन्तानेन सद्वादयो निष्पादिता उतुभोजनादयो च उपसेविता, न एवं रूपसन्तानेन । यस्मिञ्च उतुबीजादिके कम्मादिके च सति रूपं पवत्तति, न तं तेन पक्तं होति । सचेतनस्सेव हि उप्पादनुपत्थम्भनुपयोगादिवसेन चेतनं पक्कपणं पकरणं, रूपञ्च अचेतनन्ति । यथा च निरीहकेसु पच्चयायत्तेसु धम्मेसु केसञ्चि सारम्मणसभावता होति, केसञ्चि न, एवं सप्पकरणसभावता निष्पकरणसभावता च दट्ठब्बा । उतुबीजादयो पन अङ्कुरादीनं तेसु असन्तेसु अभावतो एव पच्चया, न

पन उपनिस्सयादिभावतोति । पुरिमपुरिमानंयेव पनेत्थ उपनिस्सयपच्चयभावो बाहुल्लवसेन पाकटवसेन च वुत्तो । “अनागते खन्धे पत्थयमानो दानं देती”तिआदिवचनतो (पट्ठा० २.१८.८) पन अनागतापि उपनिस्सयपच्चया होन्ति, ते पुरिमेहि आरम्मणपकतूपनिस्सयेहि तंसमानलक्खणताय इध सङ्गहन्तीति दट्ठब्बा ।

पुग्गलोपि सेनासनम्पीति पुग्गलसेनासनगहणवसेन उपनिस्सयभावं भजन्ते धम्मे दस्सेति, पि-सद्देन चीवरारञ्जरुक्खपब्बतादिगहणवसेन उपनिस्सयभावं भजन्ते सब्बे सङ्गहन्ति । “अब्याकतो धम्मो अब्याकतस्स धम्मस्स उपनिस्सयपच्चयेन पच्चयो”तिआदीसु हि “सेनासनं कायिकस्स सुखस्सा”तिआदिवचनेन सेनासनगहणेन उपनिस्सयभावं भजन्ताव धम्मा उपनिस्सयपच्चयेन पच्चयोति इममत्थं दस्सेन्तेन पुग्गलादीसुपि अयं नयो दस्सितो होतीति । पच्चुप्पन्नापि आरम्मणपकतूपनिस्सया पच्चुप्पन्नाय सेनासनसमानलक्खणत्ता एत्थेव सङ्गहिताति दट्ठब्बा । वक्खति हि “पच्चुप्पन्नं उतुं भोजनं सेनासनं उपनिस्साय ज्ञानं उप्पादेती”तिआदिना सेनासनस्स पच्चुप्पन्नभावं विय पच्चुप्पन्नानं उतुआदीनं पकतूपनिस्सयभावं, “पच्चुप्पन्नं चक्खुं...पे०... वत्थुं पच्चुप्पन्ने खन्धे गरुं कत्वा अस्सादेती”तिआदिना (पट्ठा० २.१८.४) चक्खादीनं आरम्मणूपनिस्सयभावञ्चाति । पच्चुप्पन्नानम्पि च तादिसानं पुब्बे पकतत्ता पकतूपनिस्सयता दट्ठब्बा ।

कसिणारम्मणादीनि आरम्मणमेव होन्ति, न उपनिस्सयोति इमिना अधिप्पायेन “**एकच्चाया**”ति आह ।

अरूपावचरकुसलम्पि यस्मिं कसिणादिमिह ज्ञानं अनुप्पादितं, तस्मिं अनुप्पन्नज्ञानुप्पादने सब्बस्स च उप्पन्नज्ञानस्स समापज्जने इद्धिविधादीनं अभिज्ज्ञानञ्च उपनिस्सयोति इममत्थं सन्धायाह “**तेभूमककुसलो चतुभूमकस्सपि कुसलस्सा**”ति । वुत्तम्पि चेत्तं “अरूपावचरं सद्धं उपनिस्साय रूपावचरं ज्ञानं विपस्सनं मग्गं अभिज्ज्ञं समापत्तिं उप्पादेती”ति (पट्ठा० ४.१३.२८५) । कामावचरकुसलं रूपावचरारूपावचरविपाकानम्पि तदुप्पादककुसलानं उपनिस्सयभाववसेन, पटिसन्धिनियामकस्स चुतितो पुरिमजवनस्स च वसेन उपनिस्सयो, रूपावचरकुसलं अरूपावचरविपाकस्स, अरूपावचरकुसलञ्च रूपावचरविपाकस्स तदुप्पादककुसलूपनिस्सयभावेनाति एवं पच्चेकं तेभूमककुसलानं चतुभूमकविपाकस्स तेभूमककिरियस्स च यथायोगं पच्चयभावो वेदितब्बो । पाळियम्पि हि पकतूपनिस्सयो नयदस्सनमत्तेनेव पञ्हावारेसु विस्सज्जितोति ।

इमिना पन नयेनाति लोकोत्तरनिब्बत्तनं उपनिस्साय सिनेहुप्पादनलेसेनाति अत्थो । लोकोत्तरा पन धम्मा अकुसलानं न केनचि पच्चयेन पच्चयो होन्तीति न इदं सारतो दट्ठब्बन्ति अधिप्पायो । कामावचरादितहेतुकभवङ्गं कायिकसुखादि च रूपावचरादिकुसलानं उपनिस्सयो, अरूपावचरविपाको रूपावचरकुसलस्स तं पत्थेत्वा तन्निब्बत्तककुसलुप्पादनत्थं उप्पादियमानस्स, रूपावचरकिरियस्स च पुब्बे निवुट्ठादीसु अरूपावचरविपाकजाननत्थं ज्ञानाभिज्ज्ञायो उप्पादेन्तस्स अरहतो, चतुभूमकविपाकानं पन तदुप्पादककुसलूपनिस्सयभाववसेन सो सो विपाको उपनिस्सयो । तेनाह “**तथा तेभूमकविपाको**”ति । यदिपि अरहतफलत्तं ज्ञानविपस्सना उप्पादेति अनागामी, न पन तेन तं कदाचि दिट्ठपुब्बं पुथुज्जनादीहि सोतापत्तिफलादीनि विय, तस्मा तानि विय तेसं ज्ञानादीनं इमस्स च अग्गफलं न ज्ञानादीनं उपनिस्सयो । उपलब्धपुब्बसदिसमेव हि अनागतम्पि उपनिस्सयोति । तेनाह “**उपरिट्ठिमं कुसलस्सपी**”ति ।

किरियअत्थपटिसम्भिदादिम्पि पत्थेत्वा दानादिकुसलं करोन्तस्स तेभूमककिरियापि चतुभूमकस्सपि कुसलस्स उपनिस्सयपच्चयेन पच्चयो । योनिसोमनसिकारे वत्तब्बमेव नत्थि, तं उपनिस्साय रागादिउप्पादने अकुसलस्स, कुसलाकुसलूपनिस्सयभावमुखेन चतुभूमकविपाकस्स । एवं किरियस्सपि योजेतब्बं । तेनाह “**किरियसङ्घातोपि**

पकतूपनिस्सयो चतुभूमकानं कुसलादिखन्धानं होतियेवा”ति । नेवविपाकनविपाकधम्मधम्मेसु पन उतुभोजनसेनासनानमेव तिण्णं रासीनं पकतूपनिस्सयभावदस्सनं नयदस्सनमेवाति । **इमस्मिं पट्टानमहापकरणे आगतनयेनाति** इदं “कुसलं धम्मं पटिच्च अब्याकतो धम्मो उप्पज्जति न उपनिस्सयपच्चया, कुसले खन्धे पटिच्च चित्तसमुद्धानं रूपं”न्ति (पट्टा० १.१.९१) एवमादिकं उपनिस्सयपटिक्खेपं, अनुलोमे च अनागमनं सन्धाय वुत्तं । **सुत्तन्तिकपरियायेनाति** “विज्जाणूपनिसं नामरूपं, नामरूपनिसं सळायतन”न्तिआदिकेन (सं० नि० २.२३),

“यथापि पब्बतो सेलो, अरज्जस्मिं ब्रह्मवने ।

तं रुक्खा उपनिस्साय, वड्ढन्ते ते वनप्पती”ति (अ० नि० ३.४९) ॥ —

आदिकेन च ।

उपनिस्सयपच्चयनिद्देसवण्णना निट्ठिता ।

१०. पुरेजातपच्चयनिद्देसवण्णना

१०. नयदस्सनवसेन यानि विना आरम्मणपुरेजातेन न वत्तन्ति, तेसं चक्खुविज्जाणादीनं आरम्मणपुरेजातदस्सनेन मनोद्वारेपि यं यदारम्मणपुरेजातेन वत्तति, तस्स तदालम्बितं सब्बम्पि रूपरूपं आरम्मणपुरेजातन्ति दस्सितमेव होति, सरूपेन पन अदस्सितत्ता “**सावसेसवसेन देसना कता**”ति आह । चित्तवसेन कायं परिणामयतो इद्धिविधाभिज्जाय च अट्टारससु यंकिज्जि आरम्मणपुरेजातं होतीति दट्ठब्बं ।

तदारम्मणभाविनोति एत्थ पटिसन्धिभाविनो वत्थुपुरेजाताभावेन इतरस्सपि अभावा अगगहणं । भवङ्गभाविनो पन गहणं कातब्बं न वा कातब्बं पटिसन्धिया विय अपरिब्यत्तस्स आरम्मणस्स आरम्मणमत्तभावतो, “मनोधातूनज्जा”ति एत्थ सन्तीरणभाविनो मनोविज्जाणधातुयापि ।

पुरेजातपच्चयनिद्देसवण्णना निट्ठिता ।

११. पच्छाजातपच्चयनिद्देसवण्णना

११. **तस्सेवाति** इदं कामावचररूपावचरविपाकानं निरवसेसदस्सितपुरेजातदस्सनवसेन वुत्तं, रूपावचरविपाको पन आहारसमुद्धानस्स न होतीति ।

पच्छाजातपच्चयनिद्देसवण्णना निट्ठिता ।

१२. आसेवनपच्चयनिद्देसवण्णना

१२. **पगुणतरबलवतरभावविसिट्ठन्ति** एतेन विपाकाब्याकततो विसेसेति ।

आसेवनपच्चयनिद्देसवण्णना निट्ठिता ।

१३. कम्मपच्चयनिद्देसवण्णना

१३. चेतनासम्पयुत्तकम्मं अभिज्झादि कम्मपच्चयो न होतीति “चेतनाकम्ममेवा”ति आह । सतिपि हि विपाकधम्मधम्मत्ते न चेतनावज्जा एवंसभावाति । अत्तनो फलं उप्पादेतुं समत्थेनाति कम्मस्स समत्थता तस्स कम्मपच्चयभावो वुत्ताति दट्ठब्बा ।

पञ्चवोकारेयेव, न अज्जत्थाति एतेन कामावचरचेतना एकवोकारे रूपम्पि न जनेतीति दस्सेति ।

कम्मपच्चयनिद्देसवण्णना निट्ठिता ।

१४. विपाकपच्चयनिद्देसवण्णना

१४. विपाकपच्चयनिद्देसे येसं एकन्तेन विपाको विपाकपच्चयो होति, तेसं वसेन नयदस्सनं कतं । न हि आरुप्पे भूमिद्वयविपाको रूपस्स पच्चयो होति ।

विपाकपच्चयनिद्देसवण्णना निट्ठिता ।

१५. आहारपच्चयनिद्देसवण्णना

१५. कबळं करित्वा अज्झोहरितोवाति असितपीतादिवत्थूहि सह अज्झोहरितोवाति वुत्तं होति । पातब्बसायितब्बानिपि हि सभाववसेन कबळायेव होन्तीति ।

सेसतिसन्ततिसमुद्धानस्स अनुपालकोव हुत्वाति एत्थ चित्तसमुद्धानस्स आहारपच्चयभावो विचारेत्वा गहेतब्बो । न हि चित्तसमुद्धानो कबळीकारो आहारो नोचित्तसमुद्धानो तदुभयञ्च चित्तसमुद्धानकायस्स आहारपच्चयो वुत्तो, तिविधोपि पन सो नोचित्तसमुद्धानकायस्स वुत्तोति ।

आहारपच्चयनिद्देसवण्णना निट्ठिता ।

१६. इन्द्रियपच्चयनिद्देसवण्णना

१६. अरूपजीवितिन्द्रियम्पि सङ्गहितन्ति मिस्सकत्ता जीवितिन्द्रियं न सब्बेन सब्बं वज्जितब्बन्ति अधिप्पायो ।

अविनिब्भुत्तधम्मानन्ति एत्थ अयं अधिप्पायो — रूपारूपानं अज्जमज्जं अविनिब्भुत्तवोहारो नत्थीति अरूपानं इन्द्रियपच्चयभूतानि पच्चयन्तरापेक्खानि चक्खादीनि अत्तनो विज्जमानक्खणे अविनिब्भुत्तधम्मानं इन्द्रियपच्चयतं अफरन्तानिपि इन्द्रियपच्चया सियुं । यो पन निरपेक्खो इन्द्रियपच्चयो अविनिब्भुत्तधम्मानं होति, सो अत्तनो विज्जमानक्खणे तेसं इन्द्रियपच्चयतं अफरन्तो नाम नत्थि । यदि च इत्थिन्द्रियपुरिसिन्द्रियानि इन्द्रियपच्चयो लिङ्गादीनं सियुं, अविनिब्भुत्तानं तेसम्पि सियुं । न हि रूपं रूपस्स, अरूपं वा अरूपस्स विनिब्भुत्तस्स इन्द्रियपच्चयो अत्थीति । सति चेवं इत्थिपुरिसिन्द्रियेहि अविनिब्भुत्तत्ता कललादिकाले च लिङ्गादीनि सियुं, येसं तानि इन्द्रियपच्चयतं फरेय्युं, न च फरन्ति । तस्मा न तेहि तानि अविनिब्भुत्तकानि, अविनिब्भुत्तत्ताभावतो च तेसं इन्द्रियपच्चयतं न फरन्ति । अज्जेसं पन येहि तानि सहजातानि, तेसं

अबीजभावतोयेव न फरन्ति, तस्मा आपन्नविनिम्बुत्तभावानं तेसं लिङ्गादीनं अविनिम्बुत्तानं अज्जेसज्ज समानकलापधम्मानं इन्द्रियपच्चयताय अफरणतो तानि इन्द्रियपच्चयो न होन्तीति । येसं बीजभूतानि इत्थिपुरिसिन्द्रियानि, तेसं लिङ्गादीनं अपरमत्थभावतोति केचि, ते पन कललादिकालेपि लिङ्गादीनं तदनु रूपानं अत्थितं इच्छन्ति ।

जातिभूमिवसेन वुत्तेसु भेदेसु कुसलजातियं रूपावचरकुसलमेव आरुप्पे ठपेतब्बन्ति “**ठपेत्वा पन रूपावचरकुसलं अवसेसा कुसलाकुसला**”ति वुत्तं । पठमलोकुत्तरं पन दोमनस्सयुत्तज्ज विसुं एका जाति भूमि वा न होतीति आरुप्पे अलब्भमानम्पि न ठपितं । हेतुआदीसुपि “तथा अपरियापन्नकुसलहेतु, तथा अकुसलहेतू”तिआदीसु (पट्ठा० अट्ठ० १.१) एस नयो योजेतब्बो ।

ठितिकखणेति इदं रूपजीवितिन्द्रियस्स सहजातपच्चयत्ताभावं सन्धाय वुत्तं । उप्पादकखणेपि पन तस्स इन्द्रियपच्चयता न सक्का निवारेतुं । वक्खति हि “अव्याकतं धम्मं पटिच्च...पे०... असज्जसत्तानं एकं महाभूतं पटिच्च... पे०... इन्द्रियपच्चयं कम्मपच्चयसदिस”न्ति (पट्ठा० १.१.६६) । न हि असज्जसत्तानं इन्द्रियपच्चया उप्पज्जमानस्स रूपस्स रूपजीवितिन्द्रियतो अज्जो इन्द्रियपच्चयो अत्थि, पच्चवोकारे पवत्ते च कटत्तारूपस्स । पटिच्चवारादयो च छ उप्पादकखणमेव गहेत्वा पवत्ता, एवज्ज कत्वा पच्छाजातपच्चयो एतेसु अनुलोमतो न तिड्ढतीति ।

इन्द्रियपच्चयनिद्देसवण्णना निड्ढिता ।

१७. ज्ञानपच्चयनिद्देसवण्णना

१७. वितक्कविचारपीतिसोमनस्सदोमनस्सुपेक्खाचित्तेकग्गतासङ्घातानीति एत्थ यदिपि सोमनस्सदोमनस्ससङ्घातानि ज्ञानङ्गानि नत्थि, सुखदुखसङ्घातानि पन सोमनस्सदोमनस्सभूतानेव ज्ञानङ्गानि, न कायिकसुखदुखभूतानीति इमस्स दस्सनत्थं सोमनस्सदोमनस्सग्गहणं कतं । ननु च “द्विपञ्चविज्जाणवज्जेसू”ति वचनेनेव कायिकसुखदुखानि वज्जितानीति सुखदुखग्गहणमेव कत्तब्बन्ति? न, ज्ञानङ्गसुखदुखानं ज्ञानङ्गभावविसेसनतो । “द्विपञ्चविज्जाणवज्जेसु सुखदुखुपेक्खाचित्तेकग्गतासङ्घातानी”ति हि वुत्ते द्विपञ्चविज्जाणेसु उपेक्खाचित्तेकग्गताहि सद्धिं कायिकसुखदुखानिपि वज्जितानीति एत्तकमेव विज्जायति, न पन यानि सुखदुखानि ज्ञानङ्गानि होन्ति, तेसं ज्ञानङ्गभूतो सुखभावो दुखभावो च विसेसितो, तस्मा सोमनस्सदोमनस्सभावविसिद्धोयेव सुखदुखभावो सुखदुखानं ज्ञानङ्गभावोति दस्सनत्थं सोमनस्सदोमनस्सग्गहणं करोति । तेन “द्विपञ्चविज्जाणवज्जेसू”ति वचनेन वज्जियमानानम्पि सुखदुखानं सोमनस्सदोमनस्सभावाभावतो ज्ञानङ्गभावाभावोति दस्सितं होति । यथावज्जिता पन सुखदुखोपेक्खेकग्गता कस्मा वज्जिताति? यत्थ ज्ञानङ्गानि उद्धरीयन्ति चित्तुप्पादकण्डे, तत्थ च ज्ञानङ्गान्ति अनुद्धटत्ता । कस्मा पन न उद्धटति तं दस्सेतुं “**पञ्चन्नं पन विज्जाणकायान**”न्तिआदिमाह ।

अभिनिपातमत्तत्ताति एतेन आवज्जनसम्पटिच्छनमत्तायपि चिन्तनापवत्तिया अभावं दस्सेति । “**तेसु विज्जमानानिपि उपेक्खासुखदुखानी**”ति पोराणपाठो । तत्थ उपेक्खासुखदुखेहेव तंसमानलक्खणाय चित्तेकग्गतायपि यथावुत्तेनेव कारणेन अनुद्धटभावो दस्सितोति दट्ठब्बो । पुब्बे पन सत्त अङ्गानि दस्सेन्तेन चत्तारि अङ्गानि वज्जितानीति तेसं वज्जने कारणं दस्सेन्तेन न समानलक्खणेन लेसेन दस्सेतब्बं । अट्ठकथा हेसाति । यदि च लेसेन दस्सेतब्बं, यथावुत्तेसुपि तीसु एकमेव वत्तब्बं सिया, तिण्णं पन वचनेन ततो अज्जस्स ज्ञानङ्गान्ति उद्धटभावो आपज्जति, यथावुत्तकारणतो अज्जेन कारणेन अनुद्धटभावो वा, तस्मा तंदोसपरिहरणत्थं “उपेक्खाचित्तेकग्गतासुखदुखानी”ति पठन्ति । ये पन “ज्ञानङ्गभूतेहि

सोमनस्सादीहि सुखदुक्खेन अविभूतभावेन पाकटताय इन्द्रियकिच्चयुत्तताय च समानानं सुखादीनं ज्ञानङ्गान्ति अनुद्धटभावे कारणं वत्तब्बं, न चित्तेकग्गतायाति सा एत्थ न गहिता”ति वदन्ति, तेसं तं रुचिमत्तं। यदि ज्ञानङ्गसमानानं ज्ञानङ्गान्ति अनुद्धटभावे कारणं वत्तब्बं, चित्तेकग्गता चेत्थ ज्ञानङ्गभूताय विचिकिच्छायुत्तमनोधातुआदीसु चित्तेकग्गताय समानाति तस्सा अनुद्धटभावे कारणं वत्तब्बमेवाति। सेसाहेतुकेसुपि ज्ञानङ्गं उद्धटमेव उद्धरणद्वाने चित्तुप्पादकण्डेति अधिप्पायो।

ज्ञानपच्चयनिद्देसवण्णना निट्ठिता।

१८. मग्गपच्चयनिद्देसवण्णना

१८. पज्जा वितक्को सम्मावाचाकम्मन्ताजीवा वीरियं सति समाधि मिच्छादिट्ठि मिच्छावाचाकम्मन्ताजीवाति इमानि द्वादसङ्गानीति एत्थ दुविधम्पि सङ्कप्पं वीरियं समाधिञ्च वितक्कवीरियसमाधिवचनेहि सङ्गण्हित्वा “अयमेव खो, आवुसो, अट्ठङ्गिको मिच्छामग्गो अब्रह्मचरियं। सेय्यथिदं — मिच्छादिट्ठि...पे०... मिच्छासमाधी”ति आदीहि (सं० नि० ५.१८) सुत्तवचनेहि मिच्छावाचाकम्मन्ताजीवेसुपि मग्गङ्गवोहारसिद्धितो तेहि सह द्वादसङ्गानि इध लब्धमानानि च अलब्धमानानि च मग्गङ्गवचनसामञ्जेन सङ्गण्हित्वा वुत्तानि। एवञ्चि सुत्तन्तवोहारोपि दस्सितो होति, एवं पन दस्सेन्तेन “मग्गपच्चयनिद्देसे मग्गङ्गानी”ति एवं उद्धरित्वा तस्स पाठगतस्स मग्गङ्गसदस्स अत्थभावेन इमानि द्वादसङ्गानि न दस्सेतब्बानि। न हि पाळियं मग्गङ्गसदस्स मिच्छावाचाकम्मन्ताजीवोति अत्थो वत्तब्बो। तेहि सम्मावाचादीहि पटिपक्खा चेतनाधम्मा तप्पटिपक्खभावतोयेव “मिच्छामग्गङ्गानी”ति सुत्ते वुत्तानि, न पन मग्गपच्चयभावेन। मग्गङ्गानि मग्गपच्चयभूतानि च इध पाळियं “मग्गङ्गानी”ति वुत्तानि, न च अज्जं उद्धरित्वा अज्जस्स अत्थो वत्तब्बो। परियायनिप्परियायमग्गङ्गदस्सनत्थं पन इच्छन्तेन पाळिगतमग्गङ्गसदपतिरूपको अज्जो मग्गङ्गसदो उभयपदत्थो उद्धरितब्बो यथा “अधिकरणं नाम चत्तारि अधिकरणानी”ति (पारा० ३८६, ४०५)। इध पन “मग्गपच्चयनिद्देसे मग्गङ्गानी”ति पाळिगतोयेव मग्गङ्गसदो उद्धटो, न च अत्थुद्धरणवसेन दस्सेत्वा अधिप्पेतत्थनियमनं कतं, तस्मा पाळियं मग्गङ्गसदस्स मिच्छावाचादीनं अत्थभावो मा होतूति “सम्मादिट्ठिसङ्कप्पवाचाकम्मन्ताजीववायामसतिसमाधिमिच्छादिट्ठिसङ्कप्पवायामसमाधयोति इमानि द्वादसङ्गानी”ति पठन्ति। ननु एवं “अहेतुकचित्तुप्पादवज्जेसू”ति न वत्तब्बं। न हि तेसु सम्मादिट्ठिआदयो यथावुत्ता सन्ति, ये वज्जेतब्बा सियुन्ति? न, उप्पत्तिद्वाननियमनत्थत्ता। अहेतुकचित्तुप्पादवज्जेस्वेव एतानि उप्पज्जन्ति, नाहेतुकचित्तुप्पादेसु। तत्थुप्पन्नानि द्वादसङ्गानीति अयञ्हेत्थ अत्थो।

मग्गपच्चयनिद्देसवण्णना निट्ठिता।

२०. विप्पयुत्तपच्चयनिद्देसवण्णना

२०. सम्पयोगासङ्काय अभावतोति एतेन सम्पयोगासङ्कावत्थुभूतो उपकारकभावो विप्पयुत्तपच्चयताति दस्सेति।

विप्पयुत्तपच्चयनिद्देसवण्णना निट्ठिता।

२१. अत्थिपच्चयनिद्देसवण्णना

२१. कुसलादिवसेन पञ्चविधो अत्थिपच्चयो वुत्तो, न निब्बानं । यो हि अत्थिभावाभावेन अनुपकारको अत्थिभावं लभित्वा उपकारको होति, सो अत्थिपच्चयो होति । निब्बानञ्च निब्बानारम्मणानं न अत्तनो अत्थिभावाभावेन अनुपकारकं हुत्वा अत्थिभावलाभेन उपकारकं होति । उप्पादादियुत्तानं वा नत्थिभावोपकारकताविरुद्धो उपकारकभावो अत्थिपच्चयताति न निब्बानं अत्थिपच्चयो ।

सति च येसं पच्चया होन्ति, तेहि एकतो पुरेतरं पच्छा च उप्पन्नत्ते सहजातादिपच्चयत्ताभावतो आह “आहारो इन्द्रियञ्च सहजातादिभेदं न लभती”ति । तदभावो च एतेसं धम्मसभाववसेन दट्ठब्बो ।

अत्थिपच्चयनिद्देसवण्णना निट्ठिता ।

२२-२३-२४. नत्थिविगतअविगतपच्चयनिद्देसवण्णना

२२-२३. पच्चयलक्खणमेव हेत्थ नानन्ति एतेन नत्थिविगतपच्चयेसु अत्थिअविगतपच्चयेसु च व्यञ्जनमत्तेयेव नानत्तं, न अत्थेति इदं यो पच्चयोति अत्थो, तस्मिं नानत्तं नत्थि, व्यञ्जनसङ्गहिते पच्चयलक्खणमत्तेयेव नानत्तन्ति इममत्थं सन्धाय वुत्तन्ति विज्जायति ।

नत्थिविगतअविगतपच्चयनिद्देसवण्णना निट्ठिता ।

पच्चयनिद्देसवण्णना निट्ठिता ।

पच्चयनिद्देसपकिण्णकविनिच्छयकथावण्णना

“लोभदोसमोहा विपाकपच्चयापि न होन्ति, सेसानं सत्तरसन्नं पच्चयानं वसेन पच्चया होन्ती”ति आदिमपाठो । एत्थ च लोभदोसमोहानं पच्चेकं सत्तरसहि पच्चयेहि पच्चयभावो वुत्तो, सब्बे हेतू सह अगगहेत्वा एकधम्मस्स अनेकपच्चयभावदस्सनत्थं अमोहादीनं विसुं गहितत्ताति दोसस्सपि सत्तरसहि पच्चयभावो आपज्जति, तथा च सति दोसस्सपि गरुकरणं पाळियं वत्तब्बं सिया । “अकुसलो पन आरम्मणाधिपति नाम लोभसहगतचित्तुप्पादो वुच्चती”ति (पट्ठा० अट्ठ० १.४) एत्थापि लोभदोससहगतचित्तुप्पादाति वत्तब्बं सिया, न पन वुत्तं, तस्मा दोसस्स अधिपतिपच्चयतापि निवारितब्बा । न च “सेसान”न्ति वचनेन अधिपतिपच्चयो निवारितो, अथ खो सङ्गहितो पुरेजातादीहि यथावुत्तेहि सेसत्ताति तन्निवारणत्थं दोसं लोभमोहेहि सह अगगहेत्वा विसुञ्च अगगहेत्वा “दोसो अधिपतिपच्चयोपि न होति, सेसानं पच्चयानं वसेन पच्चयो होती”ति पठन्ति । इमिना नयेनाति एतेन फोडुब्बायतनस्स सहजातादिपच्चयभावं, सब्बधम्मनं यथायोगं हेतादिपच्चयभावञ्च दस्सेति । न हि एतं एकपच्चयस्स अनेकपच्चयभावदस्सनन्ति रूपादीनं पकतूपनिस्सयभावो च एतेन दस्सितोति दट्ठब्बो ।

चतुन्नं खन्धानं भेदा चक्खुविज्जाणधातुआदयोति भेदं अनामसित्वा ते एव गहेत्वा आह “चतूसु खन्धेसू”ति । मिच्छावाचाकम्मन्ताजीवा तेहि चेव कम्माहारपच्चयेहि चाति एकूनवीसतिधाति इदमेवं न सक्का वत्तुं । न हि मिच्छावाचादयो मिच्छादिट्ठि विय मग्गपच्चया होन्ति चेतनाय मग्गपच्चयत्ताभावतो । यदि च भवेय्य, पञ्हावारे “कम्मपच्चया मग्गे तीणी”ति वत्तब्बं सिया, तस्मा मिच्छावाचादीनं मग्गपच्चयभावो न वत्तब्बो । पट्टानसंवण्णना हेसा । सेसपच्चयभावो च चेतनाय अनेकपच्चयभाववचनेन वुत्तोयेवाति न इदं पठितव्वन्ति न पठन्ति । “अहिरिकं... पे०... मिद्धं

उद्धृत्तं विचिकिच्छा”ति आदिमपाठो, विचिकिच्छा पन अधिपतिपच्चयो न होतीति तं तत्थ अपठित्वा “विचिकिच्छाइस्सामच्छरियकुक्कुच्चानि ततो अधिपतिपच्चयं अपनेत्वा”ति एवमेत्थ पठन्ति ।

“चत्तारि महाभूतानि आरम्मण...पे०... पुरेजातविप्पयुत्तअत्थिअविगतवसेन दसधा पच्चया होन्ति, पुन तथा हृदयवत्थू”ति पुरिमपाठो, महाभूतानि पन विप्पयुत्तपच्चया न होन्तीति “पुरेजातअत्थिअविगतवसेन नवधा पच्चया होन्ति, विप्पयुत्तपच्चयं पक्खिपित्वा दसधा वत्थु”न्ति पठन्ति । एत्तकमेवेत्थ अपुब्बन्ति एतस्मिं पुरेजातपच्चये सहजातनिस्सयेहि अपुब्बं रूपसद्गन्धरसायतनमत्तमेवाति अत्थो, आरम्मणानि पनेतानि आरम्मणपच्चयधम्मानं अनेकपच्चयभावे वुत्तानीति सब्बातिक्कन्तपच्चयापेक्खा एतेसं अपुब्बता नत्थीति । इन्द्रियादीसु अपुब्बं नत्थीति रूपजीवितिन्द्रियस्सपि अरूपजीवितिन्द्रियतो अपुब्बस्स पच्चयभावस्स अभावं मज्जमानेन अपुब्बता न वुत्ता । तस्स पन पुरेजातपच्चयभावतो अपुब्बता । कबळीकाराहारस्स च पुरेजातेन सद्धिं सत्तधा पच्चयभावो योजेतब्बो ।

आकारोति मूलादिआकारो । अत्थोति तेनाकारेन उपकारकता । “येनाकारेना”ति एतस्स वा अत्थवचनं “येनत्थेना”ति । विपाकहेतूसुयेव लब्भतीति एत्थ अमोहविपाकहेतुस्स अधिपतिपच्चयभावो च लोकुत्तरविपाकेयेव लब्भतीति । एवं सब्बत्थ लब्भमानालब्भमानं सल्लक्खेतब्बं । विप्पयुत्तं अपठित्वा “छहाकारेही”ति पुरिमपाठो, तं पन पठित्वा “सत्तहाकारेही”ति पठन्ति । उक्कट्टपरिच्छेदो हेत्थ वुच्चति, न च यं आरम्मणं निस्सयो होति, तं विप्पयुत्तं न होतीति ।

अनन्तरसमनन्तरेसु यं कम्मपच्चयो होति, तं न आसेवनपच्चयो । यच्च आसेवनपच्चयो होति, न तं कम्मपच्चयोति दट्ठब्बं । “पक्तूपनिस्सयो पक्तूपनिस्सयोवा”ति वुत्तं, कम्मपच्चयोपि पन सो होति, तस्मा “कम्मपच्चयो चा”ति पठन्ति । अयं पनेत्थ अत्थो — पक्तूपनिस्सयो येभुय्येन पक्तूपनिस्सयोव होति, कोचि पनेत्थ कम्मपच्चयो च होतीति । “आरम्मणपुरेजाते पनेत्थ इन्द्रियविप्पयुत्तपच्चयता न लब्भती”ति वुत्तं । तत्थ आरम्मणपुरेजातन्ति यदि कच्चि आरम्मणभूतं पुरेजातं वुत्तं, आरम्मणभूतस्स वत्थुस्स विप्पयुत्तपच्चयता लब्भतीति सा न लब्भतीति न वत्तब्बा । अथ पन वत्थुपुरेजाततो अज्जं वत्थुभावरहितारम्मणमेव “आरम्मणपुरेजात”न्ति वुत्तं, तस्स निस्सयपच्चयता न लब्भतीति “निस्सयिन्द्रियविप्पयुत्तपच्चयता न लब्भती”ति वत्तब्बं । इतो उत्तरिपीति पुरेजाततो परतोपीति अत्थो, इतो वा इन्द्रियविप्पयुत्ततो निस्सयिन्द्रियविप्पयुत्ततो वा उत्तरि आरम्मणाधिपतिआदि च लब्भमानालब्भमानं वेदितब्बन्ति अत्थो वत्तब्बो । कम्मादीसु पन लब्भमानालब्भमानं न वक्खतीति पुरिमोयेवेत्थ अत्थो अधिप्पेतो ।

“कबळीकारो आहारो आहारपच्चयोवा”ति पुरिमपाठो, अत्थिअविगतपच्चयोपि पन सो होति, तेन “कबळीकारो आहारो आहारपच्चयत्तं अविजहन्तोव अत्थिअविगतानं वसेन अपरेहिपि द्वीहाकारेहि अनेकपच्चयभावं गच्छती”ति पठन्ति ।

“यथानुरूपं ज्ञानपच्चये वुत्तानं दसन्नं हेतुअधिपतीनज्जाति इमेसं वसेना”ति पुरिमपाठो, “यथानुरूपं ज्ञानपच्चये वुत्तानं मग्गवज्जानं नवन्नं हेतुअधिपतिज्ञानानज्जाति इमेसं वसेना”ति पच्छिमपाठो, तेसु विचारेत्वा युत्तो गहेतब्बो ।

समनन्तरनिरुद्धताय आरम्मणभावेन च सदिसो पच्चयभावो पच्चयसभागता, विरुद्धपच्चयता पच्चयविसभागता । “इमिना उपायेना”ति वचनतो हेतुआदीनं सहजातानं सहजातभावेन सभागता, सहजातासहजातानं हेतुआरम्मणादीनं

अञ्जमञ्जविसभागताति एवमादिना उपायेन सभागता विसभागता योजेतब्बा ।

जनकायेव, न अजनकाति जनकभावप्पधानायेव हुत्वा पच्चया होन्ति, न उपत्थम्भकभावप्पधानाति अत्थो दट्ठब्बो । येसं हेतुआदयो पच्चया होन्ति, ते तेहि विना नेव उप्पज्जन्ति, न च पवत्तन्तीति तेसं उभयप्पधानता वुत्ता । न हि ते अनन्तरादयो विय जननेनेव पवत्तिं करोन्तीति ।

सब्बेसं ठानं कारणभावो सब्बद्वानं, तं एतेसं अत्थीति **सब्बद्वानिका** । उपनिस्सयं भिन्दन्तेन तयोपि उपनिस्सया वत्तब्बा, अभिन्दित्वा वा उपनिस्सयग्गहणमेव कातब्बं । तत्थ भिन्दनं पकतूपनिस्सयस्स रूपानं पच्चयत्ताभावदस्सनत्थं, आरम्मणानन्तरूपनिस्सयानं पन पुब्बे आरम्मणाधिपतिअनन्तरग्गहणेहि गहितत्ता तेसु एकदेसेन अनन्तरूपनिस्सयेन इतरम्पि दस्सेतीति दट्ठब्बं । **पुरेजातपच्छाजातापि असब्बद्वानिका** अरूपरूपानञ्जेव यथाक्कमेन पच्चयभावतोति एत्थ पुरेजातपच्चयो अनन्तरादीसु एव वत्तब्बो तंसमानगतिकत्ता, न च युगळभावो पच्छाजातेन सह कथने कारणं असब्बद्वानिकदस्सनमत्तस्स अधिप्पेतत्ताति तं तत्थ पठित्वा “पच्छाजातोपि असब्बद्वानिको रूपानंयेव पच्चयभावतो”ति पठन्ति ।

पच्चयनिद्देसपकिण्णकविनिच्छयकथावण्णना निड्ढिता ।

पुच्छावारो

१. पच्चयानुलोमवण्णना

एकेकं तिकदुकन्ति एकेकं तिकं दुक्कञ्चाति अत्थो, न तिकदुकन्ति ।

पच्चया चेवाति ये कुसलादिधम्मे पटिच्चाति वुत्ता, ते पटिच्चत्थं फरन्ता कुसलादिपच्चया चेवाति अत्थो । तेनेवाह “**ते च खो सहजातावा**”ति । येहि पन हेतादिपच्चयेहि उप्पत्ति वुत्ता, ते सहजातापि होन्ति असहजातापीति । एत्थ पटिच्चसहजातवारेहि समानत्थेहि पटिच्चसहजाताभिधानेहि समानत्थं बोधेन्तेन भगवता पच्छिमवारेन पुरिमवारो, पुरिमवारेन च पच्छिमवारो च बोधितोति वेदितब्बो । एस नयो पच्चयनिस्सयवारेसु संसट्ठसम्पयुत्तवारेसु च, एवञ्च निरुत्तिकोसल्लं जनितं होतीति ।

“ते ते पन पञ्हे उद्धरित्वा पुन कुसलो हेतु हेतुसम्पयुत्तकानं धम्मान”न्ति लिखितं । “कुसला हेतू सम्पयुत्तकानं खन्धान”न्ति (पट्ठा० १.१.४०१) पञ्हावारपाठोति पमादलेखा एसाति पाळियं आगतपाठमेव पठन्ति । पुरिमवारेसु सहजातनिस्सयसम्पयुत्तपच्चयभावेहि कुसलादिधम्मे नियमेत्वा तस्मिं नियमे कुसलादीनं हेतुपच्चयादीहि उप्पत्तिं पुच्छित्वा विस्सज्जनं कतं, न तत्थ “इमे नाम ते धम्मा हेतादिपच्चयभूता”ति विज्जायन्ति, तस्मा तत्थ “सिया कुसलं धम्मं पटिच्च कुसलो धम्मो उप्पज्जेय्य हेतुपच्चया”ति (पट्ठा० १.१.२५) एवमादीहि सङ्गहिते पटिच्चत्थादिफरणकभावे हेतादिपच्चयपच्चयुप्पन्नेसु हेतादिपच्चयानं निच्छयाभावतो पञ्हा निज्जटा निग्गुम्बा च कत्वा न विभत्ता, इध पन “सिया कुसलो धम्मो कुसलस्स धम्मस्स हेतुपच्चयेन पच्चयो”ति एवमादीहि सङ्गहिता हेतादिपच्चयभूता कुसलादयो पच्चयुप्पन्ना च निच्छिता, न कोचि पुच्छासङ्गहितो अत्थो अनिच्छितो नाम अत्थीति आह “**सब्बेपि ते पञ्हा निज्जटा निग्गुम्बा च कत्वा विभत्ता**”ति । पञ्हा पन उद्धरित्वा विस्सज्जनं सब्बत्थ समानन्ति न तं सन्धाय निज्जटता वुत्ताति दट्ठब्बा ।

उपपत्तिया पञ्जापितत्ताति पुच्छामत्तेनेव उपपत्तिया ठपितत्ता पकासितत्ता, नानपकारेहि वा आपितत्ताति अत्थो ।

२५-३४. परिकप्पपुच्छाति विधिपुच्छा । किं सियाति एसो विधि किं अत्थीति अत्थो । किं सिया, अथ न सियाति सम्पुच्छनं वा परिकप्पपुच्छाति वदति । किमिदं सम्पुच्छनं नाम? समेच्च पुच्छनं, “किं सुत्तन्तं परियापुणेय्य, अथ अभिधम्म”न्ति अज्जेन सह सम्पधारणन्ति अत्थो । यो कुसलो धम्मो उपपज्जेय्य हेतुपच्चया, सो कुसलं धम्मं पटिच्च सियाति एतस्मिं अत्थे सति पच्छाजातविपाकपच्चयेसुपि सब्बपुच्छानं पवत्तितो “यो कुसलो धम्मो उपपज्जेय्य पच्छाजातपच्चया विपाकपच्चया, सो कुसलं धम्मं पटिच्च सिया”ति अयमत्थो विज्जायेय्य, तथा च सति पच्छाजातपच्चया विपाकपच्चयाति उपपज्जमानं निद्वारेत्वा तस्स कुसलं धम्मं पटिच्च भवनस्स पुच्छनतो कुसलानं तेहि पच्चयेहि उपपत्ति अनुज्जाताति आपज्जति, न च तंतंपच्चया उपपज्जमानानं कुसलादीनं कुसलादिधम्मे पटिच्च भवनमत्थिता एत्थ पुच्छिता, अथ खो उपपत्ति, एवञ्च कत्वा विस्सज्जने “कुसलं धम्मं पटिच्च कुसलो धम्मो उपपज्जती”ति उपपत्तियेव विस्सज्जिताति, तस्मा अयमत्थो सदोसोति “अथ वा”ति अत्थन्तरवचनं वुत्तं ।

तत्थ “कुसलो धम्मो उपपज्जेय्या”ति उपपत्तिं अनुजानित्वा “हेतुपच्चया सिया एत”न्ति तस्सा हेतुपच्चया भवनपुच्छनं, “उपपज्जेय्य हेतुपच्चया”ति हेतुपच्चया उपपत्तिं अनुजानित्वा तस्सा “सिया एत”न्ति भवनपुच्छनञ्च न युत्तं । अनुज्जातज्झि निच्छितमेवाति । तस्मा अननुजानित्वा “कुसलं धम्मं पटिच्च कुसलो धम्मो उपपज्जेय्य हेतुपच्चया”ति एवं यथावुत्तं उपपज्जनं किं सियाति पुच्छतीति दट्ठब्बं । उपपज्जेय्याति वा इदम्पि सम्पुच्छनमेव, कुसलं धम्मं पटिच्च कुसलो धम्मो किं उपपज्जेय्य हेतुपच्चयाति अत्थो । सियाति यथापुच्छितस्सेव उपपज्जनस्स सम्भवं पुच्छति “किं एवं उपपज्जनं सिया सम्भवेय्या”ति, अयं नयो सियासद्वस्स पच्छायाजने । यथाठानेयेव पन ठिता “सिया”ति एसा सामञ्जपुच्छा, तां पन पुच्छाय “इदं नाम पुच्छित”न्ति न विज्जायतीति तस्सायेव पुच्छाय विसेसनत्थं “कुसलं धम्मं पटिच्च कुसलो धम्मो उपपज्जेय्य हेतुपच्चया”ति पुच्छति, एवं विसेसितब्बविसेसनभावेन द्वेपि पुच्छा एकायेव पुच्छाति दट्ठब्बा ।

गमनुस्सुक्कवचनन्ति गमनस्स समानकत्तुकपच्छिमकालकिरियापेक्खवचनन्ति अत्थो । यदिपि पटिगमनुप्पत्तीनं पुरिमपच्छिमकालता नत्थि, पच्चयपच्चयुप्पन्नानं पन सहजातानम्पि पच्चयपच्चयुप्पन्नभावेन गहणं पुरिमपच्छिमभावेनेव होतीति गहणप्पवत्तिआकारवसेन पच्चयायत्तताअत्तपटिलाभसङ्घातानं पटिगमनुप्पत्तिकिरियानम्पि पुरिमपच्छिमकालवोहारो होतीति दट्ठब्बो । गमनं वा उपपत्ति एवाति गच्छन्तस्स पटिगमनं उपपज्जन्तस्स पटिउपपज्जनं समानकिरिया । पटिकरणज्झि पटिसद्वत्थोति । तस्मा “कुसलं धम्म”न्ति उपयोगनिहिद्वं पच्चयं उपपज्जमानं पटिच्च तदायत्तुप्पत्तिया पटिगन्त्वाति अयमेत्थ अत्थो, तेन पटिच्चाति सहजातपच्चयं कत्वाति वुत्तं होति । सहजातपच्चयकरणज्झि उपपज्जमानाभिमुखउपपज्जमानं पटिगमनं, तं कत्वाति पटिच्चसद्वस्स अत्थोति ।

३५-३८. तासु पाळियं द्वेयेव दस्सिताति हेतारम्मणदुके द्विन्नं पुच्छानं दस्सितत्ता वुत्तं । एत्थ च एकमूलकादिभावो पुच्छानं वुत्तोति वेदितब्बो, पच्चयानं पन वसेन सब्बपठमो पच्चयन्तरेन अवोमिस्सकत्ता सुद्धिकनयो, दुतियो आरम्मणादीसु एकेकस्स हेतु एव एकमूलकन्ति कत्वा एकमूलकनयो । एवं हेतारम्मणदुकादीनं अधिपतिआदीनं मूलभावतो दुकमूलकादयो नया वेदितब्बा । तेवीसतिमूलकनयो च ततो परं मूलस्स अभावतो “सब्बमूलक”न्ति पाळियं वुत्तो । तत्थ नपुंसकनिद्वेसेन एक...पे०... सब्बमूलकं पच्चयगमनं पाळिगमनं वाति विज्जायति, एक...पे०... सब्बमूलकं नयं असम्पुहन्तेनाति उपयोगो वा, इध च सब्बमूलकन्ति च तेवीसतिमूलकस्सेव वुत्तत्ता पच्चनीये वक्खति “यथा अनुलोमे एकेकस्स पदस्स एकमूलकं...पे०... याव तेवीसतिमूलकं, एवं पच्चनीयेपि वित्थारेतब्ब”न्ति (पट्ठा० अट्ठ० १.४२-४४) ।

३९-४०. “आरम्भणपच्चया हेतुपच्चयाति एत्तावता आरम्भणपच्चयं आदिं कत्वा हेतुपच्चयपरियोसानो एकमूलकनयो दस्सितो”ति वुत्तं, एवं सति विनये विय चक्कबन्धनवसेन पाळिगति आपज्जति, न हेट्ठिमसोधनवसेन । हेट्ठिमसोधनवसेन च इध अभिधम्मे पाळि गता, एवञ्च कत्वा विस्सज्जने “आरम्भणपच्चया हेतुया तीणि, अधिपतिपच्चया तीणि, अधिपतिपच्चया हेतुया नव, आरम्भणे तीणी”तिआदिना हेट्ठिमं सोधेत्वाव पाळि पवत्ता । यो चेत्थ “एकमूलकनयो”ति वुत्तो, सो सुद्धिकनयोव । सो च विसेसाभावतो आरम्भणमूलकादीसु न लब्भति । न हि आरम्भणादीसु तस्मिं तस्मिं आदिहि ठपितेपि पच्चयन्तरेन सम्बन्धाभावेन आदिहि वुत्तसुद्धिकतो विसेसत्थो लब्भति, तेनेव विस्सज्जनेपि आरम्भणमूलकादीसु सुद्धिकनयो न दस्सितोति, तस्मा “आरम्भणपच्चया हेतुपच्चया आरम्भणपच्चया अधिपतिपच्चया...पे०... आरम्भणपच्चया अविगतपच्चया”ति (पट्ठा० १.१.३९) अयं हेट्ठिमसोधनवसेन एकस्मिं आरम्भणपच्चये हेतुपच्चयादिके योजेत्वा वुत्तो एकमूलकनयो दट्ठब्बो । “आरम्भणपच्चया...पे०... अविगतपच्चया”ति वा एकमूलकेसु अनन्तरपच्चयस्स मूलकं आरम्भणं दस्सेत्वा एकमूलकादीनि संखिपित्वा सब्बमूलकस्सावसानेन अविगतपच्चयेन निट्ठापितन्ति दट्ठब्बं । अधिपतिपच्चया अनन्तरपच्चया समनन्तरपच्चया सहजातपच्चया अज्जमज्जपच्चयाति इदं मूलमेव दस्सेत्वा एकमूलकादीनं संखिपनं दट्ठब्बं, न सुद्धिकदस्सनं, नापि सब्बमूलके कतिपयपच्चयदस्सनं ।

४१. ततो निस्सयादीनि मूलानिपि संखिपित्वा अविगतमूलकनयं दस्सेत्तुं “अविगतपच्चया हेतुपच्चया”तिआदि आरब्धं । एतस्मिञ्च सुद्धिकस्स अदस्सनेन आरम्भणमूलकादीसु विसुं विसुं सुद्धिकनयो न लब्भतीति आपितो होति । न हि आदि कत्थचि संखेपन्तरगतो होति । आदिअन्तेहि मज्झिमानं दस्सनज्हि सङ्खेपो, आदितो पभुति कतिचि वत्वा गतिदस्सनं वाति । दुतियचतुक्कं वत्वा “विगतपच्चया”ति पदं उद्धरित्वा ठपितं । तेन ओसानचतुक्कं दस्सेति । ततियचतुक्कतो पभुति वा पच्चकमूलानि संखिपित्वा सब्बमूलकस्स अवसानेन निट्ठपेति ।

एत्थ च दुकमूलकादीसु यथा हेतुआरम्भणदुकेन सद्धि अवसेसा पच्चया योजिता, हेतारम्भणाधिपतितिकादीहि च अवसेसावसेसा, एवं हेतुअधिपतिदुकादीहि हेतुअधिपतिअनन्तरतिकादीहि च अवसेसावसेसा योजेतब्बा सियुं । यदि च सब्बेसं पच्चयानं मूलभावेन योजितत्ता हेतुमूलके हेतुअधिपतिआदिदुकानं अधिपतिमूलकादीसु अधिपतिहेतुआदिदुकेहि विसेसो नत्थि । ते एव हि पच्चया उप्पटिपाटिया वुत्ता, तथापि आरम्भणमूलकादीसु आरम्भणाधिपतिदुकादीनं अवसेसावसेसेहि, हेतुमूलके च हेतुअधिपतिअनन्तरतिकादीनं अवसेसावसेसेहि योजने अत्थि विसेसोति । यस्मा पन एवं योजियमानेसुपि सुखग्गहणं न होति, न च यथावुत्ताय योजनाय सब्बा सा योजना पज्जवता न सक्का विज्जातुं, तस्मा तथा अयोजेत्वा अनुपुब्बेनेव योजना कताति दट्ठब्बा । धम्मानं देसनाविधाने हि भगवाव पमाणन्ति । गणनागाथा आदिमपाठे काचि विरुद्धा, तस्मा सुट्ठु गणेत्वा गहेतब्बा ।

“द्वावीसतिया तिकेसु एकेकं तिकं दुकानं सतेन सतेन सद्धिं योजेत्वा”ति वुत्तं, तं दुकतिकपट्टाने केसज्जि पोत्थकानं वसेन वुत्तं । केसुचि पन एकेको दुको द्वावीसतिया द्वावीसतिया तिकेहि योजितो, तज्ज गमनं युत्तं । न हि तत्थ तिकस्स योजना अत्थि, अथ खो तिकानं एकेकेन पदेन दुकस्साति । तत्थ छसट्ठिया तिकपदेसु एकेकेन संसन्दित्वा छसट्ठि हेतुदुका, तथा सहेतुकदुकादयो चाति दुकानं छसताधिकानि छसहस्सानि होन्ति । तेसु एकेकस्मिं पटिच्चवारादयो सत्त वारा नया पुच्छा च सब्बा दुकपट्टाने हेतुदुकेन समाना ।

“दुकसते एकेकं दुकं द्वावीसतिया तिकेहि सद्धिं योजेत्वा”ति च वुत्तं, तम्पि तिकदुकपट्टाने केसज्जि पोत्थकानं

वसेन वुत्तं । वुत्तनयेन पन युत्तगमनेसु एकेको तिको दुकसतेन योजितो । तत्थ हेतुपदं पक्खिपित्वा वुत्तो एको कुसलत्तिको, तथा नहेतुपदं... पे०... अरणपदन्ति कुसलत्तिकानं द्वे सतानि होन्ति, तथा वेदनात्तिकादीनम्पीति सब्बेसं चतुसताधिकानि चत्तारि सहस्सानि होन्ति । तेसु एकेकस्मिं वारनयपुच्छा तिकपट्टाने कुसलत्तिकेन समाना ।

“छ अनुलोमम्हि नया सुगम्भीरा”ति वचनतो पनाति एतेन इदं दस्सेति — “अनुलोमम्ही”ति “तिकादयो छनया”ति च अविसेसेन वुत्तत्ता पटिच्चवारादिवसेन सत्तविधम्पि अनुलोमं सह गहेत्वा “छ अनुलोमम्ही”ति वुत्तं, अनुलोमादिवसेन चतुब्बिधं तिकपट्टानं सह गहेत्वा “तिकञ्च पट्टानवर”न्ति, तथा चतुब्बिधानि दुकपट्टानादीनि सह गहेत्वा “दुकुत्तम”न्तिआदिं वत्वा “छ नया सुगम्भीरा”ति वुत्तन्ति इममत्थं गहेत्वा इमस्मिं पच्चयानुलोमे सत्तप्पभेदे छपि एते पट्टाना पट्टाननया चतुप्पभेदा पुच्छावसेन उद्धरितब्बाति । एवञ्चि सब्बस्मिं पट्टाने सब्बो पच्चयानुलोमो दस्सितो होतीति । पच्चनीयगाथादीसुपि एसेव नयो । एत्थ च दुकतिकपट्टानादीसु विसेसितब्बेहि तिकेहि पट्टानं तिकपट्टानं । दुकानं तिकपट्टानं दुकतिकपट्टानं । दुकविसेसिता वा तिका दुकतिका, दुकतिकानं पट्टानं दुकतिकपट्टानन्ति इमिना नयेन वचनत्थो वेदितब्बो । दुकादिविसेसितस्स चेत्य तिकादिपदस्स दुकादिभावो दट्ठब्बो । दुकपट्टानमेव हि तिकपदसंसन्दनवसेन दुकपदसंसन्दनवसेन च पवत्तं दुकतिकपट्टानं दुकदुकपट्टानञ्च, तथा तिकपट्टानमेव दुकपदसंसन्दनवसेन तिकपदसंसन्दनवसेन च पवत्तं तिकदुकपट्टानं तिकतिकपट्टानञ्चाति ।

पच्चयानुलोमवण्णना निड्डिता ।

२. पच्चयपच्चनीयवण्णना

४२-४४. तेवीसतिमूलकन्ति इदञ्चेत्थ दुमूलकंयेव सन्धाय वुत्तन्ति इदं दुकमूलके पुच्छानं मूलभूता तेवीसति दुका सम्भवन्तीति तस्स “तेवीसतिमूलक”न्ति नामं कत्वा याव यत्तको पभेदो अत्थि, ताव तत्तकं तेवीसतिमूलकं यथानुलोमे वित्थारितं । एवं पच्चनीयेपि वित्थारेतब्बन्ति दुकमूलकेन तिकमूलकादीसु नयं दस्सेतीति इमिना अधिप्पायेन वुत्तं सिया । यदि पन याव तेवीसतिमं मूलं यथा वित्थारितन्ति अयमत्थो अधिप्पेतो, “याव तेवीसतिमं मूल”न्त्वेव पाठेन भवितब्बं सिया । न हि “तेवीसतिमूलक”न्ति एतस्स ब्यञ्जनस्स तेवीसतिमं मूलकन्ति अयमत्थो सम्भवति । यथा अनुलोमे “एकेकपदस्सा”तिआदिना पन एकमूलादिसब्बमूलकपरियोसानं तत्थ नयदस्सनवसेन दस्सितं एकेकस्स पदस्स वित्थारं दस्सेतीति सब्बमूलकमेव चेत्य “तेवीसतिमूलक”न्ति वुत्तन्ति वेदितब्बं । तच्च तेवीसतिया पच्चयानं अवसेसस्स पच्चयस्स मूलभावतो “तेवीसतिमूलक”न्ति च ततो परं मूलस्स अञ्जस्स अभावतो “सब्बमूलक”न्ति च वुच्चति ।

पच्चयपच्चनीयवण्णना निड्डिता ।

३. अनुलोमपच्चनीयवण्णना

४५-४८. अनुलोमे वुत्तेसु सब्बेसु एकमूलकादीसु एकेकं पदं परिहापेत्वाति तत्थ एकमूलके चतुवीसति पच्चयपदानि इध एकमूलके तेवीसति, एको पन पच्चयो मूलभावेन ठितो अपुब्बताभावतो अगणनूपगो । तत्थ दुमूलके तेवीसति पच्चयपदानि गणनूपगानि, इध दुमूलके द्वावीसतीति एवं परिहापेत्वाति अत्थो ।

अनुलोमतो ठितस्स पच्चनीयतो अलब्भमानानं सुद्धिकपच्चयानञ्च अलब्भमानतं सन्धाय “लब्भमानपदान”न्ति वुत्तं । न हि अञ्जथा पुच्छावसेन कोचि पच्चयो अलब्भमानो नाम अत्थीति । विस्सज्जनावसेनेव वा पवत्तं

अनुलोमपच्चनीयदेसनं सन्धाय “लब्धमानपदान”न्ति वुत्तं ।

अनुलोमपच्चनीयवण्णना निट्ठिता ।

पुच्छावारवण्णना निट्ठिता ।

१. कुसलत्तिकं

१. पटिच्चवारवण्णना

१. पच्चयानुलोमं

(१) विभङ्गवारो

५३. या कुसलत्तिके लभन्ति, न तायेव वेदनात्तिकादीसूति तिकपदनानत्तमत्तेन विना मूलावसानवसेन सदिसतं सन्धाय “न तायेवा”ति वुत्तं, न च केवलं तिकन्तरेयेव, कुसलत्तिकेपि पन या पटिच्चवारे लभन्ति, न तायेव पच्चयवारादीसूति सब्बपुच्छासमाहरणं इध कत्तब्बमेव । धम्मानुलोमपच्चनीये च तिकपट्टाने वितक्कत्तिकपीतित्तिकानं विस्सज्जने सब्बापेता विस्सज्जनं लभन्तीति एत्थ पीतित्तिकग्गहणं न कातब्बं । न हि तत्थ एकूनपज्जास पुच्छा विस्सज्जनं लभन्तीति ।

तेन सद्धिन्ति तेन सहजातपच्चयभूतेन सद्धिन्ति अत्थो दट्ठब्बो । “याव निरोधगमना उद्धं पज्जती”ति च “उप्पादादयो वा पापुणाती”ति च वचनेहि खणत्तयसमङ्गी उप्पज्जतीति वुच्चतीति अनुज्जातं विय होति, उप्पादक्खणसमङ्गीयेव पन एवं वुत्तोति दट्ठब्बो ।

यस्मा पन एको खन्धो एकस्सातिआदि इध कुसलवचनेन गहिते खन्धे सन्धाय वुत्तं । वेदनात्तिकादीसु पन एकं खन्धं पटिच्च द्विन्नं, द्वे पटिच्च एकस्सपि, हेतुदुकादीसु च सङ्खारक्खन्धेकदेसं पटिच्च सङ्खारक्खन्धेकदेसस्सपि उप्पत्ति वुत्ताति सह उप्पज्जमानानं सब्बेसं धम्मानं पच्चयो होन्तो एकेकस्सपि दुकत्तिकादिभेदानज्च पच्चयो नाम होतियेव, तथा दुकादिभेदानज्चाति ।

“रूपेन सद्धिं अनुप्पत्तितो आरुप्पविपाकज्च न गहेतब्ब”न्ति वुत्तं, तं पन न सब्बस्मिं एतस्मिं वचने गहेतब्बं, अथ खो “चित्तसमुट्ठानज्च रूप”न्ति एत्थेव । न केवलज्च आरुप्पविपाकोव, अथ खो लोकुत्तरविपाककिरियाब्बाकतम्पि आरुप्पे उप्पज्जमानं एत्थ न गहेतब्बं । “विपाकाब्बाकतं किरियाब्बाकतं एकं खन्धं पटिच्च तयो खन्धा”ति एत्थ पन न किञ्चि रूपेन विना सह वा उप्पज्जमानं सहेतुकं विपाककिरियाब्बाकतं अग्गहितं नाम अत्थि । तत्थ पन यं रूपेन सह उप्पज्जति, तस्स पच्चयुप्पन्नविसेसं दस्सेतुं “चित्तसमुट्ठानज्च रूप”न्ति वुत्तं ।

“वत्थुं पटिच्च खन्धा”ति एतके वत्तब्बे पच्चयभूतस्स वत्थुस्स “कटत्ता च रूप”न्ति एतस्मिं सामज्जवचने पच्चयुप्पन्नभावेन अग्गहिततापत्तिं निवारेतुं “खन्धे पटिच्च वत्थू”ति वुत्तं । खन्धे पटिच्च वत्थु, वत्थुं पटिच्च खन्धाति वा वत्थुखन्धानं अज्जमज्जपच्चयभूतानं पच्चयभावविसेसदस्सनत्थं अज्जमज्जापेक्खं वचनद्वयं वुत्तं सामज्जेन गहितम्पि विसुं उद्धटं ।

महाभूतेपि पटिच्च उप्पत्तिदस्सनत्तन्ति यं चित्तसमुद्धानरूपं कटत्तारूपञ्च उपादारूपं उपादारूपगहणेन विना “खन्धे पटिच्च उप्पज्जती”ति वुत्तं, तस्स महाभूतेपि पटिच्च उप्पत्तिदस्सनत्थन्ति अत्थो। एतस्मिं पन दस्सने खन्धपच्चयसहितासहितञ्च सब्बं उपादारूपं इतो परेसु सहजातपच्चयादीसु सङ्गहितन्ति इममत्थं सन्धाय “कटत्तारूपं पटिसन्धियम्पी”ति पि-सदो वुत्तोति दट्ठब्बो।

महाभूते पटिच्च उपादारूपन्ति वुत्तनयेनाति “महाभूते पटिच्च चित्तसमुद्धानं रूपं कटत्तारूपं उपादारूप”न्ति एत्थ अत्थतो अयं नयो वुत्तोति सन्धायाह।

५४. रूपमिस्सका पहायाति यासु पुच्छासु रूपेण विना पच्चयुप्पन्नं न लब्धति, अथ खो रूपमिस्सकमेव लब्धति, ता पहायाति अधिप्पायो।

५७. “तिण्णं सन्निपाता गब्भस्स अवक्कन्ति होती”ति वचनतोति गब्भसेय्यकपटिसन्धिया पञ्चक्खन्धसम्भावेन तां समानलक्खणा सब्बापि पञ्चवोकारपटिसन्धि ओक्कन्तिनामकाति साधेति। परिपुण्णधम्मानं विस्सज्जनं एत्थ अत्थीति परिपुण्णविस्सज्जना।

एत्थ च “एकं महाभूतं पटिच्च तयो...पे०... महाभूते पटिच्च चित्तसमुद्धानं रूपं कटत्तारूपं उपादारूप”न्ति (पट्ठा० १.१.५३) एत्तावता पञ्चवोकारे सब्बं चित्तकम्मसमुद्धानरूपं दस्सितं। अवसेसं पन दस्सेतुं “बाहिर”न्तिआदि वुत्तं। तत्थ बाहिरन्ति एतेन अनिन्द्रियबद्धरूपं दस्सेति, पुन आहारसमुद्धानं उतुसमुद्धानन्ति एतेहि सब्बं इन्द्रियबद्धं आहारउतुसमुद्धानरूपं। तत्थ “उतुसमुद्धानं एक”न्तिआदिना असज्जसत्तानम्पि उतुसमुद्धानं वुत्तमेवाति दट्ठब्बं। न हि तत्थ तस्स वज्जने कारणं अत्थीति। आदिमि पन “एकं महाभूतं पटिच्चा”तिआदि अविसेसवचनं सहजातं अरूपम्पि पच्चयं हेतादिके च पच्चये बहुते लभन्तं चित्तसमुद्धानकटत्तारूपद्वयं सह सङ्गहित्वा वुत्तं, एवञ्च कत्वा तस्स परियोसाने “महाभूते पटिच्च चित्तसमुद्धानरूपं कटत्तारूपं उपादारूप”न्ति वुत्तं, तस्मा तत्थ कटत्तारूपं चित्तसमुद्धानसम्बन्धं तंसमानगतिकं पञ्चवोकारे वत्तमानमेव गहितन्ति अगगहितं कटत्तारूपं दस्सेतुं “असज्जसत्तानं एकं महाभूतं पटिच्चा”तिआदि वुत्तं, तस्मा उपादारूपं इधपि कम्मपच्चयविभङ्गे विय “महाभूते पटिच्च कटत्तारूपं उपादारूप”न्ति (पट्ठा० १.१.६३) कटत्तारूपभावविसिद्धं उपादारूपं गहितन्ति दट्ठब्बं। न हि वुत्तस्स उतुसमुद्धानस्स पुनवचने पयोजनं अत्थीति।

कस्मा पन यथा बाहिरादीसु “महाभूते पटिच्च उपादारूप”न्ति अविसेसेत्वा उपादारूपं वुत्तं, एवं अवत्वा चित्तकम्मजउपादारूपानि “चित्तसमुद्धानं रूपं कटत्तारूपं उपादारूप”न्ति हेतुपच्चयादीसु सह “चित्तसमुद्धानं रूपं उपादारूपं असज्जसत्तानं...पे०... कटत्तारूपं उपादारूप”न्ति अधिपतिपच्चयादीसु विसुं चित्तसमुद्धानरूपभावकटत्तारूपभावेहि विसेसेत्वाव वुत्तानीति? तत्थ बाहिरगगहणादीहि विय एत्थ महाभूतानं केनचि अविसेसितत्ता। अपिच इद्धिचित्तनिब्बत्तानं कम्मपच्चयानञ्च इट्ठानिट्ठानं बाहिररूपायतनादीनं चित्तं कम्मञ्च हेतादीसु न कोचि पच्चयो, आहारउतुसमुद्धानानं पन चित्तं पच्छाजातभावेन उपत्थम्भकमेव, न जनकं, महाभूतानेव पन तेसं सहजातादिभावेन जनकानि, तस्मा सतिपि चित्तेन कम्मेन च विना अभावे हेतादिपच्चयभूतेहि अरूपेहि उप्पज्जमानानि चित्तसमुद्धानरूपकटत्तारूपभूतानेव उपादारूपानि होन्ति, न अज्जानीति इमं विसेसं दस्सेतुं चित्तकम्मजेस्वेव उपादारूपेसु विसेसनं कतं। अज्जानि वा समानजातिकेन रूपेण समुद्धानानि पाकटविसेसनानेवाति न विसेसनं अरहन्ति, एतानि पन असमानजातिकेहि अरूपेहि समुद्धानि विसेसनं अरहन्तीति विसेसितानीति वेदितब्बानि। यथा वा चित्तकम्मनि

चित्तकम्मसमुद्धानां सविसेसेन पच्चयभावेन पच्चया होन्ति सहजातादिपच्चयभावतो मूलकरणभावतो च, न एवं उतुआहारा तंसमुद्धानानन्ति चित्तकम्मजानेव विसुं विसेसनं अरहन्ति । इतरानि पन महाभूतविसेसेनेव विसेसितानि, इध उपादारूपविसेसेनेन महाभूतानि विय । न हि अज्जतरविसेसनं उभयविसेसनं न होतीति ।

५८. अज्जमज्जपच्चये खन्धे पटिच्च वत्थु, वत्थुं पटिच्च खन्धाति खन्धवत्थूनं अज्जमज्जपच्चयतादस्सनेन पुब्बे विसुं पच्चयभावेन दस्सितानं खन्धानं एकतो पच्चयभावो दस्सितो होतीति इमिना अधिप्पायेनाह “**चतुन्नम्पि खन्धानं एकतो वत्थुना अज्जमज्जपच्चयतं दस्सेतुं वुत्त**”न्ति । “खन्धे पटिच्च वत्थू”ति इदं पन चतुन्नम्पि खन्धानं एकतो पटिच्चत्थफरणतादस्सनत्थं, “वत्थुं पटिच्च खन्धा”ति वत्थुस्स । न केवलज्ज खन्धानं इधेव, हेतुपच्चयादीसुपि अयमेव नयो । तत्थ सब्बेसं खन्धानं विसुं पटिच्चत्थफरणतं दस्सेत्वा पुन “वत्थुं पटिच्च खन्धा”ति वत्थुस्सपि दस्सिताय “एकं खन्धज्ज वत्थुज्ज पटिच्च तयो खन्धा”तिआदिना खन्धवत्थूनज्ज दस्सितायेव होतीति दट्ठब्बा ।

कस्मा पनेत्थ “कुसलं धम्मं पटिच्च अब्बाकतो धम्मो उप्पज्जति अज्जमज्जपच्चया, कुसले खन्धे पटिच्च चित्तसमुद्धाना महाभूता”ति एवमादि न वुत्तं, ननु यदेव पटिच्चत्थं फरति, न तेनेव अज्जमज्जपच्चयेन भवितब्बं हेतुपच्चयादीहि विय । न हि यं “एकं तयो द्वे च खन्धे पटिच्चा”ति वुत्तं, ते हेतुपच्चयभूता एव होन्ति । एस नयो आरम्मणपच्चयादीसुपि । पच्चयवारे च “अब्बाकतं धम्मं पच्चया कुसलो धम्मो उप्पज्जति अज्जमज्जपच्चया”ति (पट्ठा० १.१.२५६) वुत्तं, न वत्थु कुसलानं अज्जमज्जपच्चयो होति, अथ च पन तंपच्चया खन्धानं अज्जमज्जपच्चया उप्पत्ति वुत्ता एव । यदिपि कुसला खन्धा महाभूतानं अज्जमज्जपच्चया न होन्ति, तथापि ते पटिच्च तेसं उप्पत्ति वत्तब्बा सियाति? न वत्तब्बा खन्धसहजातानं महाभूतानं खन्धानं पच्चयभावाभावतो । अज्जमज्जसद्दो हि न हेतादिसद्दो विय निरपेक्खो, सहजातादिसद्दो विय वा अज्जतरापेक्खो, अथ खो यथावुत्तेतरेतरापेक्खो । पच्चयपच्चयुप्पन्ना च खन्धा महाभूता इध यथावुत्ता भवेय्युं, तेसु च महाभूता खन्धानं न कोचि पच्चयो । यस्स च सयं पच्चयो, ततो तेन तन्निस्सितेन वा अज्जमज्जपच्चयेन उप्पज्जमानं अज्जमज्जपच्चया उप्पज्जतीति वत्तब्बतं अरहति, यथा खन्धे पटिच्च खन्धा, वत्थुं पच्चया खन्धा । तस्मा अत्तनो पच्चयस्स पच्चयत्ताभावतो तदपेक्खत्ता च अज्जमज्जसद्दस्स खन्धे पटिच्च पच्चया च महाभूतानं अज्जमज्जपच्चया उप्पत्ति न वुत्ता, न अज्जमज्जपच्चया च वुत्ता । खन्धा पन वत्थुं पच्चया उप्पज्जमाना वत्थुस्स पच्छाजातपच्चया होन्ति, तन्निस्सितेन च अज्जमज्जपच्चयेन उप्पज्जन्ति । तस्मा वत्थुं पच्चया खन्धानं कुसलादीनं अज्जमज्जपच्चया उप्पत्ति वुत्ताति ।

५९. न सा गहिताति चक्खायतनादीनि निस्सयभूतानि पटिच्चाति न वुत्तन्ति अधिप्पायो । निस्सयपच्चयभावेन पन न चक्खायतनादीनि आरम्मणपच्चयभावेन रूपायतनादीनि विय न गहितानीति ।

६०. द्वीसु उपनिस्सयेसु वत्तब्बमेव नत्थि, आरम्मणूपनिस्सयम्पि पन ये लभन्ति, तेसं वसेन आरम्मणपच्चयसदिसन्ति एवं वुत्तन्ति दस्सेतुं “**तत्थ किज्जापी**”ति आह । तत्थ “न सब्बे अकुसला अब्बाकता आरम्मणूपनिस्सयं लभन्ती”ति पुरिमपाठो । कुसलापि पन महग्गता एकन्तेन, कामावचरा च कदाचि न लभन्तीति “**न सब्बे कुसलाकुसलाब्बाकता**”ति पठन्ति ।

६१. पुरेजातपच्चये यथा अज्जत्थ पच्चयं अनिद्दिसित्वाव देसना कता, एवं अकत्वा कस्मा “**वत्थुं पुरेजातपच्चया**”ति वुत्तन्ति? नियमसम्भावा । हेतुआदीसु हि नियमो नत्थि । न हि तेहि उप्पज्जमानानं अलोभादीसु कुसलादीसु रूपादीसु च अयमेव पच्चयोति नियमो अत्थि, इध पन वत्थु न वत्थुधम्मेषु पुरेजातपच्चया उप्पज्जमानानं

धम्मनं नियमतो छब्बिधं वत्थु पुरेजातपच्चयो होतीति इममत्थं दस्सेतुं इदं वुत्तं । आरम्मणपुरेजातम्पि हि वत्थुपुरेजाते अविज्जमाने न लब्धति, एवञ्च कत्वा पटिसन्धिविपाकस्स नपुरेजातपच्चया एव उप्पत्ति वुत्ता, पच्चुप्पन्नारम्मणस्सपि तस्स पुरेजातपच्चयो न उद्धटो । “नेवविपाकनविपाकधम्मधम्मं पटिच्च विपाको धम्मो उप्पज्जति पुरेजातपच्चया”ति एतस्सपि अलाभतो तत्थ “पुरेजाते तीणी”ति (पट्ठा० १.३.१२४) वुत्तन्ति ।

६३. तथा पटिसन्धिकखणे महाभूतानन्ति महाभूतानं एककखणिकनानाकखणिककम्मपच्चयवसेनेव तदुपादारूपानम्पि वदतीति च दट्ठब्बं । **कटत्तारूपानन्ति** पवत्तियं कटत्तारूपानन्ति अधिप्पायो ।

६४. यथालाभवसेनाति इन्द्रियरूपेसु यं यं पटिसन्धियं लब्धति, तस्स तस्स वसेन ।

६९. विष्पयुत्तपच्चया उप्पज्जमानानम्पि केसज्जि नियमतो वत्थु विष्पयुत्तपच्चयो, केसज्जि खन्धा, न च समानविष्पयुत्तपच्चया एव कुसलादिके पटिच्च उप्पज्जमाना उप्पज्जन्ति, अथ खो नानाविष्पयुत्तपच्चयापि, तस्मा तं विसेसं दस्सेतुं “**वत्थुं विष्पयुत्तपच्चया, खन्धे विष्पयुत्तपच्चया**”ति तत्थ तत्थ वुत्तं । तत्थ तदायत्तवुत्तिताय पच्चयुप्पन्नो पच्चयं पच्चयं करोतीति इमस्सत्थस्स वसेन उपयोगवचनं दट्ठब्बं । वत्थुं खन्धे विष्पयुत्तपच्चयकरणतोति अयज्हेत्थ अत्थो । अट्ठकथायं पन “**वत्थुं पटिच्च विष्पयुत्तपच्चया, वत्थुना विष्पयुत्तपच्चयतं साधेन्तेना**”ति अत्थो वुत्तो, तत्थ कुसलानं खन्धानं वत्थुं पटिच्च उप्पत्ति नत्थीति “वत्थुं पटिच्चा”ति न सक्का वत्तुन्ति, इदं पन पटिच्चसद्देन अयोजेत्वा “पटिच्च उप्पज्जन्ति वत्थुं विष्पयुत्तपच्चया”ति योजेत्वा तस्सत्थो “वत्थुना विष्पयुत्तपच्चयतं साधेन्तेना”ति वुत्तोति दट्ठब्बो । किं पन पटिच्चाति? यं “एकं खन्धं”न्तिआदिकं पाळियं पटिच्चाति वुत्तं । तमेव अत्थं पाकटं कत्वा “वत्थुं विष्पयुत्तपच्चयाति खन्धे पटिच्च खन्धा, वत्थुना विष्पयुत्तपच्चयतं साधेन्तेना”ति पठन्ति । अनन्तरत्ता पाकटस्स अब्याकतचित्तसमुद्धानस्सेव गहणं मा होतूति “**अब्याकतचित्तसमुद्धानम्पि कुसलाकुसलचित्तसमुद्धानम्पी**”ति आह । आसन्नम्पि दूरम्पि सब्बन्ति वुत्तं होतीति ।

७१-७२. “इमे वीसति पच्चयाति संखिपित्वा दस्सितानं वसेनेतं वुत्तं”न्ति वुत्तं । तत्थ यदि एकेनपि देसनं संखित्तं संखित्तमेव, आदिमिह पन तयो पच्चया विष्पयुत्तपच्चयो एकम्पि पदं अपरिहापेत्वा वित्थारिताति ते चत्तारो पच्छाजातज्ज वज्जेत्वा “इमे एकूनवीसति पच्चया”ति वत्तब्बं सिया । एत्तका हि संखिपित्वा दस्सिताति । ये पन पाळियं वित्थारितं अवित्थारितज्ज सब्बं सङ्गहेत्वा वुत्तन्ति वदन्ति, तेसं “इमे तेवीसति पच्चया”ति पाठेन भवितब्बं । आदिमिह पन तयो पच्चये वित्थारिते वज्जेत्वा यतो पभुति सङ्खेपो आरब्धो, ततो चतुत्थतो पभुति संखित्तं वित्थारितज्ज सह गहेत्वा “इमे तेवीसति पच्चया”ति वुत्तन्ति दट्ठब्बं ।

विभङ्गवारवण्णना निड्डिता ।

(२) सङ्ख्यावारो

७३. तथा पुरेजातपच्चयेति यथा अज्जमज्जपच्चये विसेसो विभङ्गे अत्थि, तथा पुरेजातपच्चयेपि अत्थीति अत्थो । “वत्थुं पुरेजातपच्चया”ति हि तत्थ विसेसो पटिसन्धिअभावो चाति । **विपाकानि चेव वीथिचित्तानि च न लब्धन्तीति** एतेन “किरियाब्याकतं एकं खन्धं पटिच्चा”तिआदिके (पट्ठा० १.१.५३) विभङ्गे विपाकाब्याकताभावं किरियाब्याकते च अजवनस्स सब्बेन सब्बं अलब्धमानतं विसेसं दस्सेति ।

७४. एकमूलके दस्सिताय देसनाय लब्धमानगणनञ्जेव आदायाति इदं एतस्मिं अनुलोमे सुद्धिकनये दस्सितगणनतो ततो परेसु नयेसु अज्जिस्सा अभावं सन्धाय वुत्तं । अबहुगणनेन युत्तस्स तेन समानगणनता च इमस्मिं अनुलोमेयेव दट्ठब्बा । पच्चनीये पन “नहेतुपच्चया नारम्मणे एक”न्तिआदिं (पट्ठा० १.१.१०४) वक्खतीति ।

७६-७९. ते पन सङ्खिपित्वा तेवीसतिमूलकोवेत्थ दस्सितोति एत्थ पच्छाजातविपाकानं परिहीनत्ता “द्वावीसतिमूलको”ति वत्तब्बं सिया सासेवनसविपाकानं वसेन । दुविधम्मि पन द्वावीसतिमूलकं सह गहेत्वा सङ्गहिते तस्मिं उभयसम्भावतो “तेवीसतिमूलको”ति आहाति दट्ठब्बं । आसेवनविपाकानं वा विरोधाभावे सति पुच्छाय दस्सितनयेन तेवीसतिमूलकेन भवितब्बं, तस्स च नामं द्वावीसतिमूलके आरोपेत्वा “तेवीसतिमूलको”ति वुत्तन्ति अयमेत्थ रुळ्ही ।

आरम्मणपदे चेवाति एतेन एकमूलके अज्जपदानि वज्जेति । न हि एकमूलके हेतादीसु तयोवाति अधिप्पायो । सुद्धिकनयो पन आरम्मणमूलकादीसु न लब्धतीति आरम्मणमूलके “नवा”ति एताय अधिकगणनाय अभावदस्सनत्थं “आरम्मणे ठितेन सब्बत्थ तीणेव पज्झा”ति वुत्तं । तत्थ कातब्बाति वचनसेसो । तीणेवाति च ततो उद्धं गणनं निवारति, न अधो पटिक्खपति । तेन “विपाके एक”न्ति गणना न निवारिताति दट्ठब्बा । तीसु एकस्स अन्तो गधताय च “तीणेवा”ति वुत्तन्ति । इतीतिआदिना “सब्बत्थ तीणेवा”ति वचनेन अत्तनो वचनं दळ्हं करोति ।

८०-८५. ये ...पे०... तं दस्सेतुन्ति एत्थायमधिप्पायो — यदिपि अविगतानन्तरं “आरम्मणपच्चया हेतुया तीणी”ति वुत्तेपि ऊनतरगणनेन सद्धिं संसन्दने या गणना लब्धति, सा दस्सिता होति, तथापि ऊनतरगणनेहि समानगणनेहि च सद्धिं संसन्दने ऊनतरा समाना च होति, न एवं आविकरणवसेन दस्सिता होति, विपल्लासयोजनाय पन तथा दस्सेति । वचनेन वा हि लिङ्गेन वा अत्थविसेसाविकरणं होतीति । तेनेतं आविकरोतीति एत्थापि एवमेव अधिप्पायो योजेतब्बो । पच्चनीयादीसुपि पन “नारम्मणपच्चया नहेतुया एकं...पे०... नोविगतपच्चया नहेतुया एक”न्तिआदिना (पट्ठा० १.१.१०७) मूलपदं आदिमिहियेव ठपेत्वा योजना कता, न च तत्थ एतं लक्खणं लब्धति, तस्मा मूलपदस्स आदिमिह ठपेत्वा योजनमेव कमो, न चक्कबन्धनन्ति “आरम्मणपच्चया हेतुया तीणी”तिआदि योजितं, न च विज्जाते अत्थे वचनेन लिङ्गेन च पयोजनमत्थीति ।

पच्चयानुलोमवण्णना निड्ढिता ।

पटिच्चवारो

पच्चयपच्चनीयवण्णना

८६-८७. “अहेतुकं विपाकाव्याकतन्ति इदं रूपसमुद्गापकवसेनेव वेदितब्ब”न्ति वुत्तं, सब्बसङ्गाहकवसेन पनेतं न न सक्का योजेतुं ।

९३. सहजातपुरेजातपच्चया सङ्गहं गच्छन्तीति एत्थ च सहजाता च हेतादयो पुरेजाता च आरम्मणादयो पच्चया सङ्गहं गच्छन्तीति अत्थो दट्ठब्बो । न हि नपच्छाजातपच्चया उप्पज्जमाना द्वीहेव सहजातपुरेजातपच्चयेहि उप्पज्जन्ति, अथ खो पच्छाजातवज्जेहि सब्बेहीति ।

९४-९७. नाहारपच्चये एकच्चं रूपमेव पच्चयपच्चयुप्पन्नन्ति यं पटिच्च उप्पज्जति, सो पच्चयो रूपमेवाति

कत्वा वुत्तं । यस्मा पन पच्चया उप्पज्जति, सो अरूपमि होति यथा कम्मं कटत्तारूपस्स ।

१९-१०२. नमग्गपच्चये यदिपि चित्तसमुद्धानादयो सब्बे रूपकोट्टासा लब्भन्ति, तथापि यं मग्गपच्चयं लभति, तस्स पहीनत्ता “एकच्चं रूपं पच्चयुप्पन्न”न्ति वुत्तं, एवमेव पन नहेतुपच्चयादीसुपि एकच्चरूपस्स पच्चयुप्पन्नता दट्ठब्बा ।

१०७-१३०. नाहारनइन्द्रियनज्ञाननमग्गपच्चया सब्बत्थ सदिसविस्सज्जनाति इदं एतेसु मूलभावेन ठितेसु गणनाय समानतं सन्धाय वुत्तं । मूलानज्झि इध विस्सज्जनं गणनायेव, न सरूपदस्सनन्ति । नसहजातादिचतुक्कं इथापि परिहीनमेवाति सुद्धिकनये विय मूलेसुपि परिहीनमेवाति अत्थो ।

पच्चयपच्चनीयवण्णना निड्ढिता ।

पच्चयानुलोमपच्चनीयवण्णना

१३१-१८९. हेताधिपतिमग्गपच्चयेसु अनुलोमतो ठितेसु...पे०... अट्ठ पच्चनीयतो न लब्भन्तीति तिण्णमि साधारणानं पच्चनीयतो अलब्भमानानं सब्बेसं सङ्गहवसेन वुत्तं, तस्मा मग्गपच्चये इतरेहि साधारणा सत्तेव योजेतब्बा । अधिपतिपच्चये अनुलोमतो ठिते हेतुपच्चयोपि पच्चनीयतो न लब्भति, सो पन मग्गेन असाधारणोति कत्वा न वुत्तोति दट्ठब्बो । येहि विना अरूपं न उप्पज्जति, ते एकन्तिकत्ता अरूपद्वानिकाति इध वुत्ताति दट्ठब्बा, तेन पुरेजातासेवनपच्चया तेहि विनापि अरूपस्स उप्पत्तितो वज्जिता होन्ति । सब्बद्वानिका अज्जमज्जआहारिन्द्रिया च तेहि विना अरूपस्स अनुप्पत्तितो सङ्गहिताति । ऊनतरगणनानंयेव वसेनाति यदि अनुलोमतो ठिता एककादयो द्वावीसतिपरियोसाना ऊनतरगणना होन्ति, तेसं वसेन पच्चनीयतो योजितस्स तस्स तस्स गणना वेदितब्बा । अथ पच्चनीयतो योजितो ऊनतरगणनो, तस्स वसेन अनुलोमतो ठितस्सपि गणना वेदितब्बाति अत्थो । “अज्जमज्जपच्चया नारम्मणे एक”न्तिआदिवचनतो (पट्ठा० १.१.१४६) पन न इदं लक्खणं एकन्तिकं ।

पच्चयानुलोमपच्चनीयवण्णना निड्ढिता ।

पच्चयपच्चनीयानुलोमवण्णना

१९०. सब्बत्थेवाति न केवलं हेतुमियेव, अथ खो सब्बेसु पच्चयेसु पच्चनीकतो ठितेसूति अत्थो । पुरेजातं आसेवनज्ज अलभन्तं कज्जि निदस्सनवसेन दस्सेन्तो “पटिसन्धिविपाको पना”तिआदिमाह ।

“पुरेजातपच्छाजातासेवनविपाकविप्पयुत्तेसु पच्चनीकतो ठितेसु एकं ठपेत्वा अवसेसा अनुलोमतो लब्भन्ती”ति इदं अवसेसानं लाभमत्तं सन्धाय वुत्तं । न सब्बेसं अवसेसानं लाभन्ति दट्ठब्बं । यदिपि हि पच्छाजाते पसङ्गो नत्थि “अनुलोमतो सब्बत्थेव न लब्भती”ति अपवादस्स कतत्ता, पुरेजातो पन विप्पयुत्ते पच्चनीकतो ठिते अनुलोमतो लब्भतीति इदमि अवसेसा सब्बेति अत्थे गय्हमाने आपज्जेय्य । यमि केचि “विप्पयुत्तपच्चयरहिते आरुप्पेपि आरम्मणपुरेजातस्स सम्भवं आपेतुं एवं वुत्तं”न्ति वदन्ति, तमि तेसं रुचिमत्तमेव । न हि यत्थ वत्थुपुरेजातं न लब्भति, तत्थ आरम्मणपुरेजातभावेन उपकारकं होतीति दस्सितोयं नयोति । युज्जमानकवसेनाति पच्चनीकतो ठितस्स ठपेतब्बत्ता वुत्तं, युज्जमानकपच्चयुप्पन्नवसेन वाति अत्थो । “मग्गपच्चये पच्चनीकतो ठिते हेतुपच्चयो अनुलोमतो न लब्भती”ति पुरिमपाठो, अधिपतिपच्चयोपि पन न लब्भतीति “हेताधिपतिपच्चया अनुलोमतो न लब्भन्ती”ति पठन्ति ।

अधिपतिपच्चये पच्चनीकतो ठिते पच्छाजाततो अज्जो अनुलोमतो अलब्भमानो नाम नत्थीति न विचारितं । अज्जमज्जे पच्चनीकतो ठिते “अरूपानयेवा”ति वुत्ता नव अनुलोमतो न लब्भन्ति, तम्पि पच्चनीकतो ठितेहि आरम्भणपच्चयादीहि सदिसताय सुविज्जेय्यन्ति न विचारितं भविस्सतीति ।

१९१-१९५. याव आसेवना सब्बं सदिसन्ति न अज्जमज्जेन घटितस्स मूलस्स वित्थारितत्ता ततो परानि मूलानि सन्धाय वुत्तं । तेसु हि अनुलोमतो योजेतब्बपच्चया च पज्हा चाति सब्बं सदिसन्ति ।

इमस्मिं पच्चनीयानुलोमेति एतस्स “इमेसम्पि पकिण्णकानं वसेनेत्थ गणनवारो असम्मोहतो वेदितब्बो”ति एतेन सह सम्बन्धो । तत्थ एत्थाति एतेसु पच्चयेसूति अत्थो वेदितब्बो । इमस्मिं पच्चनीयानुलोमे लब्भमानेसु पच्चयुप्पन्नधम्मेसुपीति वा योजेतब्बं । तत्थ पि-सद्देन इममत्थं दीपेति — न केवलं पच्चयेस्वेव किस्मिञ्चि पच्चनीकतो ठिते केचि अनुलोमतो न लब्भन्ति, अथ खो पच्चयुप्पन्नधम्मेसुपि कोचि एकच्चं पच्चयं लभमानो कञ्चि पच्चयं न लभतीति । तत्थ कम्मपच्चयं लभमानो येभ्य्येन इन्द्रियपच्चयं लभति, मग्गपच्चयं लभमानो येभ्य्येन हेतुपच्चयं, तथा च ज्ञानपच्चयं लभमानो मग्गपच्चयन्ति एतेस्वेव लाभालाभा विचारिता । **यत्थाति** पच्चवोकारपवत्ते असज्जेसु च । **रूपधम्माति** यथावुत्तानि कटत्तारूपानेव सन्धाय वदति । न हि पच्चवोकारपवत्ते सब्बे रूपधम्मा हेतादीनि न लभन्तीति । “हेताधिपतिविपाकिन्द्रियपच्चये न लभन्ती”ति पुरिमपाठो, ज्ञानमग्गेपि पन न लभन्तीति । “हेताधिपतिविपाकिन्द्रियज्ञानमग्गपच्चये न लभन्ती”ति पठन्ति । ये रूपधम्मानं पच्चया होन्ति, तेसु अरूपद्वानिकवज्जेसु एतेयेव न लभन्तीति अधिप्पायो । पच्छाजाताहारविप्पयुत्तपच्चयेपि हि पवत्ते कटत्तारूपं लभतीति । लब्भमानालब्भमानपच्चयदस्सनमत्तज्जेतं, न तेहि पच्चयेहि उप्पत्तिअनुप्पत्तिदस्सनन्ति । एवं इन्द्रियपच्चयालाभो जीवितिन्द्रियं सन्धाय वुत्तो सिया । यथावुत्तेसु हि धम्मवसेन पच्छाजातादित्तयम्पि अलभन्तं नाम कटत्तारूपं नत्थि । को पन वादो सब्बद्वानिककम्मेसु । इन्द्रियं पन अलभन्तं अत्थि, किन्तं? जीवितिन्द्रियन्ति । यदि एवं उपादारूपानि सन्धाय अज्जमज्जपच्चयम्पि न लभन्तीति वत्तब्बं, तं पन पाकटन्ति न वुत्तं सिया । अरूपिन्द्रियालाभं वा सन्धाय इन्द्रियपच्चयालाभो वुत्तोति दट्ठब्बो ।

१९६-१९७. नारम्मणमूलकेसु दुकादीसु हेतुया पज्जाति यदिपि तिकादीसु “हेतुया पज्जा”ति इदं नत्थि, तथापि दुकादीसु सब्बत्थ अनुत्तानं वत्तुकामो “दुकादीसू”ति सब्बसङ्गहवसेन वत्त्वा तत्थ यं आदिदुके वुत्तं “हेतुया पज्जा”ति, तं निद्दारेति । केचि पन “नारम्मणमूलके हेतुया पज्जा”ति पाठं वदन्ति । “अज्जमज्जे एकन्ति भूतरूपमेव सन्धाय वुत्त”न्ति पुरिमपाठो, वत्थुपि पन लब्भतीति “भूतरूपानि चेव वत्थुज्ज सन्धाय वुत्त”न्ति पठन्ति । **तिमूलकेति** इधापि दुमूलकं तिमूलकन्ति वदन्ति ।

२०३-२३३. नकम्ममूलके हेतुया तीणीतिआदीसु चेतनाव पच्चयुप्पन्नाति इदं “हेतुया तीणी”ति एवंपकारे चेतनामत्तसङ्गाहके सन्धाय वुत्तन्ति दट्ठब्बं । **आदि-**सद्दो हि पकारत्थोव होतीति । सहजातअज्जमज्जनिस्सयाहारअत्थिअविगतेसु पन रूपम्पि लब्भतीति ।

पच्चयपच्चनीयानुलोमवण्णना निट्ठिता ।

पटिच्चवारवण्णना निट्ठिता ।

२. सहजातवारवण्णना

२३४-२४२. कुसलं धम्मं सहजातो, कुसलं एकं खन्धं सहजातोति आदीसु सहजातसद्देन सहजातपच्चयकरणं सहजातायत्तभावगमनं वा वुत्तन्ति तस्स करणस्स गमनस्स वा कुसलादीनं कम्मभावतो उपयोगवचनं कतन्ति दट्ठब्बं। एस नयो पच्चयवारादीसुपि। तत्रापि हि पच्चयसद्देन च निस्सयपच्चयकरणं निस्सयायत्तभावगमनं वा वुत्तं, संसट्ठसद्देन च सम्पयुत्तपच्चयकरणं सम्पयुत्तायत्तभावगमनं वाति तं कम्मभावतो उपयोगवचनं कुसलादीसु कतन्ति। **सहजातम्पि च उपादारूपं भूतरूपस्स पच्चयो न होतीति “पटिच्चा”ति इमिना वचनेन दीपितो पच्चयो न होतीति अत्थो। “उपादारूपं भूतरूपस्सा”ति च निदस्सनवसेन वुत्तं। उपादारूपस्सपि हि उपादारूपं यथावुत्तो पच्चयो न होति, वत्थुवज्जानि रूपानि च अरूपानन्ति।**

सहजातवारवण्णना निड्डिता।

३. पच्चयवारवण्णना

२४३. पच्चयाति एत्थ पति अयो पच्चयो। पति-सद्दो पतिट्ठत्थं दीपेति, अय-सद्दो गतिं, पतिट्ठाभूता गति निस्सयो पच्चयोति वुत्तं होति, ततो पच्चया, पच्चयकरणतो तदायत्तभावगमनतो वाति अत्थो।

“महाभूते पच्चया चित्तसमुद्धानं रूपं”न्ति (पट्ठा० १.१.२४५) भूतुपादारूपानि सह सङ्गहिहत्वा वुत्तं। अट्ठकथायं पन चित्तसमुद्धाने च महाभूते निस्साय चित्तसमुद्धानं उपादारूपन्ति सयं निस्सयो अहुत्वा निस्सये उप्पज्जमानेन उपादारूपेन निदस्सनं कतन्ति दट्ठब्बं।

२५५. असज्ज...पे०... कटत्तारूपं उपादारूपन्ति एत्थ यो पटिच्चवारे सहजाते कम्मउत्तुजानं, कम्मे च एकन्तानेकन्तकम्मजानं वसेन अत्थो वुत्तो, सो नाधिप्पेतो एव “कटत्तारूपं”न्ति कम्मसमुद्धानरूपस्सेव सब्बस्स च गहितत्ताति तं पहाय यथागहितस्स कटत्तारूपस्स विसेसनवसेन “उपादारूपसङ्घातं कटत्तारूपं”न्ति अत्थमाह। महाभूते पन पटिच्च पच्चया च महाभूतानं उप्पत्ति न निवारेतब्बाति उपादारूपगगहणेन कटत्तारूपगगहणं अविसेसेत्वा उपादारूपानं निवत्तेतब्बानं अत्थिताय कटत्तारूपगगहणेनेव उपादारूपगगहणस्स विसेसनं दट्ठब्बं।

२६१-२७६. “अब्बाकतेन अब्बाकतं, कुसलं, अकुसलं”न्ति वत्तब्बे “अब्बाकतेन कुसलं, अकुसलं, अब्बाकतं”न्ति, “कुसलं धम्मं पटिच्च कुसलो च अकुसलो च धम्मा कुसलस्साति अनामसित्वा”ति च पुरिमपाठे पमादलेखा दट्ठब्बा।

२८६-२८७. नहेतुपच्चया नपुरेजाते द्वेति एत्थ अट्ठकथायं “आरुप्पे पन अहेतुकमोहस्स अहेतुककिरियस्स च वसेन द्वेति वुत्ता, नविप्पयुत्ते द्वेति आरुप्पे अहेतुकाकुसलकिरियवसेना”ति वुत्तं, तं लब्भमानेसु एकदेसेन निदस्सनवसेन वुत्तन्ति दट्ठब्बं। आरुप्पे पन अहेतुकमोहस्स अहेतुककिरियाय अहेतुकपटिसन्धिया एकच्चस्स च रूपस्स वसेन द्वे वुत्ताति, नविप्पयुत्ते द्वेति आरुप्पे अहेतुकाकुसलकिरियाएकच्चरूपानं वसेनाति वुत्तन्ति। “नोनत्थिनोविगतेसु एकन्ति सब्बरूपस्स वसेना”ति वुत्तं, नहेतुमूलकत्ता इमस्स नयस्स हेतुपच्चयं लभन्तं न लब्भतीति “एकच्चस्स रूपस्स वसेना”ति भवितब्बं। चक्खादिधम्मवसेन पन चित्तसमुद्धानादिकोड्ढासवसेन वा सब्बं लब्भतीति “सब्बरूपस्सा”ति वुत्तं सिया।

२८९-२९६. आगतानागतन्ति पञ्चवसेन वृत्तं, लब्धमानालब्धमानन्ति आगते च पञ्चे लब्धमानालब्धमानधम्मवसेन ।

पच्चयवारवण्णना निट्ठिता ।

४. निस्सयवारवण्णना

३२९-३३७. पच्चयवारेन निस्सयपच्चयभावन्ति निस्सयवारे वृत्तस्स निस्सयपच्चयभावं नियमेतुन्ति अत्थो ।

निस्सयवारवण्णना निट्ठिता ।

५. संसट्ठुवारवण्णना

३५१-३६८. संसट्ठुवारे पच्चनीये “नविप्पयुत्ते पटिसन्धि नत्थी”ति इदं वत्थुविरहिताय पटिसन्धिया विसुं अनुद्धरणतो वृत्तं । पटिच्चवारादीसु हि सहजातस्स पच्चयभावदस्सनत्थं सवत्थुका पटिसन्धि उद्धटा, सा इधापि अधिपतिपुरेजातासेवनेसु नकम्पनविपाकनज्ञाननविप्पयुत्तेसु न लब्धति, अज्जेसु च अनुलोमतो पच्चनीयतो च लब्धमानपच्चयेसु लब्धतीति इमस्स विसेसस्स दस्सनत्थं उद्धटाति । **सेसा तेरस न लब्धन्ती**ति एत्थ “सेसा चुद्धसा”ति भवितब्बं । **न ज्ञाने एकन्ति अहेतुकपञ्चविज्जाणवसेना**ति पञ्चविज्जाणानं हेतुपच्चयविरहितमत्तदस्सनत्थं अहेतुकगगहणं कतन्ति दट्ठब्बं, “**नमग्गे एकन्ति अहेतुककिरियवसेना**”ति वृत्तं, “अहेतुकविपाककिरियवसेना”ति भवितब्बं ।

३६९-३९१. हेट्ठा वृत्तनयेनेवाति पटिच्चवारे अनुलोमपच्चनीये वृत्तनयेन । “**नहेतुपच्चयुप्पन्नेसु अहेतुकमोहोव ज्ञानमग्गपच्चयं लभति, सेसा न लब्धन्ती**”ति वृत्तं, सेसेसु पन पञ्चविज्जाणवज्जाहेतुकक्खन्धा तंसमुट्ठाना पच्चयुप्पन्नधम्मा ज्ञानपच्चयं लभन्ति, न पच्चनीयानुलोमे द्विन्नं पच्चयानं अनुलोमेन सह योजना अत्थीति ज्ञानमग्गपच्चयं सहितं लभतीति च न सक्का वत्तुं, तस्मा “अहेतुकमोहोव मग्गपच्चयं लभती”ति वत्तब्बं ।

संसट्ठुवारवण्णना निट्ठिता ।

६. सम्पयुत्तवारवण्णना

३९२-४००. सदिसं सम्पयुत्तं संसट्ठं वोकिण्णञ्च संसट्ठं न होतीति उभयं अज्जमज्जापेक्खं वुच्चमानं अज्जमज्जस्स नियामकं होतीति ।

सम्पयुत्तवारवण्णना निट्ठिता ।

७. पञ्हावारविभङ्गवण्णना

४०१-४०३. येहि पच्चयेहि कुसलो कुसलस्स पच्चयो होति, ते पच्चये पटिपाटिया दस्सेतुन्ति यथाक्कमेन आगतागतपटिपाटिया दस्सेतुन्ति अत्थो । **कुसलो कुसलस्सा**ति निदस्सनमत्तमेतं, तेन कुसलो कुसलादीनं, अकुसलो

अकुसलादीनं, अब्याकतो अब्याकतादीनं, कुसलाब्याकता कुसलादीनन्ति आदिको सब्बो पभेदो निदस्सितो होतीति यथानिदस्सिते सब्बे गहेत्वा आह “ते पच्चये पटिपाटिया दस्सेतु”न्ति ।

४०४. दत्त्वाति एत्थ दा-सद्दो सोधनत्थोपि होतीति मन्त्वा आह “विसुद्धं कत्वा”ति । तेसज्झि तं चित्तन्ति तेसन्ति वत्तब्बतारहं सकदागामिमग्गादिपुरेचारिकं तं गोत्रभुचित्तन्ति अधिप्पायो । विपस्सनाकुसलं पन कामावचरमेवाति पच्चयुप्पन्नं भूमितो ववत्थपेति । तेनेवाति धम्मवसेनेव दस्सनतो, देसनन्तरत्ताति अधिप्पायो ।

४०५. अस्सादनं सरागस्स सोमनस्सस्स ससोमनस्सस्स रागस्स च किच्चन्ति आह “अनुभवति चेव रज्जति चा”ति । अभिनन्दनं पीतिकिच्चसहिताय तण्हाय किच्चन्ति आह “सप्पीतिकतण्हावसेना”ति । दिट्ठाभिनन्दना दिट्ठियेव । एत्थ पन पच्छिमत्थमेव गहेत्वा “अभिनन्दन्तस्स अत्ता अत्तनियन्ति आदिवसेन...पे... दिट्ठि उप्पज्जती”ति वुत्तं । अभिनन्दना पन दिट्ठाभिनन्दनायेवाति न सक्का वत्तुं “भावनाय पहातब्बो धम्मो भावनाय पहातब्बस्स धम्मस्स आरम्मण...पे... भावनाय पहातब्बं रागं अस्सादेति अभिनन्दती”ति (पट्ठा २.८.७२) वचनतो, तस्मा पुरिमोपि अत्थो वुत्तोति दट्ठब्बो । द्वीसु पन सोमनस्ससहगतचित्तेसु यथावुत्तेन सोमनस्सेन रागेन च अस्सादेन्तस्स तेसुयेव सप्पीतिकतण्हाय चतूसुपि दिट्ठाभिनन्दनाय अभिनन्दन्तस्स च दिट्ठि उप्पज्जतीतिपि सक्का योजेतुं । जातिवसेनाति सुचिण्णसामञ्जवसेनाति अत्थो ।

४०६. तदारम्मणताति तदारम्मणभावेन । विभत्तिलोपो हेत्थ कतोति । भाववन्ततो वा अज्जो भावो नत्थीति भावेनेव विपाकं विसेसेति, विपाको तदारम्मणभावभूतोति अत्थो । विज्जाणज्जायतननेवसज्जानासज्जायतनविपाकानं विय न कामावचरविपाकानं नियोगतो ववत्थितं इदञ्च कम्मं आरम्मणन्ति तं लब्भमानम्पि न वुत्तं । तदारम्मणेन पन कुसलारम्मणभावेन समानलक्खणताय कम्मरम्मणा पटिसन्धिआदयोपि दस्सितायेवाति दट्ठब्बा । पटिलोमतो वा एकन्तरिकवसेन वाति वदन्तेन अनुलोमतो समापज्जने येभ्युयेन आसन्नसमापत्तिया आरम्मणभावो दस्सितोति दट्ठब्बो । यथा पन पटिलोमतो एकन्तरिकवसेन च समापज्जन्तस्स अनासन्नापि समापत्ति आरम्मणं होति, एवं अनुलोमतो समापज्जन्तस्सपि भवेय्याति । “चेतोपरियजाणस्सातिआदीनि परतो आवज्जनाय योजेतब्बानी”ति वत्वा “या एतेसं आवज्जना, तस्सा”ति अत्थो वुत्तो, एवं सति “इद्धिविधजाणस्सा”तिपि वत्तब्बं सिया । यस्मा पन कुसला खन्धा अब्याकतस्स इद्धिविधजाणस्स आरम्मणं न होन्तीति तं न वुत्तं, चेतोपरियजाणादीनञ्च होन्तीति तानि वुत्तानि, तस्मा किरियानं चेतोपरियजाणादीनं याय कायचि आवज्जनाय च कुसलारम्मणाय कुसला खन्धा आरम्मणपच्चयेन पच्चयोति एवमत्थो दट्ठब्बो ।

४०७-४०९. विष्पटिसारादिवसेन वाति आदि-सद्देन आदीनवदस्सनेन सभावतो च अनिडुतामत्तं सङ्गण्हाति, अक्खन्तिभेदा वा ।

४१०. रूपायतनं चक्खुविज्जाणस्सातिआदिना विज्जाणकायेहि नियतारम्मणेहि अब्याकतस्स अब्याकतानं आरम्मणपच्चयभावं निदस्सेति । सब्बस्स हि वत्तुं असक्कुण्येयत्ता एकस्मिं सन्ताने धम्मानं एकदेसेन निदस्सनं करोतीति ।

४१३-४१६. चतुभूमकं कुसलं आरम्मणाधिपतिपच्चयभावेन दस्सितं, पच्चयुप्पन्नं पन कामावचरमेव ।

४१७. अपुब्बतो चित्तसन्तानतो वुट्ठानं भवङ्गमेव, तं पन मूलागन्तुकभवङ्गसङ्घातं तदारम्मणं पकतिभवङ्गञ्च ।

अनुलोमं सेक्खाय फलसमापत्तिं याति एत्थ कायचि सेक्खफलसमापत्तिं या अवज्जेतब्बत्ता वत्तब्बं नत्थीति नेवसज्जानासज्जायतनकुसलं फलसमापत्तिं याति इमं निब्बिसेसनं फलसमापत्तिं उद्धरित्वा दस्सेन्तो आह “फलसमापत्तिं याति अनागामिफलसमापत्तिं”ति । कामावचरकिरिया दुविधस्सपि वुट्ठानस्साति एत्थ किरियानन्तरं तदारम्भणवुट्ठाने यं वत्तब्बं, तं चित्तुप्पादकण्डे वुत्तमेव ।

ता उभोपि...पे०... द्वादसन्नन्ति इदं सोमनस्ससहगतमनोविज्जाणधातुवसेन वुत्तं, उपेक्खासहगता पन यथावुत्तानं दसन्नं विज्जाणधातूनं वोट्ठब्बनकिरियस्स मनोधातुकिरियस्स चाति द्वादसन्नं होतीति दट्ठब्बं ।

४२३. दानादिपुज्जकिरियायत्ता सब्बसम्पत्तियो पटिविज्झित्वाति सम्बन्धो । न पनेतं एकन्तेन गहेतब्बन्ति “बलवचेतनाव लब्भति, न दुब्बला”ति एतं एकन्तं न गहेतब्बं, दळ्हं वा न गहेतब्बन्ति अधिप्पायो । किं कारणन्ति? बलवतो दुब्बलस्स वा कतोकासस्स अन्तरायं पटिबाहित्वा विपच्चनतो “यंकज्जि यदि विपाकं जनेति, उपनिस्सयो न होती”ति नवत्तब्बत्ता चाति दस्सेन्तो “कतोकासज्ही”ति आदिमाह । विपाकत्तिके पन पज्हावारपच्चनीये “विपाकधम्मधम्मो विपाकस्स धम्मस्स आरम्भणपच्चयेन पच्चयो, उपनिस्सयपच्चयेन पच्चयो, कम्मपच्चयेन पच्चयो”ति (पट्ठा० १.३.९३) कम्मपच्चयस्स विसुं उद्धटत्ता, वेदनात्तिके च पज्हावारपच्चनीये “नहेतुपच्चया न आरम्भणपच्चया न उपनिस्सये अट्ठा”ति (पट्ठा० १.२.८७) वुत्तत्ता “विपाकजनकम्पि किज्जि कम्मं उपनिस्सयपच्चयो न होती”ति सक्का वत्तुन्ति ।

तस्मिं वा विरुद्धोति तंनिमित्तं विरुद्धो, विरुद्धन्ति वा पाठो । ओमानन्ति परस्स पवत्तओमानं । रागो रज्जनवसेन पवत्ता कामरागतण्हा, “इति मे चक्खुं सिया अनागतमद्धानं, इति रूपा”ति अप्पटिलद्धस्स पटिलाभाय चित्तपणिदहनतण्हा पत्थनाति अयमेतेसं विसेसो ।

तेसु अज्जम्पीति तेसु यंकज्जि पुब्बे हनिततो अज्जम्पि पाणं हनतीति अत्थो ।

पुनप्पुनं आणापनवसेन वाति मातुघातकम्मेन सदिसताय पुब्बे पवत्तायपि आणत्तचेतनाय मातुघातकम्मनामं आरोपेत्वा वदन्ति । एस नयो द्वीहि पहारेहीति एत्थापि ।

यथेव हि...पे०... उप्पादेति नामाति रागं उपनिस्साय दानं देतीति रागं उपनिस्साय दानवसेन सद्धं उप्पादेतीति अयमत्थो वुत्तो होतीति इमिना अधिप्पायेन वदति । यथा रागं उपनिस्साय दानं देतीति एवमादि होति, एवं रागादयो सद्धादीनं उपनिस्सयपच्चयोति इदम्पि होतीति दस्सेति । कायिकं सुखन्ति आदीनं एकतो दस्सनेन विसुंयेव न एतेसं पच्चयभावो, अथ खो एकतोपीति दस्सितं होतीति दट्ठब्बं ।

४२५. उपत्थम्भकत्तेन पच्चयत्तायेवाति एतेन इदं दस्सेति — न पुरिमवारेसु विय इमस्मिं पच्चयेन उप्पत्ति वुच्चति, अथ खो तस्स तस्स पच्चयुप्पन्नस्स तेसं तेसं धम्मानं तंतंपच्चयभावो, न च पच्छाजातक्खन्था उपत्थम्भकत्तेन पच्चया न होन्ति, तेनेस पच्छाजातपच्चयो इध अनुलोमतो आगतोति ।

४२७. चेतना वत्थुस्सपि पच्चयोति अत्तनो पतिट्ठाभूतस्सपि कम्मपच्चयोति अधिप्पायो ।

कस्मा पनेत्थ पच्चयवारे विय निस्सयअत्थिअविगतेसु दुमूलकदुकावसाना पज्हा न उद्धटाति? अलब्भमानत्ता । तत्थ

हि पच्चयुप्पन्नपधानत्ता देसनाय कुसलो च अब्याकतो च धम्मा एकतो उप्पज्जमाना कुसलाब्याकतपच्चया लब्धन्तीति “कुसलञ्च अब्याकतञ्च धम्मं पच्चया कुसलो च अब्याकतो च धम्मा उप्पज्जन्ती”ति (पट्ठा० १.१.२४६) वुत्तं। यतो ततो वा उभयपच्चयतो पच्चयुप्पन्नस्स उप्पत्तिमत्तंयेव हि तत्थ अधिप्पेतं, न उभयस्स उभिन्नं पच्चयभावोति। इध पन पच्चयपधानत्ता देसनाय कुसलाब्याकता कुसलाब्याकतानं उभिन्नं निस्सयादिभूता न लब्धन्तीति “कुसलो च अब्याकतो च धम्मा कुसलस्स च अब्याकतस्स च धम्मस्स निस्सयपच्चयेन पच्चयो”तिआदि न वुत्तं।

पञ्हावारविभङ्गवण्णना निड्डिता।

पञ्हावारस्स घटने अनुलोमगणना

४३९. “एत्थ पन पुरेजातप्पि लब्धती”ति वुत्तं, यदि एवं कस्मा “तथा”ति वुत्तन्ति? “तीणी”ति गणनमत्तसामञ्जतो।

४४०. “अधिपतिपच्चये ठपेत्वा वीमंसं सेसाधिपतिनो विसभागा”ति पुरिमपाठो निदस्सनवसेन दट्ठब्बो। यस्मा पन हेतुपच्चयस्स विसभागेन एकेन आरम्मणेन निदस्सनं अकत्वा अनन्तरादीनि वदन्तो सब्बे विसभागे दस्सेति, तस्मा इन्द्रियमगपच्चया च विसभागा दस्सेतब्बाति “अधिपतिन्द्रियमगपच्चयेसु ठपेत्वा पज्जं सेसा धम्मा विसभागा”ति पठन्ति। तथा भावाभावतो हेतुपच्चयभावे सहजातादिपच्चयभावतो। ननु यथा अमोहवज्जानं हेतूनं हेतुपच्चयभावे अधिपतिन्द्रियमगपच्चयभावो नत्थीति पज्जावज्जानं अधिपतिपच्चयादीनं विसभागता, एवं कुसलादिहेतूनं हेतुपच्चयभावे विपाकपच्चयभावाभावतो हेतुवज्जानं विपाकानं विसभागताय भवितव्वन्ति? न भवितव्वं, उभयपच्चयसहिते चित्तचेतसिकरासिम्हि हेतुपच्चयभावे विपाकपच्चयत्ताभावाभावतो। यथा हि हेतुसहजातपच्चयसहितरासिम्हि सतिपि हेतुवज्जसम्भावे हेतूनं हेतुपच्चयभावे सहजातपच्चयत्ताभावो नत्थीति न हेतुवज्जानं सहजातानं हेतुस्स विसभागता वुत्ता, एवमिधापीति। एस नयो विप्पयुत्तपच्चयेपि। अपिच पच्चयुप्पन्नस्सेव पच्चया वुच्चन्तीति पच्चयुप्पन्नक्खणे तथा भावाभाववसेन सभागताय वुच्चमानाय नानाक्खणवसेन विसभागता तस्सेव न वत्तब्बाति।

कुसला वीमंसाति इदं “कुसला वीमंसाधिपती”ति एवं वत्तव्वं। न हि अनधिपतिभूता वीमंसा अधिपतिपच्चयो होतीति।

४४१-४४३. “सचे पन विप्पयुत्तपच्चयो पविसति, इतरानि द्वे लभती”ति पुरिमपाठो, “कुसलो धम्मो कुसलस्स च अब्याकतस्स चा”ति इदं पन न लब्धतीति “कुसलो अब्याकतस्स, अब्याकतो अब्याकतस्साति द्वे लभती”ति पठन्ति। ऊनतरगणनेसूति येसु पविट्ठेसु ऊनतरा गणना होति, तेसूति अत्थो। तीणि द्वे एकन्ति एवं ऊनतरगणनेसु वा अज्जमज्जादीसु पविसन्तेसु तेसं वसेन तिकतो ऊनं यथालब्धञ्च एकन्ति गणनं लभतीति अत्थो।

अविपाकानीति अनामट्ठविपाकानीति अत्थो, न विपाकहेतुरहितानीति।

तत्थ सब्बेपि सहजातविपाका चेवाति तत्थ ये सहजाता पच्चयुप्पन्ना वुत्ता, ते सब्बेपि विपाका चेव विपाकसहजातरूपा चाति अत्थो। तंसमुद्धानरूपा चाति एत्थ पटिसन्धियं कटत्तारूपम्पि तंसमुद्धानगहणेनेव सङ्गणहातीति वेदितव्वं। “तंसमुद्धानरूपकटत्तारूपा च लब्धन्ती”तिपि पठन्ति। चतुत्थे विपाकचित्तसमुद्धानरूपमेवाति एत्थापि एसेव नयो। “कटत्तारूपञ्चा”तिपि पन पठन्ति।

एवमीति “एतेसु पन घटनेसु सब्बपठमानी”तिआदिना वुत्तनयेनपि । घटनेसु पन यो यो पच्चयो मूलभावेन ठितो, तंपच्चयधम्मानं निरवसेसऊनऊनतरऊनतमलाभवकमेन घटना वुच्चति, निरवसेसलाभे च पच्चयुप्पन्नानं निरवसेसलाभवकमेन । तथा ऊनलाभादीसूति अयं कमो वेदितब्बो ।

हेतुमूलकं निद्धितं ।

४४५. वत्थुवसेन सनिस्सयं वक्खतीति न इदं लब्भमानस्सपि वत्थुस्स वसेन घटनन्ति अधिप्पायेनाह “आरम्मणवसेनेव वा”ति ।

४४६. सहजातेन पन सद्धिं आरम्मणाधिपति, आरम्मणाधिपतिना च सद्धिं सहजातं न लब्भतीति इदं यथा सहजातपुरेजाता एको निस्सयपच्चयो अत्थिपच्चयो च होन्ति, एवं सहजातारम्मणाधिपतीनं एकस्स अधिपतिपच्चयभावस्स अभावतो वुत्तं । निस्सयभावो हि अत्थिअविगतभावो च सहजातपुरेजातनिस्सयादीनं समानो, न पनेवं सहजातारम्मणाधिपतिभावो समानो । सहजातो हि आरम्मणभावं अनुपगन्त्वा अत्तना सह पवत्तनवसेन अधिपति होति, इतरो आरम्मणं हुत्वा अत्तनि निन्ताकरणेन । सहजातो च विज्जमानभावेनेव उपकारको, इतरो अतीतानागतोपि आरम्मणभावेनेव, तस्मा सहजातारम्मणपच्चया विय भिन्नसभावा सहजातारम्मणाधिपतिनोति न ते एकतो एव अधिपतिपच्चयभावं भजन्ति, तेनेव पञ्हावारविभङ्गे च “कुसलो च अब्बाकतो च धम्मा कुसलस्स धम्मस्स अधिपतिपच्चयेन पच्चयो”तिआदि न वुत्तन्ति ।

४४७-४५२. साहारकघटनानं पुरतो वीरियचित्तवीमंसानं साधारणवसेन अनाहारकामगगकानि सइन्द्रियघटनानि वत्तब्बानि सियुं “अधिपतिसहजातनिस्सयइन्द्रियअत्थिअविगतन्ति सत्त । अधिपतिसहजातअञ्जमञ्जनिस्सयइन्द्रियसम्पयुत्तअत्थिअविगतन्ति तीणि । अधिपतिसहजातनिस्सयइन्द्रियविप्पयुत्तअत्थिअविगतन्ति तीणि । अधिपतिसहजातनिस्सयविपाकइन्द्रियअत्थिअविगतन्ति एकं । अधिपतिसहजातअञ्जमञ्जनिस्सयविपाकइन्द्रियसम्पयुत्तअविगतन्ति एकं । अधिपतिसहजातनिस्सयविपाकइन्द्रियविप्पयुत्तअत्थिअविगतन्ति एक”न्ति । कस्मा तानि न वुत्तानीति? इन्द्रियभूतस्स अधिपतिस्स आहारमग्गेहि अञ्जस्स अभावा । चित्ताधिपति हि आहारो, वीरियवीमंसा च मग्गो होति, न च अञ्जो इन्द्रियभूतो अधिपति अत्थि, यस्स वसेन अनाहारकामगगकानि सइन्द्रियघटनानि वत्तब्बानि सियुं, तस्मा तानि अवत्वा चित्ताधिपतिआदीनं एकन्तेन आहारमग्गभावदस्सनत्थं साहारकसमग्गकानेव वुत्तानि । तेसु च समग्गकेसु द्वे पच्चयधम्मा लब्भन्ति, साहारकेसु एकोयेवाति समग्गकानि पुब्बे वत्तब्बानि सियुं । सइन्द्रियकानि पन येहि आहारमग्गेहि भिन्दितब्बानि, तेसं कमवसेन पच्छा वुत्तानि । अट्ठकथायं पन सदिस्सत्ताति समग्गकत्तेन समानत्ता, अनन्तरूपत्ताति वा अत्थो ।

४५७-४६०. कुसलाब्बाकतो अब्बाकतस्साति चत्तारीति अब्बाकतसहितस्स कुसलस्स पच्चयभावदस्सनवसेन कुसलमूलकेस्वेव दुमूलकम्पि आहरित्वा वुत्तं । अब्बाकते वत्थुरुपम्पीति इदं “कटत्तारूपम्पी”ति एवं वत्तब्बं । “दुतियघटने अब्बाकतविस्सज्जने रूपेसु वत्थुमेव लब्भती”ति पुरिमपाठो, भूतरूपम्पि पन लब्भतीति “वत्थुञ्च भूतरूपञ्च लब्भती”ति पठन्ति । “चतुत्थे चित्तसमुद्धानरूपमेवा”ति वुत्तं, “चित्तसमुद्धानरूपं पटिसन्धिक्खणे कटत्तारूपञ्चा”ति पन वत्तब्बं । सविपाकेसु पठमे विपाका चेव विपाकचित्तसमुद्धानरूपञ्चाति एत्थ चतुत्थे विपाकचित्तसमुद्धानमेवाति इध च कटत्तारूपम्पि विपाकचित्तसमुद्धानग्गहणेन गहितन्ति दट्ठब्बं । “कटत्तारूपञ्चा”तिपि पन पठन्ति । एत्थ पन सहजातअञ्जमञ्जनिस्सयविपाकसम्पयुत्तविप्पयुत्तअत्थि अविगतमूलकेसु घटनेसु

हेतुकम्मज्ञानमगोहि घटनानि न योजितानि, यथावुत्तेसु अत्थिअविगतमूलवज्जेसु आहारेन,
निस्सयविप्पयुत्तअत्थिअविगतवज्जेसु अधिपतिइन्द्रियेहि च । कस्माति? तेसु हि योजियमानेसु तंतंचित्तुप्पादेकदेसभूता
हेतुआदयो अरूपधम्माव पच्चयभावेन लब्धन्ति । तेन तेहि घटनानि हेतुमूलकादीसु वुत्तसदिसानेव रूपमिस्सकत्ताभावेन
सुविज्जेय्यानीति न वुत्तानि । अत्थिअविगतेहि पन योजियमानो आहारो निस्सयादीहि अधिपतिइन्द्रियानि च रूपमिस्सकानि
होन्तीति अधिपताहारिन्द्रियमूलकेसु वुत्तसदिसानिपि घटनानि अत्थिअविगतमूलकेसु निस्सयादिमूलकेसु च आहारेन
अधिपतिन्द्रियेहि च सुपाकटभावत्थं योजितानीति दट्टब्बानीति ।

४६२-४६४. निस्सयमूलके “छट्टे तीणीति कुसलादीनि चित्तसमुद्धानस्सा”ति पुरिमपाठो, चक्खादीनि पन
चक्खुविज्जाणादीनं लब्धन्तीति “अब्बाकतस्स चक्खायतनादीनि चा”ति पठन्ति ।

४६६. उपनिस्सयमूलके पकतूपनिस्सयवसेन वुत्तेसु द्वीसु पठमे “लोकियकुसलाकुसलचेतना पच्चयभावतो
गहेतब्बा”ति वुत्तं, लोकुत्तरापि पन गहेतब्बाव ।

४७३-४७७. कम्ममूलके पटिसन्धियं वत्थुपीति एत्थ न पवत्ते विय खन्धायेव पच्चयुप्पन्नभावेन गहेतब्बाति
अधिप्पायो । विपाकाविपाकसाधारणवसेन वुत्तेसु चतूसु पठमे “अरूपेन सद्धिं चित्तसमुद्धानरूपं लब्धती”ति वुत्तं,
कटत्तारूपमि पन लब्धतेव । इमस्मिं पन कम्ममूलके “कम्मपच्चया आरम्भणे द्वे”ति, आरम्भणमूलके च
“आरम्भणपच्चया कम्मे द्वे”ति कस्मा न वुत्तं, ननु कुसलाकुसलचेतना कम्मआरम्भणानं पटिसन्धियादीनं कम्मपच्चयो
आरम्भणपच्चयो च होति । यथा च आरम्भणभूतं वत्थुं आरम्भणनिस्सयपच्चयभावेन वुच्चति, एवं कम्ममि
आरम्भणपच्चयभावेन वत्तब्बन्ति? न, द्विन् पच्चयभावानं अज्जमज्जपटिक्खेपतो । पच्चुप्पन्नज्झि वत्थु निस्सयभावं
अपरिच्चजित्वा तेनेवाकारेन तन्निस्सितेन आलम्बियमानं निस्सयभावेन च निस्सयपच्चयोति युत्तं वत्तुं । कम्मं पन तस्मिं
कते पवत्तमानानं कतूपचितभावेन कम्मपच्चयो होति, नारम्भणाकारेन, विसयमत्ततावसेन च आरम्भणपच्चयो होति, न
सन्तानविसेसं कत्वा फलुप्पादनसङ्घातेन कम्मपच्चयाकारेन, तस्मा कम्मपच्चयभावो आरम्भणपच्चयभावं पटिक्खिपति,
आरम्भणपच्चयभावो च कम्मपच्चयभावन्ति “कम्मपच्चयो हुत्वा आरम्भणपच्चयो होती”ति, “आरम्भणपच्चयो हुत्वा
कम्मपच्चयो होती”ति च न सक्का वत्तुन्ति न वुत्तं । एस च सभावो वत्तमानानञ्च आरम्भणपुरेजातानं वत्थुचक्खादीनं, यं
आरम्भणपच्चयभावेन सह निस्सयादिपच्चया होन्तीति वत्तब्बता, अतीतस्स च कम्मस्स अयं सभावो, यं
आरम्भणपच्चयभावेन सह कम्मपच्चयो होतीति नवत्तब्बता । यथा सहजातपुरेजातनिस्सयानं सह निस्सयपच्चयभावेन
वत्तब्बता सभावो, सहजातारम्भणाधिपतीनञ्च सह अधिपतिपच्चयभावेन नवत्तब्बता, एवमिधापीति ।

४७८-४८३. निराधिपतिविज्जाणाहारवसेनाति अनामद्विधिपतिभावस्स विज्जाणाहारस्स वसेनाति अधिप्पायो ।
वत्थु परिहायतीति अज्जमज्जमि लभन्तस्स वत्थुस्स वसेन सब्बस्स कटत्तारूपस्स परिहानं दस्सेति ।

४८४-४९५. “ततिये अरूपिन्द्रियानि रूपान”न्ति वुत्तं, चक्खादीनि च पन चक्खुविज्जाणादीनं लब्धन्ति । ततो
वीरियवसेन मगगसम्पयुत्तानि छाति एत्थ यदिपि वीमंसा लब्धति, वीरियस्स पन वसेन तंसमानगतिका वीमंसापि
गहिताति “वीरियवसेना”ति वुत्तं ।

५११-५१४. विप्पयुत्तमूलके “दसमे कुसलादयो चित्तसमुद्धानान”न्ति वुत्तं, पटिसन्धियं पन “खन्धा कटत्तारूपानं
वत्थु च खन्धान”न्ति इदमि लब्धति । “एकादसमे पटिसन्धियं वत्थु खन्धान”न्ति वुत्तं, तं विपाकपच्चयस्स

अगगहितत्ता यस्स वत्थुस्स वसेन घटनं कतं, तस्स दस्सनवसेन वुत्तं। “खन्धा च वत्थुस्सा”ति इदम्पि पन लब्भतेव। “द्वादसमे पटिसन्धियं खन्धा कटत्तारूपान”न्ति पुब्बपाठो, चित्तसमुद्धानानि पन न वज्जेतब्बानीति “द्वादसमे खन्धा पवत्ते चित्तसमुद्धानरूपानं पटिसन्धियं कटत्तारूपानञ्चा”ति पठन्ति।

५१५-५१८. अत्थिपच्चयमूलके पठमघटने “अरूपवत्थारम्मणमहाभूतइन्द्रियाहारानं वसेन सहजातपुरेजातपच्छाजातपच्चया लब्भन्ती”ति वुत्तं, “आहारिन्द्रियपच्चया चा”तिपि पन वत्तब्बं। न हि इन्द्रियाहारानं वसेन सहजातादयो लब्भन्तीति। “दुतिये पच्छाजातकबळीकाराहारा न लब्भन्ती”ति वुत्तं, सब्बानिपि पन अलब्भमानानि दस्सेतुं “पच्छाजातकबळीकाराहाररूपजीवितिन्द्रियरूपादिआरम्मणानि च न लब्भन्ती”ति पठन्ति, छट्ठं सब्बेसं इन्द्रियानं वसेन वुत्तं। सत्तमे ततो रूपजीवितिन्द्रियमत्तं परिहायतीति एवमेतेसं विसेसो वत्तब्बो। ततो एकादसमेति एत्थ ततोति नवमतोति अत्थो। तेरसमे वत्थारम्मणाति एत्थ वत्थुगहणेन चक्खादिवत्थूनिपि गहितानि, तथा चुद्दसमे वत्थुमेवाति एत्थापि। “सत्तरसमे पन तदेव आरम्मणाधिपतिभावेन, अट्टारसमेपि तदेव आरम्मणूपनिस्सयवसेना”ति पुरिमपाठो, “आरम्मणूपनिस्सयवसेना”ति अयं पन सत्तरसमतो विसेसो न होति, वत्थारम्मणानं पन सत्तरसमे अट्टारसमे च वत्थुस्सेव पच्चयभावो विसेसोति “सत्तरसमे पन आरम्मणाधिपतिभावेन चक्खादीनि च, अट्टारसमे वत्थुस्सेव आरम्मणूपनिस्सयवसेना”ति पठन्ति।

५१९. सहजातानि विय सहजातेन केनचि एकेन पच्चयेन अनियमितत्ता तानि पक्किण्णकानीति वुत्तानीति एत्थ पुरेजातपच्छाजाताहारिन्द्रियानि सहजातेन अज्जमज्जञ्च असामज्जवसेन विप्पक्किण्णानि वुत्तानि। आरम्मणमूलके अनन्तरसमनन्तरपुरेजाताति एत्थ उपनिस्सयोपि पठितब्बो।

येसु पाकटा हुत्वा पज्जायन्ति, तानि दस्सेतुं “हेतुमूलकादीन”न्तिआदिमाह। अलोभादितंतं नामवसेन पन हेतुआरम्मणाधिपतिआहारिन्द्रियज्ञानमग्गपच्चयधम्मा एवं पाकटा हुत्वा न पज्जायेय्युन्ति ते परिच्छेदवसेन दस्सेन्तो “द्वादसेव हि हेतू”तिआदिमाह। तेन “एत्तकायेव पच्चयधम्मा”ति निच्छयं कत्वा पाकटो हुत्वा अपज्जायमानोपि तेस्वेव मग्गितब्बोति दस्सेति। तत्थ छ आरम्मणाति एतेन आरम्मणाधिपति रूपादिआरम्मणभावतो सङ्गहितोति तं अगगहेत्वा “चत्तारो अधिपतयो”ति वुत्तं। एकन्तेन कुसलविपाकाति इदं इन्द्रियेसु अज्जिन्द्रियवसेन लब्भति। एकन्तेन अकुसलविपाकाति इदं पन न सक्का लब्धुं। ज्ञानङ्गेस्वपि हि दुक्खं अकुसलमेव विपाकस्स अज्ञानङ्गत्ता। चित्तट्ठितिपि अकुसलविपाककिरिया होतीति। अकुसलस्स विपाका अकुसलविपाकाति एवं पन अत्थे गय्हमाने इन्द्रियेसु दुक्खिन्द्रियवसेन लब्भेय्य, कुसलविपाकाकुसलविपाकविसेसेन पन पच्चययोजना नत्थीति अयमत्थो अधिप्पेतोति सक्का वत्तुन्ति।

पज्हावारस्स घटने अनुलोमगणना निड्ढिता।

पच्चनीयुद्धारवण्णना

५२७. एकेन लक्खणेनाति “कुसलो धम्मो कुसलस्स धम्मस्स नहेतुपच्चयेन पच्चयो”ति हेतुपच्चयतो अज्जेन पच्चयेन पच्चयोति अत्थो। हेतुपच्चयतो च अज्जे पच्चया अगगहितगहणेन अट्ठ होन्ति, तेसु कुसलो कुसलस्स तीहि पच्चयेहि पच्चयो, अकुसलस्स द्वीहि, एवं तस्मिं तस्मिं पच्चये पच्चनीयतो ठिते ततो अज्जे पच्चया इमेस्वेव आरम्मणादीसु अट्ठसु पच्चयेसु यथायोगं योजेतब्बाति इदमेत्थ लक्खणं वेदितब्बं। एतेसु च अट्ठसु पच्चयेसु पुरिमपुरिमेहि असङ्गहिते

सङ्गहेत्वा पच्छिमपच्छिमा वुत्ताति आरम्मणतो अज्जेसं द्विन्नं वसेन उपनिस्सयो, वत्थुपुरेजातस्स वसेन पुरेजातं, सहजाततो उपनिस्सयतो च, अज्जिस्सा चेतनाय वसेन कम्मं, सहजाततो अज्जस्स कबळीकाराहारस्स वसेन आहारो, सहजाततो पुरेजाततो च अज्जस्स रूपजीवितिन्द्रियस्स वसेन इन्द्रियं वुत्तन्ति दट्ठब्बं। एवञ्च कत्वा “कुसलो धम्मो कुसलस्स धम्मस्स आरम्मणपच्चयेन पच्चयो, सहजातउपनिस्सयपच्चयेन पच्चयो”तिच्चेव (पट्ठा० १.१.४०४, ४१९, ४२३) वुत्तं, तदज्जाभावा न वुत्तं “कम्माहारिन्द्रियपच्चयेन पच्चयो”ति, तस्मा “आरम्मणाधिपति आरम्मणपच्चये सङ्गहं गच्छती”ति एवं वत्तब्बं। यं पन परित्तिके पज्हावारपच्चनीये “अप्पमाणो धम्मो अप्पमाणस्स धम्मस्स सहजातउपनिस्सयपच्चयेन पच्चयो”ति (पट्ठा० २.१२.६६, ७४) एत्थ आरम्मणस्स अवचनं, तं पुरिमेहि असङ्गहितवसेन वुत्तानं सङ्गहितविवज्जनाभावतो उपनिस्सयतो अज्जारम्मणाभावतो च, न पन आरम्मणूपनिस्सयस्स आरम्मणे असङ्गहितत्ता।

अत्थिअविगतपच्चया यदिपि सहजातपुरेजातपच्छाजाताहारिन्द्रियानं वसेन पच्चविधाव, सहजातपुरेजातानं पन पच्छाजाताहारानं पच्छाजातिन्द्रियानञ्च सहापि अत्थिअविगतपच्चयभावो होति, न तिण्णं विप्पयुत्तता विय विसुंयेवाति “अत्थिअविगतेसु च एकेकस्स वसेन छहि भेदेहि ठिता”ति अत्थिअविगतपच्चयलक्खणेसु एकेकं सङ्गहेत्वा वुत्तं।

“रूपिन्द्रियपच्चयो पन अज्जत्तबहिद्धाभेदतो दुविधो”ति वुत्तं, तं “अज्जत्तिकबाहिरभेदतो”ति एवं वत्तब्बं।

चतुवीसतियापीति न सोळसन्नंयेव, नापि अट्ठन्नंयेव, अथ खो चतुवीसतियापीति अत्थो। आरम्मणभूतानं अधिपतिउपनिस्सयपच्चयानं उपनिस्सये निस्सयपुरेजातविप्पयुत्तअत्थिअविगतानञ्च पुरेजाते सङ्गहो अत्थीति आरम्मणपच्चयं आरम्मणपच्चयभावेयेव ठपेत्वा तदेकदेसस्स तेसञ्च उपनिस्सयादीसु सङ्गहं वत्तुकामो “आरम्मणपच्चये आरम्मणपच्चयोव सङ्गहं गच्छति, न सेसा तेवीसती”ति आह। चतुत्थे पुरेजातपच्चयेति एत्थ यथा “उपनिस्सयपच्चये अधिपतिभूतो आरम्मणपच्चयो”ति वुत्तं, एवं “पुरेजातभूतो आरम्मणपच्चयो”तिपि वत्तब्बं, तं पन तत्थ वुत्तनयेन गहेतुं सक्काति कत्वा न वुत्तं सिया। अथ पन “आरम्मणतो अज्जं पुरेजातगहणेन गहित”न्ति न वुत्तं, एवं सति उपनिस्सयगहणेनपि आरम्मणतो अज्जस्स गहितताय भवितब्बन्ति “अधिपतिभूतो आरम्मणपच्चयो उपनिस्सये सङ्गहं गच्छती”ति न वत्तब्बं सियाति।

येसु पज्हेसु...पे०... एकोव पच्चयो आगतोति एत्थ आगतोवाति एवं एवसद्धो आनेत्वा योजेतब्बो। तेन द्वादसमचुद्धसमेसु पज्हेसु सहजातपुरेजातेसु एकेको पच्चयो न अनागतो होति, अथ खो आगतोवाति तेसु अज्जतरपटिक्खेपे तेपि पज्हा परिहायन्तीति दस्सितं होतीति। यस्मिं पन पज्हेति दुतियछट्ठपज्हेसु एकेकवसेन गहेत्वा एकवचनेन निद्विसीयति। एवन्ति आरम्मणउपनिस्सयवसेनाति अत्थो। तेन द्वादसमचुद्धसमे निवत्तेति। तेसुपि हि द्वे पच्चया आगता, न पन आरम्मणउपनिस्सयवसेनाति। अवसेसानं वसेनाति अवसेसानं लब्धमानानं वसेनाति दट्ठब्बं। न हि तेरसमपन्नरसमेसु पच्छाजातेपि पटिक्खित्ते आहारिन्द्रियानं वसेन ते पज्हा लब्धन्ति, अथ खो सहजातस्सेव वसेनाति। इदमेव चेत्थ लक्खणन्ति अट्ठन्नं पच्चयानं सब्बपच्चयसङ्गाहकत्तं, उक्कट्टवसेन पज्हापरिच्छेदो, ते ते पच्चये सङ्गहेत्वा दस्सितपच्चयपरिच्छेदो, तस्मिं तस्मिं पच्चये पटिक्खित्ते तस्स तस्स पज्हेस्स परिहानापरिहानीति एतं सब्बं सन्धाय वुत्तन्ति दट्ठब्बं। तेनेव “इमिना लक्खणेना”ति वुत्तं।

तत्राति पभेदपरिहानीसु। तीहि पच्चयेहि एकूनवीसति पच्चया दस्सिताति “नहेतुपच्चया”ति एत्थ लब्धमानपच्चये सन्धाय वुत्तं। अयं पन पच्चयुद्धारो सब्बपच्चनीयस्स साधारणलक्खणवसेन वुत्तो, न “नहेतुपच्चया”ति

एतथेव लब्धमानपच्चयदस्सनवसेन । एवञ्च कत्वा हेतुदुकपञ्हावारपच्चनीये “हेतुधम्मो हेतुस्स धम्मस्स आरम्मणपच्चयेन पच्चयो, सहजातपच्चयेन पच्चयो, उपनिस्सयपच्चयेन पच्चयो”ति (पट्ठा० ३.१.४३) वुत्तं, अञ्जथा “नहेतुपच्चया”ति एत्थ लब्धमानपच्चयदस्सने “सहजातपच्चयेन पच्चयो”ति न वत्तब्बं सिया, तस्मा इधापि सब्बलब्धमानपच्चयसङ्गहवसेन पच्चयुद्धारस्स वुत्तत्ता तीहि पच्चयेहि वीसति पच्चया दस्सिताति दट्ठब्बा । यं वुत्तं “तत्रायं वित्थारकथा”ति, तत्र पभेदे वित्थारकथं वत्वा परिहानीयं दस्सेन्तो “तस्मिं पन पच्चये...पे०... ते परतो वक्खामा”ति आह ।

५२८. तथा अकुसलादिकेसुपि चतूसु पञ्हेसु तेहि तेहि पच्चयेहि ते तेयेव पच्चया दस्सिताति कुसलादिकेसु दस्सितेहि अञ्जेसं अभावं सन्धाय वुत्तन्ति वेदितब्बं । न हि “अकुसलो धम्मो कुसलस्स धम्मस्सा”ति एत्थ द्वीहि पच्चयेहि तयो पच्चया दस्सिता, अथ खो द्वेयेव, अब्बाकतस्सपि अकुसलो आरम्मणाधिपतिपच्चयो न होतीति ।

५३०. सहजातपच्चया पन न होन्ति वत्थुमिस्सकत्ताति असहजातपच्चयेन वत्थुना सहजातपच्चयभावेन गहितत्ता तेन सद्धिं सहजातपच्चया न होन्तीति दस्सेति, न पन सुद्धानं सहजातपच्चयभावं निवारेति । वत्थुना पन सद्धिं येन निस्सयादिना पच्चया होन्ति, तमेव निस्सयादिं विसेसेतुं सहजातन्ति वुत्तन्ति दस्सेन्तो “तस्मा तेस”न्ति आदिमाह ।

इमस्मिं पन पच्चयुद्दारे आरम्मणउपनिस्सयकम्मअत्थिपच्चयेसु चतूसु सब्बपच्चये सङ्गण्हित्वा कस्मा तेसं वसेन पच्चयुद्धारो न कतोति? मिस्सकामिस्सकस्स अत्थिपच्चयविभागस्स दुविञ्जेय्यत्ता । न हि “अविभागेन अत्थिपच्चयेन पच्चयो”ति वुत्ते सक्का विज्जातुं “किं सुद्धेन सहजातअत्थिपच्चयेन पुरेजातपच्छाजाताहारिन्द्रियअत्थिपच्चयेन वा, अथ सहजातपुरेजातमिस्सकेन पच्छाजाताहारमिस्सकेन पच्छाजातिन्द्रियमिस्सकेन वा”ति । अत्थिपच्चयविसेसेसु पन सहजातादीसु सरूपतो वुच्चमानेसु यत्थ सुद्धानं सहजातादीनं पच्चयभावो, तत्थ “सहजातपच्चयेन पच्चयो”ति आदिना सुद्धानं, यत्थ च मिस्सकानं पच्चयभावो, तत्थ “सहजातं पुरेजात”न्ति आदिना मिस्सकानं गहणतो सुविञ्जेय्यता होति, तस्मा अत्थिपच्चयविसेसदस्सनत्थं सहजातादयो गहिता, तेन च सब्बपच्चयानं चतूसु पच्चयेसु सङ्गहो दस्सितो होति ।

कस्मा पन सहजातपुरेजाते अगगहेत्वा निस्सयो, पुरेजातपच्छाजाते अगगहेत्वा विप्पयुत्तो वा अत्थिपच्चयविसेसभावेन न वुत्तोति? अवत्तब्बत्ता, निस्सयो ताव न वत्तब्बो सहजातपुरेजातानं सुद्धानं मिस्सकानञ्च निस्सयपच्चयभावतो विभजितब्बताय अत्थिपच्चयेन अविसिद्धत्ता, विप्पयुत्तपच्चयो च सहजातपुरेजातपच्छाजातभावतो अत्थिपच्चयो विय विसेसितब्बोति सो विय न वत्तब्बो । सहजातपुरेजातानञ्च मिस्सकानं अत्थिपच्चयभावो होति, न विप्पयुत्तभावो । तथा सहजातपच्छाजातानञ्च मिस्सकानं अत्थिपच्चयभावो होति । वक्खति हि “अनुपादिन्नअनुपादानियो धम्मो उपादिन्नुपादानियस्स च अनुपादिन्नअनुपादानियस्स च धम्मस्स अत्थिपच्चयेन पच्चयो सहजातं पच्छाजात”न्ति (पट्ठा० १.४.८४), न पन विप्पयुत्तपच्चयभावो, तस्मा विप्पयुत्तगहणेन मिस्सकानं अत्थिपच्चयभावस्स अगगहणतो न सो अत्थिपच्चयविसेसो भवितुं युत्तोति भिय्योपि न वत्तब्बो ।

ननु च सहजातपच्चयो च हेतुआदीहि विसेसितब्बोति सोपि निस्सयविप्पयुत्ता विय अत्थिपच्चयविसेसभावेन न वत्तब्बोति? न, विरुद्धपच्चयेहि अविसिद्धत्ता । निस्सयविप्पयुत्ता हि अत्थिपच्चयो विय उप्पत्तिकालविरुद्धेहि पच्चयेहि विसेसितब्बा, न पन सहजातो । हेतुआदयो हि सहजाता एव, न उप्पत्तिकालविरुद्धाति ।

पच्चनीयुद्धारवण्णना निड्डिता ।

पच्चनीयगणनवण्णना

नहेतुमूलकवण्णना

५३२. सुद्धो आरम्मणपच्चयो परिहायतीति एत्थ सुद्धगहणेन न किञ्चि पयोजनं। आरम्मणे हि पच्चनीयतो ठिते अधिपतिपच्चयादिभूतो आरम्मणपच्चयो परिहायतियेवाति। सुद्धोति वा अट्टसु पच्चयेसु केवलं आरम्मणपच्चयो परिहायति, न सेसाति दस्सेति। एकादसन्नन्ति सहजाते सङ्गहं गच्छन्तेसु पन्नरससु अञ्जमञ्जविपाकसम्पयुत्तविष्पयुत्ते वज्जेत्वा एकादसन्नं वसेन। तेति ते सहजाते अन्तोगधायेव तस्मिं पटिक्खित्ते अञ्जेनाकारेन विस्सज्जनं न लभन्तीति दस्सेति, अनन्तोगधा पन आरम्मणाधिपतिपुरेजातनिस्सयादयो आरम्मणादिआकारेन लभन्तीति।

किञ्चापि सहजातपच्चयोयेव नत्थीति तस्मिं पटिक्खित्ते इमे वारा न लब्भेय्युं, अथ खो निस्सयअत्थिअविगतानं वसेन एते लभितब्बा सियुन्ति अधिप्पायो। यस्मा पनातिआदिना यदिपि सहजातपच्चयो नत्थि, यस्मा पन सहजातपच्चयधम्मे ठिता एते न निस्सयादयो न होन्ति, यस्मा च सहजाते पटिक्खित्ते ये पटिक्खित्ता होन्ति, ते इध सहजातपटिक्खेपेन पटिक्खित्ता, तस्मा तेपि वारा न लब्भन्तीति दस्सेति।

ठपेत्वा सहजातपच्चयन्ति एतेन निस्सयादिभूतञ्च सहजातपच्चयं ठपेत्वाति वुत्तन्ति दट्ठब्बं। कुसलतो पवत्तमानेसु कुसलाब्बाकतेसु कुसलस्स कुसलो अञ्जमञ्जपच्चयो होतीति इममत्थं सन्धायाह “अञ्जमञ्जपच्चयधम्मवसेन पवत्तिसब्भावतो”ति। ये धम्मा अञ्जमञ्जपच्चयसङ्गहं गताति तेसं तेसं पच्चयुप्पन्नानं पच्चयभावेन वुच्चमाना ये धम्मा अत्तनो पच्चयुप्पन्नभावेन वुच्चमानानं अञ्जमञ्जपच्चयोति सङ्गहं गताति अत्थो। कुसलो च कुसलस्स अञ्जमञ्जपच्चयोति कत्वा कुसलाब्बाकतानं अञ्जमञ्जपच्चयसङ्गहं गतेहेव धम्मेहि पच्चयो होति, समुदायभूतो एकदेसभूतेहीति अयमेत्थ अधिप्पायो। कुसलो पन कुसलस्स अञ्जमञ्जपच्चयभूतेहेव कुसलाब्बाकतानं सहजातादीहि, न अञ्जथाति अञ्जमञ्जे पटिक्खित्ते सो वारो परिहायतीति वत्तब्बं।

चतुन्नं खन्धानं एकदेसोवाति सहजाते सन्धाय वुत्तं। असहजाता हि आहारिन्द्रिया रूपक्खन्धेकदेसोव होन्ति। तेति ते विष्पयुत्तपच्चयधम्मा।

५३३. “दुमूलकादिवसेन पच्चयगणनं दस्सेतु”न्ति लिखितं, “पच्चनीयगणनं दस्सेतु”न्ति पन वत्तब्बं। पच्चनीयवारगणना हि दस्सिताति।

“विपाकं पनेत्थ नउपनिस्सयपच्चयेन सद्धिं घटितत्ता न लब्भती”ति वुत्तं, विपाकस्सपि पन कम्मं उपनिस्सयो अहुत्वापि कम्मपच्चयो होतीति विपाकत्तिके दस्सितमेतन्ति।

नहेतुमूलकवण्णना निट्ठिता।

५३४. सत्त पच्च तीणि द्वे एकन्ति परिच्छिन्नगणनानीति सत्तादिपरिच्छेदेहि परिच्छिन्नगणनानि विस्सज्जनानि हेतुमूलके दस्सितानीति आह।

५३८. ननिस्सयपच्चया नउपनिस्सयपच्चया नपच्छाजाते तीणीति मूलकं सद्धिपित्वा दसमूलके “नपच्छाजाते

तीणी'ति वुत्तं गणनं उद्धरति । “तेसु कटत्तारूपञ्च आहारसमुद्धानञ्च पच्चयुप्पन्न”न्ति वुत्तं, द्वीसु पन विपाको ततिये तेसमुद्धानिककायो च पच्चयुप्पन्नो होतियेव ।

५४५. अब्याकतो च सहजातअब्याकतस्साति “अरूपाब्याकतो अरूपाब्याकतस्स, रूपाब्याकतो च रूपाब्याकतस्सा”ति एतं द्वयं सन्धाय वुत्तं । रूपाब्याकतो पन अरूपाब्याकतस्स, अरूपाब्याकतो च रूपाब्याकतस्स सहजातपच्चयो होन्तो विप्पयुत्तपच्चयो होतियेव । “अब्याकतो सहजाताहारिन्द्रियवसेन अब्याकतस्साति एवं पञ्चा”ति पन वत्तब्बं ।

५४६. नोअत्थिपच्चया नहेतुया नवाति एत्थ “एकमूलकेकावसाना अनन्तरपकतूपनिस्सयवसेन लब्भन्ती”ति वुत्तं, अत्थिपच्चये पन पटिक्खित्ते अट्ठसु पच्चयेसु सहजातपुरेजातपच्छाजाताहारिन्द्रियानि पटिक्खित्तानि, आरम्मणउपनिस्सयकम्मानि ठितानीति तेसं तिण्णं ठितानं वसेन लब्भन्तीति वत्तब्बं । सब्बत्थ हि अट्ठसु पच्चयेसु ये ये पटिक्खित्ता, ते ते अपनेत्वा ये ये ठिता, तेसं वसेन ते ते वारा लब्भन्तीति इदमेत्थ लक्खणन्ति । याव निस्सयम्पीति न केवलं नारम्मणेयेव ठत्वा, अथ खो याव निस्सयं, ताव ठत्वापि नउपनिस्सये द्वे कातब्बाति अत्थो । नउपनिस्सयतो हि पुरिमेसु च नवपि लब्भन्ति, नउपनिस्सये पन पवत्ते अत्थिआरम्मणउपनिस्सयपटिक्खेपेन सत्त पच्चया पटिक्खित्ताति अवसिट्ठस्स कम्मस्स वसेन द्वेयेवाति ।

पच्चनीयगणनवण्णना निट्ठिता ।

अनुलोमपच्चनीयवण्णना

५५०. सदिसवाराति अनुरूपवाराति अत्थो । नअञ्जमञ्जे लद्धेसु हि एकादससु “कुसलो कुसलस्स अकुसलो अकुसलस्सा”ति इमे हेतुया लद्धेसु सत्तसु इमेहेव द्वीहि समाना होन्ति, अत्थाभावतो पन न अनुरूपाति । अथ वा वचनतो अत्थतो च उद्देसतो यथायोगं निद्देसतो चाति सब्बथा समानतं सन्धाय “सदिसवारा”ति आह ।

५५१. पटिसन्धिनामरूपं सन्धायाति पटिसन्धियं हेतुनामपच्चयं वत्थुरूपञ्च पच्चयुप्पन्नं सन्धाय । तीणि कुसलादीनि चित्तसमुद्धानरूपस्साति एत्थ “अब्याकतो कटत्तारूपस्स चा”ति इदम्पि वत्तब्बं ।

५५६. अधिपतिमूलके नहेतुया दसाति द्विन्नम्पि अधिपतीनं वसेन वुत्तं, नारम्मणे सत्ताति सहजाताधिपतिस्स, नसहजाते सत्ताति आरम्मणाधिपतिस्साति एवं सब्बत्थ तस्मिं तस्मिं पच्चये पटिक्खित्ते घटनेसु च तस्मिं तस्मिं पच्चये घटिते मूलभावेन ठिते पच्चये ये धम्मा परिहायन्ति, ये च तिट्ठन्ति, ते साधुकं सल्लक्खेत्वा ये धम्मा ठिता येसं पच्चया होन्ति, तेसं वसेन गणना उद्धरितब्बा । अनुलोमे वुत्तघटिते हि मूलभावेन ठपेत्वा घटितावसेसा पच्चया पच्चनीयतो योजिताति तत्थ लद्धायेव पच्चनीयतो ठितपच्चयानं वसेन समाना ऊना च सक्का विज्जातुन्ति ।

अनुलोमपच्चनीयवण्णना निट्ठिता ।

पच्चनीयानुलोमवण्णना

६३१. ऊनतरगणनेन सद्धिं अतिरेकगणनस्सपि गणनं परिहापेत्वाति एत्थ अनुलोमतो योजियमानेन पच्चयेन

संद्धि पचनीयतो ठितस्स अतिरेकगणनस्सपि गणनं परिहापेत्वाति अधिप्पायो। परिहापनगणनाय ऊनतरगणनेन संद्धि समानत्तञ्च न एकन्तिकं। नहेतुनारम्मणदुकस्स हि गणना अधिपतिपच्येन योजियमानेन ऊनतरगणनेन संद्धि परिहीनापि अधिपतिपच्ये लद्धगणनाय न समाना, अथ खो ततोपि ऊनतरा होतीति आह “न पनेतं सब्बसंसन्दनेसु गच्छती”ति।

निस्सये पचनीयतो ठिते सहजाते च अनुलोमतो अतिट्टमानानं हेतुआदीनं सहजातस्स च अट्टानं पाकटन्ति अपाकटमेव दस्सेन्तो “वत्थुपुरेजातो अनुलोमतो न तिट्ठती”ति आह। आहारे वातिआदिना इदं दस्सेति — सहजाते पचनीयतो ठिते अनुलोमतो अतिट्टमाना ज्ञानमग्गसम्पयुत्ता आहारे वा इन्द्रिये वा पचनीयतो ठिते तिट्ठन्तीति हेतुआदयोपि तिट्ठन्ति। सब्बज्ञानमग्गेहि पन चतुक्खन्धेकदेसभूतानं सम्पयुत्तेन च चतुक्खन्धभूतानं सब्बेसं तेसं अनुलोमतो ठानं दस्सेतीति दट्ठब्बं, इतरेसु वत्तब्बमेव नत्थि। अधिपतिउपनिस्सयाति आरम्मणमिस्सानम्पि अनुलोमतो ठानं दस्सेति।

“इन्द्रिये एकन्ति रूपजीवितिन्द्रियवसेना”ति वुत्तं, “चक्खुन्द्रियादीनं रूपजीवितिन्द्रियस्स च वसेना”ति पन वत्तब्बं। कमेन गन्त्वा विप्पयुत्ते तीणीति इदं पाकटभावत्थं “नवमूलकादीसु विप्पयुत्ते तीणी”ति एवं केसुचि पोत्थकेसु उद्धटं। इमानि च द्वे पच्छाजातिन्द्रियवसेनाति इदं “इमानि च द्वे पच्छाजाताहारिन्द्रियवसेना”ति च वत्तब्बं।

नहेतुमूलकवण्णना निट्ठिता।

६३६. नअज्जमज्जपच्यया हेतुया तीणीति कुसलादीनि चित्तसमुट्ठानानन्ति एत्थ “पटिसन्धियं कटत्तारूपानज्जा”तिपि वत्तब्बं। हेतुया वुत्तेहि तीहीति वारसामज्जमेव सन्धाय वदति, तथा कम्मे तीणीति हेतुया वुत्तानेवाति च। पच्येसु पन सब्बत्थ विसेसो सल्लक्खेतब्बो। अधिपतिया तीणीति नअज्जमज्जनहेतुनआरम्मणपच्यया अधिपतिया तीणीति एतानि हेट्ठा हेतुया वुत्तानेवाति।

६४४. यथा च हेट्ठाति यथा नहेतुमूलके याव नविपाका, ताव गन्त्वा नाहारिन्द्रियेसु एकेकमेव गहितं, तथा इथापि नारम्मणमूलकादीसु एकेकमेव गहितन्ति अधिप्पायो।

६४८. नानाक्खणिका कुसलाकुसलचेतना कम्मसमुट्ठानरूपस्साति एत्थ “विपाकान”न्तिपि वत्तब्बं। आहारिन्द्रियेसु तीणि सहजातसदिसानि रूपस्सपि पच्ययभावतो, ज्ञानमग्गादीसु तीणि हेतुसदिसानि अरूपानंयेव पच्ययभावतोति अधिप्पायो दट्ठब्बो। आदि-सद्देन च “नविप्पयुत्तनहेतुनारम्मणपच्यया अधिपतिया तीणी”तिआदीनि (पट्ठा० १.१.६४९) सङ्गणहाति।

६५०. यं पनाति यं पच्ययं सकट्टाने अनुलोमतो लभन्तम्पि अग्गहेत्वा ततो परेतारा पचनीयतो गहन्ति, सो पच्ययो पच्छा अनुलोमतोव योजनं लभतीति अत्थो। यथा पन नहेतुमूलकादीसु नाहारे घटिते इन्द्रियवसेन, निन्द्रिये च घटिते आहारवसेन पज्जलाभो होतीति तेसु अज्जतरं पचनीयतो अयोजेत्वा अनुलोमतो योजितं, एवं नोअत्थिनोअविगतमूलकेसु उपनिस्सये घटिते कम्मवसेन, कम्मे च घटिते उपनिस्सयवसेन पज्जलाभो होतीति तेसु अज्जतरं पचनीयतो अयोजेत्वा अनुलोमतो योजितन्ति वेदितब्बं। एवमेतस्मिं पचनीयानुलोमे सब्बानि मूलानि द्वेधा भिन्नानि नाहारिन्द्रियानि नउपनिस्सयनकम्मानि च पत्वाति।

पच्चनीयानुलोमवण्णना निट्ठिता ।

कुसलत्तिकवण्णना निट्ठिता ।

२. वेदनात्तिकवण्णना

१. वेदनारूपनिब्बानानि पन तिकमुत्तकानि पटिच्चादिनियमं पच्चयुप्पन्नवचनञ्च न लभन्ति । पटिच्चवारादीसु पन छसु यतो हेतुपच्चयादितो तिकधम्मनं उप्पत्ति वुत्ता, तत्थ यथानुरूपतो आरम्मणादिपच्चयभावेन लब्धन्तीति वेदितब्बानीति ।

१०. सब्बअरूपधम्मपरिग्गाहका पन सहजातादयो पच्चयाति इमिना कुसलत्तिकेपि परिहीनं सहजातं रूपारूपधम्मपरिग्गाहकत्ता आदिमिं ठपेत्वा आदिसद्देन सब्बारूपधम्मपरिग्गाहकवचनेन च पच्चयुप्पन्नवसेन सब्बअरूपधम्मपरिग्गाहकानं आरम्मणादीनं परिहानिं दस्सेतीति दट्ठब्बं । तेन कुसलत्तिकपरिहीनानं सब्बट्ठानिकानं चतुन्नं सब्बतिकादीसु परिहानि दस्सिता होति । पच्छाजातपच्चयञ्च विनाव उप्पत्तितोति एतेन पन पच्छाजातपच्चयस्स अनुलोमे परिहानिं, पच्चनीये च लाभं दस्सेति । सहजातादयोति वा सहजातमूलका सहजातनिबन्धना पटिच्चादिं फरन्तेहि सहजातधम्मेहि विना पच्चया अहोन्ताति वुत्तं होति । कस्मा पन सहजातनिबन्धना सब्बारूपधम्मपरिग्गाहका च ये, तेव परिहायन्ति, न पन यो सहजातनिबन्धनो सब्बारूपधम्मपरिग्गाहको च न होति, सो पच्छाजातोति तत्थ कारणं वदन्तो “सहजातादीहि विना अनुप्पत्तितो पच्छाजातपच्चयञ्च विनाव उप्पत्तितो”ति आह । तत्थ सहजातादीहि विनाति सहजातनिबन्धनेहि सब्बारूपधम्मपरिग्गाहकेहि च विनाति अत्थो । अथ वा सहजातनिबन्धनानमेव परिहानि, न पच्छाजातस्स सहजातनिबन्धनस्साति एत्थेव कारणं वदन्तो “सहजातादीहि विना अनुप्पत्तितो पच्छाजातपच्चयञ्च विनाव उप्पत्तितो”ति आह । सहजातनिबन्धनापि पन सब्बअरूपधम्मपरिग्गाहकायेव परिहायन्तीति दस्सितमेतन्ति ।

१७. नविपाकेपि एसेव नयोति नयदस्सनमेव करोति, न च पच्चयपच्चयुप्पन्नसामञ्जदस्सनं । सुखाय हि अदुक्खमसुखाय च वेदनाय सम्पयुत्ते धम्मे पटिच्च ताहि वेदनाहि सम्पयुत्ता अहेतुककिरियधम्मा विचिकिच्छुद्धचसहजातमोहो चाति अयज्हेत्थ नयोति । नविप्पयुत्ते एकन्ति आरुप्पे आवज्जनवसेन वुत्तन्ति इदं आवज्जनाहेतुकमोहानं वसेन वुत्तन्ति दट्ठब्बं ।

२५-३७. अनुलोमपच्चनीये यथा कुसलत्तिकं, एवं गणेतब्बन्ति हेतुमूलकादीनं नयानं एकमूलकद्विमूलकादिवसेन च योजेत्वा गहेतब्बतासामञ्जं सन्धाय वुत्तं, न गणनसामञ्जं । इतो परेसुपि एवरूपेसु एसेव नयो । अहेतुकस्स पन चित्तुप्पादस्सातिआदि नहेतुमूलकं सन्धाय वुत्तं, “अहेतुकस्स पन चित्तुप्पादस्स मोहस्स चा”ति पनेत्थ वत्तब्बं । मोहस्स चापि हि अहेतुकस्स अधिपतिअभावतो अधिपतिनो नहेतुमूलके अनुलोमतो अट्ठानन्ति । परिवत्तेत्वापीति नहेतुपच्चया नअधिपतिपच्चया आरम्मणे तीणीति एवं पुरतो ठितम्पि आरम्मणादिं पच्छतो योजेत्वाति अत्थो ।

३९. पज्झावारे दोमनस्सं उप्पज्जतीति एतेन तंसम्पयुत्ते दस्सेति । उपनिस्सयविभङ्गे “सद्भापञ्चकेसु मानं जप्पेति दिट्ठिं गणहातीति कत्तब्बं, अवसेसेसु न कत्तब्ब”न्ति इदं पाठगतदस्सनत्थं वुत्तं, न पन रागादीहि मानदिट्ठिनं अनुप्पत्तितो । कुसलत्तिकेपि हि रागादीसु “मानं जप्पेति दिट्ठिं गणहाती”ति पाळि न वुत्ता, “रागो दोसो मोहो मानो दिट्ठि पत्थना रागस्स दोसस्स मोहस्स मानस्स दिट्ठिया पत्थनाय उपनिस्सयपच्चयेन पच्चयो”ति (पट्ठा० १.२.५३) पन रागादीनं

मानदिद्विउपनिस्सयभावो वुत्तो । तथा इधापि दट्ठब्बन्ति । “सुखाय वेदनाय सम्पयुत्तेन पन चित्तेन गामघातं निगमघातं करोती”ति सोमनस्ससम्पयुत्तलोभसहगतचित्तेन गामनिगमविलुप्पनं सन्धाय वुत्तं ।

६२. सुद्धानन्ति पच्चयपच्चयुप्पन्नपदानं अनञ्जत्तं दस्सेति । पुरेजातपच्छाजाता पनेत्थ न विज्जन्ति । न हि पुरेजाता पच्छाजाता वा अरूपधम्मा अरूपधम्मानं पच्चया होन्तीति एत्थ पुरेजाताति इमस्मिं तिके वुच्चमाना अधिकारप्पत्ता सुखाय वेदनाय सम्पयुत्तादयोव अरूपधम्मानं पुरेजाता हुत्वा पच्चया न होन्ति पुरेजातत्ताभावतोति अधिप्पायो, तथा पच्छाजातत्ताभावतो पच्छाजाता वा हुत्वा न होन्तीति ।

६३-६४. साधिपतिअमोहवसेनाति अधिपतिभावसहितामोहवसेनाति अत्थो ।

८३-८७. नहेतुपच्चया...पे०... नउपनिस्सये अट्ठाति नहेतुपच्चया नारम्मणपच्चया नउपनिस्सये अट्ठाति एवं सङ्घिपित्वा उद्धरति । नानाक्खणिककम्मपच्चयवसेन वेदितब्बाति इदं “दुक्खाय वेदनाय सम्पयुत्तो सुखाय वेदनाय सम्पयुत्तस्सा”ति एतं वज्जेत्वा अवसेसेसु अट्ठसुपि नानाक्खणिककम्मपच्चयसम्भवं सन्धाय वुत्तं । न हि सहजातपच्चयो अट्ठसुपि लब्भति, अथ खो तीस्वेवाति ।

वेदनात्तिकवण्णना निट्ठिता ।

३. विपाकत्तिकवण्णना

१-२३. विपाकत्तिके विपाकधम्मं पटिच्चाति विपाकं धम्मं पटिच्च । समासेनपि हि सोयेवत्थो वुत्तोति पाळियं समासं कत्वा लिखितं ।

२४-५२. “नेवविपाकनविपाकधम्मधम्मं पटिच्च नेवविपाकनविपाकधम्मधम्मो उप्पज्जति नविपाकपच्चया”ति एतस्स विभङ्गे “महाभूते पटिच्च चित्तसमुद्धानं रूपं उपादारूपं”न्ति एतकमेव वुत्तं, न वुत्तं “कटत्तारूपं”न्ति । तं खन्धे पटिच्च उप्पज्जमानस्स महाभूते पटिच्च उप्पत्तिदस्सनत्थत्ता न वुत्तं । न हेत्थ कटत्तारूपस्स खन्धे पटिच्च उप्पत्ति अत्थि, यस्स महाभूते पटिच्च उप्पत्ति वत्तब्बा सिया । पवत्तियं पन कटत्तारूपं “असञ्जसत्तानं...पे०... महाभूते पटिच्च कटत्तारूपं उपादारूपं”न्ति एतेनेव दस्सितं होति । एवञ्च कत्वा असञ्जसत्तानं रूपसमानगतिकत्ता नाहारपच्चये च पवत्तियं कटत्तारूपं न उद्धटं । तम्पि हि उप्पादक्खणे आहारपच्चयेन विना उप्पज्जतीति उद्धरितब्बं सियाति ।

विपाकत्तिकवण्णना निट्ठिता ।

४. उपादिन्नत्तिकवण्णना

१५. उपादिन्नत्तिके अनुपादिन्नअनुपादानियं धम्मं पटिच्च अनुपादिन्नअनुपादानियो धम्मो उप्पज्जति नाधिपतिपच्चयाति एतेन सयं अधिपतिभूतत्ता अविरहितारम्मणाधिपतीसुपि अधिपति दुविधेनपि अधिपतिपच्चयेन उप्पज्जतीति न वत्तब्बो, अयमेतस्स सभावोति दस्सेति ।

७२. उपादिन्नुपादानियो कबळीकाराहारो उपादिन्नुपादानियस्स कायस्स आहारपच्चयेन पच्चयोति एत्थ कम्मजानं रूपानं अब्भन्तरगता ओजा तस्सेव कम्मजकायस्स रूपजीवितिन्द्रियं विय कटत्तारूपानं अनुपालनुपत्थम्भनवसेन पच्चयो, न जनकवसेनाति अयमत्थो अट्ठकथायं वुत्तो। एतस्मिं पन अत्थे सति **उपादिन्नुपादानियो च अनुपादिन्ननुपादानियो च धम्मा उपादिन्नुपादानियस्स धम्मस्स अत्थिपच्चयेन पच्चयो पच्छाजातिन्द्रियन्ति** एत्थ “आहार”न्तिपि वत्तब्बं, यदि च कम्मजा ओजा सकलापरूपानमेव आहारपच्चयो होति, एवं सति “उपादिन्नुपादानियो कबळीकाराहारो अनुपादिन्नुपादानियस्स कायस्स आहारपच्चयेन पच्चयो”ति न वत्तब्बं सिया, वुत्तज्जिदं, तम्पि अनज्झोहटाय ससन्तानगताय उपादिन्नोजाय अनुपादिन्नुपादानियस्स कायस्स आहारपच्चयं सन्धाय वुत्तं। एवञ्च सति “उपादिन्नुपादानियो च अनुपादिन्ननुपादानियो च धम्मा अनुपादिन्नुपादानियस्स धम्मस्स अत्थिपच्चयेन पच्चयो”ति (पट्ठा० १.४.८५) अयम्पि पज्जो पच्छाजाताहारवसेन उद्धरितब्बो सिया, तस्मा अज्झोहटस्स उपादिन्नाहारस्स लोकुत्तरक्खणे अभावतो दुमूलकेसु पठमपज्जे “आहार”न्ति न वुत्तं। दुतियपज्जे च न उद्धटो, न इतरस्स उपादिन्नाहारस्स कामभवे असम्भवाभावतोति अज्झोहटमेव मण्डूकादिसरीरगतं उपादिन्नाहारं सन्धाय “उपादिन्नुपादानियो कबळीकाराहारो उपादिन्नुपादानियस्स च अनुपादिन्नुपादानियस्स च कायस्स आहारपच्चयेन पच्चयो”ति (पट्ठा० १.४.७४) वदन्तानं वादो बलवतरो। न हि अज्झोहटमत्ताव मण्डूकादयो कुच्छिवित्थतं न करोन्ति, न च बलं न उपजायन्ति, न च रूपविसेसो न विज्जायतीति।

“अनुपादिन्ननुपादानियो धम्मो उपादिन्नुपादानियस्स च अनुपादिन्ननुपादानियस्स च धम्मस्स अत्थिपच्चयेन पच्चयो सहजातं पच्छाजातं”न्ति (पट्ठा० १.४.८३) एवमादीहि इध वुत्तेहि एकमूलकदुकतिकावसानपज्जविस्सज्जनेहि “कुसलो धम्मो कुसलस्स च अब्बाकतस्स च धम्मस्स अत्थिपच्चयेन पच्चयो सहजातं”न्ति आदिना इध दुतियदुकावसाने विय विस्सज्जनं लब्धतीति विज्जायति। सुखावबोधनत्थं पन तत्थ सहजातवसेनेव विस्सज्जनं कतं। पच्चनीये पन सहजातस्सेव अपटिक्खेपे लाभतो, पटिक्खेपे च अलाभतो सहजातपच्चयवसेनेव एकमूलकदुकावसाना तत्थ उद्धटा, इध पनेतेहि विस्सज्जनेहि एको धम्मो सहजातादीसु अत्थिपच्चयविसेसेसु अनेकेहिपि अनेकेसं धम्मानं एको अत्थिपच्चयो होतीति दस्सितं होति। एको हि धम्मो एकस्स धम्मस्स एकेनेव अत्थिपच्चयविसेसेन अत्थिपच्चयो होति, एको अनेकेसं एकेनपि अनेकेहिपि, तथा अनेको एकस्स, अनेको अनेकेसं समानत्ते पच्चयुप्पन्नधम्मानं, अत्थिपच्चयविसेसेसु पन पज्जसु सहजातं पुरेजातेनेव सह अत्थिपच्चयो होति, अनज्जधम्मत्ते पच्छाजातेन च, न नानाधम्मत्ते।

यदि सिया, “उपादिन्नुपादानियो च अनुपादिन्ननुपादानियो च धम्मा उपादिन्नुपादानियस्स धम्मस्स अत्थिपच्चयेन पच्चयो पच्छाजातं इन्द्रियं”न्ति एत्थ “सहजातं”न्तिपि वत्तब्बं सिया। कम्मजानज्झि भूतानं सहजातानं पच्छाजातानञ्च लोकुत्तरानं एकक्खणे लब्धमानानम्पि एको अत्थिपच्चयभावो नत्थि सहजातपच्छाजातानं नानाधम्मानं विरुद्धसभावत्ताति तं न वुत्तन्ति वेदितब्बं। एवञ्च कत्वा पच्चनीये च “नइन्द्रिये बावीसा”ति वुत्तं। अज्जथा हि इन्द्रियपटिक्खेपेपि सहजातपच्छाजातवसेन तस्स पज्जस्स लाभतो “तेवीसा”ति वत्तब्बं सियाति। पुरेजातं सहजातेनेव सह अत्थिपच्चयो होति, न इतरेहि, तम्पि वत्थु तंसहितपुरेजातमेव, न इतरं। कुसलत्तिके हि पज्जावारे “नविप्पयुत्तपच्चया अत्थिया पज्जा”ति (पट्ठा० १.१.६४९) वुत्तं, सनिदस्सन्तिके पन “विप्पयुत्ते बावीसा”ति। यं पन तत्थ अत्थिविभङ्गे पच्चयुद्धारे च तिमूलकेकावसानं उद्धटं, तं वत्थुसहितस्स आरम्भणपुरेजातस्स सहजातेन, सह पच्चयभावतोति पच्छाजातं आहारिन्द्रियेहेव, अनज्जधम्मत्ते च सहजातेन च, आहारो पच्छाजातिन्द्रियेहेव, इन्द्रियं पच्छाजाताहारेनाति एवमेतं अत्थिपच्चयविभागं सल्लक्खेत्वा अनुलोमे पच्चनीयादीसु च लब्धमाना पज्जा उद्धरितब्बा।

उपादिन्नत्तिकवण्णना निड्डिता ।

६. वितक्कत्तिकवण्णना

३२. वितक्कत्तिके पटिच्चवारानुलोमे अधिपतिया तेवीसाति सत्तसु मूलकेसु यथाक्कमं सत्त पञ्च तीणि एकं तीणि तीणि एकन्ति एवं तेवीस, अञ्जमञ्जे अट्ठवीस सत्त पञ्च पञ्च तीणि चत्तारि तीणि एकन्ति एवं, पुरेजाते एकादस तीणि चत्तारि द्वे दुतियततियदुमूलकेसु एकं एकन्ति एवं, तथा आसेवने । अञ्जानि गणनानि हेतुआरम्मणसदिसानि ।

३३. पच्चनीये नाधिपतिपच्चये पठमपञ्हे “अवितक्कविचारमत्ते खन्धे पटिच्च अवितक्कविचारमत्ता अधिपती”ति वत्त्वा पुन “विपाकं अवितक्कविचारमत्तं एकं खन्धं पटिच्चा”तिआदिना विस्सज्जनं कतं, न पन अविसेसेन । कस्मा? विपाकवज्जानं अवितक्कविचारमत्तखन्धानं एकन्तेन साधिपतिभावतो । विपाकानं पन लोकुत्तरानमेव साधिपतिभावो, न इतरेसन्ति ते विसुं निद्धारेत्वा वुत्ता । लोकुत्तरविपाकाधिपतिस्स चेत्य पुरिमकोट्टासेयेव सङ्गहो वेदितब्बो ।

३४. नासेवनमूलके अवितक्कविचारमत्तं विपाकेन सह गच्छन्तेनाति एतं मूलं अवितक्कविचारमत्तअवितक्कविचारपदेहि अवितक्केहि सह योजेन्तेन नपुरेजातसदिसं पाळिगमनं कातब्बन्ति वुत्तं होति । सदिसता चेत्य येभ्य्येन विसदिसता च दट्ठब्बा । तत्थ हि आरुप्पे अवितक्कविचारमत्तं इध विपाकं अवितक्कविचारमत्तन्तिआदि योजेतब्बन्ति अयमेत्थ विसेसो । इदञ्च नासेवनविभङ्गानन्तरं लिखितब्बं, न झानानन्तरं, केसुचि पोत्थकेसु लिखितं ।

पच्चयवारे पठमघटने पवत्तिपटिसन्धियोति दुमूलकेसु पठमे सत्तसुपि पञ्हेसु पवत्तिञ्च पटिसन्धिञ्च योजेत्वाति वुत्तं होति ।

४९. पच्चनीये सत्तसु ठानेसु सत्त मोहा उद्धरितब्बा मूलपदेसु एवाति सवितक्कसविचारादिपदेसु मूलपदमेव अवसानभावेन येसु पञ्हेसु योजितं, तेसु सत्तसु पञ्हेसु सत्त मोहा उद्धरितब्बाति अत्थो ।

पञ्हावारपच्चनीये “अवितक्कविचारमत्तो धम्मो अवितक्कविचारमत्तस्स धम्मस्स आरम्मणसहजातउपनिस्सयकम्मपच्चयेन पच्चयो”ति केसुचि पोत्थकेसु पाठो दिस्सति, उपनिस्सयेन पन सङ्गहितत्ता “कम्मपच्चयेन पच्चयो”ति न सक्का वत्तुं । उपादिन्नत्तिकपञ्हावारपच्चनीये हि “अनुपादिन्नअनुपादानियो धम्मो अनुपादिन्नअनुपादानियस्स धम्मस्स सहजातउपनिस्सयपच्चयेन पच्चयो”ति (पट्ठा० १.४.५८, ६२) एत्तकमेव वुत्तं । परित्तत्तिकपञ्हावारपच्चनीये च “महग्गतो धम्मो महग्गतस्स धम्मस्स आरम्मणसहजातउपनिस्सयपच्चयेन पच्चयो”ति (पट्ठा० २.१२.५७, ६५, ७३) एत्तकमेव वुत्तन्ति । एत्तकमेव च अवितक्कविचारमत्तं कम्मं अप्पमाणं महग्गतञ्च, तञ्च दुब्बलं न होतीति एतेहियेव वचनेहि विज्जायतीति ।

वितक्कत्तिकवण्णना निड्डिता ।

८. दस्सनेनपहातब्बत्तिकवण्णना

दस्सनेनपहातब्बत्तिके दस्सनेन पहातब्बो धम्मो भावनाय पहातब्बस्स धम्मस्स एकेनपि पच्चयेन पच्चयो न

होतीति इदं पटिच्चसमुप्पादविभङ्गे विचारितनयेन विचारेतब्बन्ति ।

दस्सनेनपहातब्बत्तिकवण्णना निड्ढिता ।

पुच्छागणनगाथायो

कुसलादि एककत्तय-मथादि अन्तेन मज्झिमन्तेन ।
आदि च मज्जेन दुका, तयो तिकेको च विज्जेय्यो ॥

तेस्वेकेकं मूलं कत्वा, तं सत्तसत्तका पुच्छा ।
एकेकपच्चये यथा, भवन्ति एकूनपज्जास ॥

छसत्ताधिकसत्तं, सहस्समेकञ्च सुद्धिके पुच्छा ।
एस च नयोनूलोमे, पच्चनीये चाति नाज्जत्थ ॥

रासिगुणितस्स रासिस्सड्ढं, सह रासिकस्स पिण्डो सो ।
रासिस्स वा सहेकस्सड्ढं, पुन रासिना गुणितं ॥

इति हेतुमूलकादुक-तिकादयो छच्च सत्ततिसता द्वे ।
चतुवीसतेत्थ पुच्छा, अड्ढुड्ढसहस्सनहुतञ्च ॥

तासं यस्मा सुद्धिक-नयो न पच्चेकपच्चये तस्मा ।
चतुवीसतिगुणितानं, ससुद्धिकानं अयं गणना ॥

लक्खत्तयं द्विनहुतं, पञ्च सहस्सानि सत्त च सतानि ।
द्वापज्जासा एता, अनुलोमे पिण्डिता पुच्छा ॥

अनुलोमसदिसगणना, भवन्ति पुच्छानये च पच्चनीये ।
हापेत्वा पन सेसे, नयद्वये सुद्धिके लद्धा ॥

छप्पज्जास भवन्ति पुच्छा, छसतसहितञ्च लक्खतेरसकं ।
पुच्छानयेसु गणिता, पटिच्चवारे चतूस्वपि ॥

सत्तहि गुणिता कुसलत्तिके द्वयं, नवुतिज्जेव पञ्चसता ।
चत्तारि सहस्सानि च, तथेकनवुते च लक्खका ॥

नाद्वावीसति गुणिता, तिकेसु सब्बेसु वीसति च कोटि ।
लक्खत्तयं सहस्सं, चतुवीसति चापि विज्जेय्या ॥

तिकपट्टानं ।

एककपच्चये पन, नव नव कत्वा ससोळसद्विसतं ।
हेतुदुकपठमवारे, पठमनये सुद्धिके पुच्छा ॥

हेतादिमूलकनये-स्वेकेकस्मिं दुकादिभेदयुते ।
चतुरासीतिचतुसत-सहितं सहस्सद्वयं पुच्छा ॥

ता चतुवीसतिगुणिता, ससुद्धिका एत्थ होन्ति अनुलोमे ।
द्वत्तिसद्वसताधिक-सहस्सनवकड्डलखका ॥

एवं पच्चनीये द्वे, सुद्धिकरहिता चतूस्वतो होन्ति ।
छन्नवुतद्वसतद्व-त्तिससहस्सद्विलखकानि ॥

ता पन सत्तगुणा द्वे, सत्ततिसतद्वयं सहस्सानि ।
द्वासत्तति होन्ति ततो, सोळस लखानि हेतुदुके ॥

ता सतगुणा दुकसते, सतद्वयं सत्तवीसति सहस्सा ।
द्वासत्ततिलखानि च, सोळसकोटि ततो पुच्छा ॥

दुकपट्टानं ।

दुकतिकपट्टाने तिक-पक्खेपो होति एकमेकदुके ।
तस्स छसद्विगुणेन ते, छसद्विसतं दुका होन्ति ॥

हेतुदुकलद्धपुच्छा, गुणिता तेहि च होन्ति तिकपदमेव ।
दुकपट्टाने पुच्छा, तासं गणना अयं जेय्या ॥

द्वापञ्चास सतानि च, नवेव नहुतानि नव च सद्विञ्च ।
लखानि तीहि सहितं, सतं सहस्सञ्च कोटिनं ॥

दुकतिकपट्टानं ।

तिकदुकपट्टाने तिक-मेकेकं द्विसतभेदनं कत्वा ।
द्वावीसद्विसतगुणा, जेय्या कुसलत्तिके लद्धा ॥

पुच्छा अद्वसताधिक-चतुसहस्सद्विलखयुत्तानं ।
कोटीनं छक्कमथो, कोटिसहस्सानि चत्तारि ॥

तिकदुकपट्टानं ।

तिकतिकपट्टाने, तेसट्टिविधेकेकभेदना तु तिका ।
तेहि च गुणिता कुसल-त्तिकपुच्छापि होन्ति पुच्छा ता ॥

द्वादस पञ्चसता चतु-सट्टिसहस्सानि नवुति चेकूना ।
लक्खानमेकसट्टि, द्वादससतकोटियो चेव ॥

तिकतिकपट्टानं ।

द्वयहीनद्वयसतगुणो, एकेको दुकदुके तेहि ।
हेतुदुके लद्धा सङ्ख्य-भेदेहि च वट्ठिता पुच्छा ॥

छसतयुतानि पञ्चा-सीतिसहस्सानि लक्खनवकञ्च ।
एकादसापि कोटि, पुन कोटिसतानि तेत्तिस ॥

दुकदुकपट्टानं ।

सम्पिण्डिता तु पुच्छा, अनुलोमे छब्बिधेपि पट्टाने ।
छत्तिसतिसतसहस्स-ट्ठकयुतसत्तनहुतानि ॥

लक्खानि छच्च चत्ता-लीसेव नवाथ कोटियो दस च ।
सत्तकोटिसतेहि च, कोटिसहस्सानि नव होन्ति ॥

ता चतुगुणिता पुच्छा, चतुप्पभेदे समन्तपट्टाने ।
चतुचत्तालीससतत्तयं, सहस्सानि तेरस च ॥

सत्तासीति च लक्खानं, कोटीनञ्च सत्तसत्तितियो ।
होन्तिट्ठसतानिट्ठ-त्तिससतसहस्सानि इति गणना ॥

पट्टानस्स पुच्छागणनगाथा ।

पट्टानपकरण-मूलटीका समत्ता ।

इति भदन्तआनन्दाचरियकेन कता लीनत्थपदवण्णना

अभिधम्मस्स मूलटीका समत्ता ।